

P. Petri Galtruchii
AURELIANENSIS
SOC. JESU
MATHEMATICÆ
T O T I U S,


Hoc est {
1 *Arithmetica,* } {
2 *Geometria,* } {
3 *Astronomia,* } {
4 *Chronologia,* } {
5 *Gnomonica,*
6 *Geographia,*
7 *Optica,*
8 *Musica,*

Clara, Brevis & accurata Institutio.

In gratiam studiosæ Juventutis adornata.

L O N D I N I,

Typis *M. Clarke,* Impensis *Richardi Green,*
Bibliopolæ *Cantabrigiensis.* 1683.



Edward : Story.

P. Petri Galtruchii
AURELIANENSIS
SOC. JESU
MATHEMATICÆ
T O T I U S,

Hoc est { 1 *Arithmetica,* } { 5 *Gnomonica,*
 { 2 *Geometria,* } { 6 *Geographia,*
 { 3 *Astronomia,* } { 7 *Optica,*
 { 4 *Chronologia,* } { 8 *Musica,*

Clara, Brevis & accurata Institutio.

In gratiam studiosæ Juventutis adornata.

L O N D I N I,

Typis *M. Clarke,* Impensis *Richardi Green,*
Bibliopolæ Cantabrigiæ. 1683.

P. Tert. Gallicus

ALFREDIANENSIS

SOC. JESU

MATHEMATICA

T O T I U S

1. Algebrae
2. Geometriae
3. Astronomiae
4. Cosmologiae
5. Meteorologiae
6. Zoologiae
7. Botanicae
8. Medicinae
9. Chirurgiae
10. Pharmaciae
11. Veterinariae
12. Foenicariae
13. Piscariae
14. Venatoriae
15. Agri culturae
16. Silviculturae
17. Minerae
18. Metallurgiae
19. Fabricae
20. Mechanicae
21. Architecturae
22. Navalis
23. Militariae
24. Politicae
25. Jurisprudentiae
26. Historiae
27. Geographiae
28. Chronologiae
29. Ethicae
30. Politicae
31. Jurisprudentiae
32. Historiae
33. Geographiae
34. Chronologiae
35. Ethicae

Cur. B. & de accurata Institutione

Institutione in se Institutione

L O N D O N

T. M. & C. de accurata Institutione
Epistolae

PRÆFATIO AD UNIVERSAM MATHEMATICAM.

Mathematica, seu Mathesis, græca vox est, quæ Disciplinam significat. Quod quidem nomen, etsi facultatibus aliis commune est, hæc tamen illud sibi veluti proprium vindicavit, ob specialem certitudinem ac evidentiam tum principiorum, tum conclusionum. Olim pueris, antequam ex Grammatica facerent gradum ad Philosophiam, solebat tradi; unde Scientia Puerorum ab Aristotele nuncupatur. Non enim habet solum in se amœnitatem ac delicias, sed præterea quoque ad Philosophiam percipiendam affert commoda quàm plurima; nec volebat Plato eam ob causam aditum sue Scholæ patere illi, qui Mathematicus non fuisset.

Dividitur vulgò quatuor in partes, quarum prima est Arithmetica, tum Geometria, ac deinde Musica, & Astronomia. Quanquam loco Astronomiæ alij commodius subjiciunt Cosmographiam, seu Sphæram Mundi, quæ complectitur tum ipsam Astronomiam, tum Chronologiam, seu Temporum solarium ac lunarium doctrinam; iisque affinem Gnomonicam; ac

denique Geographiam, seu Spharam terrestrem, ad-
iuncta Statica. Atque ita recte aiunt, Mathemati-
cas Disciplinas per se primo versari circa quantita-
tem, vel discretam vel continuam, sive permanentem,
qualis est quantitas corporum naturalium; prout est
mensurabilis, variasque habet cum alia proportio-
nes: sive successivam, qualis est motus cælestis. Quo
tamen loco advertendum est, quantitatem considerari
tantum secundum se, abstrahendo ab omni materia,
quamvis de facto & à parte rei non sit nisi conjuncta
materia. Eoque sensu jactatur illud paradoxum:
Quantitas Geometrica ubique est, & nullibi, quia
nullum est corpus nisi sub quantitate, sicque est quan-
titas ubique; cum tamen nullibi sit de facto, ea ra-
tione, sub qua consideratur à Geometria.

Tractationem hanc ordior ab Arithmetica, que
inter alias prima est ordine necessitatis, & ab iis præ-
supponitur: ut enim tam multa passim argumentis
Geometricis demonstrari solent, sic usui est Geometria
Arithmetica.

Notandum vero est Arithmetici & Geometriam
dici putas Mathematicas; alias autem esse mixtas
cum Physica. Item

Not. 2. Ab aliis postmodum authoribus inter
Mathematicas Disciplinas numerari Opticam de vâ-
riis generibus visionis ac radiorum visualium. Tum
his accedunt primo, Hydraulica, de iis quæ fiunt in
aqua; secundo Pneumatica, de iis quæ in aere. Sed
istarum omnium facultatum principia suis locis ex-
plicantur in Physica. Quæ autem attinent ad Ar-
chitecturam

ad-
ati-
ita-
em,
est
tio-
Quo
ari
ia,
cia
m:
ia
en-
a-
ue
e-
tis
ie

m
is
er
-
m
n
d
-
-
e

MI

chitecturam; sive communem de construendis edibus;
sive militarem de munitionibus: non sunt instituti
Philosophici, nec potiori jure ad Mathematicam re-
vocantur, quam alia opificiorum genera prope innu-
mera. Qui tamen de muniendis castris & urbibus
libelli tam sæpe jam editi sunt, illi absque ullo negotio
comprehendi poterunt ab eo, qui Arithmeticam &
primæ Geometriæ rudimenta calluerit: nec fortè
partem hanc omnino prætermittam, si Tabulam sup-
peditarit Sculptor.

[illegible]

6A

46

AD Tabulam primam Geometriz. Laterculo i
figura 13. Angulus $a d c$ supponi debet tan-
quam rectus, etsi videatur esse acutus. Ut enim esset
de facto rectus, linea $c d$ magis deberet accedere
versus a quo in casu non perciperetur angulus ille;
angulus.

Item, in Tabula VI. De Mundo ; Laterculo 3. er-
ror est in descriptione Horarum ad Æquinoctiale infe-
rius, ut suo loco monui.

[illegible]

INSTITUTIO MATHEMATICÆ.

ARITHMETICA.

PARS I.

DE NUMERIS INTEGRIS.

CAP. I.

Natura & partes hujus Facultatis.

Duplex est Arithmetica. Prima est Theoretica, seu Speculativa scientia, de natura & proprietatibus numerorum; Altera autem, quam modo prosequimur, est Practica, varias numerorum inter se committendorum rationes tradens; & vulgò dicitur, Ars numerandi.

Numerus est ordinata unitarum multitudo: unitas porro est, unde res quælibet dicitur una. Atistæ sunt decem figuræ, seu characteres, quibus describuntur numeri omnes.

1. 2. 3. 4. 5. 6. 7. 8. 9. 0.

Notandumque est 1. figuram ultimam, quæ cyphra, seu zero vocatur, nihil significare per se aut seorsim sumptam, sed tantum ubi ad aliquam ex aliis consequitur. Item,

Not. 2. hic maxime considerari ordinem, ut habeatur singularum valor. Incipit autem à dextra sinistram versus, more Hebræorum & Phœnicum, à quibus inventa

2 INSTIT. MATHEMAT.

venta est Arithmetica, quique hanc rationem in scribendo servant. Quæ igitur primo loco posita est figura; seipsam tantum repræsentat, est enim locus unitatum. At secundo loco sunt denarii, tertio centenarii, quarto millenarii numeri, & sic deinceps; ita ut quælibet sedes ab immediate consequenti superetur semper in decupla proportionem. Gallicè hoc pacto numeramus: *Nom-bre, dixaine, centaine, mille, dixaine de mille, centaine de mille, millions, dixaine de millions, centaine de millions, &c.*

Notabis ultimò, Additionem, Subtractionem, Multiplicationem, Divisionem, tum regulam proportionum, esse potissimas species Arithmeticarum operationum, quibus alia id genus problemata & quæstiones Geometricæ resolvuntur.

CAP. II.

De Additione.

Additio est duorum vel plurium numerorum in unam summam collectio. Hæc illius perficiendæ est methodus.

Primò quidem numeros simul addendos sic dispone, ut unus sub alio directè collocetur; nempe unitates sub unitatibus, denarii sub denariis, & sic de aliis. Atque ita si pari multitudine figurarum non constant, scribendæ sunt primæ sub primis; quamobrem vacuitas in sinistra solum parte reperietur.

2. Ducenda est linea, infra quam summa totalis describatur.

3. Omnes numeri ejusdem gradus, & sub eadem serie directi, figillatim sunt colligendi, & summa ex iis collecta subscribenda est; hac tamen lege, ut in singulis collectionibus unum tantum scribas, eumque extremum characterem; alium autem serves, illumque conjungas cum iis, qui postea etiam colligendi sunt, dum tandem

taudem omnia scribas, quando seriei ultimæ collectio fuerit perfecta. *Ex exemplum.* Sit summa totalis horum numerorum colligenda.

9	8	2	
8	0	3	
	6	1	
9	4	9	3
1	1	3	3

Summa totalis.

<i>Examen.</i>
8
8
8

Sic dico primò, 3 & 1 sunt 4. deinde 4 & 3 sunt 7. tum 7 & 2 sunt 9. subscribo igitur 9 directè sub collecta serie. Postea pergo ad aliam seriem, & dico: 9 & 6 sunt 15. deinde prætermisso illo zero, quod occurrit, dico, 15 & 8 sunt 23. subscribo igitur 3. & servo, vel, ut vulgò loquuntur, retineo alium characterem, nempe 2, quem jungo cum serie consequente, & dico, 2 & 4 efficiunt 6. deinde 6 & 8 sunt 14. tum denique 14 & 9 reddunt 23. scribo igitur 3. & servo 2. Ac tandem dico, 2 & 9 efficiunt 11. scribo igitur 1 directè sub 9. & appono 1. patèrque summa totalis.

Examen vulgò affertur istud, tutumque est, si nulla inducatur fallacia. Tolle ex numeris addendis 9. quoties fieri potest; tum residuum annota. Postea vero idem præsta in summa totali. Si residua illa consentiant, reprobè peracta est, ut patet in allato exemplo.

CAP. III.

De Subtractione.

Subtractio est subductio numeri unius ex alio; ut sciat, quid residuum fuerit. Hic autem agitur solum de minori subtrahendo ex majori. Rem hac arte conficies.

1. Numerus subtrahendus collocandus est sub majori, primis utriusque notis sibi directè respondentibus in eadem serie.

2. In-

4 INSTIT. MATHEMAT.

2. Infra ducenda est linea, cui subscribatur residuum.

3. Sigillatim números inferiores subtrahe à superioribus: residuum autem scribe eadem in serie infra lineam. Eni exemplum.

$$\begin{array}{r} 7 \ 9 \ 3 \ 9 \\ 4 \ 0 \ 3 \ 5 \end{array} \quad \begin{array}{l} \text{major numerus.} \\ \text{numerus subtrahendus.} \end{array}$$

$$\begin{array}{r} 3 \ 9 \ 0 \ 4 \end{array} \quad \text{residuum.}$$

Sic age. Quando ex 9 tolluntur 5, restant 4. scribo infra 4. tum pergo in hunc modum. Si quis ex 3 tollit 3, nihil restat, subscribo igitur zero; neque enim ullus ejusmodi locus debet relinqui vacuus.

Item si quis ex 9 tollat 0, id est nihil, remanent 9. scribo igitur 9.

Item si ex 7 tolluntur 4, restant 3. & scribo 3. tuncque est perfecta operatio, habeturque summa residua.

Notandum vero est 1. si nota inferior majoris fuerit valoris, unde ex superiori subtrahi nequeat, debetis mutuari unitatem ex proxime sequenti. Sed hic observanda sunt duo. Primum est, notam eam, ex qua desumpta est unitas, censi pollea debere minorem unitate. 2. Unitas illa desumpta sequenti adjungi debet instar numeri cujusdam denarii. Exemplum.

$$\begin{array}{r} 5 \ 4 \ 5 \ 7 \\ 5 \ 3 \ 9 \ 8 \end{array} \quad \text{numerus subtrahendus.}$$

$$0 \ 0 \ 5 \ 9 \quad \text{residuum.}$$

Si quis ex 7 vult tollere 8, non potest. Debet ergo mutuari unitatem à nota propinquiore, nempe à 5; quæ quidem unitas per mentem si lubet juncta cum 7, facit 17. à quo numero si subtrahis 8. restant 9. Deinde vero cum figura 5 supponatur unitate minor, sic dices; si quis vult tollere 9 ex 4, non potest. Ergo pariter mutuari debet unitatem ex nota propinquiore, nempe ex 4, nec consequenter erit valoris, nisi 3. Juncta autem illa unitate

unitate cum 4, fient 14. unde subtrahes 9. & restabunt 5. Ac tandem cum nihil restet, si subtraxeris 3 ex 3, tum 5 ex 5, summa hujus residui est tantum 59.

Notabis 120. Quod si proximè sequens nota fuerit zero, imo si plura etiam sequantur zero, debebis ad magis propinquam notam numeralem semper confugere, illique detrahère unitatem; tum valorem illius distribuere in omnia illa zera, quæ consequuntur; quod fiet si singulis ejusmodi zerotis intermediis per imaginationem saltem apposueris 9. ultimæ autem notæ, ex qua facienda est subtractio, apposueris unitatem, quæ illius valorem, ut jam monui, augebit 10 unitatibus. Rem considera in exemplo.

$$\begin{array}{r} 6 \ 0 \ 0 \ 0 \ 4 \ 0 \ 2 \\ 5 \ 7 \ 8 \ 9 \ 2 \ 4 \ 6 \end{array} \text{ subtrah.}$$

$$\hline 2 \ 1 \ 1 \ 1 \ 5 \ 6 \text{ resid.}$$

$$6 \ 0 \ 0 \ 0 \ 4 \ 0 \ 2 \text{ examen.}$$

Quia enim ex 4 oportet mutuari unitatem, cujus valor comparative ad 2 est 100, hunc valorem reddes, si supponas 9 loco illius zerotis, tum unitatem veluti præfigas ad 2. Quare consequenter sic dices; qui ex 12 tulerit 6, restant 6. deinde qui ex 9 tulerit 4, restant 5. si tuleris 2 ex 3. (nam illi 4 detracta est unitas) restat 1. Jam vero quia ex 0 non potes auferre 9, mutuaris unitatem ab illo 6, quæ adjecta ad illud 0 efficiat 10. suppositis 9, pro singulis aliis zerotis; unde sic ages; si tollas 9 ex 10, restat 1. si 8 ex 9, restat 1. si 7 ex 9, restant 2. Cum autem detracta fuerit unitas illi 6. si ex eo tollas æqualem numerum inferiorem, nihil restabit.

Examen hujus operationis fit per additionem residui cum numero subtrahendo, debetque summa producta esse æqualis cum numero superiori, ex quo facta est subtractio, ut patet in allato exemplo.

CAP. IV.

De Multiplicatione.

Multiplicatio, est ductus unius numeri in alium. Fit autem ille ductus, ubi toties augetur alter numerus, quoties in altero unitas continetur: Ut si quæfueris, quem numerum reddant septies decem. Hac methodo perficitur istiusmodi operatio.

Primo, describatur numerus multiplicandus. Secundo, illi sub extremis characteribus ad dextram subijciatur multiplicator. Tum tertio ducatur linea, infra quam scribatur productum. Hoc modo.

3 0 4 6 3 *numerus multiplicandus.*

2 0 4 *multiplicator.*

1 2 1 8 5 2 *productum ex ductu primi numeri.*

6 0 9 2 6 0 *productum ex ductu zeroe, tum postea
tertijs numeri.*

6 2 1 4 4 5 2 *summa totalis.*

Numeris ergo illis ritè sic dispositis, ducuntur singulæ notæ multiplicatoris in singulas multiplicandi. Hoc pacto, quater 3 sunt 12. scribo 2, & servo 1. deinde sic pergo; quater 6 sunt 24. quibus unitatem servatam addo, & fiunt 25, scribo igitur 5, & retineo 2: atque ita deinceps pergitur.

Notandum est 1. primam notam producti numeri debere semper disponi sub eâ, quæ ducitur in numerum multiplicandum. Sic in allato exemplo, 2 directè ponitur sub 4. tum zero sub zeroe multiplicatoris, ac denique 6 sub 2.

Notabis autem 2. in isto exemplo, pro secunda figura multiplicatoris non describi seriem particularem aliquam; cum enim multiplicator ille sit zero, sufficit, si subscribatur unicum zero. Deinde sequens nota multiplicatoris ducitur in multiplicandum, ut nova series producat.

Not. 3.

Not. 3. Quod perfecta multiplicatione, ubi sunt plures notæ in multiplicatore, & consequenter plures productæ series, illarum summa totalis colligenda est per additionem; ducta, ut fieri solet, linea.

Not. 4. Quemadmodum etiam hac arte colligitur, quot sint partes in aliquo toto, puta quot sinasles in 10000 francis, si francos istiusmodi multiplicaveris per 20. Item quot sunt v.g. horæ in anno dierum 365, qui singuli constant 24 horis. Nam si 365 multiplicaveris per 24, prodibit quæsitus numerus; & sic de aliis. Cum autem istiusmodi operatio non perficiatur nisi multiplicatione numerorum digitalium, eorum scilicet, qui numero digitorum respondent, & exprimuntur decem characteribus arithmetics sigillatim sumptis; huic negotio valde opportunus est usus tabulæ Pythagoricæ, quam tyroni subijcio.

1	2	3	4	5	6	7	8	9	10
2	4	6	8	10	12	14	16	18	20
3	6	9	12	15	18	21	24	27	30
4	8	12	16	20	24	28	32	36	40
5	10	15	20	25	30	35	40	45	50
6	12	18	24	30	36	42	48	54	60
7	14	21	28	35	42	49	56	63	70
8	16	24	32	40	48	56	64	72	80
9	18	27	36	45	54	63	72	81	90
10	20	30	40	50	60	70	80	90	100

8 INSTIT. MATHEMAT.

Quartis videlicet, exempli causa, quid faciunt septies 9. vide 7 in limbo laterali; tum in limbo superiori 9, & in duorum concursu habebis 63. atque ita de aliis.

Quod si in promptu non est hæc tabula, rem hac ratione conficies. Dispone illa duo in serie directa, nempe 9 supra 7. tum secundo utriusque distantiam usque ad decem è regione unius cuiusque adscribe, puta 1 è regione 9, & 3 è regione 7. Deinde tertio, quod facile est, ducatur una distantia in aliam, & productum subscribe, servando, si quid servandum est. Quarto una distantia tollatur ex numero in crucem appposito, ac residuus numerus scribatur infra, illi addendo, si quid prius servatum fuerit. Hinc resurget multiplicatio quæsitæ. Sic enim ter unum reddit 9 X 3. scribo ergo 3. tum detraho 1 ex 7; vel 7 3 ex 9, & restant 6 unde sequitur septies 6 esse 63.

C A P. V.

De Divisione.

Divisio est partitio, seu distributio dati numeri in partes ab altero dato numero determinatas. Ut si velis dividere 1272 nummos in 6 homines, queritur, quota pars unicuique competat; Idemque est ac invenire numerum, qui significet quoties unus contineatur in alio, unde & appellatur *Quotiens*. Quamobrem in divisione tres numeri considerandi sunt, certoque ordine disponendi, huncque esse maxime idoneum existimo. 1. Scribe numerum dividendum, qui semper esse major debet. 2. Interjectis duabus lineis parallelis dispone divisorem sub dividendo, ita ut si divisor plures habuerit notas, primam habeat directe positam sub prima dividendi, si tamen hæc major fuerit, aut saltem æqualis; alioqui constituenda foret tantum sub secunda nota 3. Quotientem appones inter lineas directe supra ultimam divisoris notam,

tam, si plures habuerit; unde & apparebit statim, quot futurae sint in eo quotiente figurae.

Atque his suppositis, quinque omnino sunt praestandae operationes ad singulas quotientis notas determinandas, comprehendunturque hoc versiculo.

Quere quotum; quo multiplices: dein subtrahere, dele: Denique promoveas.

Promoveas, inquam, ut simili modo novum quotientem investiges. Rem explico in exemplo jam citato.

$$\begin{array}{r}
 \text{X} \quad \text{numerus dividendus.} \\
 \cdot \text{X} \text{X} \text{7} \text{2} \\
 \hline
 \text{2} \text{1} \text{2} \quad \text{quotiens.} \\
 \hline
 \text{666} \quad \text{divisor.}
 \end{array}$$

Quia divisor 6 superat valorem primae notae numeri dividendi, constituitur sub secunda, ut quærat quoties 6 in 12. reperitur autem bis. Quare pono 2 pro quotiente. Deinde multiplico divisorem per illum quotientem, fiuntque 12. Atque hunc numerum subtraho ex superiori, nihilque restat. His itaque figuris deletis, quasi negotio in iis confecto; promoveo divisorem 6 ad notam proxime sequentem, ut iterum idem præstem, & quæram, quoties reperiat in 7. Quia igitur semel tantum reperitur, pono 1 pro quotiente. Deinde dico semel 6 est 6. tum hujus numeri facta subtractione ex 7 deletur, & unitas residua inscribitur. Ac postea promovetur iterum divisor, eademque semper fiunt operationes, quamdiu supersunt numeri, in quibus divisor reperiri potest. Alioquin si numeri supersunt, in quibus divisor reperiri non possit, illi lineola aliqua intercipiendi sunt, tanquam residui ex toto, & tanquam fractiones, seu minutiae. Vel si lubet, seorsim ponuntur, facta lineola, supra quam describatur ille numerus residuus, tanquam fractionis numerator; infra autem divisor tanquam denominator; quod sequenti parte explicamus. En exem-

IO INSTIT. MATHEMAT.

plum, in quo dividuntur 942 per 7, quotiens est numerus 134, restantque 4.

$$\begin{array}{r} 23(4 \\ 942 \\ \hline 134 \\ \hline 777 \end{array} \quad \begin{array}{r} 4 \\ \hline 7 \end{array}$$

Notandum vero est 1. quotientem non posse unquam sumi majorem, quam 9, quicquid contigerit.

Not. 2. si contingat divisorem, dum adhuc promoveri potest, non posse reperiri in partibus numeri dividendi sibi respondentibus, ponendum est zero pro quotiente, & promoveri ultra debet divisor. Item

Not. 3. cum plures sunt notæ in divisore, satis est si quærat de prima ipsius nota, quoties in partibus dividendi ipsi primæ notæ respondentibus reperiatur. Tum reperto quotiente, per illum totus divisor multiplicari debet, & productum ex numero dividendo subtrahi. At si contingat, partem illam numeri dividendi esse minorem, unde divisor multiplicatus subtrahi non possit, erit semper Quotiens minuendus unitate, dum facta ipsius multiplicatione, possit subtrahi ex numeri dividendi parte respondente. At

Notabis 4. Eos tantum characteres, qui sunt versus sinistram, & quibus directe respondet divisor, eos, inquam, tantum reputari positos supra divisorem. Hæc autem sic in exemplo explico.

$$\begin{array}{r} (1 \\ 25(7 \\ 962 \\ \hline 35 \\ \hline 277 \\ 2 \end{array}$$

Volo

Volo dividere 962 per 27, quæro in 9. quoties 2. Potest quidem reperiri quater: sed quia numerus productus ex ductu 4 in 27, major foret, quam ut posset subtrahi ex numero superiori 96; ideo quotiens ille minuendus est unitate; ponendusque est numerus 3. qui multiplicans 27, producit 81. huiusque subtractio ex 96. relinquit 15.

Tum postea divisor promovetur ad notam proximè sequentem; quo facto; quæro in 15. quoties 2. & quidem in eo reperiri potest septies: sed quia ex septies 27 infertur numerus major, quam ut subtrahi possit ex notis supra respondentibus, nempe ex 152: ideo quotiens ille minuendus est unitate; fitque 6. Verum quia etiam pari modo contingit numerum esse majorem; illi quoque detrahenda est unitas; videturque tandem convenire 5 pro quotiente, per quem multiplicatur divisor; numerusque inde productus, ubi ex superiori 151 subtrahitur, relinquit 17. sicque perfecta est divisio.

Not 5. Divisionem probari per multiplicationem. Si enim quotientem duxeris in divisorem, aut è contra; tum producto addideris residuum ex divisione, si quod fuit; summa totalis erit eadem cum diviso, si recte perfecta est divisio. Ita vicissim multiplicatio probatur per divisionem. Si enim divides productum ex multiplicatione per ipsius multiplicatorem, quotiens debet esse idem cum numero multiplicando.

Porro quamvis hæc quæcunque traduntur in Mathematica, videantur satis per se clara; moneo tamen, tyroni semper adhibendam esse periti alicujus Magistri operam, ut commodius instituantur praxes istiusmodi, comprehendanturque.

P A R S II.

D E N U M E R I S F R A C T I S.

C A P. I.

Eorum Natura & Diversitas.

Numerus fractus, seu fractio, vel minutia, ut alii vocant, est una pars, vel plures partes numeri alicujus integri in partes æquales divisi. Ita si nummum divides in quinque partes æquales, illæ dicentur quintæ partes. Aut si unam tantum sumpseris, illa dicetur una quinta, quomodo & ex illis possunt sumi vel duæ, vel tres, vel quatuor quintæ.

Notandumque est in fractione duos esse numeros interjecta lineola divisos, ut $\frac{2}{5}$ atque horum alter, qui infra est descriptus, vocatur denominator, qui scilicet indicat partes eas esse tales, puta vel quintas, vel tertias, vel quartas. Qui superior est, dicitur numerator, qui significat in illa fractione contineri tot partes. Puta in exemplo modo adscripto sunt duæ quintæ, sic $\frac{20}{14}$ dicuntur viginti decimæ quartæ. Sic diximus residuum in divisione fieri numeratorem, cujus denominator est divisor.

Notabis autem 2. fractionem æquivalere uni integro, si numerator & denominator sint æquales, ut in istis

exemplis $\frac{2}{2}$ $\frac{3}{3}$ $\frac{4}{4}$ $\frac{5}{5}$ $\frac{25}{25}$ &c.

Nam duæ mediæ, aut tres tertię sunt idem, ac totum ipsum integrum. Alioquin si numerator minor est denominatore,

minatore, tum fractio minor est, quam totum, ut $\frac{2}{3}$. Contra vero si numerator fuerit major, tunc fractio est major quam totum: puta $\frac{4}{3}$ nam tres quidem tertiae totum constituunt, quibus superadditur & quarta in isto exemplo.

Item fractiones illae sunt aequales, quarum numeratores eandem habent rationem ad suos denominatores. Ita medietati integri alicujus aequivalent $\frac{1}{2}$ $\frac{2}{4}$ $\frac{3}{6}$ &c.

CAP. II.

Reductiones Fractionum variis problematis exponuntur.

Probl. 1. *Reducere fractionem ad minores terminos.*
Divide tam numeratorem, quam denominatorem, per numerum aliquem eundem communem: sic dabitur fractio aequivalens sub minoribus terminis. At si numerus dividi in duas partes aequales nequit, dividendus est in 3. Ita enim $\frac{1}{5}$ aequivalet $\frac{3}{15}$

Probl. 2. Integros numeros reducere ad datam fractionem. Pura quinque integra in suas partes sextas. Multiplica denominatorem istiusmodi fractionis, puta 6. per integra illa 5, fient 30 pro numeratore, quibus interjecta linea subscribo 6. & habebis intentum.

Probl. 3. Reducere fractum numerum ad integros
Suppono fractionem continere saltem numerum aliquem integrum, & consequenter numerator debet esse major denominatore. Divide igitur numeratorem per denominatorem. Quotiens dabit numeros integros, si

B 4

plures

14 INSTIT. MATHEMAT.

plures sint, residuum autem denotabit fractiones superantes.

Probl.4. *Diversas Fractiones reducere ad eandem denominationem.* Puta $\frac{4}{5}$ A; tum B $\frac{6}{8}$ Multiplica denominatores inter se, prodibitque communis denominator. nempe 40. tum 2. ducas numeratorem fractionis A, nempe 4, in denominatorem Fractionis B, nempe in 8, fientque 32 pro numeratore Fractionis A. Quæ consequenter erit $\frac{32}{40}$ Ac deinde ducas pariter numeratorem B, id est 6, in denominatorem A, nempe 5, fient 30. eritque Fractio $\frac{30}{40}$ ejusdem denominationis cum altera.

Atque Ita Fractiones $\frac{32}{40}$ & $\frac{30}{40}$ eadem erunt cum $\frac{4}{5}$ & $\frac{6}{8}$

CAP. III.

Additio Fractionum.

Reductis Fractionibus ad eandem denominationem, adde omnes simul numeratores, eodem denominatore subscripto, & perfecta est operatio Ita; $\frac{4}{6}$ $\frac{3}{6}$ $\frac{2}{6}$ æquivalent $\frac{9}{6}$

CAP.

CAP. IV.

Subtractio Fractionum.

Minorem numeratorem subtrahe à majori, facta reductione ad eundem denominatorem. Et factum bene.

CAP. V.

Multiplicatio Fractionum.

1. **M**ultiplica numeratorem inter se, & productum erit numerator.
2. Similiter multiplica denominatorem inter se, & productum erit denominator.

CAP. VI.

Divisio Fractionum.

Esto v.g. dividenda fractio $\frac{2}{3}$ per $\frac{3}{4}$ quæ postrema fractio erit divisor. Primo duc denominatorem divisoris in numeratorem dividendi, puta 4 in 2. & habebis 8, pro numeratore quotientis quæsitum. Item duc numeratorem divisoris in denominatorem dividendi, & habebis 9 pro denominatore quotientis quæsitum. Quare $\frac{2}{3}$ divisæ per $\frac{3}{4}$ reddunt $\frac{8}{9}$.

PARS

P A R S III.

DE PROPRIETATIBUS
NUMERORUM.

CAP. I.

De Ratione, Proportione, & Progressione Numerorum.

Ratio & proportio tum in quantitate molis, seu in continuo, tum in numeris reperitur; nec raro confunduntur ratio & proportio. Nam in usu vulgari quæ est strictè ratio, dicitur & proportio. Ratio autem proprie est habitudo duarum inter se quantitarum generis ejusdem. Ita linea pedalis & bipedalis dicuntur inter se habere rationem duplam, quia 2 bis continentur in 4. At proprie proportio est similitudo rationum. Ut enim habitudo & comparatio duarum quantitarum inter se vocatur ratio; ita habitudo & comparatio illarum rationum est proprie proportio, proportionalitas, & analogia. Cujusmodi est inter 2 & 4. tum inter 4 & 8. ut enim se habet 2 ad 4, ita 4 ad 8.

Notandum vero est in quantitate & numeris genera rationum seu proportionum esse diversa. Primo enim alia dicitur rationalis, alia irrationalis. Rationalis est illa, quæ potest numeris exhiberi, qualis reperitur inter lineam 10 pedum, & lineam 20. Irrationalis contra, quæ non potest numeris exprimi, ut quæ reperitur inter quantitates incommensurabiles. Sed

Notabis 2. ea dici commensurabilia, quæ una & eadem mensura communi mensurari possunt. Ita lineæ 4 pedum & 6 pedum, sunt commensurabiles, quia per quantitatem pedalem aut bipedalem mensurari possunt.

Men-

Mensura enim quantitatis est aliqua ejus pars, quæ aliquoties repetita, suam totum metitur, ita ut neque illud excedat, neque ab eo deficiat; parsque ejusmodi proprie vocatur pars aliquora. Ita unitas quemlibet numerum metitur, binarius numerus metitur, 6, 8, & cæteros ejusmodi numeros pares. Alioquin si numerus multoties replicatus, totum ita non metiatur, ut vel excedat, vel deficiat, vocatur pars aliquanta. Ita se habet 4 respectu 9, & respectu 7. &c.

Jam vero ea dicuntur incommensurabilia, quæ non habent communem aliquam rationem, per quam commensurentur; ut se habet latus quadrati ad diagonalem, quod vulgo jactant Geometræ. Nec reperitur ejusmodi incommensurabilitas nisi in continuo, non autem in numeris, qui saltem possunt omnes per unitatem mensurari.

Not. 3. proportionem rationalem aliam esse æqualitatis, ut inter quantitates æquales; aliam autem esse inæqualitatis vel majoris; quando quantitas major comparatur cum minore, qualis est inter 4, & 2, vel minoris, cum è contra minor comparatur cum majori. Item proportio majoris inæqualitatis plures habet sub se species, qualis est primo proportio multiplex; quando scilicet major minorem quantitatem multoties continet; atque hæc proportio vel est dupla, quando bis continet, vel tripla, quando ter, & sic in infinitum.

2. Est proportio superparticularis, quando major quantitas minorem continet, & insuper ejus partem aliquotam, qualis est proportio 6 ad 4, nam numerus 6 continet 4, & insuper dimidiam ejus partem, quæ ideo vocatur proportio sesquialtera. Nam aliqui si contineret tantum insuper tertiam, quartam aut quintam ejus partem, diceretur proportio vel sesquitercia, vel sesquiquarta, & sic in infinitum; quæ sunt diversæ species proportionis superparticularis.

3. Est proportio superpartiens, quando major minorem continet, & insuper aliquot partes non efficientes aliquotam, qualis est proportio 8 ad 5. Nam ternarius excedens

excedens non est pars aliquota octonarii, quia per ternarium mensurari non potest.

Notab. 4. Alia esse proportionis genera. Primo enim est Arithmetica, quando plures numeri per eandem, sive æqualem differentiam progrediuntur; ut 1, 2, 3, 4, 5, &c. vel 2, 4, 6, 8, &c. diciturque etiam hæc progressio Arithmetica. Secundo, alia est Geometrica proportio & progressio, dum sic procedunt numeri, ut consequens habeat eandem proportionem ad proximè antecedentem, quam iste ad priorem. Ut 3, 6, 12, 24, 48. Item 3, 9, 27, 81, &c. De proportione harmonica alias erit suus dicendi locus. At

Notabis 5. Quando plures magnitudines continue proportionales fuerint, prima ad tertiam dicitur habere duplicatam rationem illius, quam habet ad secundam; ad quartam vero habet triplicatam, &c. Puta si supponas 2, 4, 8, 16, dicam 2 ad 8 habere duplicatam, hoc est, bis esse faciendam, ut ad 8 perveniatur, nempe cum sic als, ut se habet 2 ad 4, ita 4 ad 8. at numerus 16 habebit triplicatam, &c.

CAP. II.

*Aliæ proprietates numerorum, & Problemata
Arithmetica.*

Dico 1. Ex numeris aliqui dicuntur perfecti, qui scilicet sunt æquales partibus suis aliquotis. Ita 6 est numerus perfectus. Nam 1, 2, 3, simul junctæ faciunt 6. Ita 1. 2. 4. 7. 14. sunt partes aliquotæ numeri 28. quæ simul junctæ ipsum reddunt, reperiunturque tantum 7 numeri perfecti ab 1, usque ad 400000000.

Dico 2. 5 & 6 vocantur numeri circulares, quia vel per se, vel per numerum à se productum multiplicati, terminantur semper vel in 5, vel in 6.

Dico 3. Numerus 9 per quemcunque alium multiplicatus, seipsum exhibet semper. Si enim v. g. per 2 mul-

multiplicatur, prodeunt 18. at 8 & 1 simul addita, representatur 9. & sic de aliis.

Item per numerum 9 probatur bonitas additionis, ut supra ostendimus, quo etiam nonnulli utuntur in probandis aliis regulis.

Dico 4. Ex numeris alii sunt quadrati, alii autem cubici. Numerus quadratus est ille, qui producitur ex ductu numeri alicujus in seipsum. Atque in quadrare aliquem numerum, est, numerum illum multiplicare per seipsum. Quomodo ex 4 prodiret numerus 16, ipseque numerus 4 dicitur radix quadrata 16, numerus autem 16 vocatur quadratus, quia ejus unitates rite dispositæ figuram quadratam representant, ut videre est in isto schemate.

```

. . . .
. . . .
. . . .
. . . .

```

Hac porro tabella exhiberi solent numeri quadrati qui ex minoribus numeris prodeunt, ut sint in promptu, quoties illud postulat occasio.

Radices.

Numeri quadrati.

1
2
3
4
5
6
7
8
9

1
4
9
16
25
36
49
64
81

Cubum appellant eum numerum, qui producitur primo quidem ex ductu alicujus numeri in seipsum, ac præterea qui productus est, per illum eundem numerum multiplicatum. Quare cubice multiplicare, est datum numerum in seipsum, & rursus in productum ducere. Ut si dixerō: quater 4 efficiunt 16. tum quater 16 reddunt 64. qui est cubus numeri 4. numerus autem iste 4 dicitur

citur radix cubica, seu latus cubicum numeri 64. ideoque etiam tunc dicitur radix quadrata, aut cubica dati numeri investigari, ubi numerus ille inquiritur, qui rite multiplicatus, figuram huiusmodi procreet.

Atque illa quidem ut pluribus non prosequar; satis erit ad nostrum institutum, si modo adjiciam nonnulla problemata, huius loci propria, quæ cæteris utilitate præstant, & usum doctrinæ superioris non parum illustrant.

Quia vero jam sermo erat de numeris quadratis, artem extrahendi Radices quadratas, ex numero proposito primum exponam.

PROBLEMA I.

Dato numero, Radicem illius quadratam extrahere.

Extractio Radicis quadratæ est inventio numeri, qui in se multiplicatus, producat numerum propositum, si quadratus est; vel si non est quadratus, exhibeat maximum numerum quadratum, qui in eo continetur. Quo pacto Radix quadrata numeri 480 est 24.

Istius autem rei perficiendæ hæc est methodus aptissima.

1. Describe numerum, cujus radix quadrata investiganda est.
2. Illius numeri notas binas distingue lineola interposita, incipiendo à parte dextra: unde, si notarum numerus impar fuerit, unica tantum supersit ad sinistram in primo quasi laterculo.
3. Subjice duas parallelas, inter quas describatur radix quadranda, Quotientis cujusdam instar, uti quidem vides in apposito schemate.

$$\begin{array}{r|l|l}
 x & (17 & \\
 6 & 48 & 63) \\
 87 & 97 & 32 \\
 \hline
 9 & 3 & 7 \\
 x & 83 & 67 \\
 & x8 &
 \end{array}$$

Atque

Atque ista quidem facta delineatione, opus aggredere à parte dextra in hunc modum.

Quære radicem quadratam illius numeri, qui primo laterculo continetur; eamq; describas sub secunda illius nota, si plures habeat. Deinde per seipsam multiplicetur radix illa; tum numerus productus subtrahatur ex superiori, de more, adscribendo residuum, si quod fuerit. Ita in hoc exemplo Radix quadrata invenitur 9. qui numerus in se ductus, producit 81, tum facta subtractione ex 87, superest numerus 6.

Jam vero, ut pergatur, sciendum est, eadem fere methodo, ac in divisione, prastari debere omnia.

Sed primo, quærendus est *divisor*. Is autem prodibit tum ex duplicatione Radicis jam inventæ, tum ex additione illius notæ, quæ constituit Quotientem, ubi fuerit compertus. At divisor productus ex duplicatione Radicis inventæ rite est disponendus sub numero dividendo, juxta methodum jam traditam.

Quibus quidem ita perfectis, quæritur v.g. quoties 1. reperiri debet in 6, perinde ac in divisione. Rebus autem omnibus prudenter expensis, statuitur tandem, Quotientem non debere esse nisi 3. usq; describitur intra parallelas, sub ultima nota illius laterculi. Ac præterea, quod aiebam modo, diligenterque est observandum, ille idem *quotiens* adjici debet ad finem *divisoris* jam descripti, unde hic totus numerus per dictum Quotientem multiplicatus, subtrahatur ex numero superiori, delendo notas, quæ amplius futuræ non sunt utiles, tum inscribendo residuum, nempe 148.

Ac tandem, ut habeatur ratio sequentis laterculi, statuendus est novus divisor ex duplicatione totius radicis inventæ, nempe 186; cui etiam pari modo ac supra debet adjici postea inventus *Quotiens* 7. per quem multiplicetur divisor totus, unde & productus numerus de more subtrahatur ex superiori, adscripto residuo. Tunc porro censebitur perfecta hujusmodi operatio, quando singulis laterculis inscriptus fuerit proprius, *Quotiens*, seu *Radix*.

Exe.

22 INSTIT. MATHEMAT.

Examen Regulæ fit, quando numerus, ex quo educta est Radix quadrata, idem redit, facta multiplicatione inventæ illius radice per seipsam; tum numeris, qui superfuert, simul quodque adjunctis.

Problema II.

Datis tribus numeris, investigare quantum incognitum, qui habeat eam proportionem ad tertium, quam secundum habet ad primum. Puta si 4 nummis aureis emuntur libræ piperis 12, quot libras reddent 20? vel si lubet, si 15 dant 5, quot dabunt 6?

Præxis. Tres numeros datos dispone ordine in hunc modum.

Si 4 dant 12
nummi libras quot dabunt 20?
aurei piperis,

Si 15 dant 5, quot dabunt 6?

Arque his positis, multiplica tertium numerum per secundum, aut è contra. Ac deinde productum ex ista multiplicatione divide per numerum primum, tum quotiens erit quartus ille numerus proportionalis. Sic enim in primo exemplo numerus 60 se habet ad 20, ut 12 ad 4. perinde enim ter ipsum continet, & sic de aliis. Ac uno quidem isto versiculo, tota hæc methodus continetur.

Duc tertium in medium, & productum divide primo.

Notandumque est hanc regulam vocari auream, ob immensas, quas affert, utilitates. Item vocatur regula proportionis, seu proportionum; tum etiam regula trium, quia supponit tres numeros, ex quibus eliciatur quartus proportionalis incognitus.

Problema III.

Quando plures v. c. mercatores consortium inunt; ita ut singuli certam, eamque diversam pecunie summam conferant, assignare, quam partem singuli ex lucro totali debeant accipere.

En exemplum mercatorum quatuor, quorum primus impendit 60 aureos, secundus 100, tertius 120. & quartus

rus 200. fit autem lucrum commune 6000 aur. Hæc instituenda est praxis. Primo collige summam ex omnium pecuniis, quæ est 480 aur. Deinde in ista hypothefi quater perficienda est regula trium hoc pacto. Primo, si 480 aurei lucrati sunt 6000, quid lucrabuntur 600 in-
ventus quotiens designabit, quid primo mercatori de-
beat: & sic de aliis.

C A. P. III.

Alia Problemata.

Problema I. *Quot modis inter se complicari possint da-
ti numeri?*

Praxis. Primum quidem quod attinet binarium

1	1
2	2
3	6
4	24
5	120
6	720

numerus, certum est hunc combinari tan-
tum posse duobus modis, unde quæ unitas
rel primo loco posita est, postmodum ha-
beat sedem in altero; quia sedem in alte-
ro; quia semel bis, est tantum bis. At si
numerus proxime consequentem duxeris
in productum ex multiplicatione antece-
dentis, habebis intentum, ut videre est in
apposito schemate; si enim ducas 3 in 2,
fient 6. pro complicatione possibili trium

unitatum. Item si in productum huncce numerum
duxeris 4, colliges, quot modis 4 possint complicari.
Atque ita reperiens, quot modis toni, & consonantiæ
Musicæ: quot modis literæ alphabeticæ complicari pos-
sint; quot voces ex illis, quot soni, quot genera can-
tuum ex complicatione tonorum musicorum; quot
anagrammata ex dato nomine prodire possint.

Problema II.

*Numerum, quem alius cogitarit, seu animo designaverit
exponere.*

Praxis 1. Fac ut ille numerum animo designatum
triplicet, seu multiplicet per 3.

C

2. Nu-

2. Numerus ex illa multiplicatione prodiens, duas in partes æquales dividatur, si fieri potest: alioquin si fuerit numerus impar, qui sic dividi nequeat, sumenda erit medietas illius major, unitate excedens; tum hæc debet triplicari. Ac tandem quærendum erit, quoties productum ex postrema ista multiplicatione contineat 9. nam hic quotiens duplicatus, numerum ignorum denotabit. *Exemplum.* Cogitatur numerus 8. triplicatus reddit 24. hujus autem numeri media pars est 12. At ter 12. efficiunt 36. cum igitur, in hoc producto, facta divisione per 9, reperiamus pro quotiente 4, (quod est, ipsum 9. quater contineri in 36.) si dixeris bis, colliges numerum animo designatum esse 8.

Notabis vero, tunc isti numero addendam esse unitatem quando numerus initio multiplicatus, non potuit dividi in duas partes æquales unde consequenter medietas ipsius major sumpta fuerit. Item

Not. 2. Tunc animo designatam solum fuisse unitatem, quando postrema triplicatione facta, nequidem semel in ea continetur 9.

Mitto quæ per regulas progressionum vulgo resolvi solent. Puta, quemadmodum ex unico sinapis grano, cæterisque ex eo prodeuntibus, grana alia ne universus quidem Mundus caperet: qui enim inde oriretur numerus, cyphris tantum 61 posset exprimi; cum tamen Archimedes ostenderit Mundum universum arenularum numero, qui 49 cyphris describeretur implendum, ut dicam in Geometria.

Quo pacto etiam colligere est, quanta esset futura hominum multitudo intra certos annos. Et vero mirabile est illud, quod narratur in Sacris Literis de filiis Israel, qui cum in Ægyptum ad numerum tantum 70, olim venissent; exiire tamen post 215 annos ad sexies centena millia bellatorum hominum; quibus præterea foret addendus numerus mulierum, senum, ac puerorum. Ita Noëmus cum ex *Genesi cap. 9.* vixerit post Diluvium 350 annis, videt nepotes suos immenso numero auctos per

per Orbem dispergit; vidit invalescente Idololatria pene omnes à vero Dei cultu discedere; vidit denique initia Monarchiæ Assyriorum, tum bella horrida, subinde in aciem eductis à Nino equitum ducentis millibus ac pedicem decies septies centenis millibus adversus Zoroastrem Bactrianorum regem, qui multa etiam millia numerabat; cum tamen illa non esset nisi pars minima ejus multitudinis, quæ à tribus filiis Noë, per illud spatium temporis nasci potuerat. Unde manifestum est, quemadmodum ex providentia Numinis ea omnia, quæ per generationem naturalem oriuntur quotidie, subinde interire debeant, ne tandem vel ipso totius Mundi ambitu contineri non possent, fieretque rerum omnium perturbatio.

Notabis porro Arithmetica problemata universa posse ab eo explicari, qui certa Methodo utatur primis quatuor regulis communibus, quas prima parte tradidi. Quanquam

Notabis præterea huc accedere & aliam regulam, quam ab Inventore, Algebram nominant, quæ adhibito ratiocinio, numerum ignotum investigat, supposita aliqua radice, ut aiunt, cujus æquationem, seu æqualitatem cum alio numero invenire oporteat, ut quæstio tandem per divisionis methodum resolvatur. Atque ut istius rei leve aliquod specimen tibi præbeam, exemplum subjicio.

Quæratnr numerus, qui multiplicatus per 14, eandem reddat summam, quam si multiplicetur per 9, additis postea 90, ad ejus productum.

Sic agunt. Numerus ille incognitus est 1 R'. id est, supponitur esse una radix; quæ multiplicata per 9, ut postulat quæstio, reddit 9 R'. quibus si addideris 90, efficientur 9 R, cum 90 vel ut scribunt p 90. id est plus 90. Jam vero quia postulat etiam quæstio, ut idem numerus incognitus, pro quo supponitur 1 R', multiplicetur per 14; ideo pariter debet multiplicari 1 R'. per 14. quo pacto fiunt 14 R'. quæ consequenter habent æqualitatem cum 9 R'. p. 90. Quin etiam si ex utroque

illo numero abstuleris 9 R'. remanebit æquatio inter 5 R'. & 90. quia si æqualibus demas æqualia, reliqua manent æqualia. Quare ubi facta fuerit divisio 90 per 5, habebitur pro quotiente quæsitus numerus 18.

Resque hæc manifeste patet. Nam si multiplicaveris 18 per 9, fient 162. quibus si addas 90, prodibit numerus 252. At iste idem numerus produceretur pariter ex multiplicatione ipsius 18 per 14.

Atque ita solvitur quæstio de numero panum, qui rixam moverat inter parentem & puerulum. Quippe hic aiebat, secum agi durissime, quod pondus nimis grave imponeretur: sic enim contendebat adversus parentem puer: si vel unum panem ex tuo numero addideris, æquale tecum pondus sustinebo: quod iniquum est. Contra autem reponebat parens: immo, si vel unum ex tuis mecum sumptero, onus erit mihi duplo majus. Respondebitur vero una ex parte fuisse numerum 7. ex altera autem 5.

Nota rem eam, quæ pro ignoto numero supponitur, vulgo appellari *Radicem*, quod quidem Itali potius *Cosfam* dicunt; unde & isti vulgo nuncupantur numeri *Cosfici*, solentq; certis characteribus designari, pro diversis, quas habent, denominationibus. Ac numerorum hujusmodi Cosficorum progressionem ac denominationes, tum Logarithmum præmittant Arithmetici, antequam usum Algebrae exponant; nec in ea, magna saltem ex parte, comprehendenda, tantopere laborabit, qui Arithmetice communis peritus fuerit: quanquam aliis non videntur esse tanti momenti, quæ in ea solent explicari problemata.

C A P. IV.

De Logarithmis.

Lubet etiam hoc loco meminisse Arithmetice illius nuper inventæ, quam *Logarithmicam* appellant; tra-

traditque methodum perficiendæ Multiplicationis, Divisionis, & Regulæ trium; per solam additionem aut subtractionem: ne quid de aliis ejus utilitatibus dicam.

Supponunt autem tabulam, seu seriem numerorum in infinitum progredientium cum proportione Arithmetica, vel Geometrica, vocantque hujus seriei numeros aut *proportionales* aut *absolutos*.

Deinde vero, æquali in alia serie, singulis istis adjiciunt alios ad libitum numeros, eandem servantes inter se differentiam, quos appellant *Logarithmos*: ita ut quilibet numerus primæ seriei habeat respondentem, sibi proprium hujusmodi Logarithmum.

Suppositis igitur illis tabulis, aut Canone *Logarithmico*, sic varii generis praxes instituunt.

Ac primo quidem, si detur numerus per alium multiplicandus, utriusque Logarithmus simul per Additionem jungitur: tum summa illius Additionis erit Logarithmus quæsitæ numeri. Quare nihil superest, nisi ut quæratur in Tabulis ille Logarithmus, qui sibi adjunctum numerum quæsitum indicet in alia serie numerorum proportionalium, seu absolutorum.

Ita 2. Si detur numerus dividendus per alium: quæri debet utriusque Logarithmus; tum Logarithmus divisoris subtrahendus erit à numero dividendo; qui autem fiet numerus residuus, ille dicetur esse Logarithmus *Quotientis*.

3. Regulam trium ut perficias, addendus est Logarithmus secundi numeri, Logarithmo tertii. Deinde ex summa hujus additionis subtrahendus est Logarithmus primi numeri. Tum residuus numerus erit Logarithmus numeri quæsitæ.

Ita quidem asserunt Logarithmorum autores, & in pluribus exemplis rem demonstrent. Hos, si lubuerit, cum passim occurrant, consule; & experieris, quam in omnibus & constanter sit illud verum.

INSTITUTIO MATHEMATICÆ.

Elementale Geometriæ.

P R Æ F A T I O.

Geometria quidem Terræ mensurationem significat : sed tamen ex communi loquendi usu, est Scientia de magnitudinibus corporeis, abstrahendo ab earum subiecto. Alia autem est speculativa, alia practica. Speculativa est de natura & proprietatibus illarum magnitudinum; Practica, quæ & Ars Geometrica, & aliquando Geodesia dicitur, est de modo illas magnitudines mensurandi & describendi. Ut autem speculativa habet sua Theoremata; ita practica & sua Problemata. Nam Theorema propriè est propositio de subiecto aliquo proprietatem demonstrans. Problema autem apud Mathematicos, est propositio modum efficiendæ rei aperiens. Quinetiam ad demonstrationes theorematum & problematum explicandas, alia nonnunquam supponuntur prius demonstrata, quæ ab iis vocari solent Lemmata. Item perinde ac in aliis Scientiis,

hic sua sunt prima principia per se nota, ex quibus deducatur conclusio, seu cognitio scientifica; solentque appellari axiomata effata, & pronunciata; huc adde petitiones, postulat, &c.

Notandumque est, illa Theoremata & Problemata, quorum est in rebus Mathematicis usus frequentissimus; ideo vocari Elementa; ejusmodi appellantur Elementa Euclidis, quia sunt principia omnis cognitionis Geometricæ, nec sine illis opus ullum Mathematicum potest perfici, aut explicari. Atque in isto quidem negotio methodum hanc sequar, ut primo exponam definitiones ac divisiones circa lineas, angulos, & figuras; cum istud sit primum Geometriæ subiectum; deinde vero de illarum natura, proprietatibus, ac descriptione Tyronem edocebo.

Tabulas suis laterculis, ac figuris distinctas reperies ad finem Geometriæ Practicæ.

INSTI.

15
2-
2C


e

23

1




1541

I.^a TABVLA





II.^a TABVLA.

I





III






TABVLA III.






TABVLA IIIII




TABVLA VI







TABVLA VII.





TABVLA VIII





TABVLA IX.



TABVLA X.

Fig. 1







Fig 2









TABVLA XI

Horizontal.




PRO MVSICA


Superius.




Altus.




Tenor.




Bassus.




Superius.




Altus.




Tenor



Bassus.



Iesu Pastor bone Miserere nobis.



Mathemat.

12/14 089

INSTITUTIO MATHEMATICÆ.

Elementale Geometriæ.

C A P. I.

De Lineis & Angulis.

DIco primo, linea est extensio in longum sine latitudine & profunditate: unde secundum imaginationem Mathematicorum fingitur describi, quasi per fluxum puncti indivisibilis. At

Not. 1. Ex lineis aliam esse rectam; aliam autem curvam. Linea recta est, quæ ducta à puncto ad punctum, ex æquo interjacet; id est, nulla sui parte aut attollitur, aut deprimitur, *ut in tabula 1. laterculo 1. figura 1.* contra vero est linea curva.

Not. 2. Ex lineis curvis aliam esse circularem, *ut fig. 4;* aliam spiralem, *f. 6.* quam etiam nominant volutam, seu helicem. Item

Not. 3. Lineæ proprietates has esse præcipuas; primo parallelismum. Tum 2. perpendicularitatem: Quæ tamen non sunt proprietates 4. modo. Linea parallela est, quæ secundum omnes sui partes ab alia æquidistat; quamobrem etsi in infinitum producat, nunquam cum illa concurret. *ut in f. 2.* Linea perpendicularis est ea, quæ in lineam alteram cadit orthogonaliter, seu ad angulos rectos, *ut in f. 3. linea a b.*

Diço

Dico 2. Superficies est extensio in longum & latum, sine profunditate. Et hæc quidem superficies perinde per proportionem, ac linea, dividitur in rectam, seu planam; & in curvam. Atque hujus curvitaris pars superior vocatur convexa: inferior, seu interior est concava. Item

Not. Perinde ac lineam posse alteri esse tum parallelam, tum perpendicularem.

Dico 3. Ex linearum aut superficierum vario concursu, varia nascuntur genera angulorum; ex quibus ii dicuntur curvilinei, qui fiunt ex concursu linearum curvarum, ut in f. 7. alii dicuntur rectilinei, qui ex lineis rectis fiunt. ut fig. 3, 8, 9, & 10. Denique sunt alii mixti, qui fiunt partim ex recta & partim ex curva, ut in f. 1.

Dico autem 4. ex rectilineis, primo alius est rectus, qui fit, cum duæ lineæ cadunt perpendiculariter, ut in f. 3. & 8. secundo, alius est obtusus, qui recto est major, qualis in f. 9. est vel a vel b. tertio, alius est acutus, qui recto est minor; cum scilicet duæ rectæ ad invicem magis accedunt, qualis est vel c, vel d, in eadem fig.

Dico 5. ex angulis mixtis ille imprimis est celebris, quem vocant angulum contingentæ, efficiturque à linea recta, vel plana superficie tangente circulum, vel globum, ut in f. 11, 12.

C A P. II.

De figuris planis.

EX figuris aliæ sunt planæ, pura quando corpus consideratur tantum secundum superficiem; aliæ sunt solidæ, quando consideratur secundum omnem suam dimensionem. Item ex istis aliæ sunt rectilineæ, quæ rectis lineis describuntur; aliæ autem e contra curvilineæ. Item ex rectilineis aliæ sunt triangulares ex tribus angulis, & consequenter ex tribus lateribus constantes:

aliæ

aliæ sunt quadrangulæ, seu quadrangulares : aliæ plurium angulorum, quas vocant polygónas. De quibus singulis ut agam :

Dico 1. Ex triangulis alius est curvilineus, ex curvilineis constans, ut in secundo laterculo, fig. 1. Alius rectilineus, quales sunt reliqui omnes ibi descripti; mixtus alius, de quo agetur cap. 6. Rectilineus autem ratione angulorum dividitur tres varias in species. Primo enim est triangulus rectangulus, ut in 2. f. Sic dictus, quia habet unum angulum rectum, nimirum l ; observandumque est latus ac . obtensum recto angulo vulgo appellari hypotenusam. Secundo est triangulus oxygonius, qui habet tres angulos acutos, ut in f. 3. Tertio est amblygonius, qui habet unum angulum obtusum, ut in f. 4. At

Not. Triangulum ratione laterum dividi etiam in tres species. Primo enim est æquilaterus, ut in f. 3. qui habet latera omnia æqualia, & consequenter angulos omnes inter se æquales. Secundo est triangulus Ifosceles, ut in f. 5. qui habet æqualia latera supra eandem basim, quæ est bc . Observandumque est obiter, in istiusmodi triangulo, angulos ad basim esse æquales. Tercio denique est Scalenum, ut in f. 4. habens latera omnia inter se inæqualia.

Dico 2. Quadrangulorum duplex est genus. Primo enim alia sunt parallelogramma; alia sunt trapezia. Parallelogrammum est figura, cujus latera opposita sunt parallela. Ex iis porro parallelogrammis, duo sunt rectangula. Primum est quadratum, habens latera omnia inter se æqualia, ut in 1. f. tertii laterculi, secundum est, quod vulgo appellant Oblongum, quia laterum inæqualitatem habet sub rectis angulis, & duo ex illis lateribus longiora sunt, ut in 2. f.

Duo autem sunt obliquis angulis, quorum alterum est æquilaterum, & vocatur Rhombus: in 3. f. habetque affinitatem cum quadrato; alterum est inæquilaterum, & dicitur Rhomboides, in 4. f. habetque affinitatem cum Oblongo rectangulo.

Cætera

Cætera vero quadrilaterorum genera sunt irregularia, & appellantur trapezia, ut in f. 5. ejusdem laterculi 3.

Notabis tandem lineam ab angulo ad oppositum trahendam, qualis est $a b$, fig. 1. vocari diagonalem; latera autem dici & costas.

Dico 3. Polygonæ regulares sunt Pentagonum, ut f. 14. Hexagonum, ut f. 13. Octogonum, ut 12, &c. Istiusmodi enim dicuntur figuræ regulares, quæ habent æqualia latera, & consequenter æquales angulos. Quod etiam pariter statuendum est de corporibus regularibus, quorum species enumerabo capite sequenti.

Dico 4. Ex curvilineis alia est elliptica, seu ovalis, ut 5. primi laterculi. alia est hyperbolica, alia parabolica, quæ ex diversis conicis sectionibus exponuntur. Nam, vel secatur per axem, plano faciente Triangulum, cujus latus sit æquidistans lateri ipsius conicæ, & dicitur Parabola: vel ut aliunt, secatur plano faciente Triangulum parallelum axi conicæ; diciturque Hyperbola: vel totus secatur in transversum, redditurque Ellipsis. At

Dico 5. Omnium curvilinearum præstantissima est Circularis, ut postea declarabimus: ficque illam definiunt. Est figura sub una simplici linea comprehensa, quam circumferentiam nuncupant, cujus medium est punctum, à quo omnes circumferentiæ partes æqualiter distant. Præterea vero hæc in Circulo animadvertenda sunt. Primo, lineæ, quæ à centro perducuntur ad circumferentiam, vocantur radii, & semidiametri. Nam secundo, diameter est linea quævis ducta per centrum ab una parte circumferentiæ ad oppositam. Tertio, quæ linea ejusmodi producit extra circumferentiam, vocatur axis. Quarto, spatium intra circumferentiam contentum vocatur area, & capacitas circuli. Quinto, per unam diametrum in duos Semicirculos dividitur. Item sexto, secari potest minor circuli portio, quæ dicitur arcus circuli, & Segmentum: linea autem illi subrepta, nominatur Chorda. Septimo, Quadrans circuli, est quarta pars ipsius, quam & arcum 90 graduum vulgo appellant, cum totus circulus in 360 gradus, seu partes æquales

quales dividi soleat, *ut in f. 9. tertiæ laterc. tab. 1.* At præterea singuli gradus ejusmodi dividi solent in 60 minuta, quæ prima sunt. Nam singula ex istis minutis iterum dividuntur in alia 60, quæ vocantur secunda, notanturque appositis supra lineolis, & sic deinceps usque ad minutias decimas. Item, cum plures circuli aliis continentur, habentque commune centrum, dicuntur concentrici; alioquin si diversa centra habuerint, sunt excentrici, *ut in 12. primæ laterc.*

Notandum vero est perimetrum, seu ambitum figuræ, esse lineam, aut superficiem, qua terminatur concluditurque ejus capacitas; illæque vocantur figuræ isoperimetra, quæ ambitum æqualem habent, quamvis sint generis diversi.

CAP. III.

De figuris, seu corporibus solidis.

EX his aliud est corpus angulare sub faciebus planis, quod dicitur Polyedrum; quia in planis illis potest quasi sedere, aut quiescere: aliud est sine angulis & Sphæroides; aliud ex utroque mixtum.

Dico 1. Sphæroides multas habet species; aliud enim est Ellipticum, seu ovale; aliud perfecte Sphæricum, quod proprie nominatur Sphæra, *ut in tabula 2. laterc. 1. f. 1.* Atque in Sphæra quidem observare est centrum, deinde superficiem, quæ secundum omnes sui partes æqualiter à centro distet. Huc adde & axem, tum convexitatem, & concavitatem.

Dico 2. Ex Polyedris, quæ regularia sunt, vulgo numerantur 5. Primo enim est Tetraëdrum, sub 4 triangulis contentum; *ut in f. 3.* Secundo est Hexaëdrum, seu Cubus, sub 6 quadratis, *ut in f. 4.* Tertio est Octaëdrum sub 8 triangulis, *ut in f. 2.* Quarto est Dodecaëdrum sub 12 pentagonis, *ut in f. 5.* Quinto denique Icosa-

Icosædrum sub 20 triangulis *ut in f. 6.* Quæ quidem corpora habent omnia æqualia sive triângula, sive quadrata, sive pentagona; cum dicantur regularia, ut jam monui.

Notandumque est, Tetraëdrum idem esse, ac pyramidem regularem. Nam alia est pyramis irregularis, *ut in f. 7.* Soletque pyramis in hunc modum definiri: est figura solida, quæ sub aliquibus planis continetur, ab uno plano ad unum punctum seu apicem concurrentibus, ut patet in annotata, *f. 7.* planum autem illud, in quo residet pyramis, nominatur ejus basis; linea *a b* perpendiculariter ab apice in basim, vocatur proprie perpendicularis ipsius pyramidis.

Dico 3. Ex irregularibus ejusmodi corporibus, alia præterea sunt generis diversi, puta, oblonga solida, planis terminata, quales sunt trabes; dicunturque oblonga Parallelipeda, &c.

Dico 4. Ex corporibus mixtis, id est, partim angularibus, partim rotundis occurrunt Conus & Cylindrus.

Conus est figura solida, quæ à basi, id est à subjecta peripheria circulari, æqualiter fastigiatur ad verticem, instar pineæ nucis, *ut in f. 8.* fingiturque sic describi, quasi per conversionem triânguli, latere *a b* quod vocant axem Coni, manente immoto.

Cylindrus est figura solida, quæ à sua basi, id est à subjecta peripheria circulari, ad sublimem, æqualem, & æquidistantem peripheriam æqualiter erigitur, instar columnæ cujusdam teretis, *ut in f. 9.* sicque appellatur Cylindrus, à voce Græca, quæ significat volvere, quia volvi potest. Axis Cylindri, est linea, quæ medium ipsum penetrat, terminaturque perpendiculariter ad mediam basim utrinque oppositam, ut linea *a b*.

CAP. IV.

Proprietates Angulorum.

EX angulis præcipue hic est considerandus, tum rectilineus, tum angulus contingentiz. Suntque illi vel majores, vel minores, pro majori, vel minori divaricatione laterum, quibus constituuntur; vel potius pro majori, vel minori quantitate arcus angulo obtensi. Quare

Dico 1. Angulus rectus vocatur angulus 90 graduum. Supponimus enim ex communi Mathematicorum usu, totum circulum dividi in 360 gradus, seu partes æquales; tum per duas diametros ad centrum sese orthogonaliter secantes, quadrifariam dividi, ut in f. 9. *laterculi 3. primæ tab.* Atque inde fiunt 4 arcus singuli 90 graduum. Cum autem cuilibet istiusmodi arcui 90 graduum respondeat angulus rectus; ideo vulgo dicimus, angulum rectum esse graduum 90, seu habere gradus 90: plures habere obtusum; pauciores acutum. Ut ergo judices de quantitate dati anguli; describe in ipso arcum ex puncto concursus linearum, quibus constituitur. Tum habe in promptu vel semicirculum, vel quadrantem in suos gradus 90 rite divisum, ut in *tab. 4. f. 5.* Deinde in eo arcum illi, quem descripsisti, similem designa, sub eadem scilicet longitudine laterum, descriptum arcum constituentium; & habebis intentum, numerando gradus in tuo instrumento, seu quadrante astronomico, illi arcui respondentes.

Dico 2. Angulus contingentiz, de quo jam supra, est quidem certæ ac determinatæ quantitatis; sed nihilominus est divisibilis in infinitum, saltem per majores & majores circulos traductos per idem punctum contactus; ut videre est in f. 12. *primi laterculi tab. 1.* Quanquam

Dico 3. Talem esse naturam illius anguli, ut dividi per lineam rectam non possit; nec possit ad illum perducta linea recta, quæ circulum non secet; unde consequenter, quod admirationem movere solet, in illo angulo contingentiz non potest designari ullus angulus rectilineus, quan-

quantumvis acutus; & consequenter ille angulus contingentiae est quovis angulo rectilineo minor. Quod quidem ut probetur, adducta in medium figura 13 *primi lateris tabule 1.* Supponamus duci posse rectam huiusmodi *b. a.* quae angulum contingentiae dividat non secando circulum: tum à centro *c.* ducatur linea perpendicularis *c. a.* cadens in punctum contactus; deinde linea *c. d.* cadens etiam perpendiculariter in lineam *b. a.* his positis; si verum est lineam *b. a.* efficere angulum rectilineum minorem angulo contingentiae, ipsum dividendo; sequetur in triangulo *a. c. d.* latus majus obtensum esse minori angulo; & latus minus esse obtensum majori angulo. Atqui impossibile est illud consequens, ut postea dicam. Ergo & antecedens. Probatur major; quia ex hypothesi angulus *a.* ex linea *c. a.* & linea inclinata *a. b.* est acutus, cui obtenditur latus *c. d.* quod longius est in isto triangulo, nam tendit ultra circumferentiam ad lineam *a. b.* Item latus *c. a.* quod minus est, obtenditur angulo *d.* qui supponitur esse rectus ex linea *c. d.* perpendiculariter cadente in lineam *a. b.*

Obijcies. Angulus ille contingentiae, est certae ac determinatae quantitatis. Concedo. Ergo ad eam reduci potest aliquis rectilineus. Nego consequ. cum enim illae quantitates sint diversi ordinis, comparari inter se non possunt.

Dico 4. Anguli omnes recti, sunt inter se aequales. Ut per se patet. Item anguli ad verticem apppositi, sunt aequales, ut in *fig. 10. lateris 1.* Anguli *c.* & *d.*; aut anguli *a.* & *b.* sunt enim à lineis eodem modo se intersectantibus, ut per se patet. Item aequales illi sunt anguli alternatim positi, quos efficit linea recta cadens in duas parallelas, ut in *f. 9.* Anguli *c.* & *d.*; aut anguli *a.* & *b.* Nam ab iisdem & eodem modo positis lineis fiunt; ut per se manifestum est.

CAP. V.

Proprietates figuræ triangularis.

Dico 1. In omni triangulo rectilineo, tres anguli simul sumpti, sunt æquales duobus rectis. Probatur demonstrative ad sensum; posita *fig. 6. latere. 2. tabule 1.* Si enim ex tribus angulis ejusdem trianguli, tres arcus ab eadem circini extensione descriptos sumperis, & simul junxeris; illi reddent omnino perfectum semicirculum 180 graduum. Et vero si circulum eodem circini intervallo & extensione descriperis; tum per diametrum bifariam divisus fuerit, illius semicirculo applicati arcus ejusmodi, ipsum adæquabunt. Ergo illi tres arcus simul sumpti obtinentur duobus angulis rectis, qui in semicirculo bifariam in duos quadrantes 90 graduum diviso continentur: unde consequens est tres angulos illis arcibus oppositos æquivalere duobus rectis.

Atque hinc sequitur 1. in triangulo æquilatere, singulos angulos esse 60 graduum, cum sint inter se æquales.

Sequitur 2. Si in triangulo rectangulo cognoveris alterum ex acutis, tertium consequenter, qui est complementum 90 graduum, fore tibi notum. Nam aliunde habes angulum rectum 90 grad.

Sequitur 3. Si in Isoscele, unus ex tribus angulis tibi notus fuerit; constare & de aliis. Nam qui duo sunt ad basim, sunt æquales; ut jam monui, *capite 2.* Ergo uno ex illis cognito, alter cognoscitur, tum complementum usque ad 180 pertinebit ad reliquum. Vel si reliquus iste fuerit primo de se notus, complementum usque ad 180 pertinebit ad angulos basis, quorum unusquisque obtinebit medietatem illius complementi. Meminerisque ex angulis æqualibus ad unam basim, æqualia esse latera; ut eodem capite monui.

Notandumque est etiam, qua proportionem crescunt anguli alicujus trianguli, eadem & crescere latera ipsis angulis obversa; ut per se patet. Item e contra, crescit angulus alicujus trianguli, crescente latere ipsi opposito.

D

Nec

Nec tamen in isto laterum incremento servatur nisi proportio Geometrica. non autem Arithmetica, per quam unum uni, & duo duobus respondent; alioquin sequeretur, duo latera constituentia rectum angulum, esse æqualia hypotenuse, quod falsum est. Nam semper duo latera alicujus trianguli simul sumpta, majora sunt reliquo, ut per se patet consideranti. Item

Dico 2. Eam esse proportionem inter latera & capacitatem trianguli, ut ipsis cognitis de illa possis infallibiliter statuere, ut etiam de multilateris aliis tradam in Geometria practica. Item

Dico 3. Eam esse proportionem inter latera ejusdem trianguli, tum inter latera & ipsos angulos, ut si unum cognoveris latus & aliquos angulos, aliorum laterum magnitudinem facile deprehendas. Nihil est difficultatis in æquilatero; cum enim in eo sint omnia æqualia, si habeas unum ipsius latus esse leucarum 50, idem erit statuendum de aliis. At in aliis rem ita perficies. Exempli causa; sume triangulum in 2. f. *laterculi 2. tabula 1.* Suppono latus a obtensum angulo illi recto esse leucarum vel pedum, ut lubuerit 50, aut 1000. Item suppono angulum a tibi esse notum, puta graduum 30, & consequenter angulum c esse graduum 60. Qua facta suppositione, sic ages per regulam proportionum. Si angulus b graduum 90, dat 1000 pedes pro latere illi obtenso c , quot dabit angulus a 30. gr. pro latere illi obtenso b ? Aut angulus c 60. gr. pro latere illi obtenso a ?

Notandum vero est, eam præterea esse triangulorum proprietatem, ut in uno cognita angulorum aut laterum quantitas, similis alterius trianguli quantitatem ostendat. Sed

Not. 2. Similes dici triangulos, non propter eorum æqualitatem, sed ex eo tantum, quod habeant æquales angulos sub lateribus homologis. Illa autem dicuntur latera homologa quæ sunt ejusdem rationis, seu quæ sunt æqualibus angulis obtensa. Sic in f. 7. *laterculi 2* omnes illi trianguli, aut includentes, aut inclusi, dicuntur inter se similes. Sic trianguli 8 & 9, dicuntur similes, quia
angulos

ELEMENTALE GEOMET. 41

angulos omnes habent prorsus similes. Hæcque etiam in his latera sunt homologa; primo quæ obtunduntur rectis angulis, ut latus ac in 8, & latus ac in 9. item latus ab in 8, est homologum lateri ab in 9. ac denique latus ac in 8, est pariter homologum lateri ac in 9; quibus quidem positis,

Dico 4. Triangulorum ejusmodi similium, seu æqui-angulorum latera homologa sunt inter se proportionalia. Hoc est. Ut se habet ab , ad bc in 8, ita se habet ab ad bc in 9. Quamobrem est circino, vel aliqua mensura alia deprehenderis in minori triangulo latus ab , vel ter, vel quater contineri in bc ejusdem trianguli; ita perinde etiam deprehendes latus ab majoris trianguli similis, toties contineri in ejus latere bc . Illudque est principium, quo nititur tota linearum Geometria, seu Altimetria, de qua postea.

Dico 5. Hanc esse trianguli rectanguli insignem proprietatem, quod quadratum lateris maximi, seu hypotenuse, sit æquale quadratis simul sumptis reliquorum laterum ut in *tab. 2. laterc. 2. fig. 2.* Atque omissa Pythagoræ demonstratione apud Euclidem; illud satis patet, vel ex præceptis Geometriæ; quibus si singulorum quantitatem assecutus fueris, de veritate hujus rei constabit, subjiciturque oculis in assignato schemate.

CAP. VI.

Proprietates aliarum figurarum.

AD illas demonstrandas vulgo supponuntur hæc principia per se nota. 1. Totum est majus sua parte. 2. Quæ sunt eidem æqualia, sunt etiam æqualia inter se. 3. Si æqualia addantur æqualibus; vel si ab æqualibus detrahantur æqualia, restabunt semper æqualia. 4. Æquales sunt illi Circuli, quorum diametri sunt inter se æquales; & è contra, &c. Atque hujusmodi suppositis;

Dico 1. Parallelogramma per suam diagonalem duas in partes aequales dividuntur, ut in *tab. 1. latere. 3. f. 6.* Si enim sunt duo trianguli prorsus aequales. Nam aequales illi sunt trianguli, qui vel duo latera, & aequales angulos habuerint; inde enim necesse est, ut reliqua sint aequalia. Quamobrem etiam

Dico 2. Triangula inter duas parallelas, sub eadem aut simili basi, sunt inter se aequalia. Sic in *f. 7. ejusdem lateris.* Triangula $a c b$ & $e g f$ sunt aequalia, indeque praeterea est evidens, quod sint medietates aequalium parallelogrammorum.

Inde etiam fit, ut, triangulus $c d c$; in *8. f.* sit aequalis cum triangulo $a c d$. Item consequenter fit dimidium parallelogrammi $a c b d$. Item sic parallelogrammum debet esse duplum trianguli positi supra eandem basim inter duas parallelas. Item

Dico 3. Parallelogramma sub iisdem parallelis, & supra eadem basi constituta, sunt inter se aequalia; quamvis eorum alterum in infinitum protendatur. Ita in *2. tab. lateris. 2. f. 1.* ita, inquam, se habent paral. $a b c d$ & $c d e f$. Ut probetur, suppono triangulos $a c e$ & $b d f$ esse aequales, cum habeant aequalia latera & angulos. Nam latus $a c$ est aequale cum latere $b d$. Item ex hypothese latera $c e$ & $d f$ sunt aequalia, &c. Jam igitur sublato communi triangulo $b c e$, tum $c i d$ superest, ut duo trapezia $a b c i$, & $i d e f$ sint inter se aequalia, quia ubi ab aequalibus tolluntur aequalia, reliqua remanent aequalia.

Deinde vero, si duobus illis trapeziis aequalibus addideris communem triangulum $c i d$ inde fient aequalia duo illa parallelogramma $a b c d$, & $c d e f$. Atque ita

Sequitur 1. Nullum esse parallelogrammum adeo parvum, quod à terra in coelum protendi in infinitum non possit; absque eo tamen quod majus fiat, id est, majoris capacitaris.

Sequitur 2. Quod si Angelus haberet vim reducendi sese ad punctum, & consequenter etiam ad lineam (si-

quidem

ELEMENTALE GEOMET. 43

quidem non foret potior ratio unius, quam alterius) datam quamcunque longitudinem occupare posset; simulque adesse praesens tum caelo tum terris.

Sequitur 3. Duos agros, aut urbes aequalis inter se superficiei, sic posse fossis circumdari aequaliter latis, & profundis; ita tamen, ut fossae unius, plus millies & millies continerent aquae, quam fossae alterius.

Dico 4. Ex planis tres istae figurae, nempe triangulus, quadratum, & hexagonum, replent locum; hoc sensu, quod nihil spatii relinquunt circa angulos sese contingentes; ut patet in *c b* 2. lat. re. 2. fig. 6, 7, & 8. Quamobrem istae figurae pavimenti sunt idoneae.

CAP. VII.

Proprietates figurae Circularis, & Sphaericae.

Dico 1. Inter figuras omnes praestantissima est Circularis, & Sphaerica. Prob. Quia Circularis, & per proportionem Sphaerica, mirabiles prorsus habet proprietates. Primo enim Circularis, est omnium simplicissima; siquidem unica & simplici linea perficitur; cum tamen contineat potentia angulos in infinitum; tum omnis fere generis figuras, quae in ea describi possunt. 2. Est figura omnium pulcherrima; nam in ea apparet maxima partium omnium pulcherrima; nam in ea apparet maxima partium omnium conformitas, proportio, similitudo; & vero omnes uniformiter difformiter a centro recedunt, servata omnimoda proportionem. 3. Ut notavit Arist. Circulus habet multa simul contraria, ex quibus constat. Ita enim constat ex diametro & circumferentia mobili, simul ac centro immobili; constat ex convexo & concavo: simul habet motum celerem ac tardum; quia partes diametri ea proportionem celerius moventur, quo sunt remotiores a centro: Item simul habet motum deorsum, ac sursum; quia dum volvitur, una pars diametri deprimitur, ascendente altera: habet infinitas balances,

44 INSTIT. MATHEMAT.

Et ita loquar, perinde ac diametros: continet omnes
possibiles inclinationes secundum varias sui diametros:
in eo neque est principium, neque finis; potestque in
eo ubique esse principium, & finis; movetur circa cen-
trum, eundem semper locum retinendo: aptissima est
figura ad circumvolutiones, sicque rotarum beneficio
trahuntur currus, &c.

Dico 2. Isoperimetrarum figurarum capacissima est
circularis. Est enim circulus, quadratum, & oblon-
gum rectangulum, ut in *tab. laterc. 2. fig. 3, 4, & 5.*
etsi æqualem ambitum seu perimetrum habeant; ma-
ximam tamen omnium capacitatem habet Circu-
lus. Unde si corporis Sphærici, aut si pilei, v. c. par-
tes comprimam, varioque modo configures; quo ma-
gis recedet à Sphæricitate, minus habebit capacitatis.
Item eo capacior erit figura, quo magis ad circularem
accedet. Ita si compares illud quadratum, & oblon-
gum rectangulum ad invicem; etsi habeant parem
ambitum, ut vides; continentur tamen 25 parva qua-
drata in quadrato; cum oblongum non habeat nisi
21, ita pauciora haberet figura triangularis. Plura ha-
beret figura hexagona, quam quadrata, aut pentagona.
Unde & digna est prorsus admiratione Apum industria
in ædificandis cellulis, quod ex iis figuris, quæ locum
replent, hexagonam, tanquam omnium capacissimam,
elignant.

Dico 3. In Circulo ea est proportio diametri, & cir-
cumferentiæ; ut alterutra cognita, omnes illius dimen-
siones, tum & dimensiones Sphæræ assequaris; ut pate-
bit in sequenti Tractatu.

Notabis autem ex Archimede, rationem circumfe-
rentiæ; ad diametrum, non modum superare triplam;
eamque esse circiter ut 22 ad 7. Quare ut ostenditur in
tab. 4. fig. 4. si diametrum Circuli in 7 partes æquales
diviseris, tum illius circumferentiam in longum edu-
ctam, in similes partes partitus fueris; illud, quod do-
cet Archimedes, satis planum fiet. Item

Not. 2. Circulos esse in duplicata ratione suarum
diametro-

diametrorum; Sphæras autem esse in triplicata. Memineris vero ex Arithmetica, *tertia parte cap. 1.* sub finem quid sit duplicata, triplicata, aut quadruplicata proportio. Cum igitur sic aio, sensus est, Circulum aut Sphæram minorem, toties contineri in majori, quoties primus ex illis proportionalibus numeris continetur, vel in tertio, si agitur de Circulis; vel in quarto, si de Sphæris. Ita enim si dentur duæ Sphære, quarum altera sit diametri pedalis, altera bipedalis; bipedalis continebit octies pedalem. Item si sint ejusdem materiæ; & altera sit tantum unius libræ, altera erit 8 librarum; & sic de aliis.

C A P. VIII.

Descriptiones linearum.

Problema I. *Lineam in duas partes aequales dividere.*

Praxis. Esto *fig. 3. primi laterc. tab. 1.* Ex punctis extremis lineæ illius, aperto ad libitum circino, describe arcus sese intersecantes, tum supra lineam, tum infra; ac deinde per illorum arcuum sectiones, designa lineam; hæc datam secabit in medio. Pari methodo angulum aliquem in duas partes æqualiter divides; supposita *figura 13. tertii laterc. in tab. 2.* ex *a* quolibet circini intervallo, designa puncta *c* & *b*, ex iis punctis describe arcus *c* sese intersecantes; Ex ea sectione ducas lineam *e* *a* secabit medium angulum.

Ita necesse est ab æqualibus, & æquali aut simili modo se habentibus prodire similia. Sicque in hujusmodi Problematis res nota est per se, ut qui aliud genus demonstrationis adhibuerit, mentem in ambages & tenebras inducat potius, quam lucem afferat.

Probl. II.

Dato in linea puncto aliquo medio, ex eo perpendicularem excitare.

Praxis. Si Normam, seu Squadram in promptu

non habes; ex illo puncto, quolibet circini intervallo idoneo, designa hinc inde puncta in illa linea; tum ex illis punctis, quolibet etiam circini intervallo, describe arcus sese interfecantes: ex illorum sectione ducenda est linea ad datum punctum.

Probl. III.

In extrema aliqua linea excitare perpendicularem.

Praxis. Esto *fig. 12. tertii laterc. in 2 tab. ex a*, quod est extremum datum, describe arcum *e* quolibet circini intervallo: tum ex puncto *e* eodem circini intervallo, designa punctum in isto arcu: deinde ex illo puncto describe alium arcum *e d* ac denique supra istum arcum, ter replicato illo circini intervallo, tertium punctum designabis, ex quo fiet quæsitæ perpendicularis. Potestque etiam hac methodo examinare, num aliqua linea sit vere perpendicularis.

Probl. IV.

Ad datum punctum, seu datam distantiam describere parallelam.

Praxis. Esto *fig. 11. ejusdem laterculi*. Detur linea *a b*: tum assignetur distantia in puncto *a*, ex illo *c*, duco ad libitum rectam *c b*, deinde ex puncto *c*, describo arcum *b d* ad libitum: item similiter eodem circini intervallo, ex *b* describo arcum *c a*. Hujus magnitudinem assumo, illamque transfero ad arcum *b d*, & designat punctum *d* per quod ducatur linea parallela *c d*.

Probl. V.

Datam lineam in partes centesimas, millesimas, aliasque id genus dividere.

Praxis. Habes hujus divisionis typum in *fig. 1. tabula 4.* possetque ad libitum fieri divisio in partes minores, productis illis parallelis.

Probl. VI.

Datam lineam dividere in datas partes.

Praxis. Attendendum est ad *fig. 2. ejusdem tabula 4.* Sume ad libitum lineam *q. e.* quæ sit major, quam quæ data est. Istam, aperto ad libitum circino, divide in

in 5 partes æquales, si 5. postulantur. Tum ex utraque extremitate 5 partium, designa arcus se interfecantes in v ; unde fiat triangulus æquilaterus $vq e$, deinde ex puncto v duc lineas ad sectiones designatas in linea inferiori. Atque his positis; si linea $a o$ detur dividenda in quinque partes; illius longitudinem designa in utroq; latere hujus trianguli, figendo crus circini alterum in puncto v . tum istam lineam $a o$ dispones inter puncta hujusmodi annotata; fietque divisa secundum intentionem. Idem pari modo perficietur de quacunque alia linea sic dividenda.

Probl. VII.

Datis duabus lineis rectis mediam proportionalem invenire.

Praxis. Ut in 12. f. laterc. 2. tabulæ 1. Sint datæ duæ lineæ, quæ in directum collocentur; nempe $l v$. & $v r$, quæ unam quasi totalem constituent, ex cujus medio m fiat semicirculus $l t r$ tum erigatur perpendicularis, $v t$ in puncto conjunctionis lineæ $l v$ & $v r$, hæc ipsa perpendicularis attingens Circulum, dicitur esse media proportionalis quæsita. Ut enim se habet linea $l v$ ad $v t$, ita $v t$ ad $v r$ quemadmodum demonstratur apud Euclidem.

In numeris reperies medium, & tertium proportionalem; qui scilicet habeat proportionem ad secundum, quam iste ad primum: reperies, inquam, si secundum hunc multiplicaveris per seipsum; productum autem divides per primum; nam quotiens erit tertius proportionalis. Ita se habent 36 54 & 81, ut enim numerus 54 continet numerum 36, & insuper mediam ejus partem, ita numerus 54 continetur in 81. De quarto numero proportionali inveniendocommunis est regula aurea proportionis, seu Trium. Inventionem linearum proportionalium aliarum habes ex 6. Euclidis: illasque prætermitto, quia nobis usui non sunt futuræ.

Probl.

Probl. VIII.

Gradus Quadrantis Astronomici describere in recta linea.

Praxis. Primo, pone tibi ob oculos Quadrantem Astronomicum in parte inferiori tabulæ Quartæ descriptum. 2. Sic dispone lineam illam, seu Regulam supra Quadrantem, & perfecte sit parallela lateri inferiori, seu veluti basi ipsius Quadrantis. 3. Pars regulæ, in qua describi debet primus gradus, respondeat radiis primi gradus, qui exeunt ex centro ipsius Quadrantis, & filo producto ex centro illo per gradus descriptos in limbo ipsius Quadrantis, designabis eosdem gradus per lineolas aliquas transversas in eâ illa regula. Quales videre est in Norma, qua describuntur Horologia, in tabulis de Mundo tab. 3. ad partem ipsius infimam.

CAP. IX.

Aliæ praxes circa figuras.

Probl. I. *Datis tribus punctis, modo in directum non disponatur, per illa circulum describere.*

Praxis. Hoc facile intelliges etsi desideretur figura. Esto puncta *a b c*. Describe ad libitum, servato circini eodem intervallo, arcus, ex puncto *a* & ex puncto *b* se mutuo secantes duplici in parte opposita. Tum mutato ad libitum circini intervallo, prout opus erit, describe pariter sese duplici in parte opposita intersecantes arcus ex puncto *b*, & ex puncto *c*. Deinde per illorum arcuum sectiones duc lineas rectas; punctum concursus erit centrum quaesiti circuli.

Probl. II.

Dato circulo, invenire centrum illius.

Praxis. Ut in tab. 2. laterc. 3. fig. 5. Duc ex una parte circuli ad oppositam pro libito lineam *a b*, hanc divide in duas partes æquales juxta primam propos. superioris capituli, linea hæc dividens transit per centrum circuli,

ELEMENTALE GEOMET. 49

culi. At si media ista bifariam quoq; dividitur per lineam $c d$ sese interfecabunt in centro. Tum etiam hoc posito Circulus quatuor in partes æquales dividitur, si ducta per centrum linea, hanc per medium divides: poteritque hac ratione quadratum inscribi in Circulo, si per illarum linearum extremitates lineas duxeris; ut in fig. 11. laterc. 3. tab. 1. Item Circulum divides in 6 partes æquales & in eo describes hexagonum, sexies replicando intervallum circini, quo Circulus ipse describitur. Item, bis tantum replicando, habebis latus trianguli æquilateri. Item, Circulo quatuor in quadrantes diviso, iterum dividi potest 8 alias in partes, quæ adjunctis istis 4, efficiant latera omnia dodecagoni; si nempe intervallum circini, quo describitur Circulus, posito crure altero ad singula quadrantium puncta, hinc inde ad circumferentiam converteris.

Probl. III.

Ellipsem, seu figuram ovatam describere.

Praxis. Ut in tab. 1. laterc. 1. f. 5. describe duos Circulos occultos eodem circini intervallo; alterum quidem per centrum alterius, figendo crus circini immotum in illius circumferentia. Deinde ex a communi sectione, duc lineam per centrum circuli usque ad circumferentiam in b , hæc linea est extensio circini, qua perficitur Ellipsis, posito hinc inde crure immoto circini in illorum Circulorum sectionibus.

Probl. IV.

Data linea recta, in ea describere triangulum æquilaterum.

Praxis. Ut in tab. 2. laterc. 5. fig. 7. facto circini intervallo ad longitudinem datæ lineæ $a b$, ex punctis illius extremis a & b describe arcus sese interfecantes in c . deinde ex puncto sectionis illius duc latera $c a$ & $c b$, tuncque habebis intentum.

Probl. V.

Quadratum describere in data linea.

Praxis. Ut in tab. 2. laterc. 3. f. 8. Esto igitur linea data

data $a b$. In illius extremitate a beneficio Normæ, vel alia methodo jam tradita, excita perpendicularem $a c$ ad longitudinem lineæ $a b$. Tum ex punctis b & c describe arcus se interfecantes in d : si duas alias rectas duxeris ad punctum illius sectionis, erit perfectum opus. Duplicare autem poteris quadratum, si in illius diagonali quadratum aliud excitaris. Nam juxta assertionem 5. capitis 5. quadratum lateris hujusmodi, æquale est simul sumptis duobus quadratis laterum constituentium angulum, cui latus istud opponitur.

Probl. VI.

Pentagonum describere, seu latus ipsius reperire in dato Circulo.

Praxis. Juxta *fig. 1. tertii laterc. tab. 2.* Posito Circulo, & quatuor æquales in partes diviso; semidiametrum $a b$ divide bisariam in f , tum ex puncto f , extende circinum in punctum c , & in illa extensione $f c$ describe arcum $c b$, deinde iterum extende circinum ex c ad punctum b , tunc illa postrema extensio dabit latus pentagoni $c g$.

Probl. VII.

Dato Circulo, heptagoni latus reperire.

Praxis. Ut in 2. f. ejusdem laterc. Esto circulus quadrifariam divisus per duas diametros orthogonaliter sese ad centrum interfecantes. Tum ex puncto c ad intervallum semidiametri designentur hinc, atque inde in circumferentia puncta e & f , ex quibus ducatur recta $e f$ secans lineam $c d$ in puncto g , media hujus pars nempe $e g$, est latus heptagoni; cujusmodi vulgo ad sensum saltem assumi solet.

Probl. VIII.

Transformare figuram in alia speciei diversæ.

Praxis. Quia ex doctrina superiori capitis 6. Triangula omnia inter easdem parallelas, & sub iisdem basibus, sunt æqualia; possunt hoc pacto effici triangula diversæ speciei. nempe tum rectangula, tum alia, quæ tamen eandem capacitatem servant. Item etiam ex dictis, ubi parallelogramma, & triangula, sub eadem basi,

&

& sub iisdem parallelis sunt constituta; tunc parallelogramma sunt dupla illorum triangulorum; consequens est, ut si bifariam in partes æquales dividuntur illa parallelogramma, reddantur æqualia cum ejusmodi triangulis. Item, ut in fig. 10. potes tali triangulo attribuere basim duplo majorem, quam parallelogrammo integro; in qua hypothefi, illa obtinebunt perfectam æqualitatem.

Probl. IX.

Dato rectangulo oblongo, illi æquale quadratum constituere.

Praxis. Recte id fiet, si duabus lineis, quæ sunt circa angulum eundem in directum positæ, reperiris mediam proportionalem, juxta ultimum Probl. capitis superioris. Nam illa media proportionalis erit latus quæsiti quadrati.

Probl. X.

Dato quadrato æquale rectilineum aliquod Oblongum reperire.

Praxis. Ad f. 9. tertii laterc. tab. 2. Latus $a c$ ac postea latus $d c$ divide in tres partes æquales. Deinde per tertiam partem ad a , tum similiter & per tertiam ad sex puncto b duc ad libitum lineas $b e$ & $b f$, ac denique producantur latera $a c f$ & $d c e$ sic vulgo aiunt determinari quantitatem quæsiti rectanguli, per intersectiones factas in punctis e & f .

Probl. XI.

Dato circulo, æquale triangulum constituere.

Praxis. Vide fig. 6. tabule 4. Erigatur perpendicularis $a c$ in extrema semidiametro $b a$ illa autem perpendicularis $a c$ sit æqualis cum perimetro dati circuli. Deinde ex centro b ducatur linea $b c$ tunc ex communi praxi habetur triangulum æquale Circulo; probatur istud, metiendo utrumque, juxta præcepta Geometriæ; quæ est etiam communis ratio probandi ejusmodi Problemata, ne impediuntur nimis tyrones.

Probl.

Probl. XII.

Dato circulo æquale quadratum invenire; seu circulum quadrare.

Praxis. Varii sunt modi solvendi hujus problematis. Eam esse idoneam rationem vulgo aiunt, si inventi, per superiorem praxim, trianguli latus $a c$, cum semidiametro circuli in directum posueris; unde mediam proportionalem investigates, quæ sit latus quadrati.

Sed hæc alia est quadrandi circuli ratio magis trita. Circulum divide in 4 partes æquales, ut in f. 3. lateri. 3. tab. 2. Deinde semidiametrum divide etiam in 4 partes æquales, similemque partem æqualem adde ad singulas semidiametros, tunc ad earum extrema descriptis 4 lateribus, habebis quadraturam dati circuli.

Hanc denique juxta alios habeas circuli quadraturam, ex figura 4. ejusdem laterculi. Ac primo quidem suppono illius circuli diametrum $a c$, divisisse me in 14 partes æquales. Suppono etiam, 2 ex undecima parte erigi perpendicularem $d f$ usque ad circuli circumferentiam. Item ductam esse lineam $f c$, quæ compleat triangulum rectangulum $f d c$, qua facta præparatione; Dico hypotenusam $f c$ esse latus quadrati æqualis dato circulo. Quod quidem ut probem;

Suppono 3. Capacitatem illius circuli mihi notam esse ex præceptis Geometriæ, eamque esse v. g. 154. Atqui linea $f c$ est latus quadrati, cujus capacitas perinde est 154; quamobrem illam æqualitatem infero.

Ut autem probetur minor; suppono ex assertione 5. capituli 5. quadratum lineæ $f c$ esse æquale duobus quadratis simul sumptis lateris $f d$, & lateris $d c$, atqui quadrata illa duo simul sumpta, sunt 154. ergo, &c.

Probatur minor: quia primo latus $d c$ cum ex hypothesis sit undecim partium æqualium, habet consequenter, quadratum 121: aliunde vero secundo quadratum lateris $f d$ est 33. qui numerus junctus cum numero 121 efficit 154, ergo duo illa quadrata simul sumpta

sunt 154. Superest autem, ut probem, quadratum lateris fd esse 33. Atque ut id præstem, duco ex centro e lineam $e f$ ad punctum extremum lineæ df : hæc autem linea debet esse 7 partium, quia est semidiameter, & media pars illius diametri, quam posuimus divisam esse in partes æquales 14: & consequenter quadratum illius lineæ est 49. Item ex hypothesi latus de , est tantum 4 partium, ac proinde pro quadrato habet 16. Item suppono fe esse hypotenusam trianguli fde , cujus quadratum 49, est consequenter æquale quadratis simul sumptis tum lateris de , tum lateris fd . Atque his positis; sic argumentor; si subtrahatur quadratum lateris de , puta 16 ex quadrato lateris fe 49. residuum erit valor quadrati lateris fd . Atqui residuum illud est numerus 33. Ergo valor quadrati illius est 33. quæ numerus, ut aiebam, junctus cum 121, efficit 154, unde sequitur quadratum lateris fc esse 154. Ergo est æquale cum dato circulo, cujus area supponebatur esse 154.

Atque hæc quidem quadratura circuli, saltem mechanice certa est, & ad usum sufficit; quamvis omni ex parte non probetur Geometricæ.

IN-

INSTITUTIO MATHEMATICÆ.

Geometria Practica.

PRÆFATIO.

HÆc facultas, quam alii Geodesiam appellant, est ars mensurandæ cujuslibet magnitudinis. Mensurare autem, est quærere, quoties determinata aliqua, & communis magnitudo reperitur in alia, cui applicatur. Atque ita cum tres omnino sint species magnitudinis, seu quantitatis; nempe lineæ, superficies, & corpora; metiri lineam, est quærere, quoties certa aliqua, & determinata lineæ, puta pedalis, cubitalis, aut alia id genus, in ea contineatur. Metiri superficiem, est quærere, quoties in ea reperiatur minor aliqua superficies quadrata, nempe vel pollex, aut pes quadratus, vel jugerum, aut ut alii apud nos vocant, arpennum, vel leuca quadrata, &c. Ac denique metiri corpus, est investigare, quoties in eo contineatur minus aliquod corpus; puta vel pollex cubitus, vel pes, aut cubitus, vel una leuca cubica, &c.

Notandumque est hæc vulgo à Geometris enumerari mensurarum genera. 1. Est pollex 12 partibus, quas lineas vocant, distinctus. Quanquam pro prima mensura, & ad quam reliquæ omnes revocentur, statuunt granum hordei sumptum secundum latitudinem. Item statuunt 4.

ex granis ejusmodi, componi digitum, quæ alia est ex minoribus mensuris. Huc accedit tum palmus, tum pes Geometricus, & quem Regium appellant ex pollicibus 12. Item est & cubitus; nempe longitudo petita à flexu brachii medii, usque ad manum extremam, quæ apud Geometras, palmis sex definitur. Item, est ulna communis, 4 pedibus. Ulna autem agrestis, seu orgia, sex habet: Pertica vero decem, unde & vocatur decempeda. Huc denique accedit, tum milliare, ex mille passibus Geometricis, tum leuca: quanquam diversæ rationis sunt leucæ. Nam Italice sunt tantum ex mille passibus, ideoque proprie dicuntur milliaria. Leucæ autem Gallicæ, & Hispanicæ milliaria duo continent; Germanicæ autem constant ex duobus leucis Gallicis. Persæ & Græci olim habuere suas parasangas, & stadia: Ægyptii Schoenos. Atque ita varii varias instituere distantiarum & longitudinum mensuras. Quæ communiores sunt apud Geometras, his versibus comprehendere solent.

Quatuor ex granis, digitus formabitur unus.

Est quater in palmo digitus: quater in pede palmus:

Quinque pedes passum faciunt: passus quoque centum

Viginti quoque stadium dant: sed miliare,

Octo dabunt stadia: at duplicatum dat tibi leucam.

Jam vero ut tractatum istum ordiar; suppono communem ejus divisionem in Altimetriam, seu Longimetriam, de lineis rectis: tum in Planimetriam de planis: ac denique in Stereometriam, de solidis corporibus mensurandis: quas partes variis capitibus comprehendo.

INSTI.

INSTITUTIO MATHEMATICÆ.

Geometria Practica.

C A P. I.

Altimetria, seu Longimetria, & ejus principia.

PArs hæc versatur in dimensione rectarum linearum. Quo nomine complectimur distantias, seu intervalla & longitudes locorum; tum rerum etiam earum, quæ sub aspectum cadunt, altitudines, latitudes, ac profunditates.

Sciendumque est, distantias illas à Geometris non deprehendi, nisi beneficio triangulorum, quæ repræsentantur certis in instrumentis ad eos usus comparatis. Quæ triangula in instrumentis repræsentata, similitudinem habent cum triangulis imaginariis, quorum latera etiam imaginaria supponuntur pro rerum distantia, aut altitudine. Ita in 1. fig. laterc. 1. tabulæ 3. per lineam visualem $c d$ simul cum instrumenti partibus $c e$, & $d e$ constituitur triangulus rectangulus $c e d$ qui similis est cum triangulo imaginario $c a b$, cujus latus imaginarium $a b$ supponitur pro distantia turris b à puncto a . Quare ex doctrina superioris tractatus cap. 5. ad finem; cum similibus, seu æquiangulorum triangulorum latera homologa, sint proportionalia; cognito triangulo, quod beneficio radii visualis perficitur in instrumen-

to; cognoscetur quoque quantitas laterum, quæ in Imaginario investigatur, per proportionem, quam inter se habent duo illa triangula. Ut enim se habet latus $c e$ ad latus $e d$, ita se habet latus $c a$ quæ est altitudo mensuris cognita, ad latus $a b$ quæ est distantia quæ sita.

Sciendum est 2. hunc in usum inventa esse varii generis instrumenta, pro cuiusque libitu. Aliis enim magis placet Quadratum Geometricum, ut in *tab. 3. laterc. 1. fig. 2.* & in aliis laterculis, tum Scala Altimetra, in dorso Astrolabii seu Planisphærii descripta: aliis Radius astronomicus, seu Baculus Jacob; qualis jam est assignatus in *tab. 3. laterc. 1. fig. 1.* Aliis Quadrans astronomicus, in 90 gradus rite divisus; ut in *laterc. 2. f. 1.* aliis Holometrum, aut Trigonometrum, ut in *3. laterc. f. 1. & 2.*

Notandum vero est, in Quadrato Geometrico; Radio astronomico; aliisque id genus instrumentis, debere observari latera partibus inter se æqualibus, & æquali utrinque numero distincta; qui numerus partium in singulis lateribus est, vel 60, vel 100, vel plurium, aut paucorum ad libitum.

Not. 2. ex istis lateribus alterum vulgo appellatur umbra recta, alterum autem umbra versa; linea autem diagonalis à centro prodiens, dicitur umbra media. Nos appellabimus *Transversum*, latus illud, quod est oppositum lateri pinnularum, soletque esse parallelum horizonti, tunc maxime, quando instrumentum est immobile. Alterum autem appellabimus latus *Rectum*, quod est parallelum mensori, & perpendiculare horizonti.

Not. 3. Alia duo latera partium divisionem huiusmodi in se descriptam non habent, quia supponuntur tot esse partium; frustra autem describerentur, quia non attinguntur unquam ab Alhidada, quam & Mediclinium vocant. At

Not. 4. Alhidadam esse dioptram versatilem, ab instrumenti centro veluti exeuntem, suis pinnulis, seu pinnacidiis instructam, per quæ à centro instrumenti, fin-

gitur

igitur transire visualis radius: illique in dioptra ipsa respondet linea, quam vocant, *fiducie*: Quia hujus tantum habetur ratio, in designandis partibus lateris, aut recti, aut transversi.

Not. 5. Fulcrum, seu virgam mensuriam certæ longitudinis esse comparandam; illique instrumentum debere ita aptari, ut latus mensori parallelum dirigatur ad libellam, neutramque in partem declinet: Quo facto Alhidada in Quadrato Geometrico; vel Transversarium in Radio astronomico, illi per geminam fistulam ad angulos rectos commissum, disponi sic debet, ut per utramque pinnulam objectum videri possit. Item

Not. 6. Si linea fiduciæ præcise attigerit lineam umbræ mediæ, dum investigas longitudinem; inde consequens est, ut longitudo plani sit æqualis cum virga, aut altitudine mensoris: alioquin tunc foret minor, si tantum attingeret partes aliquas lateris transversi infra positi. Quanquam illud vix contingit; quia nunquam fere investigamus nisi distantias in plano longiores, quo in casu semper attinguntur partes lateris recti, seu quod est mensori parallelum. Item

Not. 7. Si distantia in plano longior fuerit, debet peti altior locus, unde res distans commode possit percipi; sed altitudo ab oculo mensoris ad planum illud scienda est, cum sit mensura quæsita distantiae. Atque his prænotatis pergitur ad praxim.

C A P. II.

Altimetræ, seu Longimetræ praxes.

Variæ sunt species Altimetriæ: alia enim est distantiarum in plano: alia altitudinum, quæ dicitur potissima species, & à qua nomen trahit Altimetria; alia autem est latitudinum: alia denique profunditatum. Hæc autem variis Problematis jam exponimus; posita ante oculos tabula tertia.

Probl. I.

Rei distantiam in plano, seu longitudinem metiri.

Praxis. Paratis instrumentis, ut decet, nempe si Radius Astronomicus, aut Quadrati Geometrici latus mensori parallelum perpendiculariter constiterit. Tum quod spectat radium astronomicum; si transversarium æquales habuerit partes cum recto: aut si in Quadrato dioptra in objectum destinata, mediam umbram attigerit; jam diximus, in eo casu fore æqualem distantiam cum altitudine virgæ mensoriæ. Alioquin ea proportionem minor futura est distantia, qua pauciores partes designabuntur in latere infimo transverso. Nam si pars abscissa fuerit triplo minor alio latere, tunc etiam triplo minor futura est distantia.

At in radio astronomico, *fig. 1. laterc. 1.* cum transversarium longius est, ut se habet rectum latus $c e$. *exempli gratia* 10 partium, ad segmentum $e d$ partium 30. ita mensoris altitudo $c a$ 12 pedum, ad distantiam $a b$ eritque pedum 36.

In Quadrato Geometrico, ut in *fig. 1. laterc. 4.* ut se habet lateris abscissi pars $e d$ 40 partium, ad latus integrum $c d$ 100. Ita altitudo $c b$ pedum 10, ad distantiam $b a$. & toties in ea continetur, quoties pars $e d$, continetur in latere $c d$ eritque distantia pedum 25.

Atque hujus quidem Problematis, aliorumque id genus ratio petenda est ex Elementalī Geometriæ superiori *cap. 5.* assertionem 3, & 4.

Probl. II.

Altitudinem rei propositæ invenire, ope Quadrati Geometrici.

Praxis. Sic preparatur instrumentum, ut centrum illius ponatur infra, & consequenter transversum latus, partibus distinctum, superiorem locum obtineat, ut in *fig. 2. laterc. 1, & 4.* Item hic supponitur nota distantia, juxta præcedens Problema.

Notandumque est 1. Si dioptra cadit in umbram mediam, seu diagonalem instrumenti, tunc esse distantiam æqualem

æqualem cum altitudine. Atque etiam ut altitudinem hujusmodi, absque ope Arithmetica consequaris; dispone dioptram ad diagonalem instrumenti; tum accede, aut recede tamdiu, dum per pinnulas altitudinem investigandam percipias; tunc enim cerro statues æqualem esse illam, cum distantia; quam distantiam pro tuo libito, & quo volueris modo metieris, ut judices de illa altitudine.

Not. 2. Si dioptra cadit in latus rectum, ut in citatis figuris, tunc certum est, altitudinem esse minorem distantia: eritque comparanda pars abscissa cum toto latere, per regulam 3. in hunc modum: ut se habet totum latus *v. g.* 100 partium. ad partem abscissam, puta 50. ita distantia cognita, puta 30 pedum; ad quæsitam altitudinem. Hæcque erit 15 pedum. At è contra.

Not. 3. Tunc fore altitudinem majorem distantia, si dioptra cadat in latus transversum, quod supra est positum, & parallelum horizonti. Atque in eo quidem casu, ut se habet pars abscissa, puta 50. ad totum latus quadrati 100. ita distantia cognita, puta 60 pedum, ad quæsitam altitudinem. Quo pacto pars abscissa in regula trium obtinebit primum locum; eritque divisor; & dabit 120 pro quæsitâ altitudine, in nostra hypothefi. Et vero, ut totum latus bis continet partem hanc abscissam, ita altitudo quæsitâ, in hac nostra hypothefi, debet bis continere distantiam; quam supponimus esse 60 pedum.

Not. 4. Ut habeatur tota rei propositæ altitudo, ab ipso plano cui inexistit; invento quotienti addendam semper esse altitudinem virgæ mensoriæ, seu mensoris.

Notabis denique, ex his etiam satis colligi usum Radii astronomici, ad solvenda eadem Problemata.

Probl. III.

Metiri distantiam in plano, quando in ejus extremo erecta est altitudo aliqua perpendicularis, cujus tamen basis, seu extremum infimum non cernatur. Tum deinde statuere de illa altitudine.

Praxis. Hic sunt opus stationes duæ, in eodem plano, & secundum lineam rectam, ut in *fig. 2. laterculi 4.*

Observandumque est primo, spatium, seu differentiam inter illas stationes duas, tot esse passuum; puta 6.

Observandum est secundo, quas partes in eodem Quadrati latere abscindat dioptra in singulis stationibus, dum in eandem semper altitudinem destinatur visualis radius.

Item observanda est differentia partium in utraque illa statione abscissarum. Hæc autem differentia, est numerus partium ille minor, qui subtrahitur ex parte majori lateris abscissi in altera statione. Unde sic Clavius instituit terminos Regulæ trium, ad solvendam quæstionem. Ut se habet differentia partium abscissarum, ad differentiam stationum; sic tota pars major complectens etiam differentiam partium utriusque stationis; ad quæsitam differentiam. *Exempli causa.* Ad figur. 2. laterc. 4. Sint abscissæ partes 20 in statione *c d*, tum inter stationes facta differentia, seu spatio perticarum 8; in statione *g f* abscindantur 30; differentia partium inter 20, & 30, erit 10. Sic ergo age, ut 10 ad 8, ita 30 ad quæsitam distantiam. Ita Clavius.

Notandumque est, inventa distantia hujusmodi, posse consequenter statui de altitudine; juxta methodum superiori Problemate explicatam.

Probl. IV.

Metiri altitudinem turris, per umbram, aut Solis, aut Lune.

Praxis. Sit turris *a b* cujus umbra projiciatur *v c* ad 30 pedes. Figatur autem in terra baculus, cujus altitudo ex terra prominens sit pedum 6, projiciens umbram ad 16 pedes. Sic age; ut se habet umbra 16 pedum ad altitudinem baculi, pedum 6, ita umbra turris 30 pedum, ad altitudinem ipsius turris.

Probl. V.

Data latitudinis quantitatem indagare.

Praxis. Ad figuram 2. laterc. 2. supponitur primo Quadratum vel duplex conjunctim, ut in assignata figura; vel idem replicandum. Item, supponitur Quadratum

tum constitui in aliquo fulcro parallelum horizonti, secundum suam planitudinem. Item

Notandum est, hic supponi cognitionem distantiae, tum objecti a , tum objecti b juxta superiores praxes. His autem praesuppositis, sic age :

Primo designa tibi certum aliquod punctum in spatio interjecto $a b$ puta c in illud destinando radium visuale $o c$ per pinnulas lateri illi affixas. Tum dioptram dirige in punctum b ut habeas latitudinem $c b$ hoc modo. Ut se habet totum latus Quadrati, ad partes abscissas in g sic distantia cognita $o c$ ad latus $c b$ numerum autem inde collectum serva.

Secundo, Idem praesta circa alteram partem latitudinis, observando partes abscissas in f summamque ex numero utriusque partis collectam, statues esse totam latitudinem $a b$.

Probl. VI.

Putei, aut fossae profunditatem invenire.

Praxis. Adverte ad fig. 3. laterculi 2. & observa latitudinem putei $b d$ in ea Quadratum rite disponendo; ejusque dioptram cum radio visuall dirigendo in e . Unde fiant similes trianguli $a b c$ & $e d c$. Deinde sic age. Ut se habet segmentum $b c$ ad totum latus $a b$, ita latitudo $b d$ ad profunditatem $d e$.

C A P. III.

De Usu Trigonometri.

Suppono Trigonometrum, ut videre est in tab. 3. later. 3. fig. 1, & 2. constare ex tribus regulis, quarum una est basis instar; ex aliis autem altera, ipsi ad extremam partem infigitur circa centrum quoddam commutue per modum circini. Altera tandē per fistulam illi basi committitur, modo adducenda, modo reducenda, prout res postulat. Omnes illae regulae in aequales partes distinguuntur;

guuntur; habentque sibi adjuncta pinnacidia; suoque fulcro basis firmari & sustentari debet.

Potest quidem istud instrumentum aptari in morem Radii astronomici, seu Baculi Jacob; sed proprium hunc usum habet, ut citra Arithmeticam serviat Altimetriæ. Quod *exempli causa*, uno vel altero in Problemate aperio.

Probl. I.

Distantiam in plano metiri.

Praxis. Advertendum est ad primam figuram; suntque hic opus duæ stationes per lineam rectam in latum: quam lineam rectam observabis, designando hinc inde certa aliqua signa, transmissio, per pinnulas basis, visuali radio.

In prima ergo statione latus basi affixum destina in objectum distans; & serva angulum, quem efficit; per pinnulas intruendo.

Tum pergendo ad alteram stationem, numera vel passus, vel perticas: deinde latus mobile sic alteri admove, ut inter utrumque tot tantum partes æquales intercipientur, quot numerasti passus, vel perticas. Quo facto, ubi instrumenti basim rite disposuisti intra lineam rectam, de qua dixi; sic inflecte latus istud ad alterum, dum idem punctum objecti per foramina pinnularum inspicias. Tunc numerando partes æquales hujus lateris, à basi, ad angulum, quem efficit cum alio latere; statues ex statione hac postrema ad objectum distans, tot esse vel passus, vel perticas. Alterum autem latus denotabit distantiam primæ stationis.

Probl. II.

Altitudinem metiri, ut in 2. fig.

Praxis. In unica statione istud perficitur. Supposita igitur distantia tot passuum, sic admove latus mobile ad alterum, ut in basi tot tantum partes intercipientur. Tum latus istud erige perpendiculariter. Ac deinde alterum basim infixum tamdiu inclina, dum altitudinem quæsitam inspexeris. Quo facto, numera partes in latere

tere perpendiculari interceptas, & definies tot esse passus in data altitudine.

Probl. III.

Profunditatem fossæ metiri.

Fraxis. Ubi nota fuerit latitudo illius fossæ; eadem uteris methodo, ac in altitudine investiganda; si modo inverteris instrumentum.

CAP. IV.

De usu Quadrantis Astronomici, & Sinuum.

Altimetria, uti quidem hætenus vidimus, est Trigonometria quædam, in qua investigatur quantitas laterum incognitorum, per proportionem ad ea, quæ perspecta sunt nobis in aliis triangulis. Huic autem negotio perficiendo imprimis utilis est doctrina Sinuum; quam ita paucis trado, posita ante oculos *figur. 2. laterc. 5. tab. 3.*

Et in ea quidem primum observanda est linea *i n*, quæ dicitur chorda arcus *i d n*, illumque subtendens. Linea *a d* est semidiameter istius circuli, arcum 90 graduum constituens cum alia semidiametro *a e*. Linea porro *i b*, ab extremo arcu *i d*, perpendiculariter cadens in semidiametrum *a d* ejusmodi est, de qua maxime jam instituitur sermo; est enim Sinus, qui dicitur *Sinus rectus*; qui & ducta linea *a i*, dicitur Sinus anguli *i a b* semidiameter vero totalem arcum constituens, vocatur Sinus totus, seu totalis; hujusque pars *d b* chorda *i n* & arcu *i d n* intercepta, vocatur Sinus versus, aut sagitta: linea *i e* ab extremo arcus *d i* perpendiculariter cadens in semidiametrum *a e*, & subtendens arcum *i e*, dicitur Sinus rectus secundus, & Sinus complementi; quia est Sinus rectus arcus *i e*, qui dicitur complementum, seu arcus complementi; quia additus arcus *i d*, complet totum quadrantem *d e*. Item, linea eadem *i e*, vocatur præterea Sinus complementi, quia

quia est Sinus anguli $i a e$, qui additus angulo $i a b$, complet totum angulum rectum $b a e$.

Notandumque est, intelligi semper Sinum rectum, quoties absolute fit mentio alicujus Sinus. Atque ita, ut diversi anguli dicuntur tantæ, vel tantæ magnitudinis, prout tot, vel tot graduum arcubus respondent; ita singuli suos Sinus proprios habent, tantæ vel tantæ magnitudinis, seu tot partium; unde consequenter cognitis angulis, eorumque Sinubus, possis judicare de quantitate laterum ipsi oppositorum in triangulo: siquidem, ut postea dicam, eam inter se lateri trianguli proportionem habent, quæ reperitur inter Sinus angulorum ipsi oppositorum. Jam vero

Notabis 2. In Quadrante astronomico Sinuum omnium maximum, quia recto angulo, omnium utique illorum maximo obtenditur, esse ipsam semidiametrum; nam v.c. Sinus 89 gr. pauciores habet partes, & sic deinceps decrescunt, quæ proportionem fiunt Sinus minorum, & minorum angulorum; & consequenter subtenduntur minoribus arcubus, inciduntque in semidiametri partes remotiores, & remotiores à centro. Item

Not. 3. Semidiametrum ipsam, ut jam monui, dici totum, seu totalem Sinum. Supponitur autem pro libitu Sinus ille totalis divisus in tot, vel in tot partes; quæ facta suppositione, singulis Sinubus aliis suis attribuitur numerus partium; colligiturque vel per regulam proportionum; vel quacunque tandem alia methodo; ut apud Clavius, aut alios, legere est. Communior vero hypothesis totali Sinui tribuit partes 10000; nam quo major est ille numerus, eo redditur calculus & supputatio accuratior. Atque in illa hypothesis, Sinuum aliorum hic Canon instituitur, qui relictis minutiis, complectitur solum integros Sinus; sicque digestos vides, ut quilibet gradus habeat sibi è regione oppositum proprium suum complementum.

GEOMET. PRACTICA. 67

<i>Sinus.</i>	<i>Gradus.</i>	<i>Gradus.</i>	<i>Sinus.</i>
1745	1	89	99985
3490	2	88	99939
5238	3	87	99863
6976	4	86	99756
8716	5	85	99619
10452	6	84	99452
21186	7	83	99255
13917	8	82	99027
15643	9	81	98769
17365	10	80	98481
19081	11	79	98163
20791	12	78	97815
22495	13	77	97437
24192	14	76	97030
25882	15	75	96593
27564	16	74	96126
29237	17	73	95630
30902	18	72	95106
32557	19	71	94552
34202	20	70	93969
36887	21	69	93359
37461	22	68	92718
39073	23	67	92050
40674	24	66	91355
42262	25	65	90631

Sinus

<i>Sinus.</i>	<i>Gradus.</i>	<i>Gradus.</i>	<i>Sinus.</i>
43837	26	64	89879
45399	27	63	89101
46547	28	62	88255
48481	29	61	87462
50000	30	60	86603
51504	31	59	85717
52992	32	58	84805
54464	33	57	83867
55919	34	56	82904
57358	35	55	81915
58779	36	54	80902
60181	37	53	79864
61566	38	52	78801
62932	39	51	77715
64279	40	50	76604
65606	41	49	75471
66913	42	48	74314
68200	43	47	73135
69466	44	46	71934
70711	45	45	70711

Atque ista quidem doctrina Sinum ita explicata;
ut intelligas tandem, quem maxime in finem compa-
rata sit, aperio paucis hisce Problematis, de trian-
gulorum rectilineorum geodesia, seu mensuratione.

Probl.

GEOMET. PRACTICA. 69

Probl. I.

Datis angulis alicujus trianguli, proportionem laterum invenire.

Praxis. Consule tabulam primam, laterculo 2. in quo multæ sunt descriptæ figuræ triangulares; & quam lubuerit elige; puta 2. in ea pono exemplum. Quia latera triangulorum eam inter se habent proportionem, quæ reperitur inter sinus angulorum ipsi oppositorum: ex hypothesi autem quod angulus c sit 40 gr. angulus vero a 50 angulus b qui rectus est 90. Quare in tabula superiori numerum partium Sinus illius proprium, qui tali, & tali angulo responder. Tunc dic: ut se habet Sinus anguli c tot partium, ad latus a b tot partium; Ita sinus anguli a , tot partium ad latus b c , & sic de aliis.

Probl. II.

Cognito uno latere, & uno angulo acuto trianguli reſtanti; reliqua latera illius trianguli aperire.

Praxis. Exemplo in eadem modo allata figura posito. Res manifesta est ex superiori Problemate. Si enim noveris angulum c esse 40 gr. latus vero a b ipsi oppositum esse pedum 30. Sic age; ut Sinus anguli c tot partium est ad latus a b 30 pedum: ita Sinus anguli a ad latus b c , aut Sinus rectus anguli b 100000 partium, ad latus a c .

Probl. III.

Distantiam in plano metiri per Quadrantem Astronomicum.

Praxis. Posita ante oculos tabula 3. laterc. 2. fig. 1. In qua suppono esse notum in instrumento angulum d a b , quem designat Alhidada; & consequenter notum esse angulum e , quia est complementum illius anguli d a b , quem efficit Alhidada in instrumento. Quare sic ages. Ut Sinus anguli e ad virgam mensuram a f ita Sinus anguli e a b ad latus f e , quæ est quæſita distantia.

Sicque à pari per proportionem ages investigando altitudines

titudines; sive per unicam stationem, sive per duplicem; attendendo ad differentias angulorum utriusque stationis, tum ad differentias ipsarum stationum; ut tradit Clavius, Problemate primo libri 2. Geometriæ Practicæ.

Notabis tandem ad finem hujus capituli, iterum posita ante oculos *tabula 3. laterc. 3. fig. 2.* interdum quoque esse in usu apud Geometras, tum lineam tangentem, ut vocant, tum secantem. Tangens est recta linea, Sinu recto parallela, altero sui extremo tangens punctum arcus, in quo angulum rectum cum semidiametro illius constituit; ut linea *c d*, linea autem secans, ut *a c* ea est, quæ ducta à centro, & circumulum secans, tangenti occurrat; cum tangente ipsa, & Sinu totali triangulum constituens *a c a*.

CAP. V.

Planimetria.

Planimetria, quæ & Geodesia planorum dicitur: est ars mensurandi superficies planas, quales sunt triangulæ, quadrangulæ aliæque polygonæ, & rotundæ. Quod hisce Problematis complectimur.

Probl. I.

Aream, seu capacitatem trianguli rectanguli dimetiri.

Praxis. Eorum laterum, quæ sunt circa angulum rectum, ducas unum in dimidium alterius; & prodibit quæsitus numerus, vel pedum, vel passuum quadratorum; seu mensuræ illius quam determinaveris, & rei mensurandæ idoneam judicaveris.

Probl. II.

Quadranguli rectanguli aream definire.

Praxis. Eorum laterum, quæ sunt ad eundem angulum, unum multiplica per illud, & habebis quæsitam aream,

GEOMET. PRACTICA. 71

aream. Ut ostenditur ad sensum in tab. 2. laterc. 2. fig. 2. ad tria illa quadrata. Item fig. 4, 5, & 7.

Probl. III.

Pentagoni regularis aream investigare.

Praxis. Finge perpendicularem ab illius centro ad latus. Tum illam perpendicularem inducas in semissem ambitus; & fiet illud quod intendis.

Probl. IV.

Aream trianguli non rectanguli, & polygoni cujuscunque irregularis capacitatem invenire.

Praxis. Ex variis angulis describe perpendiculares ad latera opposita, unde fiant diversa triangula rectangula. Singula autem seorsim mensurabis juxta methodum traditam primo Problemate. Tum eandem summam totalem omnium triangulorum ejusmodi per additionem colliges.

Probl. V.

Aream circuli definire.

Praxis. Diversa est, pro diversis casibus. Ac primo quidem, si nota est diameter, & circumstantia; duc semidiametrum, in semissem circumferentiae; & habebis intentum.

Si sola diameter nota sit, fac per regulam Trium; ut 7, ad 22: ita partes diametri tibi notae, ad circumferentiam; qua cognita, totam circuli aream investigabis, eo, quem jam attuli, modo.

Si nota solum est circumferentia; Fac ut 22 ad 7. ita partes circumferentiae tibi notae, ad diametrum.

Item; cum ex Archimede, ut superiori tractatu exposui, area circuli aequalis sit cum triangulo rectangulo, cujus unum latus circa angulum rectum sit aequale semidiametro circuli; alterum vero pariter aequale fuerit circumferentiae circuli; nota hujus trianguli area, ex 1. Probl. poteris ex ea capacitatem circuli inferre.

CAP. VI.

Stereometria.

HÆc est ars mensurandi capacitatem corporum, seu figurarum solidarum.

Probl. I.

Corporis cubici capacitatem definire.

Praxis. Unum ex ipsius lateribus ducatur in seipsum; idemque latus iterum ducatur in productum; & prodibit quæsitus numerus.

Probl. II.

Aream parallelipedi, cujuscumque est trabs, invenire.

Praxis. Aream basis investiga; ducendo latus unum in aliud ex iis, quæ sunt circa eundem angulum; ac deinde basim hanc ducas in totam parallelipidi longitudinem. Et factum bene.

Probl. III.

Cylindri capacitatem exponere.

Praxis. Duc lineam ejus perpendicularem in aream basis, & habebis intentum.

Probl. IV.

Pyramidum & Conorum aream invenire.

Praxis. Duc eorum basim, in tertiam partem perpendiculis; & habebis intentum.

Probl. V.

Sphæræ superficiem & soliditatem investigare.

Praxis. Habemus ex superioribus Problematis, quemadmodum circumferentia ex diametro, vel è contra, diameter ex circumferentia cognoscatur; tum quomodo his cognitis, habeatur & area plana, seu capacitas circuli. Jam dico, superficiem convexam haberi, si aream planam circuli maximi datæ Sphæræ quadruplicaveris. Tum præterea soliditatem assequeris, ducendo semidiametrum in tertiam partem inventæ superficiel.

Probl.

Probl. VI.

Aream, seu capacitatem quinque corporum regularium invenire.

Praxis. Jam diximus Hexaëdri, seu Cubi aream gigni ex multiplicatione lateris in se, & in productum.

Item Tetraëdram, seu Pyramidem fieri quoque ex ejus altitudine ducta in tertiam basis partem: vel ex ejus base, ducta in tertiam partem altitudinis.

Superest ergo, ut agam de Octaëdro, Dodecaëdro, & Icosaëdro.

Quia vero Octaëdram dividitur in duas pyramides similes, & æquales, quarum basis communis, est quadratum a latere descriptum; si utriusque Pyramidis investigatur area, habebitur consequenter & area Octaëdri, ex areis illarum pyramidum conflata.

Deinde quia ductis ex centro Dodecaëdri ad omnes ejus angulos rectis lineis, in 12 pyramides æquales dividitur; si area unius pyramidis multiplicetur per 12, habebitur area totius Dodecaëdri.

Ita, quia perinde Icosaëdram in pyramides triangulares similes, & æquales dividitur; habebitur quoque area totius Icosaëdri, si pyramidis unius Inventæ aream, per 20 multiplicaveris.

Si autem laboraveris in obtinenda altitudine Pyramidis, hanc sequere methodum. Statuas in vertice planum, basi æquidistans, & ab eo ad planum, in quo basis, demittas perpendicularem; hujus habita magnitudine, quod facile est, obtinebis altitudinem Pyramidis: Idemque est agendum pro Coni altitudine indaganda.

C A P. VII.

De Circino proportionis.

FRustra subjicerem illius formam, cum obvius sit cultibet; nec istæ, perinde ac Praxes aliæ Mathematicæ, satis unquam perfecte comprehendendi possunt, nisi præterea adhibeatur opera periti Magistri, qui singula, quæ leguntur, digito commonstret.

Notabis igitur, Instrumentum hoc constare duabus regulis ad centrum, circini cujusdam instar, conjunctis. Ac in uno quidem earum latere utrinque à centro ducuntur lineæ rectæ, quas vocant lineas partium æqualium, quia dividuntur in partes inter se æquales. Altero autem in latere, ex centro pariter ducuntur utrinque aliæ duæ, quas vocant chordarum; quia in iis gradus omnes circuli, & chordæ iis subtensæ, servata proportionem designantur. Quid porro, & quales sint chordæ arcuum, facile potes intelligere ex inspectione *figure 3. tab. 4.* Huc nonnulli addunt pinnulas ad praxes Altimetriæ. Sed quia jam satis egimus de Altimetria, alios hujus instrumenti usus nonnullos breviter aperiam.

Probl. I.

Lineam datam secare in partes assignatas.

Praxis. Adi ad partes æquales; & lineam ejusmodi, communi circino comprehensam, illi numero applica, in quo facile possis designare partes quæsitæ. *Exempli gratia.* Vis lineam aliquam dividere in 4, illam transferas ad partem, vel 20, ut sub ea instrumenti apertura, accipias aperturam numeri 5; vel ad partem 40, ut accipias aperturam numeri 10.

Probl. II.

Dato Circulo, in eo designare latus polygoni alicujus regularis.

Praxis. Adi ad lineam chordarum. Ac primo quidem

quidem dati Circuli semidiametrum transfer ad aperturam 60 graduum. Notabis enim numerum tunc in circino proportionis, esse distantiam semidiametri, sub qua in istiusmodi operationibus aperiri semper debet. Ut igitur ad quæstionem redeam; ubi sic reliqueris apertum circinum; quære numerum graduum anguli illius, cui subtenditur latus quæsitæ polygoni: tum sume intervallum, seu aperturam circini sub eo numero; & deinde illud intervallum transfer ad datum Circulum; & factum bene.

Notabis autem, hac arte habiturum te numerum graduum dicti lateris, si 360 dividas per numerum laterum quæsitæ polygoni: puta si polygonum illud fuerit triangulum, divide per 3. si pentagonum, divide per 5. & sic de aliis. Quare invenies angulum Trianguli esse 120 grad. Quadrati esse 90: Pentagoni, esse 72, &c. Si ergo volo inscribere dato Circulo triangulum æquilaterum; sumam in instrumento rite disposito, id est, jam apertò juxta grad. 60. sumam, inquam, distantiam ad intervallum numeri 120; atque ita per proportionem de aliis.

Probl. III.

Aperire Circinum proportionis ad datum angulum.

Praxis. Vis aperire sub angulo v. g. 50. accipe à centro instrumenti, distantiam numeri, seu gradus 50, juxta longitudinem lineæ chordarum; tum distantiam transfer ad aperturam 60 grad. & dabit tibi quæsitum angulum.

Item si vis intelligere, sub quo angulo sit apertum instrumentum; sume aperturam ad gradum illum 50, & illam transfer ad longitudinem lineæ chordarum, crux alterum Circini communis statuendo in centro instrumenti; cruce alio designabitur tibi quæsitus numerus.

Probl. IV.

Datum angulum metiri.

Praxis. Illi angulo inscribe arcum: tum juxta illius arcus semidiametrum, aperi instrumentum, ex more, illud Circini intervallum applicando utrinque ad grad. 69: Quo in statu manente instrumento, sume arcus magnitudinem, & illam defer juxta longitudinem utriusque lineæ chordarum, dum æqualis utrinque gradus attingatur. Et sic de aliis id genus Problematis.

APPEN.

APPENDIX DE MUNITIONIBUS

Munire urbem, est illam muris, vallo, & propugnaculis ita cingere, ut sese contra hostium impetus commode tueri possit. Quam ob causam partes aliæ aliis subsidio esse debent, loca alia defendendo à latere, *les flanquant*, quæ propterea dicuntur defensiva, *flanquez*; iisque opponuntur defendentia, *flanquants*, ex quibus hostes impugnantur à latere *les battre de flanc*: quod in Munimentis aut rotundis, aut quadratis præstari nequit.

Artis hujus Elementa, quæque ad ingenui Adolescentis institutionem attinent, ea satis intelliguntur ex Geometria jam hætenus tradita. Non enim huc revocari debent, quæ sunt munera Cæmentariorum, cæterorumque id genus opificum. Quare ad istud negotium absolvendum nihil sere superest, nisi ut explicentur pauca hæc Problemata.

Probl. I.

Munimenti partes, tum interiores, tum exteriores, continuatas exponere.

Vide tabula 6. parte infima, lineam variis modis distinctam, quæ sit instar *Sectionis* cujusdam, quæque rem totam veluti oculis subjiciat. Hæc Sectionis est species, quam Gallice appellant *le Profil*.

Ad urbem ibi descriptam sequitur Vallum *a b c d e f g*. Agger nimirum terræ, quo cingitur urbs universa *le Rampar*.

a b est interior acclivitas, seu inclinatio valli, *le Talu intérieur*.

b Ambulacrum, *le Terre plain, & le dessus du Rampar*.

c Lorica Valli, qua teguntur milites, ne petantur ab hosti-

hostibus : soletque ea esse mole, qua valeat tormentis bellicis obistere, *le Parapet du Rampar.*

d Loricæ scabellum, *la Banquette.* Quod quidem scabellum conscendit Sclopetarius, ut in hostem ictum destineret, tum inde occultet sese.

e In valle sæpe assurgit Agger ex terra, ex quo perantur castra hostium tormentis bellicis, *un Cavalier.*

f g Exterior Valli acclivitas, *le Talu extérieur du Rampar.*

Ad partem Valli, aut etiam Muri infimam, plerumque est Via operata seu opertus circuitus, *Fausse-braye.*

h l m est Murus.

In ipso Muro excitatur Loricæ *i*, *le Parapet de la muraille* cum proprio scabello *b*.

Spatium, quod in ipsa muri latitudine, seu crassitudine superest ad Loricam, est Via operata, seu Circuitus exploratorius : *le Corridor, le chemin couvert des Rondes.*

Nota, in Loricis, aut in aliis id genus Instrumentis, subinde esse aperta quædam exigua spatia, per quæ exploduntur Bombardæ, Gallice, *les Embrasures,*

i o Pes muri, aut ejus declivitas *l' Escarpe, ou Talu de la muraille.*

l Fascia, vel corona muri superior, *le Oordon supérieur.*

m Corona muri inferior.

n n Fossa, *le Fossé,*

Huic sua est acclivitas inde ex muro, *l' Escarpe du Fossé.*

o Fossula in medio majoris fossæ, *la Cuvette, ou petit Fossé.*

p Fossæ pars moenibus adversa, *la Countrescarpe.*

q Est via operata in superiori parte fossæ, *le Chemin couvert, ou Couridor du Fossé.*

Tum ex *f* sequitur planities declivis, *l' Esplanade, ou le Glacis.*

Jam vero quod locum ipsum munitum spectat, *la Place, sive Urbem dixeris, sive Arcem, aut Castellum, Citadelle,*

Citadelle, ou Chasteau, figura est vel Trigonæ, vel Tetragonæ, vel Pentagonæ, vel Hexagonæ, &c. pro ratione angulorum aut laterum, quibus cingitur.

Figura est regularis, si anguli & latera omnia sint æqualia: alioquin dicitur Irregularis.

Observare est præterea, vel Centrum ipsius Arcis, *le centre de la Place*, vel spatium cogendis militibus idoneum, *la Place d'Armes, &c.*

Si quis præterea in ipsa Arce locus est munitus, vocari solet *un Donjon*.

Probl. II.

Propugnaculi partes designare.

Urbis circuitus muniri solet variis Propugnaculis, *Bastions, ou Boulevards*. Propugnaculum autem solet esse figuræ pentagonæ, cujus latus unum, instar basis cujusdam patet ad Urbem, diciturque collum Propugnaculi, per quod etiam ex Urbe intratur in ipsum Propugnaculum, Gallice *la Gorge du Bastion*; sic posita ante oculos Tab. 5. & Propugnaculo B. designo illius collum in *c*. Collo est oppositus apex, seu cuspis in *d*, *la pointe du Bastion*.

Latera *d e* & *d f* utrinque od apicem concurrentia, dicuntur facies Propugnaculi, *les Pans, & la face du Bastion*.

Suppono autem Cortinam, *la Courtine*, esse illam muri partem *g h* quæ conspicua est inter utrumque Propugnaculum.

Ad latera illa, quæ à facie propugnaculi utrinque junguntur Cortinæ, vocantur alæ Propugnaculi, *les flancs du Bastion*, ut *e h*, & *f i*.

Ala & linea defensionis figens, *flanc fichant*, pars ea est, unde per lineam rectam defenditur facies Propugnaculi oppositi.

Ala abradens, *Flanc rasant*, unde per longitudinem faciei Propugnaculi ictus transmittitur.

Ad has partes in Propugnaculo A. observanda est Auricula

auricula Propugnaculi l'Orillon, in l, tum intra proximum angulum est Bombardile, la Casemate, unde exploduntur tormenta bellica m.

Hic est Angulus, cujusmodi Intransent nominant, Angle entrant, ou flaquant.

Qui enim prominet, qualis spectatur ad cuspidem Propugnaculi, est angulus exiens, seu prominens, un Angle saillant.

Probl. III.

Externa opera recensere.

Externa opera vocantur ea, quæ circum undequaque disposita sunt ad arcendum, vel detinendum hostem, nec continuantur cum internis, les de hors de la Place. Hujusmodi sunt Cornuta opera Pièces à Cornes, quæ hostem prohibent, quominus possit vel ab ipsa Propugnacula accedere, cujusmodi videre est in tab. 5. fig. H H.

Lunulæ Demi-lunes, molæ angulares mediæ inter Propugnacula, unde hostis removeatur ab ipsis propugnaculis. Ut in fig. T T T.

Opera dentata, seu serrata, in modum Serræ cujusdam, Redans.

Forcipes, Tenailles, ob similem figuram.

Forceps densata, Tenaille renforcée.

Probl. IV.

Urbis obfesse circumvallationem describere.

Rem hanc universam exhibet Tabulæ 6. pars superior, e e e e Est Circumvallatio, seu Cortinæ subsidiariæ, les Lignes de Communication, la Circumvallation.

A B C D Castella cum aliquibus propugnaculis ad muniendam circumvallationem, des Fortins.

f f f f Variis Circumvallationis in locis distincta Receptacula, militibus subsidiariis aliquibus comparata, des Reduits, des Redoutes.

g g g g Aggeres continui, suis muniti receptaculis, quibus tuto accedatur ad muros Urbis subruendos, les Trenchées, pour aller à la sappe.

Cuniculi, les Mines.

Cuniculi

Cuniculi reciproci, *les Contre-mines.*

Via intestinalis, *des Gallerie.*

Corbes loricales, *des Gabions.*

Ad impediendum hostis accessum sudes præpilata,
des Palassades.

Sudes aggeribus infixæ, *des Fraises.*

Echini, *Herissons, ou Chevaux de Frise* qualis est ad
partem infimam tabulæ 6. F.

Probl. V.

Agrum, Arcem, vel Castra dimetiri, & in charta delineare ex sola inspectione.

En rei totius figuram in tab. 3. latere. 5. potesque hunc
in usum adhibere vel Graphometrum; qualem descripsi
in tabula 4. fig. 7. vel solum Quadrantem, ut in tabula 3.
latere. 5. ad figuram 1. Hæc praxis tres habet partes.

Ac primo quidem, aptandum est instrumenti latus,
ad latus loci describendi: ipsius etiam longitudinem observando.

Deinde supposita lineâ, seu latere $a f$ per dioptram
intende ad angulos alios $e d c$, notando quantitatem
angulorum, qui in instrumento fiunt.

Item delato instrumento ad partem extremam huius
lateris, dirige similiter dioptram ad eisdem loci delineandi
angulos, per lineas $b c: b d: b e: b f$: observando semper,
quinam designentur gradus in instrumento.

Hac autem circa locum visum peracta praxi; instituenda
est scala passuum, aut ejusmodi alterius mensuræ,
juxta quam describas in charta latus istud primum
 $a b$, cujus deprehensa est longitudo. Tum in extremis
lineæ descriptæ partibus rite appposito instrumento,
alias lineas sub iisdem angulis, qui in prima praxi
modo notati fuerant, ducere oportet, nempe lineas
 $a f: a c: a d: a c$. Deinde lineas $b c: b d: b e: b f$.
Ac denique ut opus absolvatur, latera, quæ formam
quæsitam constituunt, circumscribenda sunt per concursus
istiusmodi linearum.

Supereſt

82 INSTIT. MATHEMAT.

Supereſt tertia pars huius praxeos, quæ poſita eſt in
 menſuratione Agri, vel Arcis, aut Oppidi, beneficio
 huius ſchematis. Iſtud ut præſtes, debes primo col-
 ligere longitudinem ſingulorum laterum, ex ſcale
 menſurarum antea deſcripta. Tum cognitis hiſce la-
 teribus, ſtatues facile de area, ſeu capacitate ſig-
 ræ totius, ſequendo methodum, quam tradidi in
 Planimetria.

Hic apponende ſunt Tabulæ ſex Geometricæ,

 INSTI.


ft in
ficio
col
fcala
e la
figu
li in

FI.

DE MVNDO TAB I.

Vetus



Systema.



TABVLA II.

Systema


Tychonis




Saturnus.
Iuppiter.
Mars.
Sol.
Venus.
Mercurius.
Luna.




Aries. ♈ Libra. ♎
Taur. ♉ Scorp. ♏
Gemini ♊ Sagit. ♐
Cancer. ♋ Capr. ♑
Leo. ♌ Aqua. ♒
Virgo. ♍ Pisces ♓



TABVLA III




TABVLA III.









TABVIA V.



TABVLA VI.



I

Do

C

not

ex

win

PK

Ec

ad

ent

des

des

mo

Ca

seq

INSTITUTIO MATHEMATICÆ.

Sphæra Mundi.

P R Æ F A T I O.

De Astronomia, & de principiis cognitionum
Cœlestium.

Sphæram Mundi universam contemplaturus, ordior à Cœlo, quæ pars est Mundi nobilissima; si prius aliqua præmiserò de Phænomenis, id est, de iis, quæ in Cœlo apparent; & ex quibus tanquam ex fontibus hauritur rerum omnium cœlestium cognitio. Atque inter ista quidem Phænomena præcipua sunt, Motus, Illuminatio, Eclipses, Stellæ de novo apparentes, Cometæ; huc adde Parallaxes, &c. Sic enim

Dico I. Ex diversitate motuum, quibus ciuntur Astra, evidenter colligimus illa non esse eadem infixæ Cœlo; cum unum & idem corpus, eodem tempore moveri motibus per se contrariis ejusmodi non possit. Item, ex motu syderum cognoscitur Cæli rotunditas, aliaque id genus, quæ suis locis prosequemur.

Dico

Dico II. Ex illuminatione seu luminis profusione, aut emanatione à corpore cœlesti, judicamus de illius loco in Cœlo. Nam lumen à corpore lucido profunditur de se in sphaeram activitatis per lineas rectas; quamobrem excepto luminis radio, per duas instrumenti Astronomici pinnulas, locum ipsius designamus. Item, ex eo quod videamus Stellam, puta Lunam, modo illuminatam, modo luce destitutam, concludimus illam aliunde suum lumen mutuari.

Notandumque est etiam ad varias phases Astronomicas explicandas, opacum, à lucido equali, secundum mediam sui tantum partem colustrari posse; & in eo casu umbram ab ipso corpore opaco veluti projectam, fore in infinitum cylindroides, ut videre est in Tabula 5. numero 7. ad figuram a. Ratio est, quia lumen illud propagatur solum per lineas rectas. Item, si lucidum fuerit minus quam opacum, projicietur etiam umbra in infinitum, sed calathoides, id est in formam calathi; nec similiter radii lucidi unquam concurrent; ut in fig. b. At è contra, si lucidum fuerit majus opaco, illuminabit plusquam mediam illius partem, radiique illius tandem coibunt; nec profundetur umbra, nisi conoides, id est, in modum conii; ut in fig. c. quo ex principio judicamus Solem esse majorem Terra; ut postea videbimus. Item

Notabis 2. Lucidum, ceteris paribus, majores profundere umbras, quo fuerit vicinior;

contra

contra autem, minores umbras existere à remotiori. Ita videre est in tab. 3. fig. 7. lucente Luna, majores projici umbras à Gnomone a b, quam fiat Sole existente in eadem elevatione supra Horizontem; id est, tot numeratis gradibus elevationis in arcu majori, quot numerantur in minori. Sicque ex umbris possumus judicare de altitudine corporum cælestium. Item

Not. 3. Quæ astra nobis occultantur ab aliis, ea tenere locum superiorem; neque enim occultari nobis possunt, nisi ex interpretatione corporis inferioris. Quomodo judicamus Lunam esse omnium Stellarum infimam, cum à nulla occultetur, & omnes subinde occultet, ipsumque Solem maxime, dum is patitur Eclipsim.

Disco III. Parallaxis est diversitas, seu differentia aspectus, inter verum, & apparentem ejusdem Astri locum. Quod quidem ut intelligas, sume figuram 3. tabulæ 3. & nota hic non agi de loco Physico, in quo res est; nempe de concava superficie corporis immediate ambientis; sed potius de loco Astronomico, qui dicitur esse punctum in Firmamento, in quo, vel potius sub quo Planeta est, aut cui respondet per lineam ductam à centro Mundi, per centrum ipsius Planetæ, & in Firmamento desinentem: quo pacto m est verus locus Astri i: alioquin si Astrum illud conspicitur ex superficie Terræ; puta ex b, apparebit respondere puncto Firmamenti l, qui ideo dicitur esse tantum locus apparens;

ds

diversitas autem, & distantia inter l & m, dicitur esse parallaxis: & pro quantitate arcus illius intercepti, dicitur, esse tanta, vel tanta parallaxis. Quare

Not. 1. Oculo existente in centro Mundi, nullam fore parallaxim. Item, Astrum in vertice positum nullam efficere parallaxim; at quo magis descendit à vertice, acceditque ad Horizontem, eo majorem habet parallaxim. Item, quo Astra nobis viciniora sunt, eo majorem efficiunt parallaxim: eamque etiam ob causam judicamus Lunam esse omnium Stellarum infimam, quia majores efficit parallaxes, quam reliqui Planetæ. Contra autem quo altiora sunt Astra, eo minorem efficiunt; unde judicamus Saturnum esse proximum Firmamento, quia nullam efficit parallaxim.

Dico IV. Ex principiis Opticæ; quando res eadem, cæteris paribus, videtur minor, aut minus luminosa, signum est manifestum, quod à nobis fiat remotior; atqui Planetæ iidem, sub iisdem Meridianis, etiam quando purior est aer, nec fieri ulla refraçtio radiorum potest, apparent nobis modo propinquiores, modo remotiores; efficiuntque majores aut minores parallaxes. Unde judicamus illorum distantias à centro Mundi variari; nec moveri circa Terram per Orbes terræ concentricos, sed potius excentricos; quales prospicere est in tab. 1. fig. 2. & 3. Nam figura quidem 3. representat Cælum Planetæ alicujus, tam secundum partem convexam extimam, quam secundum con-

cavam

cauam intimam, Mundo universo concentricam. Verum, intra soliditatem, seu crassitiem illius, colore nigro depictam, supponitur quasi immersus Orbis alius, per album colorem expressus, cujus centrum distet à Mundi centro; huncque appellant proprie & simpliciter Orbem Excentricum.

Notandumque est, locum Excentrici, in quo Planeta remotior est à Terra, vocari ipsius Apogæum: item vocatur & Aux, aut Apsis suprema. Locus autem oppositus, in quo Terræ vicinior est, vocatur Perigæum, & oppositum Augis, Apsisque infima. Quo pacto Sol est in Apogeo circa initia Cancrî; tuncque apparet minor: locus autem Perigæi ipsius est circa initia Capricorni, tuncque apparet maior.

Item, cum alii Planetæ, præter Solem in suo Apogeo, non appareant ejusdem semper magnitudinis, habeantque inæquales parallaxes, ut Luna; idcirco necesse fuit in illorum Orbibus Excentricis affingere præterea & Epicyclos, in quibus circumagantur intra Excentricum, unde à Terra magis distent modo, modo ad eam magis accedant. Atque hujusmodi Epicyclum vides representari figura 2. ad literam e. Quanquam in eorum sententia, qui statuunt Cælum Planetarium esse liquidum, Orbes illi excentrici, & Epicycli, non sunt reales, sed tantum imaginarii; ut explicetur illa diuersitas, & apparens anomalia, seu irregularitas motuum, quibus Planetæ ab Intelligentiis per cælestem regionem deferuntur ad bonum universi. Notabis autem, illas Orbium cælestium excentricitates, aliis quoque observationum generibus deprehendi;

puta, ex longiori mora, qua retinetur Sol in signis Borealibus; ex Eclipsium tum Solarium, tum Lunarium diversitate, &c. quæ suis locis non omittemus; sufficitque hæc obiter modo attigisse.

Tabulas reperiēs ad finem Tractatus de
Sphæra Terrestri.

INSTI.

INSTITUTIO MATHEMATICÆ.

Sphæra Mundi.

C A P. I.

Protheoria Cœli.

Suppono, quod in Sphæra Terreſtri probaturus ſum, Terram ad Mundi centrum eſſe diſpoſitam; eamque diverſis excavatam partibus continere aquas, cum quibus unum globum efficiat; tum ambiri aere undequaquæ circumfuſo, ſupra quem Sphæra ignis locum teneat. Hic mihi tantum ſermo eſt de Sphæra, ſeu Mundo Cœleſti, qui mundum elementarem iſtum ambitu ſuo complectitur. Sed

Notandum eſt, Mundi ſyſtema, ſive ordinem partium, varie tradi ab Autoribus diverſis, variaſque hypotheſes conſtitui. Nam Copernicus quidem, Solem immotorum in centro Mundi collocat; Terram autem cum aliis Elementis, Sphæra Lunari ſolida incluſam, circa Solem diurno motu ferri ſupponit, ut deſcriptum vides in *tab. 1. fig. 4.* Quanquam Ariſtotelis, Ptolemæi veterumque omnium doctrina fuit, Mundum elementarem medio in Mundo conſiſtere: circa hunc volvi Cœlos ſolidos, tanquam Sphæras cryſtallinas, alias aliis incluſas cum ſyderibus infixis, eo ordine, quem oculis ſubjicit *figura prima tab. 1.* Ubi quidem Luna ponitur orbe in iſſimo, etiam alii Planeta ſex ad Firmamentum uſque,

seu Cœlum Stellarum fixarum consequuntur, adjec-
tis iis characteribus, quibus designari solent ab Astro-
nomis.

Item, quia pro diversitate motuum, qui deprehendun-
tur in Astris, diversas supponunt Sphæras solidas, qua-
rum proprii sint illi motus; ideo statuunt primum ali-
quod mobile, cujus impetu inferiores orbes rapiantur
ab ortu in occasum; cum aliunde supponant, eos motu
proprio ferri ab occasu in ortum, secundum ordinem
Signorum Zodiaci. Item, quia supponunt in iisdem
Astris motum quendam trepidationis, seu librationis,
tum à Septentrione in Meridiem, tum à Meridie in
Septentrionem, ideo inferunt Cœlum aliqd interje-
ctum, à quo efficiatur.

At Tycho Brahe, recentiorum Astronomorum facile
princeps; etsi cum antiquis hoc habeat commune, quod
Terram, aliaque Elementa medio in mundo collo-
cet; quod Saturnum, Jovem, ac Martem ordine con-
sequenti existere infra Stellæ fixas scribat, Lunamque
omnium infimam esse velit; ab iis tamen discedit,
quod existimet spatium illud ingens à Mundo elemen-
tari ad Firmamentum usque, in quo decurrunt Plane-
tæ, esse liquidum; Veneremque, & Mercurium, quasi
Satellites quosdam circa Solem deferri, cum perspiciantur
esse modo supra, modo infra, modo ad latera ipsius;
ut intueri licet *in tabula* 2. Atque ut id, quod res est,
aperiam;

Dico 1. De facto regionem illam Planetarum esse
liquidam, & permeabilem; non autem conflata ex so-
lidis Sphæris tam multiplicibus. Probat, quia hæc so-
la constitutio Cœli admittenda est, qua sublata expli-
cari non possunt Phænomena, seu res illæ variæ, quæ in
Cœlis apparent. Atqui sublata, seu negata regionis
illius liquiditate, multa, quæ manifesto apparent, expli-
cari non possunt. Nam primo quidem explicari non
potest sine corporum penetratione, motus illius Pla-
netæ, quem Martem appellant; siquidem per eadem
cum Sole spatia traducitur: ut systema Tychonis re-
præ-

præsentat, & supponimus ab omnibus jam vulgo Astro-
nomis admitti. Item, hoc ipsum arguunt Cometæ, qui
sæpenumero supra Lunam, & Solem cursus tenuerunt,
syderibus aliis prorsus insuetos. Item, in hac tantum
nostra hypothese explicari possunt ea, quæ de motu Ve-
neris, & Mercurii; tum de motu aliorum Planetarum
circa Solem, necnon circa Jovem & Saturnum vulgo
proferruntur; ut postea exponam; nec opus nobis est
confugere ad orbis excentricos, aut Epicyclos reales,
quibus alii tantopere distorquentur, ut de motu Pla-
netarum tam vario & multiplici respondeamus; cum
hæc facile in Cœlo permeabili præstari possint, per
varium lationis modum, quem ab Intelligentiis motri-
cibus accipiunt.

Dico. 2. Præter hoc Planetarium Cœlum, duplex a-
liud admitti debet; nempe Firmamentum, cui Stellæ af-
fixæ; tum Empyreum, beatorum sedes, quæ corpora
solida sunt. Quod quidem satis compertum habetur ex
Scriptura Sacra. Primo, cum in Job legimus, *Cœlos
esse solidissimos, & quasi ære fusos*, quod attribui Cœ-
lo Planetarum non potest: Ergo tantum Empyreo, &
Firmamento: cum alii Cœli proprie dicti nulli sint,
quibus id, quod dicitur in plurali, accommodetur. Item,
hoc satis innuit B. Paulus, cum ait, *se raptum fuisse
ad tertium Cœlum*: sic enim tres proprie dicti Cœli re-
censeri possunt; cum nubes, & air, tum æther, improp-
rie tantum, & ex vulgari sermone appellantur Cœli,
quia pertinent ad regiones Terra superiores. Item *Gene-
sis* 1. ex communi doctrina SS. Patrum apud Salianum,
tunc sermo est de illo Cœlo, quod Empyreum nomina-
mus, ubi legimus, *Deum in principio creasse Cœlum &
Terram*; cum præterea dicatur *creasse & Firmamentum
in medio aquarum*, in quo aliquanro post stellas appo-
suerit; unde aiunt male, qui Firmamentum, non pro
ejusmodi Cœlo altero, sed potius pro aëre sumendum
putant; cum nullibi aër dicatur Firmamentum; nec
bene Firmamentum appelletur, id quod omni firmitate
caret,

carer, quin potius habet perfectissimam liquiditatem. Deinde vero, Stellæ quas inerrantes appellamus; idcirco videntur Firmamento, tanquam Cœlo solido affixæ, quod eundem semper situm, & eandem inter se distantiam semper servant: item quia Stellæ, quæ sunt circa Polos, non plures conficiunt Circulos, quam eæ, quæ ad Æquatorem existunt, &c.

Dico 3. Satis etiam constat ex Sacris Literis, quemadmodum aquæ nostris elementaribus similes existant supra Firmamentum, ibique conserventur; quod alibi non semel confirmat Scriptura Sacra, ut quando legimus: *Aquæ, quæ supra Cœlos sunt, laudent nomen Domini. Psal. 148.* Item, *Danielis 3.* Etsi autem, quo usu illæ à Deo conserventur, ignoremus, eas nihilominus existere non dubitemus, inquit D. August. de Genes. ad lit. *Quia major est Scripturæ autoritas, quam omnis humani ingenii capacitas.*

Dico 4. Cœlum illud, quod ambitu suo reliquas Mundi partes complectitur, rotundum est. Probat, quia hanc debuit habere formam, quæ omnium perfectissima est: Item, ea est omnium capacissima, ut in Geometria exposui, *De figuris Isoperimetris.* Confirmatur, quia Stellæ Firmamento affixæ, feruntur circa Terram motu circulari: Nam sive existant in Oriente, sive in Meridie, aut Occidente; apparent semper sub eadem magnitudine. Ergo ubique in suo motu à nobis æquidistant. Alioquin juxta principia Opticæ; si qua parte fierent à nobis remotiores, viderentur etiam minores; quod non contingit.

CAP. II.

Varie Cæli regiones, per circulos imaginarios distinctæ.

Posita ante oculos figura prima tertiæ tabulæ; & secunda tabulæ secundæ; aut potius Sphæra aliqua

qua materiali, si quæ tibi est in promptu: finge tibi Cœlum quasi niti duobus Polis oppositis, per quos simul ac per centrum Mundi, trajiciatur veluti Axis quidam, circa quem perpetua circulatione moveatur. Ex Polis illis alter dicitur Arcticus, seu Borealis, aut Septentrionalis, vulgo *Nord*: Italis *Tramontana*: alter vero Antarcticus, seu Australis, vel Meridionalis, vulgo *Sud*.

Dico autem 1. Sphæra illa universa aut Cœlum ipsum aspectabile, tam multis ornatum luminaribus, quod vulgo appellamus *Firmamentum* trifariam dividitur per tres Circulos imaginarios. Nam primo, per *Horizontem*, seu *Finitem*, dividitur in duo Hemisphæria; quorum alterum dicitur superius; alterum vero inferius. Sic in tabula 4. figura 1, 2, & 3. aliisque similibus, linea *c d*, repræsentat istum Horizontem. Item circulus *a b*, in fig. 1. tab. 2.

Secundus est *Æquator*, medius inter duos Polos; per quem dividitur Mundus in partem Borealem, & Australem: diciturque etiam ille Circulus *Æquinoctialis*, quia quando Sol annum cursum conficiens, sub ea linea inexistit, tum efficit æquales dies cum noctibus.

Tertio denique est *Meridianus*, per utrumque Polum, & *Æquatorem* ductus, cujus beneficio Mundus universus dividitur æqualiter in partem Orientalem, & Occidentalem. Dicitur Meridianus; quia quando Sol ab Horizonte procedens illum attingit, est Meridies iis omnibus, qui sub eo Circulo per totum Hemisphærium existunt; cum ex opposito consequenter fit media nox iis, qui sub illo habitant in Hemisphærio inferiori.

Notabis vero, *Æquatorem*, aliosque complures Circulos, eosdem semper, atque immutabiliter, secundum quoscunque Mundi habitatores, in eadem Cœli parte describi. At Meridianus non uni tantum parti Mundi addicitur, sed potius tot concipiendi sunt Meridiani, quot puncta verticalia ab ortu in occasum designantur; ita ut non possit esse idem Meridianus duc-

rum hominum, quorum alter sit Orientalior altero. Item

Not. 2. Mundi Horizontem, cujus meminimus modo, vocari, Astronomicum, & rationalem : quia is tantum est in usu apud Astronomos, solumque ratione percipitur ; & fingitur Mundum ex æquo dividere in duo Hemisphæria : quo pacto differt ab Horizonte sensibili, qui scilicet visu nostro definitur ; & est spatium illud in superficie vel Terræ, vel Maris, quod potest attingere oculorum acies circumducta, sublatis omnibus Impedimentis ; ut videre est in figur. 1. tabula 8.

At

Nor. 3. Unicuique ex iis Circulis, suos attribui Polos Imaginarios, & Axem, circa quem fingatur posse verti. Sic Æquator habet pro Polis Arcticum, & Antarcticum. Alter vero ex Polis nostri Horizontis est punctum verticale, seu vertici nostro imminens, quod vulgo appellant *Zenith*. Tum alter, est punctum ipsi diametraliter oppositum, & infra aliud Hemisphærium, quod vocant *Nadir*.

Dico 2. Ab Æquatore hinc atque inde 23 graduum, & semis intervallo, designantur duo Circuli Æquatori paralleli ; quorum alter est Borealis & vocatur *Tropicus Cancræ* ; quia in eo est initium illius Signi, quod appellatur Cancer ; Australis vero alter, dicitur *Tropicus Capricorni*, quia in eo incipit Signum Capricorni, de quo postea. Illi autem Tropici dicuntur meræ Solaris cursus annui : quia, Sol, vel accedendo ad Septentriones, vel recedendo ad Austrum, nunquam transilit istos terminos ; quamobrem & ibi dicuntur fieri Solstitia ; quod ibi veluti steter, non tendendo ulterius, cum potius aliam in partem convertatur ; unde & illi Circuli vocantur Tropici, à *τροπή*, id est, *conversio*.

Dico 3. In distantia etiam 23 graduum & semis à Polis Mundi, designantur minores Circuli, quos vocant *Polares*, quia Polis Mundi sunt proximi. Et in iis quidem esse constitutos Polos Zodiaci, dicam postea. Verum his suppositis ;

Dico

Dico 4. Cœli facies universa, tum Mundus universus respective ad illam Cœli faciem, vulgo dividitur quinque in regiones, seu plagas diversas, quas appellant Zonas Mundi, Nam Zonæ illæ definiuntur, Regiones circa Mundum, temperatura differentes, ob Solis propinquitatem, vel distantiam.

Ac primo quidem illa dicitur Zona Torrida, quæ intra Tropicos continetur, dividiturque bifariam per Equatorem. Duæ autem aliæ utrimque comprehenduntur inter Tropicos, & Circulos Polares, quæ appellantur Temperatæ. Duæ illæ denique vocantur Frigidæ, quæ Circulis Polaribus definiuntur. Item

Notabis 1. Mundum etiam dividi secundum latitudinem per varia Climata: quæ Climata, sunt spatia & zonæ quædam, universum ambientes Mundum, ea latitudine præditæ, juxta quam dies Anni maximæ, in fine per semihoram varietur: unde consequens est, ut Clima sic claudatur duobus Circulis Equatori parallelis: iique dicuntur existere sub eodem Climate, qui intra parallelos ejusmodi habitant circa Terram. At

Not. 2. Quemadmodum in Sphæra Cœli definiuntur Circuli varii, ex quibus alii majores dicuntur, quod Sphæram dividant In duas partes æquales: contra autem alii sunt minores, ut Tropici, & Polares Circuli: quod repræsentare tibi potes commode in Sphæra materiali, aut saltem in *fig. prima tabule tertie*. Item

Not. 3. Quemadmodum etiam tota illa Mundi Sphæra dividatur in partem Orientalem, vulgo *Est*, Occidentalem, *West*; Meridionalem, *Sud*; & Septentrionalem, *Nord*; cum aliis intermediis, quas propriis, & vulgo apud nos receptis nominibus designatas videre est *tab. 3. fig. 2.*

CAP. III.

De Zodiaco, & Signis Cœlestibus.

Zodiacus est Circulus in Sphæra major, certa explicatus latitudine, sub qua Planetæ suos cursus tenent; duabus in oppositis partibus oblique interfecans Equatorem; à quo etiam dividitur duas in partes æquales, quarum altera ad Tropicum Australem; altera autem ad Septentrionalem declinat. Eam habet appellationem à voce Græca *Ζῳδιον*, quod est animal, quia distribuitur in 12 partes, quarum quælibet, una dempta, nomen sortitur alicujus animalis, ex antiquis Ethnicorum figmentis, ut explicui in Historia Poetica; etsi judicarii velint, hoc modo, per notas animalium naturas, vim diversarum Cœli partium sensibilibus exponi. Item nominatur & *Signifer*, quia partes illius dicuntur *Signa*: ac denique propter situm, ab aliis vocatur *Circulus obliquus*. At

Sciendum est 1, Quod sequenti cap.9. iterum observabo, supponi ab Astronomis imaginarium saltem aliquod Cœlum & zodiacum supra Firmamentum, cui respondeat alter Zodiacus *Stellatus* in Firmamento, Item

Sciendum est 2. Superiorem illum Circulum secundum longitudinem dividi variis modis. Primo enim dividitur in 12 partes æquales, easque singulas 30 graduum, quæ vulgo *Signa* appellantur, & *Dodecatemoria*, id est, partes *Duodecimæ*: nomenque trahunt à Signis stellatis sibi respondentibus. Signa autem illa Stellata sunt 12 constellationes, per longitudinem Zodiaci, & juxta hujusmodi Dodecatemoria ordine dispositæ, solentque his versibus comprehendi; quorum prior Septentrionalia; posterior vero Australia continet.

Sunt Aries, Taurus, Gemini, Cancer, Leo, Virgo, Libraque, Scorpius, Arcitenens, Caper, Amphora, Pisces.

Quæ nomina, simul cum propriis singulorum characteribus, quibus designantur ab Astronomis, videre est

est in tabula 2. cum nominibus, & propriis etiam characteribus Planetarum.

Notabis autem differre *Signa stellata*, tum proprie *Dodecatemoria*, quod ista *Dodecatemoria* sint semper inter se æqualia, æqualibus triginta partibus absoluta. At *Signa stellata*, nec magnitudine, aut numero Stellarum sunt paria; nec propria *Dodecatemoria* spatia sic complent, quin deficient aliqua, aut excedant: quin etiam pleraque à sedibus suis protorta in regiones consequentium Signorum dicuntur concessisse; ut explicabimus, cap. 9. jam citato.

Not. 2. Singulis anni mensibus suum esse additum Signum, sub quo Sol existat. Ita

Pro Marte est Aries, reliquis reliqua ordine quadrant.

Quamquam ita singulis deinceps mensibus respondent, ut tamen non habeant initium sui, conjunctum cum initio mensis proprii; quin potius in *Signa* illa Sol non ingreditur, nisi sub postremam mensis partem; ut declarabitur in *praxibus Astronomicis*, cap. 12.

Not. 3. Initium Zodiaci, & Signorum, peti à principio Arietis: quia creditur Sol ibi fuisse initio Mundi creatus.

Not. 4. Illa vocari *Signa*, eam maxime ob causam, quod designent nobis varias Anni partes ac tempestates; unde fieri consuevit quadripartita Signorum divisio, pro quatuor Anni tempestatibus. Sicque ab initio Arietis, seu Æquinoctio verno incipit Ver, 21 Martii. Tum sequitur Solstitium æstivum, initio Cancræ, 22 Junii. Deinde fit Æquinoctium Autumnale, incipitque Autumnus, initio Libræ, 23 Septembris. Ac denique est Solstitium Hybernium, & initium Hyemis, in Tropico Capricorni, 22 Decembris.

Notabis autem 5. Tunc quidem Solem dici esse, vel in Ariete, vel in alio Signo; sed hoc nihil aliud significat, quam Solem esse sub tali Signo, seu illi respondere per lineam ductam à centro Mundi, per centrum Solis, ad tale Signum.

Scien-

Sciendum præterea est, Circulos quidem alios in Sphæra, solum esse divisibiles secundum longitudinem, instar lineæ. At Zodiacus habet & latitudinem 12 graduum; aut quod nonnulli volunt, 16. Neque vero id eam tantum ob causam fit, ut intra se contineat figuras Signorum; sed etiam propter motum Planetarum, quem sub ipso servant. Vidimus enim, ut scribit Clavius, Lunam v. g. diversis temporibus, in eodem Zodiaci gradu existentem, non tamen in eodem puncto Horizontis aut oriri, aut occidere: neque umbram Meridianam eadem longitudine projicere, neque æqualiter distare ab Æquatore, sed modo magis, modo minus. Unde colligimus, in illo Zodiaco existere latitudinem.

Sciendum vero est 3. Viam Solis sub Zodiaco non ita esse vagam, sed eandem prorsus, & sub simplici linea, quæ per mediam Zodiaci longitudinem traducatur. Quia videmus Solem diversis temporibus, in eodem Zodiaci gradu existentem, in eodem Horizontis puncto oriri, aut occidere; eandem servare distantiam ab Æquatore; umbras Meridianas ejusdem longitudinis projicere, &c. Hanc autem lineam idcirco vocant *Solis Circulum*, *iter*, *orbitam*: item & *Eclipticam*; quia nunquam contingunt Eclipses, aut Solares, aut Lunares, nisi quando Luna aut Soli conjungitur, aut ipsi diametraliter opponitur existens in eadem hac linea.

Notabis enim, viam, quam Luna sub Zodiaco sequitur, diversam esse à Solari, quæ tamen Solarem quibusdam in partibus oppositis intersecet, uti quidem representat figur. 4. tabulæ 3. quæ intersectiones vocantur *nodi Ecliptici*, quia nunquam fieri possunt Eclipses aut Solares, aut Lunares, nisi Luna existente in alterutra ex illis intersectionibus. Alioqui sufficientem cum Sole aut conjunctionem, aut oppositionem non haberet. Quo loco observabis, spatium extra sectiones, intra Circulos interceptum, reddere figuram quasi Draconis, ut imaginantur Astronomi; ita ut ejusmodi spatiorum latitudo ab ipsis vocetur *Draconis venter*; sectiones autem dicuntur

tur Caput, tum Cauda illius Draconis imaginarii. Item, Solarem Eclipticam non semper in iisdem locis secari à Lunæ orbita, sed potius nodos illos moveri ulterius, manente tamen eadem obliquitate Lunaris Eclipticæ ad Solarem. Hunc autem *nodorum* motum collegere Astro- nomi, quod Eclipses, quæ non fiunt nisi ad illos *nodos*, non contingant semper iisdem in locis, sed perpetuo in locis Zodiaci occidentalioribus. Item observarunt illos *nodos* ulterius progredi quotidie uno circiter minuto; & anno uno conficere gradus circiter 19; nec peragrar totum Zodiacum, nisi annis circiter 19.

Not. 2. Solis Eclipticam utrinque terminari ad eos Tropicos, quos superiori capite aiebam distare ab Æ- quatore, gradibus 23. & semis, & esse metas Solaris cursus annui. Cum è contra Zodiacus, & via Lunaris cur- riculi, ultra porrigatur ad latitudinem 5 circiter gra- duum; quo pacto Tropici Lunares à Tropici Solaribus tot gradibus distant.

CAP. IV.

Officia & usus Circulorum Cœlestium.

HÆc, posita ante oculos *fig. 1, & 2. tab. 2.* aut potius Sphæra materiali, quam Armillarem vocant, com- modius comprehendes, Isagogo aliquo hujus scientiæ perito. Et vero etiam hic indico tantum nonnullas uti- litates hujusmodi Circulorum, quas aliis in locis, & ma- xime in Præxiis, sub finem tractatus exponam. Ut au- tem ab Horizonte incipiam;

Dico 1. Horizontis præcipua sunt ista officia. Pri- mo, dividit Cœlum in duo Hemisphæria æqualia; su- premum alterum, seu visum; alterum vero inferum, seu occultum. 2. Determinat quantitatem cujuscunque diei, & noctis artificialis. 3. Ortus & occasus omni- um syderum manifestat; tum eorum latitudines ortivas. 4. Distinguit inter Sphæram rectam, & obliquam. 5. Osten-

5. Ostendit altitudines tum Poli, tum Æquatoris, &c.

Dico 2. Æquatoris illæ sunt utilitates præcipuæ.
1. Dividit Cælum in partem Septentrionalem, & Australem. 2. Ostendit puncta æquinoctiorum; siquidem Zodiacum secant in principio Arietis, & Libræ, ubi fiunt Æquinoctia. 3. Est mensura temporis horarii: sic enim ex elevatione 15 graduum illius supra Horizontem, intelligimus horam integram esse transactam. Item alias dicam, quemadmodum sit mensura diei naturalis; ortus & occasus Signorum: quomodo sit terminus à quo numerantur declinationes; item & quomodo sit principium latitudinum Geographicarum; multaque id genus alia.

Dico 3. Meridiani officia sunt; Primo quidem determinare puncta Meridiei, ac mediæ noctis. At suis postea locis tradam; quomodo beneficio Meridiani, elevationes Poli; Sphæræ habitudinem ac situm; Solis & omnium Stellarum maximam à Terra altitudinem, quæ dicitur Meridiana, deprehendamus. Item, quem usum habeat in explicandis locorum distantis, maxime secundum longitudinem, aliaque hujusmodi quam plurima.

Dico 4. Zodiacus & Ecliptica plures etiam habent usus, qui commodius tunc exponuntur, ubi agitur de Signis; de Cæli divisione in 12 regiones; de motu Planetarum proprio; de ipsorum latitudine; de vero loco, & defectibus.

Dico 5. Tropicorum usus imprimis est, ut ostendant loca Eclipticæ, in quibus Solis conversiones, ut aiebamus, tum ubi maximæ ipsius declinationes fiunt; ideoque distant ab Æquatore grad. 23. & semis. Intra se includunt Zonam Torridam, ut Polares Frigidam.

Coluri, qui in Sphæra materiali apponuntur; usum fere alium non habent, nisi quod structuram illam artificialem continent. Quanquam sic disponuntur, ut in Zodiaco designent 4 puncta cardinalia, nempe duo Æquinoctialia, & duo Solstitialia, à quibus initium sumunt 4 Anni tempestates. Item Colurus Solstitorum, hoc etiam dicitur habere proprium munus, quod non solum decli-

declinationes Solis maximas metiatur, sed etiam quod contineat Polos Zodiaci (qua parte secatur hinc atque inde Polarem Circulum) eorum distantiam à Polis Mundi exhibendo, nempe 23. & semis. Vocantur autem Coluri, voce Græca, id est, imperfecti & mutili, quod habitantibus in Sphæra obliqua, non appareant secundum aliquam sui partem, quæ semper infra Horizontem depressa volvitur.

CAP. V.

De aliis Circulis Sphære Cœlestis, & de ejus diversa positione.

Alia sunt complura Circulorum Cœlestium genera, varios ad usus instituta, secundum Astronomorum imaginationem: ut Circuli verticales, seu Azimuthales: item Circuli, quos Arabice vocant Almucantarath: Circuli horarii: Circuli longitudinum, & latitudinum: de quibus singulis ut agam;

Dico 1. Longitudo Mundana, seu Astronomica, & Geographica, est distantia loci alicujus, propriæ illius Meridiani, à primo Meridiano. Notabis autem, per se, & ex rei natura, non posse dici unum Meridianum alio priorem, aut omnium primum. Ut tamen aliquid certum ac fixum in isto negotio statueretur; convenerunt Astronomi, & Geographi, ut sumeretur ille pro primo, qui est Meridianus Insularum, quas vocant *Azores*, & Viridis Promontorii; isque est vulgo receptus, quamvis nonnulli dissentiant. Res pendet ex hominum arbitrio, & instituto. Qua igitur proportionem receditur ab illis insulis Orientem versus, plures numerantur gradus longitudinis, usque ad oppositam Hemisphærii partem; iidemque sunt longitudinis Circuli, ac Meridiani; habentque eandem longitudinem illi omnes, qui sub eodem sunt Meridiano, *vide fig. 8; & 9. tab. 8.*

Dico 2. Latitudo Astronomica, seu Geographica, & Munda-

Mundana; est distantia loci alicujus ab Æquatore versus Polum. Quare duplex est latitudo; altera quidem Borealis, quando est distantia ab Æquatore versus Polum Borealem; altera autem è contra, est Meridionalis.

Notabis igitur 1. Circulos latitudinis, esse omnes Æquatori parallelos: eosque omnes, qui circa Mundum sunt sub eodem parallelo, habere eandem latitudinem: atque ita v.g. qui septem gradibus distant ab Æquatore, dicuntur esse sub septimo parallelo: qui enim existerent sub Æquatore, nullam haberent latitudinem.

Notandumque est etiam 2. illos vocari Circulos declinationum, quibus v.g. Sol dicitur distare ab Æquatore: eo enim tantum tempore Sol non habet declinationem, quo est Æquinoctialis; maximamque Solis declinationem tum Australem, tum Borealem indicant Tropici, ut jam insinuavimus; vide easdem fig. 8, & 9.

Notabis vero præterea 3. Aliam esse, quam vocant Stellarum aut longitudinem, aut latitudinem. Nam latitudo Stellæ, est ejus distantia ab Ecliptica, sive in Boream, quæ dicitur *latitudo Borealis*, sive in Austrum, quæ vocatur *latitudo Australis*. Qua ratione, *latitudo Stellæ* proprie dicta, differt à proprie dicta *declinatione*, cum hæc proprie sit distantia ab Æquatore; *latitudo* autem Stellæ proprie dicta, sit distantia ab Ecliptica. Quare Sol nullam unquam habet *latitudinem*, cum semper sit sub Ecliptica; potest vero habere *declinationem* tunc ubi est in aliquo gradu Eclipticæ, distante ab ipso Æquatore. Seiendumque est *latitudines* istas, perinde ac *declinationes* mensurari ope semicirculi, qui ducitur à Polo Mundi per centrum Stellæ directe ad Æquatorem, aut ad Eclipticam; tantaque esse dicitur latitudo illa, quantus est numerus graduum in eo arcu, qui inter Stellam ipsam & Eclipticam intercipitur, ubi sermo est de proprie dicta latitudine Stellæ alicujus. Jam vero quod spectat ad ipsius *longitudinem*, hæc aliud nihil est, quam distantia à principio Arietis juxta Signorum consequentiam, id est, versus *Taurum*, *Geminos*, & versus Signa
alia

alia, progrediendo ab Occidente ad Orientem; terminaturque hæc longitudo ad Circulum latitudinis. Hic autem

Not. 4. Ex Ptolemæo, & communi Astronomorum usu, longitudines Stellarum peti à principio Arietis primi mobilis, dicuntur istæ *veræ longitudines*, ad discrimen illius methodi, quam sequutus est Copernicus, longitudines petendo ab initio, seu à prima Stella Arietis Stellarum. Item

Not. 5. Beneficio huiusmodi tum longitudinis, tum latitudinis, cognosci veros Astrorum motus, quemadmodum loquuntur; tum vera loca; seu quonam sint in Zodiaci Signo & gradu. Nam primo, ille dicitur verus Astri alicujus locus in Ecliptica, cui respondet per lineam, quæ à centro Mundi, per centrum illius Astri ad Eclipticam traducitur; vel si astrum illud distet ab Ecliptica, dicitur tamen existere in eo Signi gradu, per quem transit Circulus, seu semicirculus latitudinis, in quo est; ita ut *v.g.* dicetur esse in 8 gradu Arietis, si habeat Circulum suæ latitudinis transeuntem per 8 gradum Arietis, pariterque illæ omnes Stellæ dicentur quoque esse in eodem Signo, per quas transibit idem latitudinis semicirculus. Soli duntaxat Poli Zodiaci non habent locum in Zodiaco seu in Ecliptica, id est, ad nullam ejus partem, tanquam ad proprium locum referuntur, quia perinde ad omnes ejus partes referri possent. Quod autem insinuavi de veris Astrorum moribus, illud commodius explicabitur postea, *cap.* 9. aut 12. ad Problema 2.

Dico 3. Circuli Azimuthales, seu verticales, ii sunt, qui finguntur traduci per nostram zenith, seu punctum verticale, ex una Horizontis parte, ad aliam oppositam: ut in *fig. 2. tab. 5.* Ex iis duo præcipui dividunt nostrum Hemisphærium quatuor in partes, quæ solent appellari *Quartæ*. Quo pacto Coluri duo in Sphæra verticali, forent instar duorum ejusmodi verticalium, qui dicuntur principales, distinguere inter Quatuor Hemisphæria

misphærii Quartas : nempe inter Quartam Orientalem Septentrionalem, & Quartam Orientalem Meridionalem : tum inter Quartam Occidentalem Meridionalem, & Quartam Occidentalem Septentrionalem.

Dico 4. Almucantarath, sunt Circuli paralleli Horizonti, utiles potissimum in Astrolabio, ad elevationes Astrorum indicandas. Minores fiunt illi Circuli, quæ proportionem fit recessus ab Horizonte ad Zenith. Habesque illos representatos pro Sphæra obliqua, in *fig. 1. tab. 5.*

Notandumque est infra Horizontem fingi quoque istiusmodi Horizonti Parallelos, qualis est crepusculinus, infra Horizontem positus ad gradum 18 ; quia vulgo existimatur tunc incipere crepusculum, cum mane sol ad illum pervenit : aut desinere, cum serotino tempore lum attingit.

Mitto loqui de Circulis duodecim Domorum Cœlestium, qui scilicet per initia 12 Signorum Zodiaci traducuntur à Polis, in quibus concurrunt ; unde hoc pacto Cœlum dividitur 12 in partes, quas Domos appellant Astrologi ; de quibus nugantur tam multa. Mitto etiam loqui de Circulis horariis, de quibus alias occurreret dicendi locus. Superest tantum, ut hic agam de rectitudine & obliquitate Sphære Cœlestis & Mundanæ.

Notandum igitur est, Sphæram illis tantum dici rectam, qui manent sub Æquatore, quia neuter Polorum magis altero illis elevatur, cum uterque videatur jacere ad Horizontem ; unde & dicuntur quoque habere Horizontem rectum.

Alioquin qua proportionem receditur ab Æquatore ad alterum ex Polis, ille videtur elevari supra Horizontem, depresso altero infra oppositam partem Horizontis ; illeque Horizon dicitur obliquus, qui amplius per utrumque Polum non traducitur ; tum Sphæra quoque in eo statu dicitur Sphæra obliqua, dum tandem deveniatur usque ad 90 gradus, unde reddatur Sphæra verticalis ; tuncque Æquator fit simul Circulus Horizontalis. Sic in *tab. 4. fig.*

fig. 1. est Sphæra recta. *In fig. 5.* est obliqua. *In fig. 4.* est verticalis.

Item, *in tab. 8. fig. 7.* Sphæra est obliqua. *In fig. 8.* & *9.* est verticalis.

Item, *in tab. 4. fig. 2.* est recta homini posito *In f.* sit- que illi obliqua, ambulando ad *g.* unde & illi obliquatur Horizon *a b*, cum antea rectus illi esset *c d*.

CAP. VI.

Astrorum Numerus, & Figura.

Duplex est Astrorum, seu Stellarum genus. Aliæ dicuntur fixæ, & Inerrantes; quia easdem inter se distantias, situs, ac positiones servant; cujusmodi sunt Firmamenti Stellæ. Aliæ autem, quæ proprie appellantur Planetæ, sunt errantes; cum easdem inter se & cum Stellis Firmamenti habitudines non servant. Sic enim Luna *v. g.* modo accedit ad Solem; modo longissimis intervallis ab eo recedit. His igitur suppositis;

Dico **I.** Ex Stellis fixis, quæ Cælo sereno commode visu percipi possunt, numerari ab Astronomis solent tantum 1022. Quanquam fateor alias esse multo plures, quæ per tubum opticum observantur à recentioribus; sicque explicatur illud Abrahamo dictum, *Numeras Stellaras, si potes.* At

Not. Astronomos, ut res tota facilius comprehenderetur, Stellaras hujusmodi conspicuas omnes redegisse in certos Asterismos, seu constellationes, ex pluribus Stellis veluti Constitutas; quas etiam appellant Imagines, quod illius rei, cujus nomen sortitæ sunt, figuram aliquo modo, inquirunt, repræsentent. Sunt autem illæ Imagines, seu Constellationes omnino 48. inter quas primum dignitatis locum videntur tenere 12 Signa Zodiaci, jam à nobis posita.

Extra Zodiacum ad partes Septentrionales numerantur 12. Reliquæ ad plagam Australem attingunt. Atque

ut commodius mandentur memoria, his versibus tradi solent.

*Ad Boreæ partes Arcti junguntur, & Anguis.
Post has Arctophylax, pariterque Corona, genuque
Prolapsus, Lyra, Avis, Cepheus, & Cassiopeia,
Auriga, & Perseus Deltoton & Andromeda Astrum,
Pegasus & Delphin, Telum, hinc Aquila, Anguitonensque.
Austrum respiciunt Orion fulgidus ense.
Sub pedibusque Lepus, Canis hinc, Procyonque Ratisque
Argo, Hydra, & Crater, Corvus, Centaurus, & Ara,
Et Lupus, atque Corona micans, & Piscis in unda
Hydrochoi, Cetusque immanior, Eridanusque.*

Notandumq; est 2. Addisci posse hac methodo Cæli omnes Stellas in Globo materiali, in quo descriptæ sint, si nocte serena cum cœlesti conferantur. Aut si juxta figuram 9. tab. 5. Cælum ad Signa Zodiaci, 12 in regiones dividatur per Circulos, quos vocant Domorum Cœlestium, sicque ex Æquatore in Polum coëant, ut triangulares figuras reddant, quarum basis est in isto Æquatore: Tum oportebit advertere, quænam Stellæ ad singula Signa pertineant. Quo pacto, ad Arctis domum, ut aiunt, spectant ex parte Septentrionali, *Cepheus, Cetus*: & aliæ Stellæ, quæ concluduntur isto triangulo. At

Not. 2. Ex iis Constellationibus, quæ Circa Polum Septentrionalem convertuntur, præcipue à nobis considerari debere *ursam minorem*, septem omnino Stellis conspicuam; quarum tres per modum caudæ cujusdam ad quatuor alias consequuntur; uti videre est in tab. 3. fig. 5. Harum ultima dicitur Polaris, quia Polo vicinior est, nec ab eo nunc distat, nisi duobus fere gradibus. Vocatur & *Cynosura*, tum *Stella maris*, quia Naturæ ad illam intendunt, ut rectum in navigando cursum teneant. De majori Ursa isti propinqua, nihil est quod plura dicam. Ad Polum Australem nulla est hujusmodi, nisi paulo remotior Constellatio.

Not.

Not. 3. Ut descriptis supra versibus reddatur numerus 21. Constellationem Septentrionalium, *Pegasus* supponere tam pro *Equo alato*, quam pro *Equiculo*, qui est *Equi alati* sectio quædam. Item, *Anguitenens* denotat non solum *Ophiolum*, qui videtur Serpentem tenere; sed præterea & *Serpentem* illum, qui est alia Constellatio.

Dico 2. In Cœlo Planetario occurrunt septem illi Cebres, & omnibus familiares Planetæ, jam cap. i. ordine enumerati, quos inter Sol & Luna principatum tenent.

Sed præterea longe plures alii à recentioribus deprehensi sunt. Ac primo quidem Galilæus 4 Planetas circa Jovem retexit, quos appellavit Mediceos, in honorem Ducis Florentini, dicunturque etiam Jovis satellites. Item, & numerantur complures alii circa Solem cursitantes, quos nuperi autores observarunt; suntque illa corpora opaca, quibus postea dicemus effici, ut judicemus aliquas in Sole ipso maculas existere. Qui duo Planetæ circa Saturnum sunt reiecti, beneficio tubi optici, tam parum inter se relinquunt distantiam, ut videantur cum Saturno ipso conflare veluti unum corpus quasi ovale.

Item, Et in illa Cœlesti Planetarum regione non semel apparuerunt Stellæ aliæ, quæ aliquanto post longius delatæ versus Firmamentum, omnem oculorum aciem effugerunt: qualem apud Tychonem legimus fuisse visam Hipparcho, anno circiter 125 ante Christum natum: qualis etiam spectabatur temporibus Adriani Imperatoris.

Notandum vero est, non tantum Stellas, sed etiam & Cometas spectabiles nonnunquam fuisse in illa Planetarum regione, vel supra Solem ipsum. Hoc probarunt temporum illorum Mathematici, ut Tycho; nempe, quia occultabantur ab istis Planetis tanquam inferioribus; tum quia minorem efficiebant Parallaxim, aut serenullam. Est autem probabilius, Cometas ejusmodi, aliunde genitos non fuisse, quam vel ex materia Cœli adden-

addensata ; vel pluribus Stellis, ope Angelorum simul conglobatis, ut, Deo providente, forent calamitatum prænuncii, ac veluti prodromi : neque enim *unquam visus Terris impune Cometes.*

Dico 3. Astra sunt figuræ Sphæricæ. Probatur de Luna; quia si superficies illius, quæ saltem nobis obvertitur, esset plana ; tota simul illuminaretur, quotiescunque à Sole radios excipit : cum autem è contra paulatim, & successive, prout à Sole magis recedit, illuminetur circulariter ; signum est eam esse rotundam. Ergo à pari probabilius est, Stellas alias esse rotundæ figuræ; cum illa sit figura omnium præstantissima, debeaturque consequenter Corporibus id genus præstantissimis. Confirmatur de Venere & Mercurio : nam beneficio tubi optici, deprehenduntur eodem modo illuminari, ac Luna. Confirmatur etiam de Sole, quia illius sphæricitas causa esse debet, cur lumen per rimas etiam irregulares ab eo immissum, & in planum perpendiculariter incidens, affectet semper figuram orbicularem. Eodem enim per proportionem modo, res se habet ac in objectis visibilibus, quæ in clauso cubiculo, charta legitime extensa, picturam sui reddunt, beneficio speciei, à se, per foramen, immissæ ; quemadmodum explicui in Optica, & in Physica Part. *Disp. de Specie intentionali cap. I.* Quippe figuram sibi propriam objecta singula hac ratione repræsentant. Quod etiam ostendi potest ex doctrina capitis ultimi ejusdem Disputationis.

C A P. VII.

Astrorum Lumen, Maculæ, Eclipses.

Lucere Solem, & quidem proprio lumine, certum est : an alieno tantum luceant Stellæ reliquæ, disputatur.

Dico 1. Probabilius est, illas, quicquid fere habent luminis, à Sole mutuari. Quamobrem Sol vocatur *Pater Luminum*, & quasi fons luminis totius, quo reliquæ

reliquæ Orbis partes collustrantur. Probatur experientia, in ipsa Luna; si quid enim obstat propagationi luminis Solaris, ut Terræ interpositio; vel si qua parte Soli non obvertitur, deficit prorsus. Item, ex Planetis aliis Mercurius, & Venus videntur quoque perinde ac Luna crescere, aut decrescere, pro variis oppositionibus quas habent cum Sole. Est autem maxime probabile, rem perinde se habere de aliis; nempe simili modo à Sole collustrari.

Objic. Si Stellæ Firmamenti à Sole illuminantur, deberent æque perfecte lucere omnes, cum omnes æquali intervallo à Sole distent; ac proinde sic deberent æque perfecte illuminari à Sole. Atqui non æque perfecte lucent omnes. R. Ita contingere, quia proprium ac nativum lumen habent aliæ majus, & pro sua etiam majori mole, sunt magis conspicuæ.

Notandumque est consequenter, Lunam ad nos non profundere aliud lumen, quam Solare reflexum: ideoque non habet superficiem æquabilem, sed potius montibus asperam, ut lux hinc inde repercussa in omnem partem, ad nos transmittatur; quod alioquin secus contingeret. Item

Not. 2. Lunam, ubi plena est, non ideo plus luminis mutuari à Sole: Nam cæteris paribus, majori lumine perfunditur in Novilunio, tunc ubi nos læret. Ratio est, quia in Plenilunio majorem habet à Sole distantiam; tunc enim ipsi opposita est diametraliter, & quidem secundum majorem partem diametri Circuli illius, quem Sol decurrit. Dixi cæteris paribus, fieri enim potest, ut aliquando, etiam in ipso Novilunio, Sol magis à Luna distet, si nimirum tunc exiterit in Apogæo.

Dico 2. Apparent non modo in Luna, sed etiam in Sole ipso maculæ; quas quidem ut sine ulla offensione oculorum contempleris; excipiendi sunt perpendiculariter radii solares, in aliquo plano, puta in charta, per tubum aliquem opticum: vel saltem, hoc tibi erit satis, si facto foramine exiguo, seu rima, intra cubiculum ex-

ceperis Solis radium perpendiculariter cadentem supra aliquod planum. Tunc enim apparebunt tibi maculæ modo plures, modo pauciores oberrare ad discum Solarem. Cum autem eadem non sint, nec eodem numero, aut eadem in p[ar]te, signum est eas non inhærere ipsi Soli; nec esse veras maculas, sed tantum apparentes; Nec aliunde oriri, nisi ex Planetis quibusdam, seu corporibus opacis, quæ circa ipsum Solem deferantur; fortasse ad nimias ipsius vires retundendas, propter bonum Universi.

Contra autem maculæ lunares veræ sunt; ipsique Lunæ inhærent. Nam eadem semper apparent, certamque sedem servant. Quanquam aliud nihil sunt illæ maculæ, quam lux inæqualiter diffusa, ex eo quod Luna non sit perfecte rotunda; sed potius in ingentes quosdam veluti montes protuburet. Quod beneficio tubi optici idonei facile dignoscitur; tunc maxime ubi ipsa crescit, *Quemadmodum representari vides in una ex figuris intermediis tabulæ 4.*

Dico 3. Solis Eclipsis, est apparens luminis defectus in Sole, ex apra interpositione Lunæ inter aspectum nostrum, & Corpus Solare. Dixi apparentem esse illum luminis defectum, quia tunc nulla sui luminis parte privatur Sol, etsi contra nobis appareat. Dixi oriri ex apra interpositione; hæc enim Eclipsis continget tantum, Luna existente vel in capite, vel in cauda Draconis, ut supra exposui; vel saltem, si non multum ab iis abfuerit.

Atque hinc colliges, Solarem Eclipsim non posse quidem fieri nisi in illa conjunctione Luminarium, id est, in Novilunio; nec ramen fiet in Novilunio, nisi tunc Luna in metas Eclipticas inciderit. At

Not. 1. Posse observari Eclipsim Solarem sine offensione oculorum, si utaris illa methodo, quam tradebam modo ad maculas ipsius Solis contemplandas. Item

Not. 2. Sic posse te dimetiri quantitatem Eclipsis, si diametrum orbis illius lucidi, quem juxta hanc methodum in plano exceperis; si, inquam, illam diametrum ex more

SPHÆRA MUNDI. III

more divideris 12 in partes æquales, quas vocant *digitos*, aut *puncta*, ut in *fig. 8. tab. 4.*

Notabis 3. Consequenter ex dictis, admirabilem prorsus, & contra naturæ ordinem fuisse illam Solarem Eclipsim, quæ Christi Domino patiente contigit. Tunc enim erat Plenilunium; quare Luna mutato cursu in contrarias partes, regressa est ad Solem, ut ipsum nobis occultaret: quod D. Dionysius Areopagita in *Epistola ad Polycarpum* testatur se vidisse. Item

Not. 4. Non raro Eclipses Solis fuisse in æquales duratione, & obscuritate; quamvis in singulis Sol, & Luna eisdem servarent situs: ut scribit Clavius in *cap. 4. Sphære de Sacro Bosco*, subditque à se visam circa Meridiem Eclipsim Solarem, quam secutæ fuerint tenebræ quodammodo majores quam nocturnæ. Neq; enim, ubi pedem quis poneret, videre poterat; clarissimeque in Cælo Stellæ apparebant, & (quod mirabile erat) aves ex aere in Terram, præ horrore tam terræ obscuritatis, decidebant. Hæcque diversitas, ut docet, oritur ex excentricitate motus, quem tenent illi Planetæ; unde modo longius à se invicem, aut à Terra distant, modo propius accedunt. Tunc enim, juxta Opticorum leges, quando Sol longius à Luna abest, magisve Luna ad Terras accesserit, major in Terras projicietur umbra à Luna, & major Terrarum tractus per longius tempus obscurabitur; quod probat experientia, facta ejusmodi oppositione majoris lucidi, cum alio corpore etiam minore.

Dico 4. Eclipsis Lunæ, est verus luminis defectus in Luna, ortus ex idonea interpositione Terræ inter Solem, & ipsam Lunam. Fit enim tunc tantum, quando Luna est Soli diametraliter opposita; ac proinde cum existit vel in capite, vel in cauda Draconis, eo modo, quo jam exposui. Tuncque etiam idcirco recte dicitur, Luna ingredi in umbram terræ, uti videre est in *tabula 5. fig. 8. & in tab. 4. fig. 10.* Ubi Sol est in *a*, Luna in *c*, Terra autem in *b*, ex qua projicitur umbra conoides,

des, quia Sol est major Terra, juxta illud, quod observavi in *Prefatione*.

Notabis autem ex dictis, Lunarem ejusmodi Eclipsim non contingere nisi in Plenilunio; quamvis non contingat in omni Plenilunio; cum in omni Plenilunio non habeat sufficientem oppositionem cum Sole. Quin etiam

Notabis 2. Fieri posse, ut Luna in diametrali oppositione, & sufficienti, non ideo tamen patiatur Eclipsim, si à Terra fuerit remotior: ut ostenditur ad eandem figuram 10 in *f*. Item licet reperiatur intra metas Eclipticas, id est, intra eam latitudinem, in qua potest pati Eclipsim, nec in totam Terræ umbram incurrat, non erit Eclipsis totalis, sed tantum ex parte, & ad breve temporis spatium; puta si Luna fuerit *in d*, aut *in e*, aut si per apicem conï duntaxat transierit.

Notabis autem 3. Illam Eclipsium Lunarium inæqualitatem, seu majorem & minorem ipsius Lunæ distantiam à terra, non posse peti ab ejus excentrico: Nam, ut observat Clavius, Luna semper existit in Apogæo sui Excentrici, cum patitur Eclipsim. Immo, nec Orbis Lunaris tunc est Mundo Excentricus, sed potius Concentricus, uti quidem ex doctrina Tychonis observat Petavius *lib. 8. de Doct. Temp. c. 2*. Necesse est igitur, ut ratione Epicycli tunc vel magis recedat ab umbra Terræ, ut quando est in Apogæo illius Epicycli; vel magis descendat intra eandem umbram, ratione Perigæi, quod attingit in ipso Epicyclo. Unde & adstruitur necessitas Epicyclorum, in ejusmodi Planetis.

Notabis 4. Id esse discriminis inter Eclipsim Solis, ac Lunæ, quod Eclipsis Lunæ est universalis per totam Terram, ita ut absolute, & pro omnibus regionibus ipsius lumen deficiat. Solis vero Eclipsis non ita est universalis; potestq; apperere deficiens in uno climate, non autem in alio. Quia Eclipsis Solis dependet ex aspectu nostro, qui diversus est, pro diversis Climatis. Lunæ vero Eclipsis dependet tantum ex umbra terræ, quæ pro omni Climate semper est eadem.

CAP. VIII.

Astrorum distantia, & magnitudo.

Altitudinem Cœli quis dimensus est inquit Sapiens, Eccles. 1. Res enim adeo difficilis semper visa est, ut vulgus imperitum, à quo methodus ignoratur, eam esse impossibilem judicet. Suppono autem mensuram ejusmodi Cœlestium magnitudinum, esse Globi Terrestris semidiametrum, quam in Tractatu de Sphæra Terrestris ostendam esse leucarum Gallicarum circiter 1718. At posita ante oculos *figura 2. tabulæ 4.* in qua minor Circulus terram repræsentat, ex cujus superficie Luna *e* videatur.

Dico 1. Sic Lunæ distantiam illam potes deprehendere. Primo, nota sit tibi elevatio Lunæ supra Horizontem, beneficio Quadrantis Astronomici; supponaturque esse 30. grad. sic inferam: ergo arcus *ed*, erit grad. 60. Quare ut pergam ad investigandam quantitatem trianguli *cae*, ex quantitate arcus *de*, judico angulum *c* esse grad 60. Item nota quantitate arcus *bf* & consequenter anguli ipsi oppositi, inferam quantitatem anguli interni *eac*: quæ quidem si reperitur esse graduum *v.g.* 100, supererunt 20 grad. pro angulo *e*: Aliunde vero supponitur *ca* pro Terræ semidiametro leucarum 1718. Quare ex præceptis Trigonometriæ sic agam: si nullus anguli *e* 20 grad. dat 1718 leucas pro latere *ac* sibi opposito; quot dabit sinus anguli *c* pro latere *ae*, quæ est distantia Lunæ à superficie Terræ; cui addenda est Terræ semidiameter, ut habeatur distantia à centro Mundi.

Hæc autem est communior methodus investigandi alienius Planetæ distantiam, quæ beneficio Parallaxis perficitur in hunc modum; supposita *fig. 3. tab. 3.* Esto Circulus minor *bg* pro Globo Terræ; cujus semidiameter est *ba*. Item, esto Planeta *l*. Item, esto Planetæ illius verus locus *m* in Firmamento *lm* *e* elevatus supra

pra Horizontem gradibus 40. locus vero illius apparens, esto l , elevatus duntaxat 30 grad. ergo Parallaxis erit tantum 10 grad. & consequenter angulus arcui lm oppositus, erit 10 grad. ergo & angulus ipsi ad verticem oppositus intra triangulum biz , cujus notum mihi est ba leucarum, ut supra dixi, 1718. Item, angulus a mihi quoque redditur notus ex arcu me , quem necesse est esse grad. 50. ex hypothese, quod elevatio loci m fuerit grad. 40. Atque his positis, sic alo; Si parallacticus angulus i ; aut potius, sinus anguli i 10 grad. dat mihi latus ba leucarum 718: quot dabit sinus anguli a 50 grad. pro latere bi , quæ est distantia à superficie Terræ.

Consimili fere methodo per Trigonometriam investigatur à nonnullis altitudo Solaris, ut in fig. 4. Supponatur enim Sol in Horizonte a . Luna autem in i cor ab ipso distare gradibus 87. Tum à Sole ad Lunam duci perpendiculariter lineam ao , in ipso corpore Lunari constituentem annulos rectos. Ac proinde, cum angulus ad centrum Mundi sub arcu da supponatur esse graduum 87. sequitur, ut angulus a in Sole sit tantum grad. 3. fietque consequenter, ut angulus 3 grad. ad latus distantia Lunarum à centro Mundi, quam ex superiori Problemate notam supponimus: ita angulus rectus ao b ad latus ba , quæ est distantia Solis à centro Mundi. Ex qua, si subtraxeris Terræ semidiametrum, constabit de ejus distantia à superficie Terræ, &c. Nec plura id genus subjicio; cum sufficiat mihi aliquod hujus rei tam præclaræ specimen dedisse. Quare

Dico 2. Ex communiori Astronomorum observatione & calculo; Luna Apogæa distat à centro Terræ semidiametris ipsius Terræ, seu radiis 61, & consequenter leucis 104798: qui numerus oritur ex ductu 61, in 1718 leucas, quas supponimus contineri in semidiametro Terræ.

Luna autem Perigæa, seu in minima distantia, est semidiam. -2; seu leucarum 89326.

Sol Perigæus à centro Terræ distat 1101 semid., seu leucis

leucis 1891518. Apogæus autem, & in maxima distantia, ut notat Clavius, est semid. 1216; seu leucarum 2089088.

Stellæ Firmamenti ab eodem Terræ centro distant semid. 14000. seu leucis 24052000.

Norandum vero est, hic me sequi communes aliorum observationes, cum P. Bourdino, perinsigni Mathematico; vel cum Clavio; etsi aliqui nonnihil discrepent, ut Lanspergius, &c.

Dico 3. Quod spectat Corporum ejusmodi Cœlestium, ac Cœlorum, in quibus existunt, magnitudinem; de illa variis modis statui à nobis potest. Ac primo quidem ex umbra Terræ nonnulla petuntur argumenta pro magnitudine Solis & Lunæ. Suppono autem umbram ex Sole à Terra projectam, esse finitam, radiosque Solares tandem concurrere; ut in *fig. 8. tab 5.* alioquin si umbra illa projiceretur in infinitum, non modo Lunam involveret, quando patitur Eclipsim; sed etiam & Martem, Jovem, aliosque Planetas, nec non Stellas Firmamenti: quod verum non est, ut patet experientia. Item certum est, umbram illam Terræ fieri conicam, ut patet in Luna, ubi deficit; tunc enim confinium umbræ, semper circulare est; quod aliunde non provenit, quam ex forma ejusmodi umbræ rotunda. Item, certum est Lunam non pari Eclipsim, nisi quatenus in illam Terræ umbram incurrit; unde & longior est illa Eclipsis, quo Luna minus distat à Terra; quia coni pars ea semper est major, quæ magis accedit ad basim. Atque his suppositis; infero primo, Solem esse majorem Globo Terræ; quia quotiescunque umbra corporis opaci conica est, radiique extremi tandem coeunt; tunc semper lucidum, est majus illo corpore opaco; ut patet hic in *fig. 8.* cum in 7. ad litteram c.

Infero secundo, Lunam esse minorem, non modo Sole, sed & ipso etiam Globo Terrestri, siquidem tota interdum occultatur intra umbram Terræ; quæ tamen umbra, cum in modum turbinis cujusdam, ac coni, à

Terra

116 INSTIT. MATHEMAT.

Terræ prodeat, decrefcit femper, quo magis ab ipſa Terra longius effunditur, ut patet confideranti figuras in illa tabula defcriptas.

Præterea vero poſſet ex principiis Geometriæ affignari Corporum illorum determinata magnitudo in hunc modum *ad figuram 8. tabulæ 3.* ſi ex nota diſtantiâ per idoneum inſtrumentum deprehenderetur ab oculo *a* diameter aſtri *b c*, fieret enim triangulus iſoſceles *a b c*, cujus cognitio angulo *a* conſequenter cognofceretur quantitas eorum angulorum, qui ſunt ad baſim *b c* unde ſic definiret Aſtronomus; ut Sinus anguli *b ad* latus, ſeu ad diſtantiâ notam *a c*; ita ſinus anguli *a*, ad latus ipſi oppoſitum *b c*, ſed iſtud non moror.

Hunc habes modum ſatis vulgarem & tutum inquirendæ; *v.g.* Solaris magnitudinis: nempe cum Aſtronomi certa ratione & experimento deprehenderint diametrum Corporis Solaris occupare dimidiatum gradum illius circuli, quem diurno motu percurrit; ubi ex diſtantiâ Solaris à centro Mundi habetur circumferentia Circuli, facile eſt per diſiſionem Arithmeticâ aſſequi quantitatem illius dimidiati gradus. Atq; hoc pacto affirmant Solarem diametrum continere Terræ diametros quinque cum dimidia. Unde etiam juxta præcepta Cyclometriz facile judicant de aliis ejus magnitudinibus. Ita cum diameter Solaris ſe habeat ad diametrum Terræ; ut *5. cum dimidio ad 1.* Item, cum Sphæræ ſint in triplicatâ proportionem ſuarum diametrorum, *quemadmodum explicui in Elementis Geometriæ*, conſequens eſt, ut Corpus Solare contineat magnitudinem Globi Terreſtris plusquam centies ſexageſies ſexies; cum tamen Luna ſit quadrageſies minor ipſo Globo Terræ.

Sic perinde per proportionem Aſtronomi Geometriæ definiunt aliorum Aſtrorum magnitudines; ut cum aiunt, Stellas Firmamenti, quæ dicuntur primæ magnitudinis, eſſe centies ſepties majores Globo Terræ: alias autem, quæ dicuntur etiam ſextæ magnitudinis, ſuperare ipſum Terræ Globum decies octies; vel circiter,

Notabis

Notabilis vero duplicatam Aſtri alicujus diſtantiā à centro Terræ, conſtituere integram diametrum Cœli, ſeu Circuli illius, quem Aſtrum percurrit diurno motu. Tum cognita hujusmodi diametro, juxta Cyclometriæ leges, & adhibita regula *Trium*, facile judicatur de circumferentia. Atque ita

Dico 4. Lunæ Perigææ Circulus eſt leucarum 361540, Apogææ 658730.

Solis Perigæi ambitus leucarum 11889541. Apogæi 13131410.

Firmamenti ambitus ſecundum majores Circulos, puta ſecundum *Æquatorem*, eſt leucarum 151184000. Quo ex numero, juxta præcepta tradita in Geometria, poteſt colligi concava ſuperficies Firmamenti; & totius Mundi capacitas, ſeu quænam ambitu Firmamenti contineri poſſent. Hæc autem capacitas, quamvis ſtupenda eſt, repleri tamen poteſt arenulis, quarum numerus non conſtabit pluribus figuris quam 50, ut cum Archimede, facile definiri poteſt ope triplicatæ proportionis; quam methodum explicui in Geometria.

C A P. IX.

Aſtorum Motus.

EX hypotheſi, quod Terra in centro Mundi quieſcat (ut oſtendemus in Tractatu de Sphæra Terreſtri) neceſſe eſt moveri Cœlum, & Aſtra, cum ab Aſtris ſucceſſive in diverſis partibus illuminetur, ipſique orientantur, & occidunt. Quin & abſolute loquendo neceſſe eſt Planetas ipſos moveri, ſiquidem modo conjuncti ſunt ſimul, modo ab invicem diſtant; quæ ſine motu perſici nequeunt.

Sciendum vero eſt, quod primo capite jam inſinuavi, juxta Antiquos, motum hunc Cœlorum eſſe duplicem, ut nihil dicam de motu trepidationis. Supponunt enim exiſtere inter Cœlos, quod vocant *Primum mobile*, cujus

Just sit proprius ille, qui dicitur *Primus motus*, vi etiam
cujus, Cœli inferiores rapiantur ab ortu in occasum,
diurnam hanc revolutionem obeundo super Axem &
Polos Mundi. At præterea alter est, qui dicitur *Secun-*
us Motus, proprius Stellarum, sive inerrantium, sive
errantium, qui fit super Polos, & Axem zodiaci, ab
occasu in ortum. Pluresque enumerant Sphæras ejus-
modi secundorum mobilium; quales sunt Sphæra So-
lis, Lunæ, & aliorum Planetarum, quibus accedit &
Sphæra stellarum inerrantium. Sic autem probant
motum secundum istius Sphære stellarum inerrantium;
quod deprehendatur mutasse locum Solstitionum &
Æquinoctiorum: nempe, ut alunt, prima stella Arie-
tis, quæ tempore Ptolemæi fuit circa initium Dode-
catemorii ipsius Arietis, jam hodie 28 gradum ejus-
dem occupat, sicque movetur ab occasu in ortum, se-
cundum ordinem signorum Zodiaci. Notabis enim
cum Clavio, hic ab Astronomis supponi quasi duplex
genus Zodiaci. Quippe alterum fingunt in duodecim
partes æquales, seu *Dodecatemoria* distinctum, huncque
immobilem eo sensu, quod ejus v.g. Æquinoctia, &
Solstitia, non deserant unquam Æquinoctia, & Sol-
stitia primi mobilis: Alter vero est Zodiacus, Signa
stellata continens, qui superiori quidem responderet, sed
non immutabiliter.

Quod autem ad Planetas attinet; sic probant, quemad-
modum proprium habeant motum ab occasu in ortum:
quia scilicet successive ad diversas Zodiaci partes re-
spondent secundum Signorum consequentiam, uti qui-
dem loquuntur; id est, ab Ariete versus Taurum, Ge-
minos, Cancrum, &c. Nec proinde Planetæ illi eodem
Cœli in loco oriuntur & occidunt. Neque vero etiam
ad ejusdem Cœli partes circa Meridiem quotidie perve-
niunt, cum ab altero Polo recedant, modo ad eum ac-
cedant; vel potius (quod in idem convenit) modo re-
cedant ab Ecliptica, modo ad illam accedant; isteque
ab Astronomis, vocatur *motus latitudinis*: Qui enim
motus ducitur ab initio Arietis, seu ab Æquinoctio
Verno,

Verno, juxta Signorum consequentiam, id est, versus Taurum, Geminos, &c. is appellari solet *motus secundum longitudinem*, ut quando Sol motu annuo successive percurrit Signa Zodiaci.

Notandumque est ex Astronomorum observationibus, sic moveri Solem motu annuo, quasi supra Orbem Excentricum; cujus nimirum Orbis centrum distet à centro Universi, certo leucarum numero, quem facile definiunt; Illamque vocant *Solis Excentricitatem*, quam Petavius *de Doctrina temp. lib. 8. cap. 1.* ex communiori sententia statuit esse octavam & vicesimam partem illius semidiametri, quæ ducitur à centro Mundi, ad ipsius Solis Apogæum. Item, in illo Excentrico designant *Apogæum*, circa initium Cancræ; *Perigæum* vero circa initia Capricorni: motumque illum quo Sol, aut quivis alius Planeta à Perigæo ascendit ad Apogæum, vel quo, ab Apogæo descendit ad Perigæum, vocant *motum Anomalie*: Nam, quæ est distantia Planetæ à suo Apogæo, solet in tabulis appellari *Anómalia*: vel *Anómalia Excentrici*, &c. Unde vides, quemadmodum Planeta dicatur fieri modo Apogæus, modo Perigæus. Porro

Sciendum est 2. Ex Planetis nonnullos, tum propter orbes Excentricos, tum propter Epicyclos, in quibus moventur, ut monui in Præfatione hujus Tractatus, fieri præterea modo *Directos*, modo *Retrogrados*, modo *Stationarios*. Dicuntur autem *Directi*, quando secundum Signorum seriem promoventur in Signa consequentia, ut ab Ariete in Taurum; tuncque etiam est velocior motus, quod Epicyclus & Excentricus in eandem simul partem secundum Signorum ordinem moveantur. Alioquin ubi moventur in partes contrarias, & Epicycli motus superat motum Excentrici, fiunt *Retrogradi*, & contra Signorum ordinem feruntur in antecedentia; ut ab Ariete in Pisces. *Stationarii* denique sunt, quando in eodem Zodiaci loco videntur subsistere; id est, non deferri, aut in antecedentia, aut in consequentia.

Notandumque est, motum quidem illum Planetarum, per se regularem & æquabilem esse, cum in se nihil habeat inordinati, quod sit opus perfectissimæ sapientiæ. Et vero constat experientia illos Orbes statò tempore idem repetere curriculum. Idque etiam confirmant Eclipses, & varii Planetarum aspectus, qui multo ante, ad certum tempus & locum, notari & prædici solent.

Notabis tamen 2. Motum hunc eundem *apparenter*, seu *respectively* ad nos, dici inæqualem, seu irregularem. Quippe, cum Planetæ illi circumferantur orbibus Excentricis, tum Epicyclis, quos non observamus nisi ex Terra, quæ est veluti Mundi centrum; cum etiam inde sit consequens, ut æqualibus temporum spatiis, non videantur æquales arcus Zodiaci conficere; Ideo, *respectively* ad nos, & ad Zodiacum ipsam, dicuntur moveri irregulariter. Quod quidem ut descripto schemate & exemplo aliquo exponam; consulenda est *figura 1. tabule 10.* in qua Circulus major supponitur pro Zodiaco primi mobilis, in 12 partes, seu arcus æquales diviso, per diametros sese ad centrum Mundi interfecantes. Circulus vero interior supponitur pro Orbe excentrico Solis proprio, supra quem fingitur moveri, & quidem motu per se æquabili & uniformi, ita ut æquali tempore non percurrat in suo illo Orbe, nisi æquales arcus, seu æqualia, quæ in ipsa mente concipiantur, veluti quædam Dodecatemoria. Verum, cum Orbis ille Solaris sit Excentricus Zodiaco; inde sequitur primo, ut dividatur tantum inæqualiter per eas diametros, quæ Zodiacum in æqualia Dodecatemoria duodecim partiuntur. Ac proinde sequitur 2. ut pars ea, seu veluti Hemisphærium Solaris Orbis, quod Signis Borealibus opponitur, & in quo reperitur Apogæum, sit majus, & majori temporis spatio decurratur, quam ea pars, quæ subtenditur Signis Australibus. Item sequitur 3. ut quamvis Sol in Orbe suo Excentrico moveatur æqualiter & uniformiter, id est, æquali tempore sua veluti Dodecatemoria perlustrans; *respectively* tamen ad Zodiaci Dodecatemoria non mo-

vetur

tur nisi irregulariter; quod nimirum singula hæc non obeat nisi tempore inæquali; sic enim ipsis patet oculis, quemadmodum *v. g.* ubi versatur circa Apogæum, ad Signa *Cancris & Geminorum*, majores perlustrat arcus, quam in Perigæo, ad Signa *Sagittarii & Capricorni*; Atque ita per proportionem de aliis: Quinetiam pater, quemadmodum arcus ille totus in Orbe Solari respondens sex Signis Borealibus, longe sit major, quam arcus Signorum Australium. Quamobrem videmus Solem longe diutius morari in perlustrandis Signis Borealibus, quam in Australibus; & in parte illa Boreali ab ipso describi Parallelos fere 187. per dies 187. qui numerantur ab Æquinoctio Verno, seu à 21 Martii, ad Æquinoctium Autumnale, Septembris 24. nec moratur nisi 178 dies in Signis Australibus, describendo solum circiter 178 Parallelos. Nam toto illo spatio, quod utroque Tropico intercipitur, describit 182 Parallelos, & semis fere.

Notabis autem 3. Soli quidem vulgo ab Astronomis non adscribi Epicyclum, perinde ac Planetis aliis; sed tantum Excentricum. At de motu Epicycli, *v. g.* Lunaris, docent hunc esse necessarium ad explicandas illius syderis varias phases, & irregularitates. Sic enim dicitur in superiori Epicycli Hemisphærio ferri contra Signorum ordinem; ideoque videtur tarde progredi in consequentia; cum ejusdem Epicycli inferius Hemisphærium perlustrans, agam juxta Signorum ordinem. Totamque hanc Epicycli periodum perficit, inquit, diebus 27. cum horis 13. singulis diebus 13 circiter illius circumferentiæ gradus obeundo. Alioqui, si Luna supponeretur Epicycli centro affixa, motumque illius centri sequeretur, nullam haberet irregularitatem. Quinetiam motum hunc centri appellant *motum medium*, quia medius est inter velocem ac tardum. Ac varia præterea sortitur nomina, prout ex variis principiis numeratur. Si enim refertur ad *Nodos*, dicitur motus Lunæ in *latitudinem*; Hanc enim acquirit Luna latitudinem, quotidie ab his recedendo grad. circiter 13, &c. Nec ad eundem

revertitur nodum, nisi post dies 27. cum horis aliquibus. Si refertur motus ille ad Zodiacum, cum absolvit diebus 27; cum horis 7, & minutis aliquibus; diciturque mensis periodicus. Nam ille est mensis synodicus, ubi à Sole digressa, ad eundem revolvitur post dies 29. cum horis 12, ac minutis aliquibus; ut tradam in Chronologia. Sciendumque est obiter, ex motu centri, & ex motu circa Epicyclum, coalescere in Luna motum, quem Excentricum vocant. Nam Luna existens in Apogæo, & ab eo distans, describit semper Circulum Mundo Excentricum, nisi ubi concurrit cum Circulo, qui transit per centrum Epicycli.

Notabis porro 4. In hoc Tractatu supponendos esse nobis quasi reales tum Excentricos, tum Epicyclos, quamvis sint tantum imaginarii, ut monebam initio, ad finem Præfationis; debetque iste loquendi modus servari, quod alioqui res satis commode nequissent explicari. Item, ut explicetur via Planetarum sub Zodiaco, secundum ordinem Signorum, merito usurpantur & nomina, aut *primi*, aut *secundi motus*: *motus proprii*, & *motus violenti impressi à primo mobili*, quamvis nullum sit ejusmodi *primum mobile*, aut *motus violentus*.

Notabis enim 5. Cœlos & Astra non habere de se inclinationem ad motum localem ullum, sed potius habere indifferentiam ad quemlibet; ut supponimus ex *Physica de Cælo*. Ergo nullus iis potest esse violentus, quantumcunque sit ab extrinseco impressus. Item, supponimus quoque ex eadem Physica, nullum esse in Astris motum, qui ab Intelligentiis non fiat ex arte, & sapientia maxima, prout exigit bonum Universi. Item, supponimus quoque Cœlum, Planetarium saltem, esse illiquidum; tum per illa spatia deferri ab Intelligentiis Planetas: qua in hypothese stare non potest raptus ejusmodi, & motus violentus à superioribus Cœlis impressus. Item, quod ex stellis alias videamus eodem tempore simul cum aliis ad eadem Cœli puncta, puta ad Horizontem concurrere; tum postea quasi retrogredi ab occasu

occasu in ortum sub diversis Signis Zodiaci : Eam ob causam illud evenit, quod transeundo à Tropico ad Tropicum per lineas spirales, tam cito diurnum Circulum suum non obeant. Ita, quæ v. g. Arietis stella hodie simul cum Sole oritur ; cras, illum gradu aliquo antecedit ; fietque tandem post 6 menses, ut, Oriente Sole, ipsa ad Occasum perveniat.

Notabis 6. Hæc quidem, quæ à nobis tradita sunt, pertinere ad eam partem Astronomiæ, quæ proprie nominatur *Sphæra*, de variis Cœli Regionibus, Circulis, & eorum usu ; de numero, situ, magnitudine, motu, cæterisque id genus affectionibus Corporum Cœlestium. Altera vero est Astronomiæ pars, quam appellant *Theoriam Planetarum*, quæ illorum loca in Cœlo, tum motus, aspectus, syzygias, seu conjunctiones, ac oppositiones veras, tandemque deliquia ad determinatum tempus definit, rerumque earum Tabulas ad communem & publicam utilitatem describit. Sic olim *Hipparchus* Solis ac Lunæ motus & periodos observavit ; quem *Ptolemæus Alexandrinus*, Astronomiæ princeps, multis post annis est secutus, primusque non modo Solis & Lunæ, sed reliquorum etiam syderum motus explicuit Tabulis, quæ fuere in usu usque ad annum CHRISTI circiter 880 : quo tempore, cum deprehenderentur non amplius consentire Cœlo, in earum loco subrogatæ sunt *Tabule Albategniane*, auctore *Albategnio Arabe*, quas etiam tum postea *Arzabelis* cujusdam studio emendari oportuit ; dum tandem sumptibus *Alphonsi X. Hispaniæ Regis*, nomine ipsius consecratæ *Alphonsinæ Tabule* prodierunt ; quarum tamen insufficientiam probavit eventus ; quamobrem circa annum 1461. *Fubarchius*, & *Regiomontanus*, Viri percelebres, earum emendationem tentarunt ; tum deinde *Nicolaus Copernicus* ; ex cujus inventis *Reinholdus* construxit eas, quæ dictæ sunt *Prutenicæ*. Sed cum etiam deficerent, *Tycho Braheus* negotium illud promovebat, nisi obstitisset mors præproperea ; quanquam ex ejus observationibus *Keplerus*, *Rudolphi*

Imperatoris mandato, circa annum 1627. *Tabulas Rudolphinas* elaboravit, non tamen erroris omnis expertes. Unde & huic rei nuper *Lanspergius* operam dedit plusquam per 40 annos; quam feliciter, alii viderint. Illos taceo, qui subinde scribunt *Ephemerides*, annotando, quæ ad singulos dies debeant contingere circa Planetas.

CAP. X.

Motuum Cœlestium affectiones nonnullæ.

DE variis Stellarum aspectibus; de earum velocitate in motu; de ortu, & occasu jam acturus;

Dico 1. Aspectus illi sunt certæ Planetarum sub Zodiaco habitudines, seu dispositiones, unde speciales quidam in Natura effectus producuntur. Præcipui autem numerantur quinque, quos intueri licet cum propriis etiam characteribus *in tabula 5. fig. 5.* Primo enim est Synodos, seu conjunctio; quando Planetæ sunt sub eodem Zodiaci gradu.

2. Est aspectus Hexagonus, seu Sextilis, aut Sexangularis; quando Planetæ sexta Zodiaci parte, id est, duobus Dodecatemoriis à se invicem distant.

3. Est Terragonus, seu Quadratus, aut Quadrangulus, cum distant tribus Dodecatemoriis.

4. Est Trigonus, seu Triangularis, cum distant 4 Dodecatemoriis.

5. Denique est Oppositio, seu Diametralis aspectus; cum sex Dodecatemoriis, seu sex Signorum intervallo à se invicem sunt remoti.

Notabis etiam, Tunc dici Planetam *exaltari*, ubi in eo est Signo, cum quo majorem exercet virtutem; cui quidem Planetæ *exaltationi* opponitur *casus*; quando in eo Signo est, in quo minus habet virtutis. Jam verò ut agam de velocitate motuum Cœlestium;

Dico 2. Tardior ille est motus, quo moventur Astra ab occasu in ortum, contra impetum primi mobilis, ut quidem

quidem loquuntur: Antiqui. Et vero sic promoventur Stellæ Firmamenti secundum ordinem Signorum sub Zodiaco primi-mobilis, ut suam illam periodum non absoluant, nisi annis circiter 28800: qui ab aliis dicitur Annus Platonicus. Atque ut agam de Stellis errantibus:

Dico 3. Sol Zodiacum percurrit diebus 365, cum horis 5, & 48 minutis integris, non numeratis minoribus aliis. Quare

Not. 1. Solem quotidie promoveri sub Ecliptica uno circiter gradu. Item sic nova quotidie puncta designare in Horizonte, sive ortivo, sive occiduo: Item, sic promoveri ab uno Tropico, ad alterum per lineas spirales, & per Circulos, quos vocant Parallelos, quales descripro vides in *tab. 4. figur. 1, 4, & 5.* suntque ex istis Paralleli alii Boreales, alii Australes, qui suum initium sumunt ab Æquatore, incipiuntque ab eo numerari.

Notandumq; est 2. Solem in decurrendis Signis Borealibus morari dies 187, tuncque fieri Apogæum; cum in Australibus fiat Perigæus; in quibus non versatur nisi dies circiter 178. quemadmodum superiori capite aiebamus. Item,

Not. 3. Solem sic ascendentem vel descendentem ab uno Solstitio ad aliud, describere circiter 182 Parallelos, pro numero dierum, quibus conficit illud spatium. Et si autem illi Paralleli non sint omnino Circuli, sed Spiræ, quia tamen in eo non fit error sensibilis, solent nihilominus appellari Circuli, quos inter numerantur Tropici & Æquator. Item,

Not. 3. Solis Apogæum his temporibus deprehendi circa 7 Cancri gradum; & ita paulatim progredi in consequentia, ut annorum circiter 21000 spatio, totum Zodiacum percurrat. Hoc enim colligitur ex eo, quod Hipparchi ætate versaretur circa Geminorum gradum 5, & semis. Servata igitur proportionem temporis illius, quo tot gradus peragravit, facile est concludere, quantum circiter annis singulis ulterius procedat. Nec dubitavit

Longomontanus, aliique cum ipso, juxta hanc methodum statuere de Mundi initio & ætate, ducendo illud Apogæum per anteriora sæcula, usque ad initium Arietis, in quo fuit conditum, ex probabiliori sententia. Sed tamen, quamvis à communi Chronologorum computo non multum discrepet; recte observavit Petavius *lib.4. de Doct. Temp. c.35.* non esse decretum illud firmum; cum variorum temporum Astronomi, de situ & de progressionem illius Apogæi non parum inter se dissentiant. Tu, si lubet, hac de re illum consule.

Dico 4, Luna curriculum illud Zodiaci perficit diebus 27, cum 7 horis, & 43. min. Quamobrem ex usu vulgari solent attribui Lunæ 13 gradus, præter aliqua minuta, quos singulis diebus percurrat. Dum interim in ipsa Luna, sive crescente, sive decrecente, observandæ sunt phasæ diversæ. Ac primo quidem die, qui est congressus, seu conjunctio cum Sole, caret omnilumine, & dicitur *Luna silens*, estque in Apogæo. Tum quarto die sextilem habens aspectum in media longitudine, fit *Corniculata*. Deinde septimo, in Perigæo existens, & quadrato aspectu, dicitur *Dividua*. Undecimo, fit triangularis aspectus, repetitque mediam longitudinem, estque *utrinque gibbosa*. Decimo quinto iterum redditur Apogæa, & fit oppositio; diciturque *Plenilunium*. A quo quidem Plenilunio digrediens, eisdem situs & aspectus repetit ordine retrogrado: cornua intendens ad occasum, & matutino tempore apparens; cum è contra crescens vespertino tempore conspicua est, cornibus obversis ad Orientem. Nam pars Lunæ illuminata, semper Solem respicit: quæ contemplari licet in *tab.4. fig.9.*

Notandumque est Planetarum aliorum suas esse similes periodos sub Zodiaco, quas perinde certo temporis spatio perficiant. Quas enim Zodiaci partes omnes diximus perlustrari à Sole diebus 365, & aliquot horis; tum à Luna diebus 27, & aliquibus præterea horis; hæc præstari vulgo tradunt à Venere & Mercurio æquali fere tempore

tempore cum Sole. Sed Mars motum illum non complet, nisi annis fere duobus, Jupiter fere 12; Saturnus autem fere 30.

Dico 5. Diurni motus major est, aut minor velocitas pro magnitudine Circuli, quem Astra obeunt. Nec multum laborant Astronomi in definienda illa velocitate, ubi constat de magnitudine Circuli, quam facile conficiunt ex distantia cognita; ut *cap.* 8. aperui. Nam si numerum leucarum, qui continetur in illo Circulo, divides per 24, indicabit *Quotiens*, quot singulis horis leuca decurrantur. Quare supposito illo nostro calculo, de magnitudine Circuli uniuscujusque, quem Astrum obit diurno motu; consequens est, ut Luna Perigæa singulis horis conficiat leucas circiter 23230: Apogæa vero circiter 27447.

Ita, Sol in minima distantia horis singulis leucas peragrat circiter 494564: Apogæus autem, seu in maxima distantia, circiter 547142.

Ita etiam, Stellæ Firmamenti positæ, ad Æquatorem, una hora perficiunt leucas circiter 6299333; atque uno minuto plures quam 104988.

Notabis vero hic addi particulam *circiter*, quia negliguntur fractiones, quæ nihili habendæ sunt in tanto numero, etsi aliquantisper augere illum possent. Item

Not. 2. Non eundem esse hunc omnium Astronomorum numerum: quia non eodem leucarum genere utantur omnes, ex quibus tamen aliæ aliis sunt vel duplo, vel triplo majores: Item, quia instituendo suo calculo, sæpe aberrant. Dubium autem esse vel imperitis non potest, quin principia, quibus hoc loco nituntur Astronomi, certissima sint; alioquin etiam de Eclipsibus Luminarium Cœlestium; de earum momentis, & duratione tam constanter non pronunciarent.

Dico 6. Initium & finis motus Cœlestis supra Horizontem, vocatur tum ortus, tum occasus. Sic enim dicitur nobis oriri Sol, cum ascendit supra Horizontem: contra autem occidit, cum infra Horizontem demittitur.

Notan-

Notandumque est, ortum huiusmodi, aut occasum Solis, vulgo triplicem assignari. Primus, qui & verus dicitur, est *Æquinoctialis*; quando Sol est in *Æquatore*. Secundus est *Æstivus* nobis, quando Sol est in *Tropico Cancrī*. Tertius denique est *Hybernus*, quando est in *Tropico Capricornī*. Latitudo autem vel ortiva, vel occidua, est puncti illius *Horizontalis*, in quo data die Sol oritur, distantia puncto *Æquinoctiali*, in quo scilicet *Horizon* secatur ab *Æquatore*. At

Nor. 2. Ortum, aut Occasum Signorum *Zodiaci*, proprie appellari ascensum, aut descensum. Ascensus, vel, ut loquuntur, ascensio Signi *Astronomici*, est pars aliqua *Circuli Æquinoctialis*, à principio *Arietis* numerata, quæ cum certo arcu *Zodiaci*, aut *Eclipticæ* ascendit supra *Horizontem*. Aliaque est ascensio, aut descensio recta, alia autem obliqua. Quæ ratione partium *Zodiaci* dicitur recta, est quando plures gradus oriuntur de *Æquatore*, quam de *Ecliptica*. Obliqua vero contra est, quando pauciores gradus oriuntur de *Æquatore*, quam de *Ecliptica*. Atque ita per proportionem dicendum est de recta aut obliqua Signi descensione.

Norabis porro 3. Sermonem hætenus fuisse tantum de Ortu & Occasu Signorum, secundum *Astronomos*, seu prout in usu est apud *Astronomos*. Nam allus est in usu, apud *Poetas*, qui eam ob causam vocatur *Ortus & Occasus Poeticus*. Qui quidem *Ortus & Occasus Poeticus* vulgo supponitur esse triplex.

Ac primo, *Ortus Cosmicus*, quando Signum *Zodiaci* aliquod una cum Sole matutino ascendit supra *Horizontem*. Quod idem Signum simul cum Sole serotino descendens infra *Horizontem*, dicitur occidere *Chronice*. At secundo est *Ortus Chronicus*, seu temporalis, ubi aliquod Signum emergit supra *Horizontem*, Sole descendente infra ipsum *Horizontem*. Quare

Cosmice descendit Signum, quod Chronice surgit.

Chronice descendit Signum, quod Cosmice surgit.

Tertio denique est *Ortus Heliacus*, quando nimirum

rum stella in Cœlo videri potest, non impediente Solis lumine, & quando ipse occidit. *Occasus* vero Heliacus, est quando stellæ amplius videri nequeunt, ob Solis præsentiam.

C A P. XI.

Instrumenta Astronomica.

UT non agam modo de Quadrante Astronomico, cuius structura jam explicata est in Geometria;

Dico Triplex esse genus Sphæræ materialis, seu artificialis, cuius est in rebus Astronomicis usus perinsignis. Ac primo quidem est Sphæra armillaris, sic dicta, quia ex armillis, id est, Circulus constat, quibus variz Cœli regiones repræsentantur, *ut in tab. 2. fig. 1. & 2.*

Secunda est Sphæra solida, seu Globus Astronomicus, qui ab inventore nominatur Sphæra Aratea, continens descriptos Circulos, & stellas, eo per proportionem modo, quo sunt in Cœlo ipso. *Schema vides in tab. 6: fig. 7.*

Tertia est Sphæra plana, seu Planisphærium, quod alio nomine Astrolabium appellant. Idemque est ac Globus Cœlestis complanatus, seu in forma plana repræsentatus. Sed antequam tibi usui esse possit, observanda est illius structura.

Prima pars est armilla suspensoria, à qua libere dependet totum Instrumentum. Duas habet facies; quarum altera vocatur posterior, seu dorsum Astrolabii: altera anterior, quæ & mater nuncupatur; quod suo veluti in gremio varias regionum diversarum tabellas, seu tympana contineat. Tum in circuitu est limbus in 360 partes, seu gradus Æquatoris divisus, cum notis horarum æqualium.

Notandum vero est plures adesse Tabellas, quæ variis in Mundi plagis deserviunt, pro diversa Poli elevatione, aut Sphæræ obliquitate.

Not.

Not. 2. In singulis hisce Tabellis hæc imprimis esse observanda.

1. Unamquamque Tabellam habere tres Circulos concentricos; quorum minimus, centroque proximus repræsentat Tropicum Cancræ. Qui maximus est, & à centro remotissimus, supponitur pro Tropico Capricorni; medius denique est Æquator, seu Circulus Æquinoctialis.

2. Duæ sunt Diametri in centro Circulorum sese intersectantes; totamque faciem in 4 Quartas, seu arcus 90 grad. dividunt. Quæ autem Diameter ab armilla descendit, vocatur linea medii Cœli, seu Circulus Meridianus. Quæ autem transversa est, vocatur Horizon rectus; cujus quidem sinistrum latus Orienti; dextrum Occidenti adscribitur, Instrumento ante oculos obverso.

3. Tabellis singulis sunt inscripti Circuli elevationum, seu Almucantarath, Astrorum elevationibus indicandis; quales videre est in *fig. 1. tabulæ 5.* Atque horum quidem Circulorum maximus, & totius structuræ basis, est Horizon obliquus. Cuius è contra omnium minimus est ad verticem, seu ad Zenith. Deberent autem tot fere poni Almucantarath hujusmodi, quot gradus; sed vitandæ confusionis gratia, bini tantum, vel terni describuntur.

4. Præterea superadduntur verticales, seu Azimuthales Circuli, quales scorsim tibi repræsentato in *fig. 2. ejusdem tab. 5.*

5. Sub Horizonte obliquo solet describi linea crepusculina; tum arcus horarum inæqualium. At

6. Diligenter hic observanda sunt tria punctorum genera, quæ per diversas Circulorum sectiones designantur, tam in parte Orientali, quam in Occidentali.

Primum est punctum veri Orientis, tum veri Occidentis, ad intersectiones Circuli Æquinoctialis, & Horizontis obliqui.

2. Est Oriens, tum Occidens Æstivus ad intersectiones ejusdem Horizontis obliqui, & Circuli Cancræ.

3. De-

3. Denique est punctum Orientis, tum Occidentis Hyberni, ad intersectiones Capricorni, & ejusdem Horizontis.

4. His regionum Tabellis incubat Aranea, quæ Zodiacum maxime continet; tum nonnullas ex illustrioribus Firmamenti Stellis, quæ denticulorum extremitatibus designantur.

Ac denique supra Araneam applicatur regula versatilis, quam appellant Ostensore, cum sua linea fiduciar, quæ limbum possit percurrere, & quæsitæ puncta, aut sectiones, gradusve indicare.

Posterior Astrolabii facies, seu dorsum has præcipue partes habet. 1. Per lineam Meridianam ab armilla descendentem; tum per Horizontalem, in quatuor Quartas, seu arcus 90 graduum distinguitur.

2. Continet plures Circulos concentricos: ex quibus unus divisus est in 360 gradus, qui sunt gradus elevationum ab Horizonte ad verticem. Alius mensium dies; alius denique Signorum gradus singulis mensium diebus respondentes indicat.

3. In medio est Quadratum Geometricum pro Altimetria, simul cum dioptra, seu mediclinio varios in usus. De usu Instrumenti hujus tum in praxibus Astronomicis, maxime autem in Chronologicis sermo est futurus.

CAP. XII.

Præxes Astronomiæ.

Probl. I.

Scire modum investigandi Astrorum distantias, magnitudines, motuum velocitatem ipsis propriam.

Habetur hujus quæstionis solutio, ex doctrina capitulis octavi, & decimi.

Probl.

Probl. II.

Scire locum Solis in Zodiaco ; seu gradum, cui dato die respondeat.

Suppono 1. *Verum* aut Solis, aut alterius Planetæ locum in Zodiaco, esse illud Signum, aut Signi illius gradum, cui responderet per lineam rectam, quæ à centro Mundi, per centrum ipsius Planetæ ad Zodiacum, seu Eclipticam, recta producit. Quinetiam *verus* Solis, aut Planetæ cujuscvis motus ille est, qui fiat per Eclipticam, ab initio Arietis primi mobilis, ad Signa consequentia, juxta lineam, quæ à centro Mundi, per centrum Astrî, ad ipsam Eclipticam traducitur ; vel certe, si Astrum sub Ecliptica non fuerit, quæ protenditur ad Circulûm latitudinis, de qua jam diximus *cap. 3. ad A. fert. 2.* Item

Suppono 2. Illa quæ etiam *cap. 9. de motu Planetarum* in suo Excentrico, aut Epicyclo differuimus. Ex quibus sequitur, ut, quamvis Sol *v. g.* uniformiter moveatur in suo orbe Excentrico, seu æquales arcus illdem temporis intervallis in eo peragret ; nobis tamen ex Mundi veluti centro spectantibus, secus id appareat. Quia scilicet motum illum non attendimus, aut dimetimur, nisi cum respectu ad Zodiacum, cujus partes in se æquales non peragrat, nisi tempore inæquali, comodo, quem ibi exposuimus ; nec proinde *Verum* illius motum, aut *verum* illius locum in Zodiaco ita facile designamus.

Quamobrem, ut varietas illa omnis certa & æquali ratione temperetur ; Astronomi, ex arte, supponunt *medium* aliquem motum uniformem, cujus beneficio, ille, qui *verus* est, obtineatur. Rem oculis subjicio, *figura 2. tabula 10.* in qua Circulus major *A B C D* est loco Zodiaci : interior vero Circulus *E F G H*, supponitur pro Orbe Solari Excentrico. Punctum *I* est centrum Zodiaci, & Mundi totius : punctum autem *L*, est centrum Solaris Excentrici. Item, describitur linea *L M*, à centro excentrici ad centrum ipsius *v. g.* Solis, quæ etiam dicitur linea motus illius, quo Sol move-

vetur

vetur uniformiter quidem circa suum Orbem Excentricum, sed Irregulariter, respective ad Zodiacum, ut jam exposui. Huic lineæ jungitur parallela IO à Centro Mundi, ad Zodiacum usque producta. Ne quid dicam nunc de linea IMN , quæ est linea veri loci, & veri motus, cum transeat à centro Mundi, per centrum ipsius Astri ad Zodiacum usque.

Observandumque est lineam IO parallelam lineæ Solari LM eam esse, quæ dicitur *medii motus*, seu *motus equalis*. Dum enim simul cum linea Solari Excentrici LM movetur pari velocitate, æquali tempore designat æquales arcus in Zodiaco, ac proinde sic indicat *motus veros*, & *vera loca* Planetæ ipsius in Zodiaco; si modo subtrahitur ille arcus, qui est *differentia* motus medii & veri; seu qui inter lineam medii motus, & lineam veri motus comprehenditur. Ideo enim iste arcus vocatur *Adæquatio*, quod ea ratione adæquatur motus *v. g.* Solaris irregularitas cum motu regulari: Item, vocatur etiam Græce *ὑπολειψις*, id est, *subtrahitio*, quia ad instituendam ejusmodi *Equationem*, solet prius *subtrahi* à motu vero: etsi aliquando fiat illius additio ad verum motum.

Nam præterea ad investigandum Planetæ, puta Solis, verum locum; primo, consideratur *longitudinis* motus, cujus initium petitur ab *Æquinoctio Verno* primi mobilis. Deinde habetur simul ratio motus illius longitudinis, quo Sol progreditur ab Apogæo *in consequentia*. Tum enim de priori motu longitudinis subtrahitur quidem arcus intervalli, quo Apogæum distat ab *Æquinoctio*; Illudque, quod residuum est, vocatur *Solis Anomalia*, aut *Argumentum Solis*, quod, in Tabulis Astronomicis digestum, indicat *prosthaphæresim* subtrahendam ex medio motu longitudinis, ut dixi, quamdiu Sol versatur eo in Hemisphærio, quod ab Apogæo ad Perigæum extenditur. Ast ubi versatur in opposito Hemisphærio, repetendo Apogæum, tunc debet addi ad medium motum, ut habeatur verus Solis locus.

Atque

Atque hinc, ut tradit Petavius, *lib. 8. de Doctr. Temp.* cap. 1. Tabulæ duplices motui Solari deserviunt. Prior est *medii motus*, cujus in priore colo longitudo Poli ab Æquinoctio continetur: in altero notatur *motus Anomalie*, qui ab Apogæo incipit. Posterior Tabula complectitur Prosthaphæreses, quarum beneficio *verus motus* indagatur. Quemadmodum vero quantitas arcus Prosthaphærici habeatur ex Triangulorum methodo, perdiscere illud potes ex *lib. 4. cap. 32.* Satis mihi est planam fecisse viam hanc Tyronibus ad tam nobilem disciplinam.

Sed his prætermisissis, ut habeas in promptu locum Solis in Zodiaco, accipe vulgarem hanc methodum.

Ac primo quidem, memineris *ex cap. 3.* quænam cuiusque mensis propria sint Signa, etsi in illa Signa Sol non ingrediatur, ut aiunt, nisi sub postremas mensium illorum partes. Nam excepto Piscium Signo, quod attingit 19. Februarii, ad alia non pervenit, nisi post vigesimam diem. Quota autem die post vigesimam fiat ille ingressus, ut commode scias, traduntur illi versiculi.

*Amphora, sic Aries, Taurus, capit insuper unum :
Sed Gemini, Cancerque duos : duo sumit & Hircus :
Tres Leo, tres Virgo, tres Pondus, tresque Sagitta :
Scorpius at quatuor : minus uno denique Piscés.*

Atque his præsuppositis, ut solvas Problema; numeram gradus Eclipticæ juxta datam diem à tempore ingressus Solaris in tale Signum, remque attinges proxime, ita ut vix unius diei spatio discrepes: quod sufficit ad usum communem.

En aliam expeditiorem praxim. Adi ad dorsum Astrolabii, & quære in ejus limbo diem mensis, quæ data est. Deinde illi diei applica lineam fiduciæ. Tum extremitas illius lineæ designabit tibi in Circulo superiori gradum Eclipticæ quæsitum.

Probl. II.

Solis declinationem pro dato die invenire. Nemp̃ quam
ipse, & Parallelus, in quo est, habent **æquationem** ab
Æquatore.

Quare locum Solis in Zodiaco, postea præcedens
Problema. **Tam paginam illam, seu gradum** **Equatoris**
applica ad Circulum Meridianum, qui Sphæram, seu
Globum artificialem ambit. Deinde numera gradus il-
lius arcus, qui tenditur ab Æquatore ad partem illam
Solis assignatam, & habebis intentum.

Quinam sint Paralleli Solis, explicui *cap. 10. Af-*
sertione 3. Item, habes & *cap. 5. Assert. 2.* quid sit
illa Solis declinatio, sive Borealis, sive Australis.
Item, & *cap. 4.* legere est, quemadmodum in Tropi-
cis habeat maximam declinationem, nempe grad. 23.
& semis.

Communis præterea est modus iste habendæ Solaris
declinationis ad datum diem. Supposita enim Æqua-
toris altitudine, quam sequenti Problemate 8 explico:
Tunc cum adest hora Meridiana, adhibe Quadran-
tem Astronomicum, destinata ejus dioptra in Solem.
Si **æqualem** gradum designat cum elevatione Æqua-
toris; dices non declinare ab ipso Æquatore. Si plu-
res gradus, ut æstâte, aut pauciores, ut hyeme denotar;
statues differentiam illam esse gradum declinationis So-
laris. *Exempli causa*, 22 Junii in hac Urbe, ubi mihi
Æquator elevatur 42 grad. deprehendo in instrumen-
to Solis elevationem Meridianam esse grad. 65. cum
dimidio; hinc colligo tunc declinare Solem 23. grad.
cum dimidio; quia differentia 65 graduum cum di-
midio à 42, est graduum 23. cum dimidio; atque ita
per proportionem de aliis. Ut autem in promptu ha-
beas, quantum Sol declinet in quovis gradu cujuscunque
Signi, sequentes tibi subijcio Tabulas.

Notabis autem 1. in prima columna describi tan-
tum

136 INSTIT. MATHEMAT.

tum gradus Signorum; in aliis vero, quæ sunt è regi-
one positæ, designari gradus & minuta Solaris declina-
tionis pro singulis Signorum gradibus. Item,

Not.2. Scientiam illam declinationum Solarium esse
utilem, non modo in describendis horologiis, & Signo-
rum arcibus, sed etiam ad statuendum de Poli altitu-
dine; ubi singulis diebus hora Meridiana investigari
solet ex eo loco quem Sol obtinet in Zodiaco, quod
solent præstare Nautæ inter navigandum.

SOLIS

SOLIS DECLINATIONES. TAB. I.

Signorum gradus.	In Ariete & Libra.		In Tauro & Scorp.		In Gemin. & Arcit.	
	Gr. Min.		Gr. Min.		Gr. Min.	
0	0	0	11	30	20	12
1	0	24	11	51	20	25
2	0	48	12	12	20	37
3	1	12	12	33	20	49
4	1	36	12	53	21	0
5	2	0	13	13	21	11
6	2	23	13	33	21	22
7	2	47	13	53	21	32
8	3	11	14	13	21	42
9	3	35	14	32	21	51
10	3	58	14	5	22	0
11	4	22	15	10	22	9
12	4	45	15	28	22	17
13	5	9	15	47	22	25
14	5	32	16	5	22	32
15	5	55	16	33	22	39
16	6	19	16	40	22	46
17	6	42	16	57	22	52
18	7	5	17	14	22	57
19	7	28	17	31	23	3
20	7	50	17	47	23	8
21	8	13	18	3	23	12
22	8	35	18	19	23	15
23	8	58	18	34	23	19
24	9	20	18	49	23	22
25	9	41	19	4	23	24
26	10	4	19	18	23	26
27	10	26	19	32	23	28
28	10	47	19	46	23	29
29	11	9	19	59	23	30
30	11	10	20	12	23	30

SOLIS DECLINATIONES. TAB. I.

Signorum gradus.	In Canc. & Capr.		In Leone & Aquat.		In Virg. & Pisc.	
	Gr. Min.		Gr. Min.		Gr. Min.	
0	23	30	20	42	11	30
1	23	30	19	59	11	19
2	23	29	19	46	10	47
3	23	28	19	32	10	26
4	23	26	19	18	10	14
5	23	24	19	4	9	42
6	23	22	18	49	9	26
7	23	19	18	34	8	58
8	23	15	18	19	8	35
9	23	12	18	3	8	13
10	23	8	17	47	7	50
11	23	3	17	31	7	28
12	22	57	17	14	7	5
13	22	52	16	57	6	42
14	22	46	16	40	6	19
15	22	39	16	33	5	55
16	22	32	16	55	5	32
17	22	25	15	47	5	8
18	22	17	15	28	4	45
19	22	9	15	10	4	22
20	22	0	14	51	3	50
21	21	51	14	32	3	35
22	21	42	14	13	3	14
23	21	32	13	53	1	45
24	21	22	13	33	2	25
25	21	11	13	13	2	5
26	21	0	12	53	1	30
27	20	49	12	33	1	18
28	20	37	12	12	0	45
29	20	25	11	51	0	25
30	20	12	11	30	0	5

Probl. IV.

Solis aut syderis cujuscunque altitudinem seu elevationem, quavis hora deprehendere; id est, quot gradibus distet ab Horizonte.

Uttere vel Quadrante Astronomico, vel dorso Astrolabii rite disposito. Dioptram in objectum destina; vel per ejus pinnulas, radium excipe. Tunc videbis, quot gradus abscindat dioptra, numerando illos à latere Horizontali, seu quod est infra positum, & parallelum Horizonti.

Notabis autem, Solis, aut cujuslibet Astri maximam elevationem, seu altitudinem, esse Meridianam; tunc scilicet, cum Eccli medium Circulum, id est, Meridianum attingit. Quanquam

Not.2. Meridianam ejusmodi altitudinem esse vel majorem, vel minorem, prout Astrum est in Meridianæ parte, quæ magis aut minus distat ab Horizonte. Ut autem illam aut Solis, aut Astri cujuscunque altitudinem Meridianam obtineas: supponitur linea Meridiana jam aliquo in plano Horizontali rite descripta, cujus beneficio accurate habeas sydus Meridianum. Tunc autem juxta illam lineam Meridianam adhibito Astrolabii dorso, aliove id genus instrumento idoneo; Alhidada designabit tibi gradum elevationis supra Horizontem; hæcque erit magnitudo arcus illius, qui à loco Astri producitur usque ad Horizontem.

Item, hæc commoda est ratio indagandæ Solaris altitudinis Meridianæ; supposita figura 3. Tabulæ 10. Si enim in plano AB erigatur Stylus BC , à quo sub hora Meridiana projiciatur umbra BA . Tum infra pedem Styli, ducta linea perpendiculari BD æquali, ad Styli longitudinem, si à puncto A ad D fiat linea AD , ac tandem, si de more facto arcu EF mensuraveris quantitatem Anguli A , hanc esse pronuntiabis altitudinem Solis Meridianam.

Probl. V.

Solis, aut Stellæ in Aranea Astrolabii signata altitudinem inventam constituere in proprio Almucantarath, seu Circulo elevationis.

Quare Almucantarath similis altitudinis. Deinde punctum Araneæ, in quo est vel Solis gradus, vel Stella prædicta, tamdiu circumferas, dum respondeat illi Almucantarath, ex parte quidem Orientis, si altitudo quasita est antemeridiana, ex parte autem Occidentis, si est pomeridiana. Quod si omissus est ille Circulus in descriptione Astrolabii, dispone nihilominus punctum illud Araneæ in eo circiter loco, ubi describi debuisset. Ostendum postea in Chronologia, quemadmodum hoc facto habeas in promptu horam, vel æqualem, vel inæqualem.

Probl. VI.

Faciem Cæli exponere: seu quanam Astra sint supra Horizontem, & quam Cæli partem singula obtineant.

Uttere Astrolabio: gradum Eclipticæ, in quo est Sol, applica supra Almucantarath, seu Circulum elevationis convenientem altitudini, quæ data horæ responderet. Tunc apparebit, quanam Constellatio sit exortiva, quanam occidua, &c.

Notabis autem, gradum illum, seu Signum & partem Zodiaci, quæ tunc reperiuntur ad Horizontem. vocari à Generaliacis gradum ascendentem; & angulum Orientis; Item & Horoscopum. Pars illi adversa dicitur angulus Occidentis. Pars ad lineam Meridianam, vocatur angulus medii Cæli. Pars denique illi opposita est angulus Terræ, seu gradus mediæ noctis: has enim quatuor Mundi Partes Astrologi vocant quatuor Cæli angulos. Quemadmodum vero & illud etiam fiat ope Globi Astronomici, explicabo *Problemate 12.*

Probl.

Probl. VII.

Lineam Meridianam, seu lineam, quæ directe respondeat Circulo Meridiano loci alicujus, designare.

Habetur illud in promptu per acum magneticam, observata illius declinatione. Nam secundum longitudinem suam designabit lineam quæsitam, & utrumque Polum Mundi. Verum, ut istud Astronomicè consequaris; fac ut in *fig. 6. tabulæ 4.* In dato plano fige Stylium, seu Gnomonem rectum *e f* descriptis ex loco illius Styli Circulis ad libitum. Deinde adverte, quem ex illis Circulis attingat extremitas umbræ matutinae. Aut, si lubet, non descriptis prius illis Circulis, quovis tempore matutino describe Circulum ex loco Styli per extremitatem umbræ: tum illi extremitati punctum appone; ut in *b.* Ac re quidem ita peracta, expecta post Meridiem, donec ejusdem Styli umbra partem aliam Circuli attingat, ut in *g.* Tum diviso bifariam in partes æquales illo arcu *h g*, ex puncto divisionis *d* ducas rectam ad centrum *e*, hæcque erit linea Meridiana.

Notandumque est, Te lineam Æquinoctialem, id est Æquatori Mundi parallelam posse hoc pacto habere commode, si per Meridianam inventam, rectam aliam duxeris ad angulos rectos; ista enim erit Æquinoctialis.

Item, hoc pacto designabis 4 Mundi partes. Nam linea quidem Meridiana dabit puncta Septentrionis & Meridiei; linea autem Æquinoctialis indicabit puncta veri Ortus, & Occasus,

Not. Hac etiam methodo posse describi lineam Æquinoctialem, tum & consequenter Meridianam: Si diebus Æquinoctialibus posito aliquo Gnomone, duas saltem umbras ab illo profusas observaveris, & earum extremitates scriptis punctis notaveris. Nam si per illa puncta lineam duxeris, erit Æquinoctialis. Item, si per istam Æquinoctialem ad angulos rectos rectam aliam descripseris, hæc erit Meridiana.

Nor. 3. Eam esse methodum, qua figas Stylum perpendicularem. Primo, describe duas lineas rectas in crucem; id est sese orthogonaliter interfecantes. 2. Posito cruce circini in sectione linearum eiusmodi, designa puncta 4 in diversis illis lineis: ad æqualem distantiam. 3. Posito Stylo in sectione, seu concursu duplicis illius linear; tunc à singulis punctis prius notatis, aperit circinum usque ad apicem Styli; si æqualiter undequaque distet, concludes esse perpendicularē.

Probl. VIII.

Æquatoris altitudinem, seu elevationum supra Horizontem invenire.

Suppono, his tantum esse rectam Æquatorem, qui sub ipso existunt, habentque Polos Mundi ad Horizontem. At inclinatur, & sit nobis obliquus ea proportionē, qua ab ipso recedimus. Unde si ab eo distamus à g. 40 gradibus, tantum quoque habeo & obliquitatis, seu inclinationis Horizontem versus. Qua quidem in obliquitate & inclinatione distat certis gradibus ab Horizonte, seu certo graduum numero dicitur esse supra illum elevatus. De hac autem elevatione queritur, quanta sit. Et quidem commodè illud statui potest diebus Æquinoctialibus, si hora Meridiana, & disposito ad lineam Meridianam instrumento, Solis in Æquatore tunc existentis radius per planulas exceperis. Dioptra enim secundum lineam fiduciae designabit gradum illius elevationis, numerando à latere instrumenti, quod est parallelum Horizontis. Istud autem idem est, ac inventio altitudinis Solaris Meridianæ, tempore Æquinoctii.

Item, potes quoque & percommode illam Æquatoris elevationem indagare in Solstitio, sive Æstivo, sive Hyberno; tunc enim satis comperta est Solis declinatio; nempe 23 graduum, & semis; quos designatis gradibus vel addere, vel deträhere debeas.

Notandum enim est, gradus illos Solaris declinationis subtrahendos nobis esse in Solstitio Æstivo; contra autem

nam in Nyberno esse addendos. *Exempli causa*, Die 22 Junii hora Meridiana Sol in Tropico Cancrī, seu in primo gradu illius Signi existens, dat in instrumento 64 gradus elevationis cum minutis 30: quamobrem subtracta declinatione 23 grad. cum 30 minutis, superest, ut dicamus, in hac Urbe altitudinem Æquatoris esse graduum 41.

Probl. IX.

Invenire distantiam puncti verticalis ab Æquatore.

Inventa elevatione Æquatoris, complementum illius usque ad 90 gradus, dabit quæsitam distantiam. *Exempli causa*. Si in hac Urbe est altitudo Æquatoris 40 graduum cum dimidio, consequens est, ut distet ab Æquatore gradibus 49 cum dimidio.

Notandumque est, istam distantiam eandem esse cum latitudine Geographica, seu Mundana; ut supra monui.

Probl. X.

Poli altitudinem indagare.

Facile est ex dictis: nam supposita Solis altitudine Meridiana in alterutro Æquinoctiorum, juxta Probl. 8: habes consequenter distantiam puncti verticalis ab Æquatore, & Mundanam latitudinem: ut modo aiebam. Hæc autem distantia, & latitudo, æqualis est cum elevatione Poli supra Horizontem: vel si lubet, æqualis est arcui Meridiani, posito inter Polum Mundi, elevationem, & Horizontem. Quare, ut habeas Poli altitudinem, investiganda est Solis Meridiana altitudo; aut additis, aut subtractis declinationis gradibus, quando investigatur extra tempus Æquinoctiorum.

Notandum autem est, hoc pacto, indirecte solum deprehendi Poli altitudinem. Neque vero in se directe omnino potest haberi, cum ad illa Cœli puncta, quæ Poli appellantur, nullum sit Astrum nobis visibile. Quamobrem Geographi ad Stellæ Polo viciniores solent intendere, & quidem, ad eam maxime, quæ Po-

laris

Laris nuncupatur, ut inde iudicent de Poli altitudine: sicque agunt. *Primo*, Investigatur altitudo Meridiana illius Stellæ, nempe cum ad Meridianum Circulum attingit. *Tum secundo*, horis postea duodecim, cum ad oppositam Meridiani partem devenit, iterum queritur ejus altitudo, observaturque illarum altitudinum Meridianarum differentia: tunc autem media pars inventæ differentię additur minori altitudini Meridianæ, ut habeatur Poli altitudo. *Exempli causa*. Si una ex Stellis Polo vicinioribus, in superiori altitudine Meridiana invenitur esse gradum 60; & in inferiori habeat tantum 40, utriusque illius altitudinis differentia erit 20, cujus numeri pars dimidia est 10: hunc igitur numerum si addideris ad 40, fient 50: adeoque pronuntiabis, Polum tunc esse elevatum gradibus 50.

Not. 2. Eam methodum non esse navigantibus commodam, cum tamdiu eodem in loco morari non possint. Quamobrem ex tribus his Stellis, quæ caudam Urse minoris constituunt, duas posteriores supponunt tanquam basim trianguli æquilateri, cujus in apice Polus Mundi existat, eamque in partem destinat dioptram; nec certe aberrare hoc modo possunt, nisi valde leviter.

Probl. XI.

Longitudinem Geographicam investigare.

Operosa res est, nec tam accurate potest perfici. Habetur autem maxime per Lunares Eclipses. Supponendum est enim distantiam longitudinis, quæ unum oppidum v.g. differt ab alio, esse distantiam Meridianorum, quæ sunt ipsis propriæ. Ut igitur possit intelligi, quam habeant inter se distantiam longitudinis, Roma v.g. & Lutetia Parisiorum, oportet quam diligentissime tum Romæ, tum Lutetiæ simul observari ab aliquibus Astronomis, certam alicujus Eclipses Lunaræ partem, puta vel initium, vel potius medium. Deinde rescire, qua hora Romæ, qua hora Lutetiæ hæc contige-

re. Cum enim in eodem toto Hemisphærio simul appareat Lunæ ingressus intra umbram Terræ, nec sit eadem hora sub diversis Meridianis; si dicatur fuisse hora 9 Romæ, initio illius Eclipsis; Lutetiæ autem fuisse 10 concludendum erit, Lutetiam distare Romam secundum longitudinem 15 Meridianorum, per 15 diversos gradus Æquatoris transcuntium. Sic enim unius horæ 15 gradus Æquatoris attribuuntur, ut jam monui.

Notabis vero in his Problematis egisse nos tantum de ea Longitudine & Latitudine, quæ dicitur Mundana, aut etiam Geographica. Nam in Astronomia, ut supra cap. 3. monui, alia est quæ dicitur latitudo Stellæ, nempe distantia Stellæ illius ab Ecliptica; seu arcus inter Eclipticam, & verum locum Stellæ illius. Longitudo autem Stellæ, est illius distantia à principio Arietis, seu à puncto Æquinoctiali Verno, versus Signa Tauri, Canceri, & alia consequentia; vel si lubet, est arcus Zodiaci ab initio Arietis per illa Signa productus.

Probl. XII.

Sphæram armillarem, aut Globum Astronomice constituere; Gallice, Le monter astronomiquement: id est, ita disponere, ut Meridianus Sphære sit intra Meridianum Mundi: tum habeat elevationem Poli, quæ dato loco sit propria; unde consequenter Polus tuæ Sphære aut Globi, Polo Mundi, Meridianus Meridiano, Æquator Æquatori, aliique Circuli, Mundi similibus Circulis conformentur.

Praxis. Si habueris Meridianum in plano descriptum, illi Meridianum Instrumenti conforma: alioquin utere acu magnetica, quæ tibi Meridianum designabit. Deinde Polum eleva supra Horizontem Instrumenti, juxta datam elevationem; Resque perfecta est.

Notabis autem, Beneficio Sphære armillaris, aut Globi Astronomice constituti, sic posse te faciem Cœli expo-

exponere: assignare, & distinguere varias Mundi plagas. Item & ventos varios, prout in Horizonte illius Sphæræ describi solent. Item, sic potes deprehendere altitudinem Solis Meridianam, ad datam quancunque diem, si locum Solis, seu gradum Eclipticæ, in quo tunc existit, ad Meridianum æreum Sphæræ circumductum applicueris; tum enim si ex ea parte numeraveris gradus usque ad Horizontem, habebis intentum. Item, Sphæra Astronomice constituta, sic potes indicare viam Solis in Coelo; quos Gradus Horizontis abscindat, data quacunque die. Item, quam magnos diurnos, & quam longos efficiat dies dato Anni tempore; cæteraque id genus, quæ distinctis Problematis explicari debent in Chronologia.

INSTIT.

INSTITUTIO MATHEMATICÆ.

Chronologia.

P R Æ F A T I O.

TRactatus iste attexendus est Astronomie, cum ex ea petatur maxime. Temporis enim durationem, & partes, quas considerat, per Astrorum, ac Cæli conversiones dimetimur.

Triplex autem est Chronologiæ genus. Nam primo, alia est Physica, de natura, & proprietatibus temporis; Secunda, est Historica, quæ rerum gestarum tempora observat; varias Annorum Epochas, æramque multiplicem definiendo; Tertio denique, alia est Mathematica, quæ temporis ipsius veluti extensionem, seu durationem metitur, suasque in partes, ad hominum usum dividit.

Atque illarum quidem partium, ex quibus constare dicitur Tempus, aliæ sunt minores, majores

majores alie. Ex minoribus primum constituentur majores; sicque Hora ex Momentis, seu Minutis: ex Horis Dies: ex Diebus Hebdomada, & Menses, ex Mensibus Anni fiunt.

Præterea vero alii sunt longiores Temporum Circuli, & mensurae, nempe Annorum varia Periodi, quæ singula jam paucis prosequor.

Tabulas reperies ad finem Tractatus de
Sphæra Terrestri.

INSTI

INSTITUTIO MATHEMATICÆ.

Chronologia.

CAP. I.

De Die.

Dies est vel Astronomicus; vel Politicus seu Civilis; Astronomicus est; quem Astronomi definiunt; dividiturque in Naturalem, & Artificialem. At

Dico 1. Dies naturalis, est temporis intervallum, quo Sol ab aliquo Cœli puncto, seu Meridiano digressus, ad eundem revertitur. Vel, si lubet, est Solis ab aliquo Meridiano fixo, ad eundem conversio, quæ spatio 24 horarum æqualium perficitur. *Nyxήμερα* Græci vocant, quia Diem artificialem simul cum nocte complectitur.

Dico 2. Dies artificialis, est duratio temporis ab exoriente Sole, usque ad ipsius occasum; seu quamdiu Sol lucet in nostro Hemisphærio: Huicque opponitur *Nox*, perinde *Artificialis*.

Notandumque est 1. Artificialem differre à *Naturali*, quod iste semper, & ubique idem sit: *Artificialis* vero perpetuū fere mutationem habet præsertim apud eos, qui regiones Æquatori affines non habitant. Nam, ut dixi, Artificialis complectitur solum spatia temporis

ris intercepta inter Ortum Solis, & ipsius occasum, quo modo breviora, ut in hyeme; modo longiora sunt, ut in æstate. Quare

Not. 2. Longiores tunc esse dies, & longiorem Solis moram supra Horizontem in Æstate, ubi Sol ipse arcus Cœli percurrit majores respectivé ad nostrum Hemisphærium; cujusmodi vides in Sphæra obliqua *tab. 4. fig. 5.* cum è contra vides; in parte opposita breviores esse arcus diurnos, qui tempore Hyberno decurrunt, tuncque Solem minus morari supra Horizontem. Item, ad *fig. 1.* pro Sphæra recta, vides esse omnes fere æquales arcus diurnos, & nocturnos: ne quid dicam de Crepusculis, seu de tempore, in quo aer splendet à radiis Solis, vel mane ante illius ortum, quod vocatur *Aurora*, & *diluculum*, seu *crepera lux*, aut *dubia*: vel sero, post occasum. Incipit autem mane Crepusculum, aut finitur sero, quando Sol in inferiori Hemisphærio pervenit ad eum Circulum Horizonti parallelum, qui ab ipso Horizonte 18 distat gradibus.

Notandum vero est 3. Non esse eadem apud omnes Dies naturalis initia; pro diverso eorum stitio, & instituto. Nam Babylonii quidem, quos etiamnum imitantur Insularum Balearum incolæ, Diem appellant motum Solis ab uno ortu, ad ortum alterum. Italiè contra definiunt Diem ab uno Solis occasu, ad alium; sicque horas incipiunt numerare ab occasu Solis: cum Babylonii rationem contrariam servant, numerando illas ab ortu. At Romani olim, quem etiam usum sequitur Romana Ecclesia, Diem perducunt à media nocte, usque ad proxime sequentem noctem mediam: Arabes autem & Astronomi Diem potius computant à Meridie, ad sequentem Meridiem; quia Sol, & Astra eodem semper modo se habent respectu Circuli Meridiani in omni regione; quod non contingit respectu Horizontis, qui pro varietate Polaris elevationis, semper mutatur.

Neque hoc loco, propter Sacræ Scripturæ intelligentiam, omittenda est veterum Judæorum consuetudo. Nam ex præcepto Divino, festos quidem Dies incipiant

bant à Solis occasu precedente; juxta illud Levit. 23. à vespera usque ad Vesperam celebrabitis Sabbatha vestra. At, contra Tirinum, Dierum aliorum initium ducebant ab ortu Solis: Nec probabile est hac in re dissemisse à Babylonis, cæterisque finitimis Provinciis. Conf. Quia horas computabant non ab occasu, sed tantum ab Ortu Solis. Qua ratione, Matth. 20. Pater familias primum egreditur summo mane, ut vocet operarios; tum deinde, inquit, hora 3. hora nona, &c. Item, Joan. 19. Legimus Christum fuisse Crucifixum circa horam sextam, nostræ Meridiei respondentem. Unde constat numerasse horas à Solis ortu; alioqui, si peterentur, ab occasu precedente, scripsisset horam fuisse 18. hancque doctrinam pluribus confirmat Ægidius de Coninch. de sacram. Quæst. 74. arr. 4.

Dico 3. Idem hic naturalis Dies, ex Die & Nocte artificiali constans; vocatur & *Civilis*, seu *Politicus*: pro ut ex diverso populorum, aut civitatum instituto, certum accipit principium, ac finem; quemadmodum jam exponebamus. Et quidem ex Diebus illis politicis, alii sunt *Festi*, quibus maxime rebus sacris vacare tenemur: alii autem sunt *Professi*, quibus humanæ vitæ utiles operas exercere liceat: sicque habentur vulgo digesti in Tabulis, quas Arabes vocant *Almanach*: Latini *Calendaria*. Nam Calendarium est ordo & series Mensium, Lunationum, tum Dierum festorum omnium, quæ per Annum contingunt: diciturq; Calendarium à Calendis, quæ in uno quoque Mense sunt Dierum primi.

C A P. II.

De Horis.

Hora est unum ex illis minoribus temporis spatiis, in quæ dies omnis dividi consuevit; sicque *Hora* vulgo definitur, est pars vicesima quarta Diei naturalis; vel duodecima Diei artificialis, inæqualis. Nam

L

Dico

Dico I. Ex horis alia vocantur *æquales*, quæ sunt vicesimæ quartæ partes diei naturalis, ut modo agebam. Dicuntur etiam Astronomica, tum & *Æquinoctiales*, quia singulæ ex illis sunt spatium temporis, quo *Æquator* 15 gradibus ascendit supra *Horizontem*; aut etiam spatium, quo *Sol* decurrit 15 *Meridianos*. Dividuntur autem singulæ in duas medias; tum in quatuor quadrantes; ac denique in 60 minuta, seu scrupula.

Dico II. Alia vocantur *Horæ inequales*; Græcis *ἰσόμετροι*. Sunt autem partes duodecimæ tam *Diei artificialis*, quam *noctis*; seu temporis illius, quo *Sol* aut moratur supra *Horizontem*, aut infra delitescit; dicunturque *inequales* non quod *Horæ* unius; ejusdemque *Diei*, aut *noctis* ejusdem; sint inter se *inequales*; sed quia cum sint duodecimæ partes *æquales* dierum *inequalium*, puta dierum *Æstivorum*, & *Brumalium*: necesse est consequenter *Horas* *Brumales*, & *Æstivas*, esse hoc pacto inter se *inequales*; Item & dicuntur *inequales*, quia *Æstivo* tempore, diurnæ sunt longissimæ; nocturnæ autem brevissimæ; contra autem *Hyberno*. Vocantur præterea *Temporariæ*, quia pro diversitate, seu pro longitudine, aut brevitate dierum, diversas sortiuntur magnitudines. Item vocantur *Antiquæ*, quoniam erant in usu apud Antiquos, & maxime apud *Judæos*, cui rei congruit dictum illud *Christi Domini Joh. 11. Nonne sunt duodecim Horæ diei?* Item dicuntur quoque *Plantætarie*, quod crederent veteres quidam *Astronomi*, septem *Planetas* istis *Horis* successive dominari, ea lege, & ordine, ut prima diei *Hora* illi cedat *Planetæ*, à quo dies *Hebdomadaria* suum nomen trahit.

Notandumque est ex *Baronio* ad *Annum Christi* 34. *Judæos* tum diem, tum noctem divisisse non modo in *Horas* temporarias 12; sed præterea & in quatuor partes *æquales*, quasi in 4 stationes, quarum singulæ continerent tres ex illis, quæ dicuntur temporariæ, & *inequales* *Horæ*. Quæ autem erant 4 partes *noctis*, vocabantur *Vigilie*, nomine à *Vigilibus* mutuato. Earum prima incipiebat

incipiebat ab occasu Solis; secunda definebat cum nocte media, & ab eadem incipiebat tertia; ultima denique ad Solis ortum finiebat. Jam vero quæ erant diei quaternæ partes, proprie vocabantur *Horæ*, ex tribus temporariis, ut dixi, constantes; ita ut pars ultima Horæ hujusmodi v.g. secundæ, esset Hora sexta communis, & temporaria; quam sequebatur Hora tertia Judæorum propria, continens ex temporariis septimam, octavam, & nonam. Et quidem juxta hunc calculum rectè ait S. Marcus Christum Dominum crucifixum fuisse *Hora tertia* (nempe tertia ex quatuor illis æqualibus, in quas dividebatur totus dies) cum S. Joannes scribat fuisse damnatum à Pilato *Hora quasi sexta*; id est, sexta temporaria; nec te moveat, quod ista in Evangelio videantur confundi tantisper, quia sic tantum Horæ designantur ex opinione vulgi. At facile vulgus etiam appellat Horam sextam, ubi sunt initia Horæ septimæ, seu tertiæ illius, quæ est quarta pars diei Judaicæ, aut è contra.

C A P. III.

De Hebdomade.

Eβδομάς, Latine *Septimana*, est periodus septem dierum, in orbem perpetuo recurrens. Atque hujus quidem usus videtur esse à Deo, sub prima Mundi exordia, institutus, quem Hebræi deinceps, religiose observarunt. Inde autem ad alios est propagatus.

At Hebræi primarium ac principem Hebdomadæ diem vocarunt Sabbathum, quasi diem quietis, ad colendam memoriam illius diei, quo dicitur Deus quiescisse, perfecta Mundi creatione. Quinetiam hujus diei nomen ad ipsam Hebdomadam transiit, ut Sabbathum idem esset ac Hebdomada, dicereturque prima Sabbathi, aut secunda Sabbathi, quam nuncupamus primam aut secundam hebdomadæ diem.

154 INSTIT. MATHEMAT.

Ethnici diebus illis singulis imposuere nomina Planetarum, ducendo principium à die Solis, quem sequuntur dies Lunæ, Martis, Mercurii, Jovis, Veneris, & Saturni.

Christiani dies illos appellarunt Ferias, ut intelligant feriari se debere à rebus profanis, nec spirare nisi cultum divinum eos maxime, qui celebrandis nostræ Religionis Mysteriis sunt consecrati. Feriarum primam vocant Diem Dominicam; quod in ea Christus Dominus à mortuis fuerit suscitatus: Sabbathi nomen retinetur pro feria septima, ut sciamus, inquit, illud Judæorum Sabbathum non fuisse, nisi umbram Dominicæ diei, & quasi Parascevem, seu præparationem ad illam celebrandam.

Elegere autem septem Alphabeti literas *A B C D E F G*; quibus singuli dies Hebdomadæ intra Annum designarentur; ea methodo, ut singulæ ex illis literis Diem Dominicam certo ordine demonstrare possent, unde & nominari solent *Literæ Dominicales*.

CAP. IV.

De Mense.

Duplex est Mensis genus; alius enim est Solaris, Lunarum alius.

Dico 1. Solaris Mensis, est spatium temporis, quo Signum unum Zodiaci à Sole decurritur: quare cum supponatur obire 12 illa Zodiaci Signa diebus 365 cum aliquibus horis, ac minutis; ideo singulis Mensibus tribuuntur modo 30 dies, modo 31, si Februarium exceperis, qui olim postremus accessit ad Menses alios, Annique dies tantum residuos continet.

Notandumque est Mensem hujusmodi ad communem usum hominum accommodatum, dici medium, & æqualem; cum hic prætermittatur ille, qui dicitur *vernus*, seu *inæqualis*: quia ut docent Astronomi, certum illi attribui

attribui tempus non potest, propter inæqualem Solis motum, qui aliquando diebus 30, aliquando paucioribus, aut pluribus, aliquod Signum peragrat. Quæ quidem res perinde se habet in aliorum Luminarium motibus.

Dico 2. Lunarior Mensis, est spatium temporis, quo Luna totum percurrit Zodiacum: aut spatium inter duas Solis & Lunæ synodos, seu conjunctiones comprehensum. Duplex enim est Mensis Lunarior; alter quidem Periodicus, estque illud temporis spatium, quo Luna ab aliquo Zodiaci puncto digressa, ad idem revertitur, & vulgo definitur diebus 27, cum Horis 7. & aliquibus minutis.

Alter vero est Lunarior Mensis, quem *Synodicum* seu mensē *Syzygie*, aut *conjunctionis* Lunarior appellant; estque illud spatium temporis, quo digressa à Sole, iterum cum eo conjungitur; definiturque numero dierum 29, cum Horis 12 & una media, præter aliqua minuta, seu scrupula: ubi enim Luna suam periodum dierum 27, & horarum 7 conficit, Sol interim aliquantum progreditur, hoc est, gradus fere 27; quos proinde, ut scribit ille, Circulo suo transacto emetiri Lunæ debet, ut iterum cum Sole conjungatur; quod non fit nisi diebus 2, cum Horis 5; qui superiori numero Mensis periodici additi, reddunt dies 29, cum Horis 12, ut minuta negligam: sicque illi Menses Synodici sunt alternis dierum 29, & 30, bis duodecim Horis, quæ etiam superfluentes, in unum diem conflatis.

Norandumque est mensē hunc Synodicum dici *usum*, seu *popularem*, aut *civilem*; quod in illius durationem tantum soleamus intendere, ejusque habeatur solum ratio, quando Annus in Menses dividitur.

Not. 2. Ex communiori usu conjungi Menses Lunares cum Solaribus; eamque Lunationem dici propriam illius Mensis Solaris, in quo finitur. Ita enim vulgo loquuntur;

In quo finitur, mensi Lunatio datur.

L 3

Nec

Nec sine certa ratione id fit, quam explicat *Clavius in Calendario Gregoriano, cap. 17.* Et verò sic alioquin contingeret, ut aliquando per totum Annum Menses vix haberent unum aut alterum Lunationis propriæ diem, tunc maxime quando prima Anni Lunatio incidit in primum Januarii. Nam Lunationes aliæ illius Anni incipiunt tantum diebus Mensium postremis.

Not. 3. Olim apud Ægyptios caput Mensium extitisse *Thot*: apud Romanos *Martium*: atque inde nomen Quintilis, Sextilis, &c. quæ nomina suis mensibus alioqui non quadrarent. At ubi Numa Januarium & Februarium adiecit, tunc cœperunt numerari à primo Januarii. Jam vero

Not. 4. A Romanis Menses divisos fuisse in dies triplicis generis, *Calendas, Nonas, & Idus.* Primus autem cuiuslibet Mensis dies dicebatur *Calenda*, à Græco *καλειν*, id est, vocare; quod eo die populus vocaretur tum ad nundinas, tum ad Capitolium; ut quæ in Mensem illum ad Deorum cultum servanda essent, acciperent à Pontificibus. Tum sequebantur *Nonæ*, quasi *Nundinæ*, ut alii volunt; ac tandem *Iduum* dies illi octo, qui sequuntur *Nonas*, ab *Iduando* appellati, ut inquirunt, quod significabat *dividere*. Quia vero *Calendæ* solum certam ac eandem sedem habent in quolibet Mense, cum semper cadant in primam diem; variis autem locis disponantur dies *Nonarum* & *Iduum*; ut certa methodo singulis adscribantur suæ *Nonæ*, aut *Idus*; hi solent vulgo tradi versiculi;

Sex Maius Nonas, October, Julius & Mars:

Quatnor at reliqui: dabit Idus quilibet octo.

Quare ubi tibi compertum est de die *Nonarum*, facile est consequenter judicare de reliquis. At

Not. 5. A tribus istis diebus, alios omnes, qui antecedunt, trahere suam denominationem. Ita enim qui præcedit *Calendas*, dicitur *pridie Calendas*, seu primus *Calendas*, id est, ante *Calendas*; tum secundus *Calendas*; & sic deinceps de aliis: quod per proportionem dicendum est de *Nonis*, & *Idibus*.

C A P. V.

De Anno.

UT Mensis, ita & Anni duplex est genus; allus enim est Solaris, Lunaris alius.

Dico autem primo. Annus Solaris, est spatium temporis, quo Sol ab aliquo Coeli cardine, seu puncto Zodiaci profectus, ad idem revertitur. Constatque punctis illis quatuor, quæ dicuntur præcipua & Cardinalia, nempe Equinoctio Verno; Solstitio Æstivo: à quibus Ver, Æstus, Autumhus, & Hyems inchoantur.

Notandum vero est, istud Solis curriculum olim apud Ægyptios, & Romanos definitum fuisse numero dierum præcise 365; qui tamen à Coelesti motu sex circiter Horis aberrabat. Quo fiebat, ut quarto quoque Anno verterente, primus Anni dies, alique inde consequentes suam deferrent sedem, nec habere statum ullum possent. Quamobrem etiam, quæ Festa certis temporibus debebant celebrari, ea modo in Æstatem, modo in Hyemem incurrebant. Sed hunc errorem Julius Cæsar tandem emendavit, illis trecentis sexaginta quinque diebus sex horas adjiciens, quæ quarto quoque Anno exacto in unum diem collectæ, inferrentur mensi Februario, omnium olim ultimo, brevissimoque; dictusque fuit ille dies *Bissextilis*, seu *Bissexstus*, quia intercalatur ad sextum Calendas Martias, hoc est, die 23 Februarii, atque idcirco bis, sexto Calendas usurpatur. Nec modo ille dies, sed Annus quoque ille dicitur Bissextilis.

Quare

Not. 2. Servatam deinceps fuisse in Imperio Romano formam Anni illius, qui ab Autore suo dictus est *Julianus*: duplexque est, alter *communis* dierum 365; alter vero *Bissextilis* dierum 366.

Dico 2. Lunaris Annus, est illud spatium temporis, quo Sol & Luna duodecies conjunguntur. Sicque Annus Lunaris ex 12 Lutationibus Synodicis constitutus, est

dierum 354. Quo solum Anno Lunari hodie utuntur Turcæ & Saraceni, nec apud eos habet certum initium, aut certa tempestate ac puncto Cœlesti definitur; quomodo apud nos Iulianus semper incipit circa Brumale Solstitium. Alii autem sic ad Lunæ motum Annos accomodârunt, ut simul tamen Solis motum adjungerent. At

Notabilis 1. Annum Lunarem à Solari deficere undecim circiter dies; unde si hoc Anno Neomenia, ut Græci vocant, id est, Novilunium incidit in Calendæ Januariæ, Lunaris Annus communis ex duodecim Lunationibus absolvetur vigesimo Decembris, tum 21 Decembris novus inchoabitur, retro ætis semper Noviluniis spatio dierum undecim, dum Anno tertio fiant tandem Lunationes tredecim, quarum ultima finietur 27 Decembris, vocabiturque istiusmodi Lunaris Annus Embolismicus, seu Embolismalis, propter Embolismum, seu intercalationem Lunationis illius. Sicque

Not. 2. Lunarem Annum fieri etiam duplicem, perinde ac Solarem: nempe alter est *communis*, ex duodecim tantum Lunationibus constans, alter vero *Embolismicus*, in quo tredecim absolvuntur.

Notandum vero est 3. à Metone, perinsigni Astronomo, fuisse olim observatum, quemadmodum elapsis Annis 19. recurrant Novilunia ad eosdem dies, Idemque ut putavit, ad punctum temporis. *Exempli gratia.* Si hoc Anno prima Januarii die fuerit Novilunium; in eandem similiter cadet Novilunium post Annos 19. Indeque profluxit celeberrimus ille Cyclus, seu series numerorum ab 1 usque ad 19 in perpetuum revolubilis, cujus beneficio intelligeretur, quo die Mensis cujuscunque fieret Novilunium. Quare cum tantæ esset utilitatis, solebat in Calendario describi aureis characteribus, vocaturque Aureus Numerus. Sic igitur vulgo definitur ille Aurei Numeri Cyclus decemnovalis, seu Eonea, decaeteris. Est revolutio numeri 19, ab 1 usque ad 19; quâ revolutione peracta, iterum reditur ad unitatem, *Exempli causa*, cum Anno 1653. Aureus Numerus sit 1,

Anno

Anno sequenti erit 2; & sic deinceps usque ad 19: itaq; numerus Anni proprius in serie 19 expansa per singulos anni dies, ostendet Novilunia, quotiescunque occurrer. Quilibet vero Aurei Numeri annus terminatur in fine mensis Decembris, & in principio Januarii sequentis anni alius sumit initium. Atque ista quidem fuit Metonis doctrina, quam olim vulgo sequebantur omnes. Sed deprehensum est tandem non vacare errore: siquidem una hora cum 27 circiter minutis citius Periodum absolvit Luna, quam ante annos 19 illam incipisset. Unde post Cyclos 66, quatuor diebus aberrabat à Noviliis Aureus Numerus. Quamobrem in ejus locum subrogatz sunt Epactz, ut dicam postea cap. 7. Nec tamen omnino removeri debuit à Calendario; cum ad Epactas singulorum annorum proprias inveniendas magnam habeat utilitatem.

Dico 3. Apud diversas Nationes pro earum arbitrio, diversa extitere annorum initia. Nam ut agam tantum de Hebræorum, & de Romanorum annis, quorum usus in universa pene Europâ saltem, jam adhuc perseverat.

Notabis, Hebræos, seu Judæos, olim annum inchoasse ab Æquinoctio Verno, ex communiori sententia, quod eo tempore Mundum fuisse conditum crederent, ut jam monui: quanquam ubi commorati sunt apud Ægyptios, eorum consuetudini obtemperarunt, annum inchoando à mense *Thoth*, qui (ob neglectam intercalationem unius diei quarto quoque anno, more nostri Bissextilis) nulli respondebat certo puncto anni Cœlestis. Sed ubi discessere ab Ægyptiis, iussi sunt à Deo caput anni sui rursus à Vere accersere. Sic enim legimus Exodi 12. *Mensis iste Nisan vobis principium mensis: primus erit in mensibus anni.* Quod tamen accipiendum est solum de anno Sacro, secundum quem Festa Anni, & neomeniæ, & Sacra omnia debebant componi. Nam, ut observant Sacræ Scripturæ Interpretes, saltem *Civilis* Judæorum annus, etiam post egres-

sum

O INSTIT. MATHEMAT.

sum ab Ægypto, semper à *Tbisri*, ut vocant, seu septimo mense habuit initium; nec suos contractus, ac politica negotia dirigeabant, nisi juxta calculum Anni hujus Civilis. Atque hoc quidem supposito Anno duplici, facile poterit his satisfieri, qui docent Judæos ante Moysen, inchoasse Annum Autumno; unde & probant Mundum fuisse conditum sub Æquinoctium Autumnale. Nec parvi est momenti ad confirmandam nostram sententiam de Verno Æquinoctio, quod eo sensu accipiendam esse Scripturam Sacram judicavit Conc. Palæstinum, jussu Victoris Papæ editum; apud Salianum, in Apparatu Annal. c. 4. Jam vero

Not. 2. Judæorum Annum fuisse Lunarem, primumque mensem Lunarem seu Sacri Anni caput & à Deo imperatum, cum fuisse, cujus dies, seu Lunatio decima quarta, numerato etiam ipso die Novilunii, caderet vel in diem Æquinoctii Verni, vel quæ post illud Æquinoctium primo occurreret; quemadmodum à majoribus traditum acceperant. Jam vero, ut de Anno Romano agam;

Not. 3. Hujus initium peti à Calendis Januariis, nec distare à brumali Solstitio, nisi diebus paucissimis. Neque vero etiam ab eo discesserunt majori ex parte Christiani, quod illud initium parum discrepet à Christi natalibus, reputeturque parum pro nihilo: Ac tandem factum est Anno 1564. ut Franci quoque hanc sequerentur consuetudinem; cum antea principium Anni die Paschæ repeterent: ut notat Spondanus.

CAP. VI.

Anni instauratio Gregoriana.

ET si Ecclesia Catholica cæremonialibus Legis Moisaicæ præceptis non est obnoxia, quod ipsa moriente Christo mortua sint; celebrari tamen Pascha voluit ad aliquam Judaici Paschatis imitationem, propter

Sacræ

Sacramentum, & recondita Myſteria, quæ in illa ſolemnitate Paſchæ Reſurrectionis Dominicæ includuntur: ut ſuſe tradit D. Auguſt. *lib. 2. ad inquiſitiones Januarii, cap. 1. & 2.* Quare ut Paſcha antiquum primo menſe, ſeu prima Anni Luna (de qua modo ſuperiori in capite aiebam) ex divino præcepto celebrabant; ita & Chriſtianorum Paſcha, ſanctiſſimorum Patrum, qui Nicæam ad Concilium convenerant, decreto, primo illi menſi addicitur. Quam etiam ob cauſam, ne diſcordia in eo celebrando, quod ſæpe ante contigerat, ſuboriri poſſet; ſtatuertunt de primo menſe, & de die illius quartadecima; tum de ſede Verni Œquinoctii, tanquam regula iſtius primi menſis. Nam cum eſſe dixerunt primum menſem, cujus dies quartadecima in Œquinoctium VERNUM eaderet, aut illud ipſum proxime ſequeretur. Deinde Œquinoctii ſedes, ſeu Epochæ, ex peritiſſimorum Aſtronomorum iudicio, & conſenſu, ad 21 Martii conſtituta eſt; ac tandem Calendario aptatus ſuit Aureus Numerus, cujus beneficio Novilænia, & alij dies Lunæ in promptu haberentur. Porro in hoc Eccleſia diſceſſit à Judæorum conſuetudine, quod Paſcha non in ipſa quartadecima Luna primi Menſis, ut Hebræi, ſed in Dominica, quæ XIV Lunam primi menſis proxime ſequitur, celebrari juſſit, eam maxime ob cauſam, quod prima Dominica poſt Judæorum Paſcha Chriſtus Dominus à mortuis reſurrexit. Quemadmodum enim, ut ſcribit Autor Calendarii Gregoriani, Judæi Paſcha celebrant in Luna XIV, propter immolationem Agni, qui mortem Chriſti præfigurabat, ita nos hocce in Feſto memoriam Chriſti Reſurrectionis, quæ Dominico die contigit, celebramus; unde etiam, ne cum Judæis concurramus, ſi XIV dies Lunæ primi menſis in diem Dominicum incidat, ſolemnitas Paſchæ transferri debet ad diem ſequentem Dominicam. Itaque ad rectam Paſchæ celebrationem, unde pendent cætera Feſta Mobilia, hæc tria præcipue obſervat Romana, & Catholica Eccleſia, nempe Œquinoctium VERNUM; Lunam XIV primi menſis; & diem

diem Dominicam; quæ post illam Lunam XIV consequitur.

At rebus ita constitutis, factum est nihilominus per Astronomorum errorem, ut tandem Æquinoctium Vernum non amplius contingeret die 21 Martii, sed tantum circa undecimum. Novilunia item non recte per Aureos Numeros in Calendario collocatos indicabantur? sed quatuor diebus, & amplius, serius quam oportebat; ac proinde Pascha suo tempore juxta Concilii Nicæni sanctionem non celebrabatur. Quamobrem auctoritate Gregorii XIII. Summi Pontificis, adhibitis Orbis totius Astronomis præstantissimis, instituta est Calendarii emendatio anno 1582; justam Anno mensuram præfigendo, tum exemptis diebus decem, Æquinoctium Vernum ad pristinas sedes revocando; ac denique 30 numeros Epactales in locum Aurei Numeri subrogando. Quod autem spectat ad illius anni formam;

Dico 1. Qui Cœlestis ac Tropicus Annus appellatur, nempe illud temporis spatium, quo Sol ab Æquinoctiali, vel Solstitiali puncto, aliove simili ad idem revertitur, ille, inquam, Annus est inæqualis, ac modo major, modo minor aliquibus scrupulis; nobisque ignotus: Quamobrem

Dico 1. Astronomi mediam inter utrumque sequentes viam; Annum Tropicum, quem idcirco appellant *medium*, & semper *equalem*, definierunt numero dierum 365, cum horis 5 & minutis primis circiter 49. ac proinde

Notabis 1. Annum Julianum Tropico, seu Cœlesti esse majorem horariis scrupulis primis circiter undecim. Quo factum est, ut anni illius Cœlestis, seu Tropici caput in Anno Juliano retrocederet; & Æquinoctium Vernum, *exempli causa*, jam à temporibus Nicæni Concilii, ad diem Martii undecimam perveniret tandem. Quamquam

Not. 2. Annum Julianum, etsi major est Tropico, & Cœlesti, non idcirco expungi ex communi hominum

usu: quin potius valde est commodus, retineturque: sed ne in posterum nos similem in errorem inducat, & melius consentiat cum Tropico, provisum est, ut singulis annorum centuriis verrentibus, dies unus Bissextilis omittatur, quarta duntaxat excepta centuria, quæ Bissextilem ex more retineat.

Notabis igitur 3. Ex annis Solaribus alium esse *Tropicum*, & exactum; alium autem, quem *Civilem popularem*, aut *politicum* vocant. *Tropicus* vero alius est *inequalis*; alius autem *medius* & *aqualis*. At *Civilis Annus*, qui idem est ac *Julianus*, alius est *communis dierum* 365. Bissextilis alius dierum 366.

Notabis autem, Annum hunc à Summo Pontifice meliorem in statum exemptis diebus 10 sic restitutum, non admitti ab Hæreticis, qui, in odium & in contemptum Sedis Apostolicæ, antiquum numerandi stylum servare semper voluerunt.

CAP. VII.

Varii Annorum Cycli & Periodi.

Nihil est, quod in variis temporum *Epochæ* explicandis immorer. Satis est, si dixero, Epochas esse aliqua temporum capita, de quibus inter Chronologos fere omnes convenit. Qualis inter Epochas Sacras Veteris Testamenti est Diluvium Noemi, aut captivitas Judaica. Inter Christianas, Natalis Christi Domini, vel Passio, excidium Hierosolymæ. Inter Romanas, Urbs condita; inter Græcas, Trojæ interitus, Olympiad. Mors Alexandri. Huc etiam refertur *Æra* multiplex, puta *Æra*, seu *Hera Mundi*, id est, series Annorum à Mundo Condito; *Æra Christiana*, seu series Annorum ab initio Religionis Christianæ, & à Christi Natalibus; *Hegira Arabum* à Mahumete, &c. Hæc, inquam, prætermitto, quia ad Chronologiæ Mathematicæ institutum non spectant; nec agendum nobis est,

est, nisi de variis Annorum Cyclis & Periodis.

Cycli & Periodi vocantur certi Annorum numeri, in orbem redeuntes, quibus tanquam fidis custodibus, intacta servatur temporum series. Apud Græcos olim erant celebres illæ *Olympiades*, seu *Tetraetrides*, quæ quatuor Annis integris constabant, sic ut Anno in-eunte quinto committerentur Iudi Olympici. Apud Romanos in usu erat *Lustrum*, quinque Annis descriptum; quibus peractis solvebantur Censui & tributa. At imperante Constantino Magno, statutum est, ut sublati Olympiadibus & Lustris, subrogaretur *Indictio*, id est, spatium Annorum quindecim, quo Provinciæ Romani Imperii debebant Tributa pendere. Illaque Annorum forma duxit initium à primordiis Christianæ libertatis; ab eo nimirum tempore, quo Constantinus, victo Maxentio, potestatem omnibus fecit Christianæ Religionis palam profiteri. Atque hujus quidem *Indictionis* usum etiamnum servant Romani Pontifices. Apud Judæos dux fuerunt insignes Annorum Periodi; harum altera constabat Annis septem: quorum ultimus erat *Annus Sabbaticus*, quo debebat Terra cessare ab omni cultu. Altera vocabatur *Jubilæum*, eratque Annorum 50, quorum ultimus dicebatur *Jubilæus*: nec solum Terra tunc jubebatur cessare à cultu, sed præterea 25 alienum remitti, & servi in libertatem debebant restitui. Nihil hic ago de *Sæculo*, quod est spatium Annorum 100; nec de *Ævo*, quod proprie loquendo, mille Annos continet. Item, hic revocandus est in memoriam *cap. 5.* Aurei numeri Cyclus decennovalis. Superest modo fere tantum, ut agam de Cyclo Epactarum, & de Cyclo Solari. Quare

Dico 1. *Epactam* esse numerum dierum undecim, quibus Annus Lunaris superatur à Solari. Ac proinde si hoc Anno fuerit Epacta xi, altero vertente Anno Epacta futura est xxii. Tertio autem Anno debet esse tantum iii. Quia quoties additis pluribus ejusmodi Epactis occurrit numerus 30, illi detrahendus est numerus 30, debetque

betque id, quod superest, retineri pro numero Epactali Anni consequentis; sic autem tertio quoque Anno, quo rejiciuntur numeros 30, fit Luna embolismica. At

Notabis 1. Sic progredi semper Epactas per additionem xi. donec occurrat Numerus Aureus 19, suam Periodum obeundo; quo in casu addendus erit numerus xii, loco xi, ut habeatur Epacta Anni consequentis. Ideoque Cyclus iste dicitur imperfectus, quia identidem interruptitur. Jam vero

Not. 2. Submotis ex Calendario Numeris Aureis, quod aberant non parum; quemadmodum exposuimus cap. superiori; in eorum locum successisse alios Epactales ab 1 usque ad 30, ex iis autem, quæ dicitur Anni currentis Epacta, demonstrat Novilunia. Epacta vero illa, ut docet Clavius, incipit in mense Januario: ceteri à nonnullis revocetur ad mensem Martium, ut inde ætatem Lunæ computent.

Not. 3. Ubi in serie Epactarum loco xxx. apponitur vel Stellula, vel Zero; per illud significatur, nihil ex præcedenti Anno superesse pro Epacta, quia Sol & Luna simul finierunt; Quæ cetera spectant ad descriptionem Epactarum in Calendario, tu vide, si lubet, in Calendario Clavii cap. 10. puta quod interdum duæ Epactæ eidem diei addicantur, ne Epactarum numerus superet dies Lunares, qui in singulis mensibus sunt alternis 29 & 30, &c.

Dico 2. Cyclus Solaris, seu Literarum Dominicalium, est Series numeri 28 Annorum, à primo usque ad 28 revolvibilis, qua peracta redit eadem series & combinatio Literarum. Suppono enim, quod jam antea diximus, Seriem Literarum A B C D E F G disponi in Calendario, ut per eas designentur septem feriæ Hebdomadæ: resque ita se habet, ut litera A, quæ semper initio Anni præfigitur, reperiat quoque in fine, eandemque indicet feriam, nisi Annus fuerit Bissextilis. Quare si hoc Anno A fuerit Litera Dominicalis, consequente Anno proximo erit B, & sic deinceps; illaq; revo-

revolutio & Cyclus absolveretur eo ordine post 7 annos nisi obstat dies Bissextilis. Is enim quarto quoque Anno intercalatus, & septies diverso modo complicatus, efficit, ut eadem Literarum series & combinatio non retexatur, nisi post Annos 28. ut videre est in Calendario. Vocatur autem Solaris Cylus, quia constat ex Annis Solaribus, qui ex ductu 4 in 7, illum numerum constituunt: Cyclusque iste ex more Romano incipit ab Anno Bissextili, qui Dominicales Literas habet G & F.

Notandumque est, has Literas per singulos anni dies ita esse dispositas, ut singuli menses primo sui die certam ex iis habeant sibi affixam. Sic litera A obtinet primum Januarii & Octobris diem: Litera D cadit in primum Februarii, Martii, & Novembris, & sic per proportionem de aliis. Quæ memoriæ causa duobus istis versiculis comprehenduntur ea methodo, ut singula vocabula mensem aliquem ordine designent, Incipiendo à Januario; primaque litera singulorum vocabulorum est, quæ primæ illius mensis diei affigitur.

Astra dabit Dominus, gratisque beabit egenos:

Gratia Christicolæ feret aurea dona fideli.

Notabis vero, tria Cyclorum genera, ex iis quæ exposuimus, maxime in usu esse apud Chronologos: nempe Cyclum decennovalem Aurei Numeri, tum Cyclum Solarem Annorum 28: ac denique Cyclum Indictionum ex annis 15.

At multiplicato Solari Cyclo per Decennovalem Aurei Numeri, fit Numerus 532, quem vocant Periodum Dionysianam, ab inventore *Dionysio Exiguo*, qui observavit perfecto illo 532 annorum orbe, redire eandem Cyclorum ejusmodi combinationem; & consequenter Novilunia non solum ad eisdem dies, sed etiam ad eandem serias in Calendario reverti.

Huc adde & Periodum Julianam, Annorum 7980, quæ oritur ex multiplicatione Periodi Dionysianæ, per Cyclum Indictionum Annorum 15. Julianam appellant, quia consurgit ex tribus Cyclis Anni Juliani in-

ter se multiplicatis ; tuncque absolvitur, cum redit tri-
um Cyclorum, ex quibus conflatur, eadem conjugatio :
Næque vero ea, quæ aliquo hujus Periodi Anno fuit
Cycli Solaris, Aurei Numeri, & Indictionis conjuga-
tio, continget unquam, nisi revoluto Annorum 7980
numero, *Exempli causa*. Suppono, ex doctrina Petavii,
ab Orbe Condito ad Christi Natalem usque fluxisse An-
nos circiter 4000. vel, ut præcise cum eo loquar, 3983.
Ac proinde incœpisse Æram Christianam, seu primum
Christi Annum cum Anno Mundi 3984. Item,

Suppono 2. Cyclum Solarem 10. tum Cyclum Lunæ,
seu Numeri Aurei 2. ac Cyclum Indictionis Roma-
næ 4. incidisse in Primum Christi Annum, ut constat
ex illorum computo. Si enim hoc ipso currente Christi
Anno, tales sunt Cycli, *v. g.* Solis 9, Lunæ 10, Indi-
ctionis 3, ut in eo, Mathematici omnes consentiunt ; se-
quitur etiam, ut si fuerint Anno Christi 1, quales assi-
gnavimus.

Suppono autem 3. Tres illos Cyclos simul concur-
rere in Annum Julianæ Periodi 4714. Quia, si nume-
rum hunc divides per 28 : qui est integer Cyclus So-
laris, residuum ex divisione erit numerus 10. Qua ra-
tione, si postea numerus idem Periodi Julianæ dividi-
tur etiam per Cyclum 19, residuum dabit 2 : Ac de-
nique per Cyclum Indictionis 15, residuum quoque erit
numerus 4.

Notabis enim, eam esse methodum, qua dati alicujus
Anni ex Periodo Juliana, Cyclum aliquem proprium
illius reperias ; nempe, datum illum Annum Julianæ
Periodi dividendo per integrum Cyclum, puta, vel 28 :
vel per 19 ; vel per 15. Qui autem residuus erit nume-
rus, designabit, quotus sit Annus quæsitæ Cycli. Atque
his quidem suppositis ;

Colliges 1. Primum Christi Annum, qui supponitur
esse Annus Mundi 3984, concurrere cum Anno Periodi
Julianæ 4714. Unde etiam

Colliges 2. Detractis ex isto numero Annis Mundi,
superesse ex Periodo Juliana Annos 730. qui Mundum

præcesserint, nullique reali tempori coextiterint; nec fuisse Mundum Conditum, nisi Anno 731 Periodi Julianæ.

Sciendum est igitur, eam esse rationem Periodi Julianæ, ut quilibet ipsius Annus suos habeat proprios Cyclos, qui omnes simul in nullo alio ejusdem Periodi Anno reperiri possunt. Quamobrem, si rei gestæ alicujus narretur Historia, subindicatis Anni Cyclis, constabit manifeste, num de facto congruat tempori designato. Item, Juliana Periodus hanc habet utilitatem, ut in ea situm reperire possint Epochæ omnes temporum, servata Annorum serie & ratione eadem, quod maximam Chronologiæ studioso lucem afferet. Item, quilibet Chronicorum errata facile deprehendet, si illis hæc Periodus, tanquam Lydius lapis, adhibeatur.

Quamquam, ut observat Sallanus *Tom. I. in Apparatu ad Annales cap. 4.* Cum apud diversos Autores tam sit diversa temporum ratio, ut sæpe Annorum centuriis etiam pluribus inter se discrepent, nec certis nitantur principiis, sed probabili tantum conjectura, ut fateatur ipse Petavius, *initio lib. 2. Rationarii*; Necesse est quoque, ut de propriis ipsorum Annorum Cyclis dissentiant. Neque vero possunt diversæ Annorum Epochæ disponi in ea Periodo, nisi cognitis eorum Cyclis propriis. At Cyclorum hujusmodi vix ullus Scriptor meminit in explicandis rerum historiis. Quam ob causam totus ipse Livius, aut alius Annalium autor vix posset ulla sui parte cadere sub Censuram Petavii, aut eorum, qui pro Juliana Periodo contendunt, etsi non negem aliquos Chronologorum errores hæc arte esse feliciter deprehensos: Ut quando scribunt, B. Mariam Ægyptiacam die 9 Aprilis, Anni 525. qua celebrabatur sacra Christi Domini Passio, oblisse. Nam hæc concurrere tantum possunt in Annum 521. qui pro Numero Aureo habet 9; pro Cyclo Solari 26; tum C pro Litera Dominicali. Item, quando etiam scribunt S. Martinum Papam exiisse Roma, Anno 650. 16 Junii; celebrato prius

prius Missæ Sacrificio, die Dominica; mendum est. Nam copulatio hujus feriæ cum 16 Junii, propria tantum est Anni 653. cujus est Numerus Aureus 8. Cyclus Solaris 18. cum Litera Dominicali F. uti quidem alii observarunt.

CAP. VIII.

Præx Chronologica.

Probl. I.

Dati Anni Cyclum Solarem invenire.

Anno Domini proposito addantur 9: tum compositus ille numerus dividatur per 28; numerus, qui ex divisione relinquitur, est Cyclus Solaris dati Anni. Si autem ex divisione nihil remanet, numerus Cycli Solaris est 28.

Notabis autem, *Quotientem* in hac divisione indicare, quot revolutiones illius Cycli peractæ sint à Christo nato, usque ad Annum propositum.

Not. 2. Fieri additionem numeri 9, quia Anno hujus Cycli 10 natus est Christus, fluxerantque jam 9.

Probl. II.

In quam Hebdomada feriam cadat prima dati Anni dies, invenire.

Annum Christi præcedentem divide per 4. Tum quotientem addas numero diviso, neglectis divisionis reliquiis. Præterea vero ex summa illa totali subtrahere 10. ac denique residuum numerum divide per 7. Residuum ex divisione ostendet quæsitum numerum: vel si nihil supererit, numerus 7 erit quæsitus. Nec habetur hoc loco ratio ulla Quotientis. *Exemplum.* Proposita quæstio sit de Anno 1654. Est ergo Annus præcedens dividendus per 4. ex qua divisione habetur pro Quotiente

M 2

numerus

170 INSTIT. MATHEMAT.

numerus 413. Hic additus ad numerum divisum redditur 2066. Subtrahitis autem 10, supersunt 2056. Qui numerus divisus per 7, non habita ratione Quotientis, reliquit 5. Ergo prima Anni illius dies fuit feria 5; nempe dies Jovis.

Probl. III.

Dati Anni Literam Dominicalem reperire.

Quam ex superiori Problemate invenisti feriam, illam subtrahe ex 9. Atque ita 5 subtrahe ex 9, supersunt 4. Qui numerus residuus indicat, Literam quaesitam, esse quartam inter Dominicales, facta enumeratione ab A Inclusive. Unde sequitur, D esse Literam Dominicalem dati Anni. Supponimus enim ex dictis, Literam A semper esse affixam Anni principio.

Probl. IV.

Annum Bissextilem determinare, id est, aperire, an sit hoc Anno, vel quando futurus sit Annus Bissextilis.

Praxis. Datum Christi Annum divide per 4. Si nihil ex tali divisione fuerit residuum, dic eum annum esse Bissextilem: si autem residuus fuerit aliquis numerus, ille tibi designabit Annum à Bissexto. *Exemplum.* Ex divisione 1654 superest numerus 2. Ergo ante duos Annos, nempe Anno 1652 erat Bissexto: ergo & ad duos Annos, nempe 1659, est futurus.

Probl. V.

Dato Anno, invenire numerum Indictionis Romanae.

Praxis. Anno Domini proposito addantur 3, quia supponitur Christus Dominus quarto Cycli hujus Anno fuisse natus, unde consequenter jam 3 effluxerant. Tum compositus numerus ex dato Christi Anno & numero 3, dividatur per 15. Numerus ex divisione reliquus, erit Indictio quaesita. Si nihil relinquitur, dices Annum Indictionis esse 15. Quotiens vero demonstrabit, quot revolutiones

rotationes hujus Cycli usque ad datum Annum transierint. Quo pacto Anno 1654 Indictio est 7: hujusque Indictionis Cycli fluxerunt 110.

Probl. VI.

Aureum Numerum dati Anni invenire.

Praxis. Dato Christi Anno adde unitatem. Deinde totum illum numerum divide per 19, neglecto Quotiente; qui residuus est numerus, erit currentis Anni Aureus Numerus. Sic dato Christi Anno 1654, Numerus Aureus erit 2.

Probl. VII.

Epactam dati Anni invenire.

Praxis. Supponitur semper esse inventus illius Anni Aureus Numerus. Qui quidem Numerus Aureus vel est ternarius; vel multi simul ternarii præcise, & tunc ipsi adde 20, summa dabit Epactam quæsitam, rejectis 30; ubique occurrerint. Sic Anni 1651 Numerus Aureus est 18, qui numerus est multi ternarii præcise. Quare additis 20, fiunt 38. unde subtrahendo 30, remanet numerus 8 pro Epacta. Alioqui si Numerus Aureus fuerit minor unitate, quam ternarius, aut ternarii: adde illi 10. tum summa collecta dabit Epactam. Si tamen rejeceris 30, ubi occurrerint: sicque Anno 1654 Epacta est 12. Tertio denique, si Numerus Aureus fuerit major unitate, quam ternarius, aut ternarii; ipse Numerus Aureus erit quæsitæ Epactæ.

Probl. VIII.

Reperire, quando sit futurum Novilunium, dato mense.

Praxis. Epactam Anni currentis adde numero mensium à Martio inclusive. Tum numerus inde productus subtrahatur ex 30. Sin productum ex Epacta & numero mensium superavit 30; erit illud subtrahendum ex 60. Numerus residuus indicabit diem mensis, in quo fiet Novilunium. *Exemplum.* Quæritur, quo die men-

M 3

sis

172 INSTIT. MATHEMAT.

si Augusti, Anno 1651, futurum sit Novilunium? Suppono Epactam illius Anni esse 8. huic addo 6, qui est Numerus mensium à Martio: fiuntque 14 ex collectio-
ne utriusque hujus Numeri. Si ergo subtraxeris 14 ex 30, restabunt 16. unde statuas fore Novilunium illius mensis die circiter 16.

Notabis autem, mense Januario & Martio haberi diem Novilunii, si Epactam solummodo subtraxeris ex numero 30. Qua ratione habetur quoque mense Februario, addita solum unitate ad Epactam, perinde ac mense Aprili. Sed

Not. 2. Epactam illam currentis Anni incipere debere à Januario. Item

Not. 3. Juxta alios numerari menses à Martio, tantum exclusive; nisi agatur de Novilunio Septembris & Novembris: magis autem communiter numerantur à Martio inclusive.

Probl. IX.

Data die ætatem Lunæ reperire.

Praxis. Ubi ex præcedente Problemate Novilunium es assecutus, si data mensis dies posterior est Novilunio, numera, quot dies inclusive ab eo effluxerint; sin autem anterior est, pertinebit ad ultimas partes præcedentis. *Exemplum.* Si quæritur ætas Lunæ die 24 Augusti, Anni 1651. In quo reperi Novilunium incidere in diem 16; dicam consequenter esse dierum 9. Si quæritur de octava die Augusti, dicam esse 23 Lunæ præcedentis, ex hypothesi, quod illi attributam 30 dies. Nam si ex 30 subtraxero dies numeratos à Novilunio invento, & consequenter à fine illius Lunæ præcedentis, quos invenio esse 8: supererunt 22.

Alia quoque est vulgaris ista inveniendæ ætatis Lunaræ methodus. Junge simul tres illos numeros, nempe Epactam Anni propriam; Numerum mensium inclusive à Martio usq; ad datum mensem: ac denique diem datam mensis illius. Si summa ex tribus illis numeris collecta,

collecta, fuerit infra 30, ostendit ætatem Lunæ: si fuerit supra 30; ex ea subtrahe 30, residuus numerus erit ætas Lunæ quæsitæ.

Notabis vero, quod ubi quæritur de ætate Lunæ, mense Januario, aut Martio, nihil esse addendum ad Epactam præter dies mensis; solumque addendam esse unitatem pro mense Martio & Aprili. Sed memineris, Epactam illam inchoare à Januario. Fig.

Hoc autem modo per Epactas nihil præcise definiri posse; quia supponitur semper Luna esse 30 dierum, cum tamen subinde sit tantum 29. Quanquam non longe à rei veritate aberrant, sufficiuntq; ad usum communem. Quinetiam maturo consilio hunc usum sequitur Ecclesia: cum enim, inquit Clavius, nullus Cyclus Lunarum perfecte calculo Astronomico respondere possit, præstat, ut serius per Epactas demonstrentur Novilunia, quam ut aliquando suas sedes anteverrant, ne aliquando Sacrosanctum Pascha vel ante Lunam xiv, vel in ipsa xiv cum Hæreticis quartadecimanis celebretur. Monetque ipse Clavius, si conjunctionem Luminarium habere velis, non tantum ex usu Ecclesiæ, sed etiam magis Astronomicæ, inventum per Epactam Novilunium, tribuendum esse antecedenti diei; vel si lubet, consule Tabulas Ephemeridum Cœlestium.

Probl. X.

Cognita ætate Lunæ, ipsius locum in Zodiaco assignare.

Suppono mihi esse notum Solis locum in Zodiaco. Puta, scio 31 Octobris Solem esse in 8 gradu Scorpii. Item suppono ætatem Lunæ mihi cognitam, esse v. g. dierum 16. Et consequenter decima sexta ante diem simul conjunctam fuisse cum Sole sub 23 gradu Libræ. At suppono 3. Lunam una circulatione diurna peragere circiter 13 gradus Zodiaci, cum Sol vix uno gradu promoveatur. Quare si 16 illos dies multiplico per 13 gradus, productus numerus designabit, quot jam gradibus

distet à Sole; si tamen habeatur ratio graduum, quos etiam eo tempore Sol oblit. Deinde cognitis gradibus iis, quibus Luna recessit à Sole, infero consequenter, sub quo Signo, & sub quo illius gradu existat; cum Signa singula 30 gradus habeant. Rem hanc totam conficiunt nonnulli ista methodo. Primo, ætatem Lunæ multiplicent per 4. productum vero ex hac multiplicatione iterum multiplicent per 3, sicque alunt reddi numerum graduum, quibus Luna à Sole distat.

Notabis etiam, Lunam singulis diebus à Sole magis discedere tribus circiter horæ quadrantibus. Quamobrem, si hodie Luna simul cum Sole orta est, cras non attinget Horizontem, nisi 3 circiter post quadrantibus.

Probl. XI.

Reperire Lunam Paschalem dati Anni.

Praxis. Adi ad Calendarium Gregorianum, quo solum jam utitur Ecclesia Catholica: Tum ab 8 Martii usque ad 5 Aprilis, quære Epactam Anni currentis; hæc ostendet tali die esse Novilunium. Tum inde enumera 14 dies. Inventa autem decimaquarta die; quære illius Anni Literam Dominicalem, quæ proxime sequitur ad inventam diem quartamdecimam; tum habebis Paschale festum.

Notabis autem, eas tantum Lunas, quæ incipiunt ab 8 Martii, usque ad 5 Aprilis inclusive, posse fieri Paschales; nec proinde posse Pascha citius contingere, quam 22 Martii, cum scilicet Lunæ dies quartadecima incidit in 21 Martii, diesque postera est Dominica. At nequit etiam Pascha tardius esse, quam 25 Aprilis, Item consequenter etiam

Not. 2. Lunam Martiam nunquam fieri posse Paschalem; nam, ut supra aiebam, Luna illi tantum tribuitur mense, in quo finitur. Luna autem Paschalis finitur semper extra mensem Martium; unde consequens est, ut Luna Martii nunquam possit esse Paschalis, aut Luna primi mensis secundum Judæos, & Decretum Nycænum.

Probl.

Probl. XII.

Dato diei aut noctis tempore, quanam sit hora, invenire.

Hæc quæstio cum aliis ejusdem generis attinet maxime ad Chronologiam, cum sit de parte aliqua temporis designanda: nam quæ sunt de horis per Gnomonem designandis, explicantur in Gnomonica. Propositam vero quæstionem solves adhibito Astrolabio, in hunc modum. Ac primo quidem suppono tibi esse notam Solis elevationem supra Horizontem *juxta 4 praxim Astronomicam*. Item & *juxta quintam*, gradum Zodiaci, quem Sol, aut Luna occupat, rite esse dispositum in circulo elevationis, seu in Almucantarath congruo. Atque his suppositis; illi gradui, seu parti Zodiaci applica Ostensorem secundum lineam fiduciæ; hæc in limbo designabit horam quæsitam in parte ortiva, si quæritur aliqua ex antemeridianis; contra autem in parte occidua, si quæritur aliqua ex pomeridianis.

Idem præstari potest per Stellam aliquam tibi notam, quæ in Aranea descripta fuerit, si inventa ipsius altitudine, seu elevatione supra Horizontem, disponatur in idoneo Almucantarath.

Nota hic agere me tantum de horis æqualibus, seu Æquinoctialibus. Nam si indaganda est hora inæqualis, seu temporaria; lineam fiduciæ applico ad oppositam Soli partem, seu ad Signum, & gradum in Zodiaco oppositum; pars Ostensoris inferior denotabit horam inæqualem.

Probl. XIII.

Solis ortum & occasum; & consequenter quantitatem diei artificialis invenire quovis Anni tempore.

Praxis. Beneficio Astrolabii. Inventam Solis partem, seu gradum colloca in Horizonte exortivo. Tum Ostensorem per illam Solis partem traducas; is in limbo horam quæsitam Solis ortivi indicabit. Quo etiam pacto

paſſo Solis horam occiduam inveſtigabis ; ſi Zodiacum, ſeu partem illam Zodiaci, in qua eſt Sol, transferas ad Horizontem occiduum.

Ita, ſi partem Solis cum Oſtenſore diſpoſueris ad lineam crepuſculinam, habebis crepuſculum datæ diei, tum matutinum, tum ſerotinum.

Praxis. Beneficio Globi Aſtronomici, aut Sphære armillaris.

Suppono 1. Inſtrumentum Aſtronomice conſtitutum, ex duodecima inter praxes Aſtronomicas. Suppono 2. habere te partem Zodiaci, ſeu Eclipticæ, in qua Sol exiſtit. His ſuppoſitis; partem, ſeu gradum Solis adjuuge ad Circulum Meridianum, ſimul apponendo indicem horarium ſupra horam Meridianam. Deinde partem illam Zodiaci devolve ad Orientem, dum Horizonti perſeſte reſpondeat; tunc index horarius oſtendet tibi, qua hora Sol oriatur. Idem per proportionem efficies ad inveſtigandam horam occaſus.

Notandumque eſt, inde te poſſe ſtatuer de longitudine datæ diei, numerando horas interceptas inter initium, & finem ; ſeu inter Ortum & Occaſum.

Probl. XIV.

De Crepuſculo tum matutino, tum ſerotino ſtatnere.

Praxis. Jam oſtendi, quemadmodum id poſſit præſtari per Aſtrolabium : hic agitur de Sphæra armillari, aut Globo. Quia igitur ſupponimus, tunc eſſe Crepuſculi matutini initium, quando Sol pervenit ad 18 gradum infra Horizontem. Atque ita finire Crepuſculum ſerotinum, quando jam gradibus 18 deſcendit infra Horizontem occiduam ; habebis conſequenter horam ejuſmodi Crepuſculi, ſi partem Zodiaci, in qua eſt Sol, infra Horizontem demiſeris gradibus 18: tunc enim index horarius indicabit tibi horam quæſitam. Scies autem Solem deſcendiſſe 18 gradibus infra Horizontem, ſi partem oppoſitam elevaveris 18 gradibus ſupra Horizontem, numerando gradus illos in Æquatore.

Probl.

Probl. XV.

Scire, quanam sit hora ubi vis gentium.

Hoc facile assequeris ope Globi Terrestris. Si primo tibi nota fuerit hora regionum illarum, quæ sunt sub tuo Meridiano: nam illum Meridianum oportebit ad-movere, & directe applicare ad Meridianum immobi-lem tui instrumenti, apponendo indicem horarium ad talem horam v.g. tertiam. Tunc autem circumvolven-do Globum, Meridianus immobilis designabit tibi re-giones, quibus ea sit hora, quæ ostendetur in indice horario.

Notandumque est, ad varia id genus Problemata explicanda: primo, Terram quoridie lustrari à Sole, & singulos successive Meridianos ab ipso adiri, dum tandem perficiat diem 24 horarum. Quamobrem ne-cesse est, ut singulis horis perlustret 15 Meridianos; nam si numerus 360 dividatur per 24, dabit pro singulis horis 15. Supponendum præterea est, in ea omni regi-one esse Meridiem, cujus in Meridiano Sol versatur: & consequenter ad decimum quintum Meridianum illum, quem jam ante præterit, esse horam primam; ad alium, esse horam 2. ad alium, tertiam; & sic de cæteris. Item, Solem easdem simul, & novas tum horas, tum Anni tempestates efficere respective ad diversas Mundi regiones. Unde merito quis posset asserere, nunc tem-poris esse quamlibet horam, & quamlibet Anni tempe-statem atque ita singulas diei horas, Terram peragrarè semper, &c. Suppono denique homini sub eodem Meri-diano quiescenti, semper diem naturalem esse 24 hora-rum, quia tanto est opus temporis spatio, ut ad eundem Meridianum Sol regrediatur. At

Not. 2. Quod iter facienti in Orientem, dies sit mi-nor, quam horarum 24: nam Sol prius est futurus in eo Meridiano, in quo ipsi occurret, quam in illo, unde discessit. Contra autem tibi iter facienti versus Occi-dentem major est futura dies, quam horarum 24. Nam
ante

ante Sol attinget Meridianum, à quo recessisti, quam ad te pervenit. Quamobrem

Notabis 3. Poffe contingere, ut duæ naves ex eodem portu solvæntes, altera quidem in Orientem, altera autem in Occidentem, in aliqua tandem Mundi parte concurrant, unoque die toto inter fe diffideant: imo fi fupponamus hinc Petrum in Orientem proficifci; Paulum vero in Occidentem; qui, univerfo Orbe peragrato, per aliquot Annos tandem ad Joannem hic femper commorantem eadem redeant hebdomada; fieri poterit, ut fi unusquisque retineat eandem numerandi temporis rationem, Joannes quidem numeret diem Martis: Petrus autem diem Mercurii; & Paulus diem Lunæ. Deinde poft ridie Petrus habebit diem Jovis, Joannes diem Mercurii; & Paulus diem Martis. Tum fequenti die, quando Petrus numerabit diem Veneris, Joannes numerabit diem Jovis, & Paulus diem Mercurii, & fic de aliis; unde in eadem Hebdomada refpectivè ad tres illos homines, ter numerabitur dies Jovis.

Hinc etiam folvitur illud Paradoxum, cum aiunt fieri poffe, ut duo fratres fimul nati, fimul obierint, quorum tamen alter plus vixerit: quia plures numeravit vitæ dies, &c.

INSTITUTIO MATHEMATICÆ.

Gnomonica.

PRÆFATIO.

Non modo utilitatem, sed etiam jucunditatem haud mediocrem affert Horologiorum constructio, - quibus Horæ designentur, distinguanturque inter se. At variae sunt Horologiorum species, quas facile prætermitto, ut agam tantum de Solaribus, cum proculdubio longe ceteris præstent, sintque Horologiorum omnium, atque horarum primæ mensuræ. Vocantur etiam Grece Sciotherica, ab umbra Solis, quæ in singulas diei horas ope Styli, seu Gnomonis infixi destinatur. Item Ars construendi Horologia istiusmodi appellatur Gnomonica, à Gnomone, seu Stylo, qui horarum omnium est veluti index, & Horologii Sciotherici pars maxime insignis. Hæc autem Ars nititur quidem principiis,

*cipiis, quæ Mathematicæ falsa sunt, cum supponat
Stylum in centro Mundi; aut terram esse instar
puncti cuiusdam; sed nihilominus certissima est,
cum illa Terræ magnitudo, aut distantia à centro
Mundi nibili reputanda sit respectu ad Cælum,
nec minus infallibiliter designentur Horæ.*

Tabulas reperiēs ad finem Tractatus de
Sphæra Terrestri.

INSTI.

INSTITUTIO MATHEMATICÆ.

Gnomonica.

CAP. I.

Varia species Horologiorum Solarium.

HÆc sunt vel Mobilia, quæ gestari solent, ut Cylindrus; tum pixides instructæ acu magnetica; vel Immobilia, id est, alicui certo loco affixa. Item, vel Regularia sunt, vel Irregularia. Regularia dicuntur ea, quæ describuntur in plano disposito ad aliquam determinatam ex præcipuis Mundi partibus, puta, vel directe ad Orientem, vel ad Occidentem, &c. Irregularia autem sunt ea, quæ ad illas Mundi partes præcise non convertuntur, sed potius ab his declinant. Jam vero

Dico 1. Ex Regularibus, primo est Horizontale. 2. Verticale ad Meridiem. 3. Verticale ad Septentrionem. 4. Meridianum Orientale, 5. Meridianum Occidentale. 6. Æquinoctiale superius. 7. Æquinoctiale inferius. 8. Polare superius. 9. Polare inferius.

Horizontale, est illud, quod Horizonti æquidistat.

Verticale, quod erigitur perpendiculariter supra Horizontem, tenditque directe ad punctum verticale, & est parallelum circulo verticali primario: duplexq; est; Primo enim est verticale ad Boream, seu quod respicit Septentrionem. Alterum vero est Meridionale, quod respicit Meridiem.

Meridi.

Meridianum est illud, quod æquidistat Meridiano Circulo: duplexque in genus dividitur, primo in Orientale, quod Solis ad ortum spectat. 2. est Occidentale, quod obvertitur Occidenti.

Æquinoctiale est, quod æquidistat Æquatori Mundi, similemque habere debet elevationem supra Horizontem. Aliudque est superius, quod supra describitur: aliud autem inferius, quod delineatur infra planum.

Polare est parallelum axi Mundi, & velut in eo jacet. Aliudque est superius, aliud vero inferius.

Dico 2, Irregularia sunt, aut declinans, aut inclinans. Declinans est, quod æquidistat quidem alicui circulo verticali, unde & recte appellatur verticale; sed declinat à verticali primario & proprie dicto: duplexque habet sub se genus. Primo enim aliud est, quod declinat à Meridie, vel in Ortum, vel in Occasum. Secundo aliud est, quod declinat à Septentrione, vel in Ortum, vel in Occasum. Inclinans, seu inclinatum, est illud, quod deficit à puncto verticali, inclinaturque ad Horizontem, quod ipsi non æquidistet.

Dico 3. Ratione horarum dividuntur præterea in Astronomicum, Italicum, Babylonicum, & Antiquum, seu Judaicum.

Astronomicum æquales horas à Meridie, ad mediam noctem; tum à media nocte, ad Meridiem indicat; estque in usu præcipue tota fere in Europa.

Italicum horas æquales ab Occasu, ad Occasum demonstrat; ita ut ex 24, ea dicatur prima, quæ est hora Solis Occidentis; nobisque appellaretur vel 6, vel 7, vel octava serotina: contra vero Babylonicum, horas æquales indicat ab ortu, usque ad sequentem ortum.

Antiquum, seu Judaicum, ostendit horas inæquales, de quibus in Chronologia diximus. Agemus autem duntaxat de Horologiis Astronomicis, ac præcipue de iis, quæ regularia sunt. Cum inde satis cuilibet pateat aditus ad alia.

CAP. II.

Quenam in genere sint necessaria ad constructionem Horologii Sciotherici.

Dico 1. Debet sciri elevatio Poli, juxta quam statuere oportet de centro horarum, de altitudine Styli, de ipsius Horologii dispositione, aliisve id genus.

Item, debet sciri methodus inveniendæ lineæ Meridianæ, ut Horologii descripti lineæ Meridiana rite constitatur sub Meridiano dati loci. Quæ supra jam tradidimus in praxibus Astronomicis.

Item, opus est Norma, & Circino. Tum Quadrante Astronomico recte diviso in gradus 90. in quo etiam descripta sit lineæ horaria, & puncta horaria, designata ad quindenos gradus. Cujusmodi videre est in tabula 4. *Geometriæ, fig. 5.*

Dico 2. Ad perficiendum ipsum Horologium Sciothericum tria in genere necessaria sunt. Primo, horarum descriptio in dato plano. 2. Ratio Styli; id est, qualis, & quanta esse debeat altitudo Styli: ac tandem quo in loco debeat figi. 3. Denique applicatio & dispositio ipsius Horologii jam perfecti.

Notandum vero est 1. In genere, ad describendas horas, præsupponi communiter duas lineas rectas sese ad angulos rectos interfecantes instar crucis cujusdam, quarum altera est lineæ Meridiana, seu lineæ horæ duodecimæ; Altera vero est occulta, in transversum illam secans orthogonaliter, quam vulgo appellant lineam horarum, quia in ea designantur puncta horaria; vel lineam Æquinoctialem, quia repræsentat Circulum Æquinoctialem, qui est prima regula horarum omnium.

Notabis enim 2. Horas omnes, saltem Astronomicas, seu æquales, distingui inter se proportionaliter intervallo 15 graduum, per ordinem ad Circulum Æquinoctialem, quia spatio unius hujusmodi horæ Sol decurrit 15 Meridianos; per quindecim Æquatoris gradus

N

transeunt

transcunt. Unde & hora Astronomica vulgo sic definitur: Est spatium temporis, quo Sol decurrit 15 Meridianos; vel si lubet, quo 15 gradus Æquatoris ascendant supra Horizontem; ut jam monui.

Not. 3, Ad debitam applicationem & dispositionem Horologii esse opus Libella, aut Perpendiculo; ut examinetur, an sit vel Horizonti parallelum; an verticale perpendiculariter directum, &c.

CAP. III.

Horologium Horizontale construere.

EX Dictis superiori capite, tria hic præcipue præstanda sunt. Primo, puncta horaria designare oportet. 2. Centrum horarum reperire, à quo per puncta jam inventa ducantur Circuli, seu lineæ horarum. 3. Denique locum Styli, & ipsius altitudinem præscribere. Hæc igitur ut distinctis Problematis perficiam; esto

Probl. I

Puncta horaria designare.

Statue tibi ob oculos *figuram 1. tabulæ 7.* Ac primo quidem describe in crucem duas lineas, nimirum lineam *a b*, quæ erit linea horæ 12; tum lineam *c d* occultam, quæ erit Æquinoctialis, & postea delenda, quando perfectum fuerit Horologium.

Ex Instrumento, id est, ex Quadrante Astronomico, vel semicirculo ad id comparato, transferantur ope circini puncta horaria in istam lineam Æquinoctialem. Nempe illa puncta per idoneam extensionem circini petuntur ex Instrumento, figendo crus alterum illius circini in concursu lineæ Meridianæ, & Æquinoctialis; alterum extendendo ad spatia Horæ quæ sitæ. Tum servata illa extensione, quæ sita puncta designantur in Horologio, crus idem circini figendo pariter in concursu lineæ Æquinoctialis, & Meridianæ ipsius Horologii.

Notan-

Notandumque est, Horas matutinas describi in ea parte, quæ scribentis dextram spectat; horas autem serotinas in opposita. Item

Nor. 2. In ista linea Æquinoctiali reperiri tantum ex matutinis 11, 10, 9, 8, & 7. Ex serotinis 1, 2, 3, 4, 5.

Norabis enim 3. Quod postea reperto horarum centro, aliarum facilis est descriptio, ut mox ostendam.

Probl. II.

Centrum Horologii, seu horarum, invenire.

Hic maxime habenda est ratio elevationis Polarís, neque enim quodlibet huiusmodi Horologium, quolibet in loco horas indicabit, sed tantum sub certa Poli elevatione, quæ propria est regionis, in qua usui esse debet.

Suppono igitur hac in regione Polum elevari 49 gradibus. At quæro complementum arcus 49 graduum, usque ad 90 & video esse 41. Quare colloco pedem circini in centro instrumenti, tum inde pedem alterum extendo ad lineam Æquinoctialem descriptam in eo instrumento, qua parte secatur per radium gradus 41. numerando à linea horæ duodecimæ: illam vero circini extensionem transfero in Horologium, figendo crus alterum circini in concursu lineæ Meridianæ, & Æquinoctialis, nempe in *e*. alterum vero desigo in parte lineæ Meridianæ, puta in *f*, & dico illud punctum esse centrum horarum: Ex eo enim, & per singula puncta in linea Æquinoctiali jam designata, ducentur lineæ omnes, quas alii vocant arcus horarum. Quod videre est in tabula 6. fig. 2.

At præterea primo, per centrum illud horarum ducetur linea parallela Æquinoctiali, quæ erit linea horæ sextæ, tum matutinæ, tum vespertinæ.

Item, lineæ horæ 4 & 5 serotinæ producentur in superiorem partem ultra centrum horarum pro hora 4 & 5 matutina. Quemadmodum & lineæ horæ 7 & 8 matutinæ ultra etiam producentur, ad designandam horam 7 & 8 serotinam.

Sicque est absoluta Horologii descriptio, cui figuram quamcunque volueris affinges; & describes characteres horarum ad singularum linearum extremitates. Tum linea *Æquinoctialis a b* deleri debet.

Probl. III.

Locum & altitudinem Styli exponere.

Non modo centrum horarum, sed etiam in huiusmodi saltem Horologiis, locus Styli est in linea Meridiana.

Notabilis autem, hunc Stylum communiter esse triangularem, cujus basis jaceat supra lineam Meridianam, & desinat in centro horarum; porrigitur vero in altitudinem versus lineam *Æquinoctialem*. Ut observare est in *fig. 1. tab. 7.* ad quam oportet modo regredi.

Not. 2. Stylum hunc non habere determinatam altitudinem, nisi habita ratione loci, in quo figitur: nam posita altera parte basis illius trianguli in centro horarum, puta in *f*, quo longior erit hæc basis, unde consequenter pars altera huius lateris magis distet ab hoc centro, eo debet esse major Styli altitudo, majorque fiet totus triangulus. Ita major est triangulus *o n f*, vel *m l f*, vel *g e f*, quam *k b f*. Quin etiam ea debet esse huius Styli altitudo, ut latus *f o*, quod est subtensum angulo recto *n* vel *l* vel *h* congruat cum Axe Mundi, & directe ad Polum tendat; ideoque etiam vocatur axis, ex eo quod congruat cum axe Mundi: & vero latus illud solum, seu umbra ab illo projecta, horas designat. Ut igitur habeatur ejusmodi altitudo idonea;

Not. 3. Numerari oportere gradus altitudinis Polaris, & adeundum esse Instrumentum, figendo crus circini in centro ipsius, deinde alterum extendendo ad lineam *Æquinoctialem*, qua parte secatur à radio gradus, qui responderet numero graduum elevationis Polaris. Exempli causa; quia supponimus in hac regione Polum esse elevatum 49 gradibus, crus circini debet extendi ad partem, quæ secatur per radium gradus 49; numerando à linea horæ 12. Illa autem circini extensio ubi investi-

gata est, transferri debet in Horologium, hoc pacto. Crus alterum circini sic aperti fige in concursu lineæ Equinoctialis, & Meridianæ, puta in e ; tum altero crure designa in ipsa lineæ Equinoctiali punctum g , ac tandem ex centro horarum f per illud punctum g , ducas lineam $f k g m o$ in infinitum; hæc dabit Styli quadratam altitudinem. Nam si basis fuerit tantum $f b$, Stylus totus, ejusque altitudo erit $f b k$, alioquin si basis illa extendatur usque ad e , Stylus erit $f e g$. Si usque ad l , Stylus erit $f l m$. Si usque ad n Stylus erit $f n o$, & sic in infinitum.

Notandumque est 4. Angulum, quem Axis ille efficit ad centrum horarum in Horologio Horizontali, habere semper gradus elevationis Polaris, & consequenter in nostri hypothefi, angulum hunc esse gr. 49.

Not. 5. Si loco Styli triangularis apponitur tantum Stylus rectus, qualis foret aut $b k$; aut $e g$, aut $l m$, aut $n o$, illius tantum extremitas per umbram ab ipsa projectam horas ostenderet.

Notabis autem, sic perfectum Horizontale ita applicari & disponi suo in loco debere; primo, ut sit parallelum Horizonti: quod beneficio Libellæ probabitur, quod etiam aliqui probant injecto argento vivo; si enim planum aliquantisper inclinaverit, facile illud argentum vivum eam in partem dilabetur. 2. lineæ horæ 12. debet perfecte disponi intra Meridianum ipsius loci. Quemadmodum vero habeatur ille Meridianus, jam supra exposui.

CAP. IV.

Alia Methodo describere Horizontale.

ET si præcedens methodus nulli Horographo debeat esse incognita, quia est veluti basis & fundamentum Horographiæ totius, per propria & manifesta principia Præxis illius: aliæ tamen occurrunt expeditiores, quarum usus non parum habet utilitatis, & jucunditatis.

Prima est beneficio Normæ, quam Nostrates Squadram appellant, cui gradus Quadrantis Astronomici inscriptos esse supponimus, cum centro idoneo ad oppositum latus; Qualem normam vides *in tab. 5. fig. ult.* Hac igitur Norma rite disposita infra lineam Æquinoctialem, & juxta Meridianam, ducto filo ex centro per gradus quindenos in Norma designatos, notantur puncta horaria in linea Æquinoctiali.

Deinde posito centro in concursu Meridianæ & Æquinoctialis lineæ, circumducitur, dum attingat Meridianum, secundum gradum complementi elevationis Polaris; ut habeatur centrum horarum.

Ac denique iterum applicata norma juxta lineam Meridianam, & longitudinem Æquinoctialis, notatur in Æquinoctiali punctum ad gradum elevationis Polaris, ut ex eo per centrum horarum ducatur axis, unde habeatur altitudo Styli. Quemadmodum vero gradus Quadrantis Astronomici describantur in recta linea, exposui in Element. Geom. c. 8. Probl. 8.

Secunda methodus est per Quadrantem Astronomicum; quem etiam vocant Arcum, seu Quartum Æquinoctialem; quia supponitur habere divisionem per gradus quindenos. Qualem observare est *in tab. 7. fig. 2.* Vides autem, quemadmodum disponi debeat juxta lineam Meridianam sub Æquinoctiali; Item quemadmodum filo ex centro illius ducto per quindenos gradus, notentur puncta horaria in linea Æquinoctiali.

At postea descripto simili arcu ex concursu lineæ Meridianæ, & Æquinoctialis in *e.* ex puncto, quo tangit lineam Æquinoctialem, designa in illo arcu gradum elevationis, puta 49. Deinde per illud punctum ex centro *e* ducas lineam rectam; per quam, ad sectionem illius arcus ducatur orthogonaliter alia recta utrinque in infinitum, hæc in linea Meridiana designabit centrum horarum; eritque etiam instar axis pro determinanda Styli altitudine.

CAP. V.

Eodem circini intervallo describere Horizontale.

Hoc loco subjienda est *figura 1. tab. 6.* Juxta quam, descriptis in crucem ad angulos rectos duabus lineis, nempe Meridiana, & Æquinoctiali. Tum aperto ad libitum circino, describe circulum occultum ex communi sectione duplicis illius lineæ. Jam circulus ille in sectione lineæ Æquinoctialis designat una ex parte punctum horæ 3. ex altera punctum horæ 9.

Deinde 1. Ex puncto *feodem* semper circini intervallo, designa in circumferentia circuli hinc, & inde puncta *l* & *p*.

2. Ex puncto *l* designa punctum *m*, in linea Æquinoctiali, pro hora 4. tum ex isto puncto horæ 4, bis replicato circino juxta hanc lineam Æquinoctialem, notabis punctum *n* pro hora 5. Deinde ex isto puncto *n* quater replicato circino usque ad *o*, notabis horam 11.

3. Idem præstabis ex parte opposita. Nam primo quidem ex puncto *p*, designabis punctum *q* in linea Æquinoctiali, pro hora 8, tum ex isto puncto, bis replicato circino, usque ad *r*, notabis punctum horæ 7. Deinde ex isto puncto horæ 7, quater replicato circino usque ad *s*, notabis punctum horæ 1. Supponitur autem hora 12. in intersectione lineæ Meridianæ & Æquinoctialis.

Supersunt igitur solum investiganda puncta horæ 2. una ex parte; & 10, ex altera. Sic age. Ex puncto *h* ducas rectam occultam una ex parte ad punctum *l*; sectio in *t*, designabit horam 2. Altera vero ex parte, recta occulta ex *h* ad *p* designabit similiter horam 10 in sectione Æquinoctialis, ad punctum *u*.

Denique tandem pro centro horarum, & axe inveniundo; quære in arcu *f* 1. gradus elevationis Polaris ex puncto *i*. Item per gradum elevationis Polaris ducatur recta ex *c* centro circuli. Ac tandem per illam rectam ducatur orthogonaliter alia recta *r p q*.

Hæc erit pro determinanda Styli altitudine; aliunde vero centrum horarum designabit in sectione lineæ Meridianæ.

CAP. VI.

Arcus signorum describere in Horologio Horizontali.

Arcus Signorum sunt lineæ in Horologiis descriptæ, quæ beneficio umbræ à Gnomone projectæ, ostendunt, quoniam in Signo, seu quam in parte Zodiaci Sol existat. Quamobrem etiam, pro data elevatione Poli, intelligi potest, quam longi sint tunc temporis dies; illudque solet adscribi ad finem ejusmodi arcuum.

Notandumque est; Cancræ & Capricorni arcus determinare utrinque longitudinem lineæ horariæ, ad quam profunditur umbra Gnomonis: quo pacto propriam inde figuram accipit Horologium, ut videre est *fig. 1. tab. 11.* Hæc vero ut præstentur facili methodo; ita rem aggredere.

Ac primo quidem, supponi debet descriptio linearum horariarum, cum intervallis mediæ cujusque horæ. Item, suppono locum Styli esse in *I*, tum Styli altitudinem esse *h i*. Stylique ipsius apicem esse in *b*; centrum autem horarum esse in *a*. Atque his suppositis;

1. Ducatur recta *HE* perpendicularis ad axem *AH*, & cadens in punctum *H*.

2. Per punctum *E* in quo secat Meridianam, ducatur orthogonaliter linea *CE D*. Quæ futura est linea Æquinoctialis, seu tanquam arcus Arietis & Libræ.

3. Linea *EH* producat ad libitum, puta usque ad *G*, hæc vocabitur Radius Æquatoris.

4. Ex puncto *H* ad libitum describe arcum *MG N*.

5. Ex puncto *G* versus *M* & *N* designa puncta declinationum Solarium, quas nimirum Sol habet, dum circâ initia uniuscujusque Signi versatur. Has porro declinationes habebis beneficio Quadrantis divisi in gradus 90. in quo

quo suppones arcum isti similem, seu descriptum in eadem circini extensione. Tum aperto circino ad intervallum graduum 23 cum medio; intervallum istud deferas ad arcum Horologii, ut designentur hinc inde puncta tum Cancrī, tum Capricornī, posito circini pede altero in puncto *G*. sicque per proportionem designabis una in parte puncta Tauri, Scorpīi autem in altera ad intervallum grad. 11. & min. 50. Ac tandem ad intervallum grad. 20. & min. 12. notabis pari modo puncta Gemin. & Arciren.

Regulam aut filum applica ad puncta singula illarum declinationum Solarium, tum simul ad punctum *H*. Simulque etiam observa, quibus in punctis regula seu filum attingat lineam Meridianam. Nempe tria diversa puncta designando infra; tria vero supra lineam Æquinoctialem. Hæc enim sunt puncta, per quæ traduci debent arcus Signorum. Ac tria quidem superiora *P Q R*. Signis Æstivis deserviunt; Hybernīs autem inferiora *S T V*.

Sciendumque est, per hæc puncta lineæ Meridianæ, reperiri puncta arcuum in lineis horarum aliarum. Ita tamen, ut per punctum uniuscujusque Signi proprium, reperiantur puncta omnia Signi oppositi. Qua ratione per punctum *P*. Cancrī proprium, reperientur puncta omnia per quæ traducendus erit arcus Capricornī. Et vicissim per punctum *V* proprium Capricornī, reperientur puncta omnia, quibus describetur arcus Cancrī. Rem totam exemplo sic aperio.

Ac primo quidem ad scribendum arcum Cancrī, applica Regulam aut filum ad punctum *V*, quod est punctum Capricornī; tum simul alia ex parte Regulam eandem aut filum applica ad punctum mediæ, quæ proxime sequitur punctum horæ Meridianæ, designatum in linea Æquinoctiali. Tum qua in parte Regula seu filum secabit lineam horæ primæ, ibi punctum annota.

Deinde posita semper Regula in eodem puncto *V*. traducatur per punctum horæ primæ descriptæ in linea Æqui-

Æquinoctiali; tumque simul observa, qua in parte attingat lineam horæ secundæ, & ibi quoque punctum designa. Ac pari semper methodo, servata Regula aut filo in eodem puncto *V.* tum simul illa Regula applicata ad intervalla mediarum consequentium, designentur puncta in aliis lineis horariis; sic habebis puncta omnia; quæ, si quibusdam lineis curvis connectantur simul, reddent tandem arcum Cancræ.

Porro arcum Capricorni per *V.* similem prorsus in modum delineabis ex puncto Cancræ in *P.* Regulam aut filum perducendo ad singulas horas medias, in linea *Æquinoctiali* designatas. Atque ita per proportionem aliorum Signorum arcus conformabis.

CAP. VII.

Horologium verticale construere.

Eodem modo in pariete regulari describitur, & Styli genus idem habet, ac Horizontale. Differunt tamen non tantum situ; sed etiam quod in Verticali, pro inveniando centro horarum, accipiantur gradus elevationis Polaris, & pro altitudine Styli sumantur tantum gradus complementi. Quæ duo contrario modo se habent in Horizontali. Cum autem hic distinguendum sit inter Verticale ad Meridiem, & Verticale ad Septentrionem;

Dico 1. Verticale ad Meridiem centrum horarum, & Stylum habet sursum; potestque indicare horas à sexta matutina, usque ad 6 serotinam. At

Dico 2. Verticale ad Septentrionem est quasi Meridionale inversum, nam habet centrum horarum deorsum, paucasque admodum horas indicat. Nam in Gallia quidam horas tantum 4 mane ostendit; à quarta usque ad 8. Quomodo & post Meridiem potest tantum à quarta, usque ad octavam, horas indicare. Pari modo prorsus describuntur arcus Signorum in Horologio verticali regulari, ac in Horizontali.

CAP.

CAP. VIII.

Construere Meridianum, sive ad Orientem, sive ad Occidentem.

Horum Schema est in tab. 6. interc. 4. Atque ut de Orientali primum agam;

1. Ducatur linea *a b* Horizontalis, seu parallela Horizonti.

2. Ex *a*, quolibet circini intervallo fiat occultus circulus, incipiendo à linea Horizontali; puta ex *d*, fiat autem ad partem dextram, ubi describendū est Orientale.

3. Quære, aut finge in Instrumento similem arcum, id est, ex eodem circini intervallo; tum in illo arcu abscinde complementum elevationis Polaris, seu elevationem Æquatoris; illudque intervallum transfer ad descriptum circulum ex puncto *d*; & iste arcus abscindatur v. g. in puncto *e*.

4. Per illud punctum *e*, & per extremitatem lineæ Horizontalis *a b* ducatur recta *c a* quæ erit instar Æquinoctialis, quod in ea designanda sunt puncta horaria. Sed antequam inquiras de punctis horariis, describe lineam alteram illi Æquinoctiali parallelam.

5. Circa superiorem Æquinoctialis lineæ partem ad libitum designa punctum horæ 6, item & simile punctum in opposita parallela, ut inter utrumque istud punctum ad angulos rectos fiat linea horæ 6.

Notandum autem est, horam hanc 6, esse principium horarum in hoc genere Horologii, & ab ea desumicarum intervalla. Item in ea esse locum Styli, qui debet figi in parte superiori lineæ istius, id est, qua subit intra Horizontalem.

6. Ex Horologio Horizontali, vel ex Instrumento huc transfer intervalla horarum. Ac primo quidem, distantia horæ primæ à duodecima, quæ reperitur in Horizontali, seu in Instrumento, erit hoc loco intervallum horæ 5. ex una parte; tum horæ 7 ex altera. Item distantia

stantia horæ 12 à 2, designabit horam 8. Item, distantia ab hora 3, erit intervallum horæ 9, quo similiter distabit à linea horæ 6 hujus Horologii; & sic de distantia horæ 5, pro undecima.

Notabis autem, eadem puncta horaria, quæ notantur in linea Æquinoctiali, debere quoque & notari in Parallela ipsi opposita, ut commodè possint duci à puncto ad punctum, lineæ horariæ parallelæ.

Not.2. Primam fere horam Solis, quæ in istiusmodi Horologio ostenditur esse 5, quam aliæ consequuntur, usque ad undecimam inclusive. Neque enim hic 12 notari potest, cum Horologium supponatur esse intra Circulum Meridianum. Item

Not.3. Stylum in hoc Horologio esse rectum indicem determinatæ altitudinis; petiturque ab intervallum, quod reperitur inter punctum horæ 6, & punctum horæ 9.

Jam vero, quod spectat Occidentale, non multum differt ab Orientali, nisi quod arcus occultus ad designandum punctum lineæ Æquinoctialis, describitur ex parte sinistra.

Item, Horæ serotinæ in Occidentali sunt describendæ, incipiendo à prima, usque ad 7 inclusive, cum similibus intervallis, ac in Orientali. At prima est in loco inferiori, quam aliæ suo ordine consequuntur. Item hora 6 est locus Styli perinde ac in Orientali, habetque eandem altitudinem.

CAP. IX.

Arcus Signorum describere in isto genere Horologii.

Primo, Ex puncto, in quo erigitur Stylus, ducas lineam rectam, horarum lineas omnes secantem orthogonaliter: hæcque erit linea Æquinoctialis, in qua debent notari mediæ horæ omnes; quemadmodum supra aiebamus de Horologio Horizontali.

2. Ex puncto, in quo secatur linea horæ tertiæ ab Æquinoctiali, extende circinum pro libito, ad describendum arcum, ut in eo designentur declinationes Solares, perinde ac fieri debere diximus in Horizontali Horologio.

3. Applicanda est Regula tum ad puncta illarum declinationum, tum ad punctum, in quo secant linea horæ tertiæ ab Æquinoctiali; simulque observanda sunt puncta, in quibus secatur linea Stryli tam infra quam supra ipsum Strylum.

4. Denique applicando Regulam, aut filum ad ista puncta, tum ad singula puncta mediarum horarum, designata in Æquinoctiali, observandum erit, qua in parte lineæ horarum attingentur, ut per ea puncta ducantur Signorum arcus.

CAP. X.

Æquinoctiale construere.

Sic vocatur, quia imitatur circulum Æquinoctialem, in 24 partes æquales divisum, quæ singulæ sint graduum 15. pro singulis horis. Item, quia debet istud Horologium ita disponi, ut servet eandem elevationem supra Horizontem, quam habet Æquator Mundi pro dato loco.

Descriptio illius facilis est, & universalis pro quacunque Mundi parte, & Poli elevatione. Nam ut videre est in tab. 6. laterc. 3.

Primo sunt ducendæ lineæ duæ ad angulos rectos, quarum altera *a b* erit Meridiana; altera autem *c d* erit linea horæ 6. tam matutinæ, quam serotinæ.

2. Ex communi sectione hujus utriusque lineæ, fiat circulus ad libitum in 24 partes æquales dividendus; nam in istiusmodi Horologio æqualia sunt horarum omnium, & similia prorsus intervalia.

Notandumque est, in Æquinoctiali superiori horas
matu.

matutinas scribi ad dextram; serotinas autem ad sinistram. Quod contra est in inferiori. *Atque idcirco notabis male esse descriptas in figura, ex errore sculptoris.*

Item nobis usui tantum esse superius, quando Sol est in Signis Borealibus. Inferius autem, quando est in Australibus, paucioresque horas ostendit, quam superius.

Not. 2. Habere Stylum rectum, eumque in centro defixum perpendiculariter; estque instar axis, seu intra Mundi axem, non tamen cum aliqua determinata longitudine, sed potius ad libitum.

Not. 3. Vulgo etiam *Æquinoctiale* ita posse fingi in Globo, ut horas ostendat sine Stylo, sed tantum per extremitatem umbræ successive in adversam partem recedentis, pro continuo accessu irradiationis Solaris. At cum in finem oportet horas esse alio in ordine descriptas; ut satis patet consideranti.

CAP. XI.

Arcus Signorum describere in Horologio Æquinoctiali.

Primo, longitudinem Styli productam à centro designa in linea horæ sextæ.

2. Ab extremo puncto illius longitudinis ducas ad libitum perpendicularem lineæ horæ sextæ.

3. Ab eodem illius longitudinis puncto, pro tuo libito, describe arcum ad extremam partem lineæ perpendicularis, jam modo assignatæ. Sed unam tantum in partem eamque oppositam ad lineam Meridianam, seu quæ distat à linea Meridiana, fingendus est ille arcus; in quo, pro more, designentur tria puncta declinationum Solarium.

4. Applicata Regula, seu filo ad puncta illarum declinationum, tum simul ad extremum punctum longitudinis Styli; observa, quænam simul puncta designentur in linea horæ sextæ. Ac tandem

5. Ex centro Horologii, per tria illa puncta lineæ horæ

horæ

horæ sextæ describe tres circulos. Isti erunt arcus proprii sex illorum Signorum, quæ conveniunt huic Horologio Æquinoctiali, sive superiori, sive inferiori.

C A P. XII.

Polare construere.

Est parallelum Axi Mundi, & in eo quasi jacet, ut jam dixi. Quare tot gradibus debet esse elevatum supra planum Horizontale, quot Polus Mundi. Quod inferius est, quatuor fere horas tantum habet in usu per totam Galliam, nempe ad dextrum latus matutinas 4, & 5, ad sinistrum autem serotinas, 7, & 8. At superius ostendit horas à 7 matutina, usque ad 5 serotinam inclusive; non autem 6 quia Sol hora 6 est parallelus ipsi Horologio, feritque tantum ipsius latus. Sic autem describitur.

Primo ex more solito ducantur linea Meridiana *a b*, rum Æquinoctialis *c d* sese in crucem ad angulos rectos intersecantes.

Fiant utrinque ad hanc Æquinoctialem duæ parallelæ in quacunque distantia.

3. In lineam Æquinoctialem transferantur puncta horaria ex instrumento, ea methodo, qua supra dictum est *cap. 8.* pro Orientali & Occidentali.

4. Per puncta illa ducantur lineæ horarum parallelæ ad invicem. Quod quidem ut commodè fiat, eadem puncta notentur in iis lineis, quæ sunt parallelæ Æquinoctiali.

5. Gnomon, seu Stylus, est in linea Meridiana rectus perpendiculariter, habetque determinatam altitudinem juxta distantiam lineæ Meridianæ ab hora 3.

Hujusmodi Horologii schema est in *tab 6. laterc 5.*

Eadem porro methodo, seu eadem prorsus ratione describuntur arcus Signorum in Horologiis Polaribus, ac in Meridianis. Nam perinde in Polaribus describitur
linea

linea *Æquinoctialis* per basim *Styli*, secans orthogonallyter lineas horarum omnium. Perinde in ista linea, & eadem ratione describitur arcus, in quo designentur puncta declinationum Solarium. Ex quibus quidem punctis applicata Regula simul ad punctum, in quo linea horæ tertie secatur ab *Æquinoctiali*, designantur puncta varia in linea, quæ subtenditur *Stylo*. Tum denique perinde ac in Horologiis Meridianis, applicata Regula ad ista puncta, tum simul ad medias horas in linea *Æquinoctiali* distinctas, indicantur puncta in lineis horariis, per quæ ducantur varii Signorum arcus.

Hactenus de regularibus Horologiis. Quæ tamen accipienda non sunt pro Sphæra recta, aut verticali. Nam in Sphæra recta, quæ Horizontalia sunt, non differunt à nostris Polaribus Sphære obliquæ. Item in Sphæra recta, quæ verticalia sunt, non differunt à nostris *Æquinoctialibus*; Meridiana autem ibi sunt nostris similia, nisi quod in iis linea *Æquinoctialis* est perpendicularis ad Horizontem. Quæ autem apud nos sunt Polarioria, ipsis sunt Horizontalia. At in Sphæra Verticali habent *Æquinoctiale* pro Horizontali.

CAP. XIII.

De Horologiis Irregularibus, & Declinantibus.

Orum naturam & species initio jam exposui. Hic tantum est tradenda praxis tum investigandæ declinationis, tum construendi Horologii declinantis.

Dico igitur 1. Declinatio plani facile intelligi potest beneficio pixidis, acu magnetica instructæ. Ususque ille est satis familiaris. Præterea vero accuratior est methodus, si semicirculum in gradus divisum ad planum, ut decet, applicueris, posito ad ejus centrum Gnomone. Nam hora Meridiana videbis, quem gradum abscindat umbra, & quam in partem projiciatur, ut statuas de specie & quantitate illius declinationis. Atq; his prætermis-

Dico

Dico II. Ut sine alia arte, quolibet in plano Horologium construas; fige in eo ad angulos rectos rectum aliquem Stylum cujuscunque magnitudinis.

2. Ubi erit hora Meridiana, extremitatem umbræ ab eo projectæ, puncto designa. Tum ad punctum illud beneficio Perpendiculari, si fuerit in plano verticali, excita perpendicularem. Hæc erit linea Meridiana. Deinde

3. Ubi erit commodum, vel ante, vel post Meridiem, & ex aliquo Horologio compertam habebis horam aliquam, extremitatem umbræ tunc projectæ, puncto notabis; sicque ages, dum assecutus fueris puncta horarum omnium, quæ in dato plano describi possunt.

At dimisso opere ad aliquot dies, vel Hebdomadas, pro tuo libito, illud postmodum quacunque ex illis horis repere; tum videbis extremitatem umbræ distare aliquo spatio, à puncto ejusdem horæ aliquot ante diebus, vel Hebdomadis notato. Per hæc duo puncta ducas lineam rectam in infinitum: hæc secabit Meridianam initio depictam: sectio autem ejusmodi est centrum Horologii; à quo describendæ sunt reliquæ horarum lineæ per alia puncta. Perfectumque erit Horologium.

Pari methodo, quoties per Annum, aut per sex menses continuos, Sol ingreditur in nova Signa, observabis ad horas singulas punctum extremum umbræ, quæ à Stylo projicitur, ut per illa puncta, Signorum arcus describi possint.

CAP. XIV.

Communis methodus construendi Horologii declinantis.

Utimur Quadrante Æquinoctiali, de quo jam dictum est, statuiturque exemplum in fig. ultima tab. 7. Sed prius supponendum est semper in hoc negotio, qualis sit declinatio; id est, an sit declinatio à Meridie, aut à Septentrione: an ad Ortum, vel ad Occasum. Præterea quanta sit, id est, quot gradibus fiat declinatio.

Q.

Id.

In nostra figura est declinatio à Meridie in Ortum. Servaturque hæc praxis.

1. Scribenda est linea Horizontalis $a b$.
2. Ducenda est perpendicularis occulta $c d$.
3. Figere oportet ad angulos rectos Stylum in intersectione duarum ejusmodi linearum, ad punctum e .
4. Longitudinem Styli designare in linea $c d$ ad punctum f .
5. Disponere instrumentum ad lineam $e d$ centro ejus applicato ad punctum f , debetque esse obversum ad partem declinantem, nempe ad partem Orientalem, si declinatio est in Ortum; contra autem ad partem Occidentalem, si declinatio est ad Occasum.
6. Numerare gradus declinationis à puncto g , *exempli causa*, ad punctum b . Deinde à centro instrumenti, in quo designata est Styli extremitas, ducere lineam per punctum b , usque ad Horizontalem in i .
7. Per punctum i traducere perpendicularem $l m$, quæ futura est linea Meridiana.
8. Ad investigandum Horologii centrum; longitudo lineæ $f i$, designanda est in linea Horizontali à puncto i , alterutram in partem, puta in partem n , ad punctum n ; quo quidem in puncto disponitur centrum Instrumenti, laterè illius jacente supra lineam Horizontalem. Deinde à linea Horizontali ex puncto o numerare gradus elevationis Polaris, quæ *verbi gratia*, abscindat gradum p , unde à puncto n per punctum p , ducatur in infinitum occulta $n p l$, quæ in sectione lineæ Meridianæ denotet punctum l , pro centro horarum.
9. Ex centro horarum l delineare occultam $l q$ traductam per locum Styli e .
10. Supra hanc lineam $l q$ ad intersectionem in puncto e excitare perpendicularem $r e$, juxta longitudinem Styli.
11. Ex centro l , ad punctum r , ducere occultam $l r$.
12. In puncto r lineæ $l r$ excitare perpendicularem, quæ lineam $l q$ secet in puncto s .

13. In puncto *f* erigere perpendicularem: seu lineam rectam *t v*, per punctum *f* traducere ad angulos rectos; hæcque futura est linea *Æquinoctialis*, in qua notentur puncta horaria.

14. Longitudinem lineæ *r s*, designare à puncto *f* usque ad punctum *x*, in linea *l q*. Deinde à puncto *x* rectam ducere ad intersectionem lineæ Meridianæ, & *Æquinoctialis* in puncto *y*.

15. In puncto *x* disponere centrum instrumenti, latere illius jacente supra longitudinem lineæ *x y*.

16. Ex centro Instrumenti per gradus quindenos ducere lineas occultas, quæ lineam *Æquinoctialem* secabunt, ut in ea denotabunt puncta horæ 12, 11, 10, 9, 8, 7, 6.

17. Si ea est plani ratio, ut plures horas capere possit, sive matutinas, sive serotinas, habita ratione declinationis; erit mutandus Instrumenti situs. Quare ut habeantur horæ ante 6, Inverte instrumentum; ita ut centrum ad idem punctum *x*, & latus, ad occultam, quæ designat punctum sextæ, dispositum servet; tunc per quindenos gradus notablis in linea *Æquinoctiali* quot libuerit puncta alia horaria, puta puncta horæ 5 & 4.

18. Ut habeantur alia horæ Pomeridianæ, sic invertenda est dispositio, quam habet Instrumentum in figura, ut sit infra lineam *x y*. eodem latere applicato juxta illam lineam *x y*, uno verbo Instrumentum est duntaxat vertendum circa lineam *x y*, ut infra illam existat. Quo facto ducetur primum linea occulta, secans *Æquinoctialem* pro hora 1, & sic de aliis, spatium graduum quindenorum observando.

19. Ac tandem deletis occultis lineis, ex centro Horologii erunt describendæ horarum lineæ per assignata puncta horaria.

CAP. XV.

Horam noctu ad radios Lunares deprehendere.

Suppono 1. Horizontale Solare, vel fixum, vel mobile; cujusmodi vulgo gestari à nobis solet.

Suppono 2. Adjunctum esse Horologium Lunare, quod vocant, constructum ex duobus saltem Circulis concentricis; in quorum altero descripti sunt dies ætatis Lunaris, apposito Globulo ad numerum 30. in altero esse horas 12 hinc atque inde descriptas.

Suppono 3. Tibi esse notam Lunæ ætatem, vel per Epactam, vel quacunque alia methodo. His igitur suppositis sic age. Beneficio Solaris Horologii, appositi ad radios Lunares, eo modo, quo solet aptari Solaribus, vide quam horam designet umbra Lunaris. *Exempli causa*, designet 8.

Deinde Globulum dispone ad ejusmodi horam descriptam in Circulo horario. Ac denique attende ad numerum ætatis Lunaris; iste enim tibi indicabit horam quæsitam. Ut si fuerit dies Lunæ 12. designabit tibi horam circiter 5. cum media.

Sin autem, quod sæpe etiam fit, supponatur Lunare Horologium constructum ex tribus Circulis concentricis, quorum ultimus, isque maximus, sit dierum Lunarum; secundus autem ipsi proximus, sit Circulus horarius; ac medius tandem cum indice. Tum applica illum indicem ad Diem Lunæ; Deinde in Circulo indicis quære numerum horæ designatæ per umbram Lunarem in Solari Horologio, v. g. 8. Is numerus designabit tibi in Circulo horario horam quæsitam.

CAP. XVI.

Ad Horologium Lunare, periodicos motus maris exponere.

UT, si velis intelligere, qua hora futurus sit major æstus maris, seu, quod vocant, plenum mare, dato in loco, *exempli causa*, Rupellæ.

Sciendum est primo, qua hora contingat tali in loco diebus Plenilunii, quod satis docet experientia, potestque addisci ab incolis. Hac observatione supposita; Globulum æfixum rotæ mobili dierum Lunarium dispone ad horam illam, in qua contingunt ejusmodi æstus tali in loco, temporibus Plenilunii, puta ad horam 10. Deinde scias ætatem Lunæ pro data die, *verbi causa*, sit nona dies Lunæ. Tunc vide, cuinam horæ sit oppositus numerus ille 9 ætatis Lunaris, & ostendetur id, quod optas.

INSTI-

JAN 1 1711

At the Court of the Lord High Treasurer
the 1st of January 1711
Present
The Lord High Treasurer
The Lord Chancellor
The Lord Keeper of the Great Seal
The Lord Treasurer of the Exchequer
The Lord Treasurer of the Navy
The Lord Treasurer of the Ordnance
The Lord Treasurer of the Mint
The Lord Treasurer of the Customs
The Lord Treasurer of the Excise
The Lord Treasurer of the Post
The Lord Treasurer of the War
The Lord Treasurer of the Marine
The Lord Treasurer of the Admiralty
The Lord Treasurer of the Navy
The Lord Treasurer of the Ordnance
The Lord Treasurer of the Mint
The Lord Treasurer of the Customs
The Lord Treasurer of the Excise
The Lord Treasurer of the Post
The Lord Treasurer of the War
The Lord Treasurer of the Marine
The Lord Treasurer of the Admiralty

INSTITUTIO MATHEMATICÆ.

Sphæra Terrestris.

P R Æ F A T I O.

Quæ præsupponi debent de gravitate Terrestris.

Elementis, ac rebus Elementaribus innatæ sunt potentiæ motrices, unde ad locum sibi debitum, ac naturalem tendant, & in eo firmentur. Ita gravitas Terræ est principium, unde movetur deorsum infra omnia alia Elementa, aut saltem nititur deorsum, ubi fuerit supra levius se, premitque in ipsum, ac tandem proprio in loco immota conquiescit.

Dico autem 1. Tres illi sunt effectus gravitatis, nempe motus deorsum: tum 2. gravitatio, seu nîsus contra levius infra positum; ac demum quies proprio in loco. Hæc patent manifesta experientia; supponunturque ex Physica.

Notandum vero est, in corpore gravi, præter centrum magnitudinis (à quo scilicet partes reliquæ

reliquæ in suo genere æque distant) esse & aliud, quod vocant centrum gravitatis, in quo tota vis gravitatis per universam magnitudinem diffusa unitur; aut in quo etiam omnes aliæ partes æquiponderant; item & in quo solum per seipsum quiescit, ubi suspenditur. Quæ omnia patent ipsa experientia.

Notabis autem 2. Hac arte reperiri Centrum gravitatis. Appende una ex parte corpus grave, ut in fig. 8. tabulæ 8. Simulque ex loco suspensionis cadat perpendicularum, & observetur linea, quam in eo designat: tum alia ex parte iterum cum eodem perpendicularo suspendatur: punctum illud in quo secabitur linea præcedens, est centrum gravitatis.

Notandumque est 3. Non semper idem esse centrum magnitudinis, & gravitatis: semperque illud contingit, quoties in illa magnitudine partes aliquæ sunt majoris gravitatis, quam aliæ.

Dico 2. Motus naturalis gravium per se non fit, nisi secundum lineam rectam, ductam à Centro Mundi, per illud Centrum gravitatis usque ad punctum Cæli directa quasi tendentem; & vocari solet linea directionis. Neque res ulla gravitate prædita quiescere, aut recta stare potest, nisi servando illam lineam directionis; ut ostenditur in fig. 5. ejusdem tabulæ 8. Probaturque experientia.

Notandumque est ejusmodi lineas directionis undequeque ex Centro Mundi per superficiem Ter-

re directa tendere ad puncta Cæli diversa, ut patet in fig. 2. eosque homines rectos consistere, qui lineam ejusmodi servant, quibuscunque tandem in Terræ partibus, etiam diametraliter oppositis, sint constituti. Sic juxta eandem fig. 2. recti starent, posui in linea, vel a, vel b, vel c, vel e, vel f, &c. Sic in fig. 5. stant recti homines a b, tum c d, & e f. Quod etiam observare est in fig. 6. tab. 5. quo spectat commune illud dictum ex Poëta. Cœlum undique sursum est; cui tamen rei non parum repugnat imaginatio. Quare

Not. 2. Graviter eos falli, qui putant, homines supra & infra positos, ut in fig. 4. tab. 8. stare intra lineas parallelas; aut motus naturales rerum gravium, sic fieri per lineas parallelas; cum secus omnino contingat. Ita in fig. 3. perpendiculara ex diversis locis libere descendantia, concurrunt tandem ad Centrum Mundi. Nec possunt parietes, quamvis ad perpendicularum constructi, non plus distare à se invicem secundum partes superiores, quam secundum inferiores; quin etiam concurrerent omnino ad centrum Mundi, si infra semper dmitterentur, quamvis in Terræ superficie 1000 leucis à se invicem distarent, ut in fig. 5.

Dixi motus naturales rerum gravium, per se fieri secundum ejusmodi lineam directionis; etsi per accidens fieri possunt per lineas obliquas, & laterales, si quid obtiterit: ut quando lapis, aut aqua per locum declivem prolabitur. Ratio est, quia ejusmodi linea directionis est omnium brevissima
inter

inter eas quæ ad Mundi Centrum tendunt; Natura autem in omnibus sequitur viam brevissimam, cum nihil faciat frustra. At linea recta est omnium brevissima ex iis, quæ ducuntur à puncto ad punctum oppositum. Huc adde, quæ dixi in Phys. Partic. De Mundo Elementari, cap.8. Assert.6. Item,

Dixi nos recta consistere tunc tantum, quando servamus illam directionis lineam: Quamobrem qui casuri sunt, naturali instinctu porrigunt brachium in partem contrariam, ut equilibrium & lineam directionis servant; siquidem, ut postea ostendam, brachium extensum plus ponderat, quam contractum. Item, hanc etiam ob causam Grallatores perpetuo sese movere debent, ut lineam directionis, quasi per fulcrum traductam, conservent. Item, præterea senes gibbosi idcirco genua antrosum valde incurvant, ut cum gibbo equipondium servant, ac lineam directionis per centrum suæ gravitatis producant. Ita similem ob causam, ubi sedentes volumus surgere, crura retrorsum, antrosum vero caput & pedes inclinamus. Ita ædificia, quæ multum inclinantur, non ideo tamen cadunt, modo lineam directionis per centrum suæ gravitatis, ac basim, traductam servant, ut narratur de Turri Bononiensi, quæ fere à 600 Annis cum valde sit inclinata, non tamen cadit.

Dico 3. Quam machine vim habent ad libranda, aut tollenda pondera, seu corpora gravia, tota illa petitur ex natura motus circularis. Nempe certum est experientia, partes illas diametri majorem habere

in se, & majorem efficere motum, qua proportionem à centro magis distant. Quo pacto potentia motrix beneficio alicujus machine plus potest, quam si sola foret. Sic rotæ, quo majores sunt, eo graviora tollunt pondera. Sic & Vectis beneficio, inquiebat ille, universa Terræ moles, vel à debili potentia tolleretur, si daretur punctum extra Terram, quo firmari posset. Sed

Notabis Vectem, Græcis mochlium, esse palum grandiolem, cui subjicitur fulcrum, quo sustineatur, & supra quod, tanquam supra axem, moveatur, ut in tabula 8. fig. 10, & 11. Fulcrum illud vulgo hypomochlium vocant. Duplexque est genus Vectis, alter enim est, in quo pondus levandum, disponitur ad extremitatem ultra hypomochlium, ut in fig. 11. Alter autem habet hypomochlium in extremitate, & pondus citra hypomochlium, ut in fig. 10.

Not. 2. Ad Vectem, & consequenter ad motum circularem, alias machinas revocari. Sic Temo, seu Gubernaculum, quo naves inflectuntur, habet locum Vectis, aqua est instar hypomochlii, & navis tanquam pondus motum. Quod per proportionem de remis est existimandum. Ita etiam Malus in navi est instar Vectis illius, qui pertinet ad secundum genus; fundus navis, quem premit, est velut hypomochlium. Quanquam alii putant sic à vento navim deferri per modum tractionis, aut pulsionis. At etiam ex his patet, quid dicendum sit de forcipe, in quo quasi duo Vectes communi hypomochlio con-nectuntur.

neſiuntur. Item, quid de Tollenone, quid de Cocbleis
ceteriſque id genus instrumentis, circa quæ verſatur
facultas, quam Mechanicam appellant. Ut nihil
dicam de Cuneo, cujus tanta vis eſt, adbibito impe-
tu ad dividenda ligna. Vim enim iſtam aliunde
non habet, quam quia conſtat duobus quaſi vectibus
ſecundi generis, cujus eſt commune hypomochlium in
apice.

Notandumque eſt conſequenter 3. Quemadmo-
dum hac arte ſuperemus ea, in quibus à natura
vincimur. Nam (quod mirabile eſt) motu vectis
nauta fleſcendo gubernaculum, movet univerſam
navim, quæ ſi fuerit 2000 doliorum, ſimul cum
impoſitis mercibus vulgo eſt octo millionum pondo, ut
notavit Pater Fornarius in ſua Hydrographia,
Dicitur vero tot doliorum navis, quia tantum aquæ
capere & geſtare poteſt, quantum tot doliis conti-
netur; dolium autem ejuſmodi vulgo æſtimatur eſſe
bis mille pondo. Sicque res illæ vebuntur unica navi,
quæ à viginti millibus equorum geſtari, aut à duo-
bus, vel tribus millibus trahi vix poſſent.

Notabis 4. Libram & Stateram, quæ exami-
nantur pondera, revocari quoque ad vectem; eoque
plus ponderabit pars ejus altera, quo longior fuerit;
quo pacto etiam minus grave poteſt æquiponderare
majori.

Dico 4. Eſi major gravitas majorem impetum,
majusque pondus de ſe efficiat, inequalium tamen
ponderum deſcenſus videtur eſſe per ſe fere equalis,
ut patet experientia. Si enim ex loco editiori de-
mittantur

mittantur simul duo corpora gravia per aërem, quorum alterum, cæteris paribus, ab altero multum in gravitate superetur, descensum nihilominus fere equalem habebunt. Quod tamen secus contingit in aqua. Unde conjiciunt, satis probabiliter, inæqualitatem ejusmodi motuum peti solum ex resistantia medii: quam inæqualitatem vix infert aër, cum de se vix resistat, dividaturque fere tam facile à corpore gravi minimi ponderis, quam si foret maximi. Quomodo per proportionem festuca pro sua levitate maxima, tam facile movetur à puero, quam ab homine robustissimo, cum ullam vix habeat resistantiam.

Tabulas reperies ad finem hujus Tractatus.

INSTI-

sus
 fig.

the
Qu
spo
tur
ve
mo

ris
ad
op
re.
ite
loc

INSTITUTIO MATHEMATICÆ.

Sphæra Terrestris.

CAP. I.

Locus Terræ.

IN hypothesi Copernici, nec Firmamentum, nec Sol, motus ullos habent; quin potius ipse Sol in centro Mundi sic est dispositus, ut circa illum Terraqueus Globus Sphæra Lunæ inclusus agitur, quemadmodum representari vides in tab. I. fig. 4.

Dico autem I. Rationes multas contra illam hypothesim solere afferri, quæ tamen facile eludi possunt. Quod enim videatur moveri Sol, non autem Terra, *Respondent*, motum illum Solis non esse verum, sed tantum apparentem; quo pacto quis navi in altum transvectus, iudicat Terram ipsam à se recedere, ipsaque moveri littora.

Item, quod vulgo aiunt fore in illa hypothesi, ut æris obsistentis contrarietas sentiretur, in Terræ motu adeo vehementi. Item, quod facis accensæ flamma in oppositam partem distraheretur, urî videmus contingere, quando quis facem accensam gestans velocius currit; item, quod lapis sursum projectus, in eundem Terræ locum non recideret. *Respondent*, per se quidem ita res fieri

fieri debere ; cum secus eveniat per accidens. Istudque probant manifesta experientia, quicumque navim ingressi, per mare vel concitatissimo cursu deferuntur ; vident enim lapidem ex alta navi in fundum ad easdem partes recidere ; nec secus etiam contingere alia, quæ contra hypothese[m] Copernici obijciuntur.

Item, quod dicimus, mediam Cœli partem, sexque omnino Signa Zodiaci nobis esse conspicua supra nostrum Horizontem : nobis oriri Lunam, occidente Sole, tunc quando sunt Plenilunia, quo in casu necesse est Lunam media Cœli parte distare à Sole ; sicque omnino, ut modo aiebamus, mediam Cœli partem nobis apparere ; quod in hypothese[m] Copernici minime fieret, si quidem ducta linea recta per oculum, seu per Terræ superficiem ad Cœli partes oppositas, minor tantum Sphæræ dimidiæ portio relinqueretur nobis aspectabilis. *Respondent*, tam esse immensam Cœli vastitatem, ut respective ad illam totus iste ambitus, qui supponitur à Terra diurno motu perlustrari, sit tantum instar puncti ; nec impedire etiam, quo minus Horologia sciotherica perinde horas indicent, ac si forent in centro Mundi constituta ; quod ipsi aiebamus in Gnomonica. Atque hoc modo ruit, quicquid Copernicæis obijcias. At nihilominus quamvis in illa hypothese[m] possint explicari omnia Phænomenorum genera, ut quidem docent, non sequitur tamen, rem de facto ita se habere. Imo

Dico 2. Illud Mundi systema esse omnino repudandum probatur, quia de facto, nisi Terraqueus Globus ad Mundi centrum esset positus, non recte explicaretur, quemadmodum Cœli media pars nobis sit conspicua ; aut quemadmodum in Novilunio Lunam cum Sole videre simul possimus in partibus diametraliter oppositis. Quod enim aiunt, Terram in isto casu, esse instar puncti cujusdam ; nimis probant ; siquidem inde sequeretur, nihil impedire, quominus viderentur à nobis partes Cœli infra Horizontem posite ; quo pacto, per proportionem, Terraqueus Globus non impedit, quominus

Stellæ

Stellæ Firmamenti, in partibus diametraliter oppositis, à Sole illuminentur. Item, si Terra non esset in medio Mundi sita, non posset esse perpetuum Æquinoctium in Sphæra recta: quia Solis circulationes omnes inæqualiter ab Horizonte secarentur. Item, si Terra non esset in medio Mundi, non semper fieret Eclipsis Lunæ, quando Soli opponitur ex diametro; siquidem congereret non raro, Terræ Globum non esse intermedium, & urrique illi Planetæ oppositum, intra lineam ductam à Sole per medias Mundi partes ad Lunam. Atqui nunquam fiunt Lunares Eclipses, nisi Luna servante oppositionem cum Sole per lineam ductam ab ipsa ad Solem per medium Mundi, & Luna intermedia, ut semper observarunt Astronomi.

Item, rejicitur hypothesis Copernici, hac ratione physica; quod Terræ moles, cum tantæ sit gravitatis, non videatur esse illi motui idonea: quin potius ex eo statuendum est, infimum tenere in Mundo locum, ad quem videmus tendere omnia gravia.

Confirmatur; quia in hypothesis Copernici, debet Terræ Globus moveri non tantum circa centrum Mundi, sed etiam & circa proprium axem, ut successive lumen diurnum, secundum diversas sui partes excipiat. Atqui postea cap. 5. docebimus, Terram esse corpus Magneticum, cui consequenter repugnet motus circa axem.

Huc autem accedit Sacræ Scripturæ autoritas omni ratione firmior. Legimus enim Psal. 103. *Terram esse fundatam super stabilitatem suam; non inclinari in seculum seculi.* Item Eccles. 1. *Oriri Solem & occidere, & ad locum suum reverti. Gyrare per Meridiem, & flecti in Aquilonem, & lustrare universa in circuitu, &c.* Item Josue 10. *Fusus est Sol stare.* Isa. 38. *Dicitur reversus decem lineis per gradus, quos descenderat.*

Quia vero Locorum ejusmodi Sacrorum intelligentia ab Adversariis alienum in sensum detorquebatur, ideo non semel eorum Doctrina ab Inquisitione Ro-

mana proscripta est, tanquam Fidei & Scripturæ contraria. Eamque ob causam Galilaus, insignis Mathematicus, Decreto illius Inquisitionis fuit carceri mancipatus; ut scribit Spondanus ad Annum 1633. Nec postea propugnatores habuit nisi vel sciolos aliquos, ad ostentationem: vel Hæreticos, in contemptum Romanæ Ecclesiæ. Certe nemo sanæ mentis illam probet sententiam, quam seculorum omnium placita, omniumque hominum genera convellant; nec potest vindicari ab Hæresi, cum Sacris Literis, nemine ex Sanctis Patribus dissentiente, adversetur.

Objie. Frustra essent tot Cœlorum, & tam multiplices motus, si hæc omnia per motum Terræ solius præstari possent. *Respondeo.* Si eodem modo & uniuscujusque naturæ proportionato; *Transf.* Sed pugnat contra naturam corporis gravis ita moveri. Deinde hæc eum in finem comparata sunt, ut serviant homini; quem decet sua in sede propria ita quiescere, dum cætera illi famulantur.

Inst. Est illud potius naturæ Firmamenti consentaneum, ut quiescat. Nam, ut aiunt, quo Cœli & Planetæ superiores sunt, eo magis accedunt ad quietem, suntque in cursu lentiores. *Respondeo.* Falsum supponi ab adversariis.

Inst. Perfectibile quærit potius perfectivum, moveaturque ad ipsum ex propria sui indigentia, non autem perfectivum debet moveri ad perfectibile; neque vero, ut aiunt, ignis ad carnem coquendam solet circa ipsam converti, sed potius caro circa ignem. *Respondeo.* Perfectivum etiam nonnunquam accommodari perfectibili, & ad ipsum moveri, quando illud rei natura, & sapientiæ ordo postulat.

Notabis porro, sic Terram esse in medio Mundi, ut in eo servet centrum suæ gravitatis, quæ est corporis gravis natura; nec multum ab eo gravitatis centro distare potest centrum magnitudinis, ut ex allatis argumentis satis potest conjici.

CAP. II.

Figura Terræ.

Dico 1. Terra est rotundæ figuræ. Probatur 1. Quia prius Stellæ oriuntur iis, qui sunt magis Orientales. Item, quo magis acceditur ad Polum, ipse elevatur eo magis supra Horizontem; ut omitam alla id genus Phænomena, quæ non possent explicari sine rotunditate Terræ. Alioquin nihil impediret, quominus Stellæ simul orirentur, & occiderent tum Orientalibus, tum Occidentalibus. Item, nulla esset ratio, cur fieret aliqua Poli elevatio. Probatur 2. Perpendicularum ubicunque terrarum cadit ad angulos rectos supra ipsam Terram, quod satis experiuntur quotidie Architecti, cum muros extruunt. Atqui fieri istud non potest sine rotunditate Terræ: alioquin si plana foret, secus contingeret, *ut patet in fig. 3. tabulæ 8.* Item, si plana esset superficie, quemadmodum opinantur *Sinæ*, vix paucis hominibus foret habitabilis, quia pauci in ea recti consisterent. Ut enim patet experientia, illi tantum possunt recti consistere in Terra, quorum longitudo corporis est in linea directionis, ac proinde perpendiculariter insistant centro Mundi. At ii tantum hoc possent, qui mediam hanc Terrarum planitiem tenerent. Quod quidem ut oculis subjiciam, attende *ad figuram 6. tabulæ 8.* Ubi describitur recta linea, tanquam rectum pavementum, recta tendens ad Cœli punctum, quod respondet Horizonti; tum finguntur prodire à centro Terræ lineæ, transeuntes quidem ad angulos rectos per superficiem ipsius Terræ, non autem ubi ultra per planum illud pavementum traducuntur. Qua facta descriptione, nemo est, qui non videat, eos solum recta consistere qui ad mediam illam planitiem positi sunt; alios autem magis & magis inclinari; imò & ascendere porius Cœlum versus.

Notabis tamen istud, quod asserimus de rotunditate Terræ, esse accipiendum Physice, non autem Geometrice;

trice; hoc enim montes, & vastæ planities impediunt, ut satis patet.

Dico 2. Terra diversis sui partibus excavata continet Aquas, unde Aqua simul cum Terra Globum unum efficit, quem idcirco Terraqueum vocant. Quod est contra nonnullorum sententiam, qui volunt alium esse Globum Terræ, à Globo Aquæ. *Probat.* Quia ex Eclipsi Lunæ constat existere unicam Aquæ simul, & Terræ umbram, eamque conicam: quod Signum est unicum solummodo ab utraque Globum effici. *Confirmatur*, quia idem est centrum quo tendit pondus Aquæ & Terræ; nam undequaque demittatur Aqua, per eandem semper viam cader, ac Terra ex eodem loco directâ. Nec tantum per lineam rectam Aqua nititur deorsum, sed etiam & ad latus, unde sese effundat supra Terram; quamobrem doliis conclusus liquor premit etiam ad latera, & data via longius evibratur. Item, fingi non potest, qua ratione à Globo Terræ ad Globum Aquæ perveniremus; & qui maria perlustrant, satis intelligunt ex ipso Polorum aspectu, se deferri circa idem cum Terra centrum. Confirmatur præterea, quia

Dico 3. Mare secundum superficiem extimam est formæ rotundæ; unde cum Terræ superficie unam quasi totalem rotunditatem, & consequenter Globum unum constituat. *Probat.* antecedens. Quia dum navis ex alto mari portum repetit, prius videntur turrium cacumina, quam fundamenta, & bases: quod oriri non potest, nisi ex tumore, & rotunditate Aquæ; ut patet consideranti *figuram 7. tab. 8.* Item, naviganti ad Polum sub eodem Meridiano, sensim ille magis elevatur supra Horizontem: quod etiam aliunde oriri non potest quam ex rotunditate illa.

Notandumque est, maris superficiem ad extrema litora esse inferiorem de se universa Terræ superficie. *Prob.* Quia ad mare omni Terrarum ex parte descenditur; uti quidem demonstrat Flaviorum lapsus. Non enim Aquæ pro sua gravitate naturali descendunt,

SPHÆRA TERRESTRIS. 219

nisi ex loco superiori ad inferiorem. Quare etiam consequenter.

Dico 4. Aquam universam, seu mare secundum superficiem extimam universam, esse inferius universa superficie Terræ. *Prob.* Quia pars maris vicina littori non posset esse altior, quin statim in ipsum effunderetur. Quod à pari per præportionem dicendum est de quacunque alia parte maris: si enim foret eminentior, perinde omnino pro sua natura fluxili prorueret in inferiorem, ut sese ad libellam componeret, servaretque eandem à centro Mundi distantiam. Quanquam

Not. Spectantibus è littore apparere quidem mare quasi attolli. Sed illud oritur tantum ex fallacia visus, qualem explicuimus in Optica; ut quando ad longiorem distantiam videntur coire tum Terra, tum nubes.

Objic. Nisi maris superficies convexa sit in eadem altitudine cum superficie Terræ, non possent maris Aquæ deferri ad Fontium & Fluviorum scaturigines, juxta Salomonis dictum, *Echl. i.* R. huic difficultati satisfieri in Physica, de origine Fluviorum & Fontium.

C A P. III.

Magnitudo Terræ.

Dico 1. Etsi Terræ Globus absolute loquendo sit moles quædam ingens, respectiva tamen ad Cælum Firmamenti, est instar puncti cujusdam. Ita vulgo Mathematici cum Aristotele. Ratio est, quia nobis apparet dimidia pars Cœli, perinde ac si essemus in centro Mundi. Item, Stellæ Firmamenti, quamvis nonnullæ sint centies majores, quam Terræ Globus, non apparent tamen nisi veluti quædam puncta lucida; ergo à fortiori existimandum est illud de Terra, comparative ad Firmamentum. Et vero etiam, si quis ex Firmamento spectaret partem ipsius Firmamenti diametraliter oppositam, nihil ipsi obstarat Terra; quo pacto caput

aciculæ longe positum, non impedit, quominus candelam, aut objectum aliud simile totum prospiciatur perfecte.

Dico 2. Maximus Terræ ambitus, variis habetur modis. Primus est *Maurolyci*, ad figuram 12. tab. 4. Ubi altitudo $c a$ puta montis *Æthnæ*, supponitur esse *v. g.* 2. leucarum Gallicarum, ex qua fiat prospectus in mare per lineam $a d$ quæ consequenter erit longitudo Horizontis sensibilis, & linea tangens Circulum $g d h i$ qui supponitur pro Circulo Terræ maximo. Item, supponitur distantia illa, seu linea $a d$, esse deprehensa passuum, aut stadiorum 200: ac proinde quadratum ejus esse 40000. Item, supponitur præterea rectangulum ex linea $a b$, secante totum Circulum per centrum ipsius, sub latitudine $a g$, quæ eadem sit cum $c a$. His autem suppositis, quia, ut inquit, juxta *prop 36. lib. 3. Euclidis*, rectangulum illud $a g h i$, debet esse æquale cum Quadrato lineæ tangentis $a d$, cujus magnitudo supponitur nota; inde facile est statuere de illo rectangulo, & de illius longitudo.

Verum, ut hanc methodum prætermittam; longe illa commodior est, quæ desumitur ex elevatione Poli duorum locorum, puta urbium duarum ab invicem ita distantium sub eodem Meridiano, ut Polus in uno loco sit magis elevatus, vel uno gradu, vel aliqua parte gradus unius tibi nota, *v. g.* quarta parte, ex qua possis concludere de toto gradu. Hac autem supposita observatione, deprehenderunt periti Geometræ, uni gradui Cœlesti respondere in Terra omnino 30 leucas Gallicas. Quare, ut totus habeatur circuitus graduum 360, numerus iste multiplicandus est per 30; sicque fient 10800 leucæ Gallicæ pro maximo Terræ ambitu.

Item, juxta illud, quod tradidi in Geometria, de proportionem circumferentiæ Circularis ad suum diametrum; inferes diametrum Globi Terraquei esse leucarum 3436 neglectis fractionibus; & consequenter superficiem Terræ à Mundi centro distare leucis circiter 1718.

Item,

SPHÆRA TERRESTRIS. 221

Item, ex iisdem principiis statues totam superficiem esse leucarum Quadratarum 371 14200. soliditatem vero esse leucarum cubicarum 21254065200.

Notabis autem, Molem hanc Terræ universam, si sumitur secundum profunditatem, vulgo dividi in varias regiones, *juxta figuram 1. tab. 9.* Quarum prima dicitur ea, quæ citima est superficiei. Secunda est infra, in qua ut plurimum fiunt generationes lapidum, metallorum, &c. In qua etiam reperiuntur meatus, & veluti canales, per quos è mari devolvuntur Aquæ ad generationes Fluviorum ac fontium. Item, ad hanc pertinent & ignes subterranei. Postea vero est Terra pura, usque ad centrum, in quo esse constitutum carcerem Damnatorum credimus.

Dico III. Etsi, juxta Geographos, Aquarum facies fere dupla sit, ad superficiem Terræ habitabilis; longe tamen est plus Terrarum, quam Aquæ. *Probat.* Quia nec Terra omnis Aqua obtegitur, neque ullibi sunt Aquæ, quibus major Terrarum profunditas non subternatur. Certe profunda est Terra leucis plusquam 1700. Mare autem, ubi maxime altum est, vix solet unam leucam excedere; quemadmodum periti nautæ Bolide explorarunt; neque ad tentandam maris profunditatem demittere solent funem cum Bolide, longiorem ducentis ulnis, seu brachiali mensura bis centies replicata.

Objicies ex Aristotele, inter elementa; quod inferius est, illud superatur à viciniore in proportionem decupla; unde nonnulli Ex Peripareticis volunt plus decies esse Aquarum, quam Terræ; plus Aeris decies, quam Aquæ: & sic de Igne comparative ad Aërem. Respondeo, hoc tantum sensu dictum illud fuisse ab Aristotele, quod si Terra in Aquam resolvatur, aut Aqua in Aerem, plus decies tum Aquæ tum Aëris fore. Verum istam proportionem hæc elementa non servant, prout Mundum constituunt, cum de facto plus sit Terrarum, quam Aquæ. Item, posita Sphæræ Elementaris semidiametro semidiametrorum Terræ 52, ut tradidi in *Tractatu de Sphæ-*

ra cœlesti, facile intelligetur per methodum triplicatæ proportionis, quemadmodum Sphæra Elementaris Sphæram Terræ contineat partibus longe pluribus, quam patiatur illa proportio decupla; supponimus enim Sphæras esse inter se in triplicatâ proportionem suarum diametrorum, ut habetur ex Geometria.

CAP. IV.

Magnetismus Terræ.

ubi de natura & proprietatibus virtutis Magneticæ.

Argumentum illud ingressurus, delibo nonnulla ex Gilberto, Cabæo, Kirchero, maxime vero ex P. Jacobo Grandamico, *Lib. De Immobilitate Terræ*.

Ac primo quidem suppono, *Magnetem* esse lapidem, qui vim habeat attrahendi cognata corpora, certasque ad Mundi partes dirigendi sese. Dicuntur autem cognata ipsi corpora, quæ habent virtutem Magneticam, vel sibi propriam, ut alii Magnetes; vel mutuam à Magnete, ut Ferrum. Sed hæc, cæteraque id genus, cum solis consentiant experimentis;

Observandum est, Ferrum, puta annulos ferreos Magneti admotos, ad illum statim adhærescere, sese etiam ad invicem per modum catenæ cujusdam coniungendo. Tum hæc virtus longe futura est potentior, si armetur ferro bene recocto, denso, ac terfo; videbiturque Magnes vim ferro majorem communicare, quam in se habeat; cum tamen non sit futura major intensive, sed tantum extensive, propter ipsius ferri densitatem. Item

Obs. 2. Virtutem Magneticam à ferro quidem contrahi, sed in eo non retinetur separato Magnete, nisi fuerit longioris figuræ, & in modum virgæ, seu bacilli.

Obs. 3. Magnetem certis tantummodo, ac determinatis in punctis vim attrahendi exercere; punctaq; illa esse

esse veluti Polos duos, & quasi ad extremitates cujusdam axis constitutos, ut *d & b* in *fig. 1. laterc. 2. tab. 8.* His porro in Magnetis partibus existere, Polos judicabis, ubi deprehendes exiguum bacilli ferrei, aut acus furoriæ frustulum insistere perpendiculariter, adhibita si lubet vitrea, aut cornea lamina, cujus beneficio bacillum hunc ad diversas Magnetis partes admoveas. Item, hac quoque arte Polos Magneticos investigabis, ubi scilicet acus ferrea, vel ex acu alia, vel ex filo suspensa, ad eos diverterit. Item si videris admotam scobem ferream erigi.

Obs. 4. Polos istos esse contrarii respectus, ita ut eorum alter ex se destinetur ad partem Mundi Septentrionalem, ideoque vocatur Septentrionalis: alter vero ad Meridionalem, diciturque Meridionalis. Atque ita Magnetica præter vim attractivam, habent & directivam, unde acus versoria tantopere est usui Nautis, ad certas Mundi partes designandas, ut per immensa, & alias impervia maris spatia, tutum iter prosequantur. Nec parum quoque utilis est Horographis ad describendam lineam Meridianam. At

Obs. 5. Polos contrarii respectus, nempe *Boreum*, & *Australem*, esse contrariæ virtutis. Id enim quod alter ad se pertrahit, illud ab altero repellitur: quam in ferrum virtutem derivavit alter; illa perimitur ab altero. Quinetiam idem Polus ipse sibi contrarius est; quam enim virtutem uno genere motus, seu partem in unam affricatus ferro indidit, contrario motu detrahit. Quamquam

Obs. 6. Concordiam servare inter se Magnetica diversa, ubi junguntur secundum Polos contrarii respectus, quales repræsentantur *fig. 5. & 6.* Illi enim tantum sunt amici; sed ea tamen lege, ut plures quam duo simul non adsint; alioquin si tertius accesserit, turbatur omnis amicitia, dum solum duo coeant.

At rursus ab invicem ea dissident, exercentque inimicitiam, quæ ad eundem terminum tendunt, & ex eodem fonte virtutem hauriunt; quo pacto vides in *fig. 1.*

Tres

Tres acus eidem Polo *b* affixas, à se invicem discedere. Quare si versorio similem Polum admoveat, fugiet semper; contra autem sistetur, ubi dissimilis occurret.

Item, Si duas acus secundum Polos ejusdem nominis & respectus simul ad lineas parallelas disposueris in tabella, mutuo fugabant sese, ubi tamen illa tabella tersa & polita fuerit, unde nihil obstat eorum motui. Quamquam si libere in aqua nataverint plures Magnetes Suberi impositi: vel si acus librata suo in obelo, alteri supponitur, fortior debiliorem sibi conformabit, Polos amicos conjungendo.

Item, eandem antipathiam, aut sympathiam experientis beneficio scobis ferreæ, duorum Magnetum Polis, per modum barbæ cuiusdam veluti appensæ. Si enim Poli amici admoveantur ad invicem, ramenta illa ferrea simul coibunt; Alioquin contrarias in partes discedent, si Poli ejusdem respectus conjungantur.

Item, si Magnes armatus ferrum ad se traxerit; tum autem illi amicum Polum non armatum ad moveris, retinebit ipsum ferri quasi majori virium facta contentione: quæ tamen vires videbuntur frangi, ferrumque excider, si Polus inimicus accesserit. Jam vero quod spectat propagationem, & extensionem virtutis Magneticæ in suo subiecto;

Obs. 7. Virtutem illam à Magnete intra Sphæram activitatis propriæ diffundi in instanti. Nam ex pluribus versoriis ea, quæ distant, agitantur simul cum viciniori, neque illam Propagationem impediunt corpora interposita. Quinetiam, quod in *fig. 2. exhibitur*, subiectum suum ita afficit, ut quasi per Æquatorem duas in partes contrarias dividatur, & singulæ veluti per radios quoddam ad punctum, quem esse Polum diximus, confluant, ideoque vocatur centrum virtutis Magneticæ. Quo sensu aiunt, Magnetem suæ virtutis centrum habere in circumferentiâ; tum in eadem circumferentiâ habere & duo centra virtutis oppositæ.

Virtutem illam in contrarias partes bipartito divisam explorare

explorare etiam potes in bacillo ferreo, admota secundum illius longitudinem acu versatili. Nam unum ex Polis toti illius parti dimidiæ, alterum alteri offeret: neutrum, ubi ad Æquatorem delata fuerit. Sic etiam frustulum acus, qua investigantur Poli Magnetis (ut dixi in observatione 3) uni Polo secundum unam partem, alteri autem insister perpendiculariter secundum alteram. Mitto, quod in omnibus Magneticis virtus ita diffusa est, ut videatur instar qualitarum spiritualium tota indivisibiliter cuilibet parti inexistere cum suis contrarietatibus, cum & utroque suo Polo, virtualiter saltem; unde si mille in fragmenta comminatur Magnetis, singula suos Polos reddent, legesque omnes Magneticas servabunt.

Obs. 8. In Magneticis multiplex reperiri genus verticitatis, seu morionis, aut agitationis, Prima, & maxime insignis verticitas ea est, per quam ut Mundi Polos dirigitur, axemque suum, cum axe Mundi conformatur, quoad fieri potest. Et vero etiam alia ratio non est, cur dissimiles Poli sint amici; item, cur sese mutuo conservent, nisi quia possunt simul uniri ad constituendum axem, unde firmitus ad illas Mundi partes oppositas affigantur; ubi è contra Poli similis respectus, antipathiam habent, & se mutuo destruunt; quod simul jungi nequeant secundum axem eundem; nam Poli similes ad eandem Mundi partem spectant; partium autem earum, quæ in unum coeunt, altera debet spectare Septentrionem, altera Meridiem.

Secunda verticitas, est declinatio, seu variatio, per quam à suo Polo desleat, vel ad Orientem, vel ad Occidentem: hæc autem diversis Mundi in regionibus diversa est. At illius quantitatem pro dato loco deprehendes, si versorium directe statueris in linea Meridiana Astronomice descripta; nam angulus, quem efficiet cum linea illa Meridiana, dabit tibi gradus quæsitæ variationis.

Tertium verticitatis genus est inclinatio. Nempe si
acum

acum nondum imbutam disposueris in obelo, aut acum futoriam, vel suberi in aqua natanti infixeris; vel è filo ita suspenderis, ut seruet æquilibrium; ubi virtutem Magneticam hauserit applicato Magnete, tum certis gradibus inclinabit sese ad Horizontem, & ad Polum Terræ; ut *in fig. 3.* Quanquam si steteris sub Æquatore Mundi, fiet Horizonti Parallela; at inclinabitur semper ad Polum Terræ, ea proportionem, qua recesseris ab illo Æquatore, dum tandem erigatur perpendiculariter, ubi ad Polum usque perveneris. Quamobrem ex hujus inclinationis Magneticæ inspectione, adhibito circulo in suos gradus diviso, poterit judicari de elevatione Poli Cœlestis, quod laudatus Autor P. Grandamicus satis declarat; ostenditq; etiam, quemadmodum ex declinatione & inclinatione simul conjunctis, possimus conjicere de longitudinibus Geographicis, si ex certis observationibus constiterit de inclinatione & declinatione propria datæ cujuscunque regionis. Quanquam videtur nimis inconstans variatio Magnetis, ut de illa certo quidquam affirmare possis.

Huc adde quartum verticitalis genus, unde Magnes alteram sui partem disponit ad Orientem, alteram autem ad Occidentem, & in iis quiescit, quomodo per proportionem quiescit juxta Polos ad Septentrionem, & Meridiem. Quod observare est in Globo Magnetico, ubi libere agitare sese potest; ut quando argento vivo innatat.

Norabis tamen Magnetem, vim eam sistendi sese ad Orientem, aut Occidentem non habere in aliquibus punctis Orientalibus, aut Occidentalibus residentem, cujuscumque habet in suis Polis; quin sita est potius in circulo quodam Meridiano, qui ex natura sua componat sese ad Meridianum Mundi, & in eo consistat; unde consequenter fiat, ut certis sui partibus ad Orientem, & Occidentem affigatur. Quod autem de facto vim eam non habeat positam, nisi in aliquo genere Meridiani; probatur, quia servato eodem Meridiano, licet pars

pars ea, quæ obvertebatur ad Orientem, fiat Occidentalis, nihilominus perfecte quiescit. Istud quoque observare est in acu verticali natante, *qualem vides in fig. 4.*

Colliges ergo ex dictis 1. Magnetem habere non modo suum Æquatorem, unde bifariam dividatur in partem Septentrionalem, & Meridionalem, cum Polo Septentrionali & Meridionali; sed in eo reperiri quoque & Meridianum, per quem dividatur in partem Orientalem & Occidentalem.

Colliges 2. Magneti naturalem esse motum circula-rem, & à principio naturæ intrinseco, unde à proprio situ revulsus, ad illum sese restituat, vel Polis Mundi, vel partibus Orientalibus, & Occidentalibus adhærendo; cum tamen motus circularis nulli præterea corpori sit naturalis, & à principio intrinseco; ut probant Physici, ubi de motu corporum Cœlestium. Certum est autem circularem hunc motum tam esse naturalem Magneti, quam lapidi motus deorsum, aut igni sursum; non enim aliam ob causam dicitur esse illis naturalis, nisi quia sic sua veluti sponte sese movent ad eum locum, & situm, in quo tandem quiete consistant: quod perinde Magneti convenit.

Colliges 3. Eam esse naturam virtutis Magneticæ, ut subjectum, quod afficit, reddat undequaque quietum, & immobile circa centrum; siquidem una ex parte per Polos redditur illius axis immobilis; tum per Meridianum impeditur motus circa axem. Atque his quidem observatis, ut de Magnetismo Terræ paucis rem conficiam.

C A P. V.

Terram esse corpus Magneticum.

Dicendum est, in Terra de facto existere virtutem Magneticam; quod Philosophiæ Magneticæ studiosi omnes hac ætate ultro profitentur. Probantq; vario genere

genere experimentorum. Nam primo, constat, virtutem Magneticam à Terra derivari in ferrum, quod observare est in cratibus ferreis, & longioribus feramentis id genus, quæ recta diutius ad Terram steterint. Et vero etiam pars eorum inferior imbuatur semper virtute illius Poli, qui propior est, seu qui est proprius regionis, in qua existunt; qualis apud nos est Borealis. Remque istam versorio ad ferramenta huiusmodi admoto, quod supra aiebam, potest quilibet oculis subjicere.

Secundo, nulla potest alia ratio afferri inclinationis Magneticæ, quam modo exposuimus, nisi quod Polus Terræ acum sic ad se pertrahit. Item, nec alia quoque est ratio Declinationis, nisi quæ petitur ex multiplici terrarum dispositione, unde vel plus, vel minus illius virtutis affunditur, ipsumque versorium à recto tramite abducit. Sic enim pari modo philosophari possumus ac de lapide Magnete, in quo partium inæqualitas idem præstat, ut sæpe usu compertum est.

Item, sic possumus quoque asserere, Polum Terrestrem esse causam illius verticicatis, per quam acus imbuta, Polos Mundi nobis indicat, Ut enim Lapis Magneticus Polos amicos acus versoriæ conformat sibi; ita & Terra, quæ est instar majoris cuiusdam Magnetis, minora hæc omnia Magnetica sibi conformabit; ideoque proprium eorum mutabit situm; ut qui Polus ad Austrum vergeret, ad Septentrionem vi Poli Terrestris attrahatur.

Neque vero quod nonnulli scribunt, verticitas & directio illa Magnetica Cœlo, vel Polo Cœlesti adscribi potest. Alioquin, si vim illam attrahendi haberet, acus ad Terræ Polum non intenderet, sed potius ad Cœlum erigeretur. Item, si Polus Cœli vim haberet effectivam, dirigendi ad se acum Magneticam, hæc nunquam ab eo declinaret. Nec partes Polo Cœlesti affines vim eam habent; alioquin, cum illæ moveantur circulariter, deberet quoque ad earum agitationem variari acus Magnetica; quod pugnat cum experientia.

Notan-

Notandumque est, vim eam Poli Terrestris exerceri tantum in Polos Magneticos; qui tamen vi majore pertracti, alio declinare possunt, ut jam explicabam. At si Magnes constitutus verticaliter, libere sese agitare possit, ut quando argento vivo innatat, Meridianum suum componet intra Meridianum Mundi, absque ulla declinatione; quia Meridianus Magneticus non movetur ab alio, nec habet antipathiam, aut sympathiam, cum virtute Polari. Idem commodius præstatur per acum verticalem in aqua fluitantem, ut in *fig. 4. tab. 8. latero. 2.* Quare hoc pacto ubivis Terrarum habere potes Meridianum universalem sine declinatione: Quod Pater *Bressani* nostræ societatis, ex Gallia ad remotissimas Canadensium Regiones profectus, toto illo itinere sese expertum fuisse affirmavit mihi & *Patri Grandamico.*

Cum autem ago de virtute Magnetica Globo Terræ inexistente, notabis, sine illud non accipere de qualibet Terræ parte, sed tantum de ea, quam esse puram Terram aiebam supra, *cap. 3.* Quem vero in finem sit illa virtus Terræ indita, sequenti capite exponam.

Objicies. Cum Terra sit tantæ molis, sequeretur virtutem illam habere multo majores effectus, quam quos experimur. Et vero deberet imbuere omne ferrum in rerum natura existens, deberet omnia ferraamenta pertrahere ad sese, nec avelli ab ipsa possent, nobisq; esse usui, &c. *R. 1.* Vim hujus qualitatis in eo præcipue positam esse, ut subjectum firmet circa centrum, dirigatque ad certas Mundi partes: simul autem attractiva est, ut partes sibi uniat in ordine ad constituendum longiorem, & firmiorem axem. Nec eum in finem habet opus, ut longius prorumpat, propageturque: unde qui sunt perfectissimi Magnetes, non idcirco habent Sphæram activitatis majorem. At præterea *R. 2.* Vim Terræ Magneticam non ita prodire foras, ob vitium partium extrimarum, à quibus retunditur, non sine speciali Dei providentia, ne humanis usibus obstaret *R. 3.* vim illam, si quæ ad extra profunditur, sitam esse maxime ad Polos.

los. R. 4, per eam non imbui posse nisi ferrum probe excoctum, & purgatum, ut patet experientia. Item non potest ferrum imbui, nisi existat sub certa figura, ut jam monui, quamvis magnetes ipsi sub quacunque figura vim suam retineant.

Inst. Polus Terræ, ne ad se quidem attrahit acum ex filo pendulam, quod fieri videmus à minimis magneticis. Ergo non est de facto magneticus. R. vim ipsius, ob causam allatam, ita retundi, ut hoc non præstet, nisi acus ipsa imbuta sit.

Inst. 2. Ignis subterranei vim illam magneticam prorsus interimerent. R. paucas solum Terræ partes ab ignibus ejusmodi posse infestari, cum fere non ardeant, nisi circa superiorem regionem.

C A P. VI.

*Immobilitas Terræ, tum ad centrum, tum circa
centrum Mundi.*

DICO I. Terraqueus Globus habet per gravitatem sibi naturalem, ut in medio mundi positus, motui recto tam sursum, quam in transversum resistat. Is enim est proprius gravitatis effectus. Sed quamvis hoc pacto sit immobilis in centro, seu ad centrum mundi, non idcirco est immobilis circa ipsum centrum. Certum enim est ex Mechanicorum principiis, Globum æquabilis gravitatis suspensum ad æquilibrium, posse viribus quibuscunque, saltem non maximis, inclinari, & moveri in orbem. Neque vero ulla ex parte posset illi motui resistere Globus Terraqueus, cum nitatur solum suo centro, neque in ipsum premat, siquidem gravia proprio in loco posita non gravitant. Ergo per gravitatem non habet, ut sit immobilis circa centrum, possetque nihilominus undequaque agitari in orbem, vel à reciprocante maris æstu, vel ab ipso ventorum imperu: cum tamen certum sit, hoc modo non moveri; siquidem eodem in loco Terra-
rum

SPHÆRA TERRESTRIS. 231

rum semper eadem apparet Poli elevatio, quod secus omnino eveniret; item, docet & Sacra Scriptura, *Terra in æternum stare, neque inclinari in seculum seculi*, ut jam primo capite exposuimus. Et vero etiam tam necesse fuit ad bonum generationum naturalium, & hominum commoditates, Terram esse immobilem, tam circa centrum, quam in centro, seu ad centrum.

Dico igitur 2. Cum nostro Antesignano *P. Grandamico*, habere hanc immobilitatem circa centrum per virtutem magneticam. *Probatur.* Tam enim decuit Terram esse immobilem circa centrum per qualitatem aliquam naturalem, quam in centro: sic enim Deus, pro sua providentia, solet res omnes naturales iis qualitatibus instruere, quæ ad earum conservationem & statum necessariæ sunt. Atqui nulla est qualitas eum in finem magis idonea, quam virtus magnetica: nec alium in finem à Deo concessa de facto fuit. Ergo. Probatur minor; quia præstat in subiecto ea omnia, quæ necessaria sunt ad ejusmodi immobilitatem, cum ex superiori doctrina, Polos de se immobiles, & meridianum de se immobilem efficiat; nec aliud quidquam requiratur ad illam immobilitatem.

Objic. 1. Terra per gravitatem quiescit proprio in loco. Ergo frustra illi assignatur virtus magnetica, unde illam quietem habeat. *Dist.* Quiescit resistendo motui sursum & in transversum C. motui circulari N.

Inst. Etiam motui circulari: nam in motu circulari partes habent motum aliqua ratione transversum, cui gravitas est contraria. *R.* Ubi perfecte libratae sunt partes, illi motui partium non resistit gravitas, etsi dicatur aliqua ratione transversus; ut patet in bilance.

Inst. Ideo rota ægre vertitur, resistitque. *R.* Idcirco illud contingit, quia per propriam gravitatem premit contra axem; alioquin sine ulla resistentia posset vel à debili facultate sic agitari circa axem.

Inst. Terræ partes premunt contra centrum, cui scilicet quasi innituntur. Respondi jam ex Physica, Terræ partes

partes non premere, nec contra se invicem, nec contra centrum.

Objicies 2. Corpus Magneticum non consistit, nisi per conformationem ad aliud potentius, à quo sic conineatur; ut patet quotidiana experientia in nostris minoribus magneticis. Ergo à pari supponendum esset aliud corpus magneticum, cui Terra conformaretur, & vi cuius consisteret. R. Illud certe aliud esse non posset, quam Cœlum; atqui Cœlum non habet virtutem magneticam, alioquin, ut dixi, acus magnetica ad ipsius Polum erigeretur, nec inclinaretur ad Terræ sitem. Item, non posset afferri ulla ratio, cur declinaret acus magnetica; nam à Polo cœlesti eodem semper modo attraheretur. Item, non moveretur Cœlum circa axem suum, nisi motu violento: quia, ex dictis, nullum corpus magneticum, de se, moveri potest circa axem suum, &c. R. 2. Corpus magneticum absolute posse consistere sine conformatione ad aliud; alioquin esset admittendus hoc loco processus in infinitum. Neque illa consistentia per conformationem ad aliud contingit, nisi ubi de facto minori magnetico potentius apponitur, quo pacto dicimus, Terram esse magneticorum omnium primum, & cui cætera conformantur.

Inst. Nulla est ratio, cur Terræ Poli ad Cœlestes Polos destinentur potius, quam ad alias partes, si nullam de se cognationem cum iis habent, nec illi sunt magneticis. R. Magneticam Terræ virtutem absolute quidem esse indifferentem, atque indeterminatam ad tales, vel tales Mundi partes. At si consideretur, quatenus etiam de se ordinata est ad bonum Universi, de se consequenter est determinata ad situm hunc præstandum quem exigit bonum Universi; unde consequenter exigit concursum à Deo determinativum sui ad tales potius Mundi partes, quam ad alias, habita ratione boni universalis. Quare in illa rerum dispositione sic debuit determinari à Deo simul concurrente, & illis Cœli partibus quasi affigi, ut legitime Cœlestes influxus exciperet.

Hic

Hic enim suppono, doctrinam à nobis traditam in Physica Univers. De determinatione agentium naturalium ad effectus in individuo.

CAP. VII.

Maria diversis Terrarum regionibus definire.

JAm nihil superest, nisi ut superficiem ipsius Terræ, cum Geographis contemplemur; quod quidem ut fiat commode, simul attendendum est tum ad Globum artificialem, tum ad Tabulas Geographicas, dum ista legendo studiose percurruntur.

Quæ vero Terrarum pars major est, ut Europa, Asia, & Africa, dicitur *Continens*, seu *Terra firma*. Alioquin pars Terræ minor aquis conclusa, vocatur *Insula*; aut si exigua sui parte continenti cohæreat, est *Peninsula*, seu *Chersonesus* Spatium, quo Peninsula continenti adhæret, vocatur *Isthmus*. Mons autem, seu pars Terræ amplior in mare procurrens, solet appellari *Caput*, seu *Promontorium*.

At mare est generalis aquarum quædam collectio; dividiturque in Oceanum, & mare mediterraneum. Oceanus toti Terræ circumquaque affunditur. Mare mediterraneum mediis ipsis Terris veluti concluditur. *Sinus Maris* est Maris ipsius pars aliqua in Terras angusto spatio effusa, diciturque etiam *Golphus*. Fretum est spatium quoddam angustius, quo mare coarctatur, tum ultra sese expandit. Atque ista quidem partium Terræ aut maris nomenclatura supposita;

Dico 1. Oceanus, quamvis unus sit & idem per varias Terræ partes continuus, varias tamen ex iis regionibus quas alluit, sortitur appellationes. Ac primo quidem ex quatuor Mundi præcipuis partibus dicitur mare Orientale, Occidentale, Septentrionale, & Meridionale. Item & cognatis gentibus vocatur Mare Norvegicum, Germanicum, Anglicum, Gallicum, Hispanicum. Tum

ex Africa incipit lustrari ora Maroci, *coste de Maroc*, *Senecæ de Senega*, aut Capitis Viridis, *du Cap Verd*, deinde ora Guineæ, ora Congensis, Castrorum, &c. Ad extremum Caput Bonæ Spei, ora Monomotapæ, quæ vulgo dicitur incipere mare Indicum; atque inde sequitur ora Mozambici, Melindæ, Abyssinorum, ora Arabica, Persica: occurrit Archipelagus Maldivarum, ora Malabarica, ora Malacæ, in Chersoneso, quam *auram* nominant, quod auro abundet, & olim, quod videtur colligi ex Sacris Literis, dicebatur Ophir. Inde est mare Sinenſe & Japonicum. Item quicquid est aquarum ad Americam, vocatur mare pacificum, à fluctuum majori tranquillitate.

Notandumque est in Oceano Septentrionali præcipuos numerari sinus istos. 1. Ad Septentrionales plagas, mare Balthicum, seu mare Suevicum, aut Godanum, ubi Fretum Sunicum *le Sund*. Ad Americam est Sinus Mexicanus, In Oceano Indico est Sinus Arabicus, seu mare Rubrum, aut *de Mecca*. Tum Sinus Persicus, Gangeticus, sive Bengalensis.

Not. 2. Oceani celebriores has esse Insulas. Ac primo, ad ipsum Septentrionem est Groenlandia, tum Britannides Insulæ, quæ Regna Angliæ, Scotiæ & Hyberniæ continent; hinc Insulæ Fortunatæ, seu Canariæ longius paulo diffusæ. Sequuntur Azores, quibus Meridionales sunt Insulæ Capitis Viridis. Prætereo Insulas S. Thomæ, S. Helenæ, Ascensionis. In Oceano Indico est insignis Insula S. Laurentii, seu Madagascar; Maldivæ Insulæ; tum Insula Ceilam, Orientalium omnium istarum celeberrima. Deinde sequuntur Sumatra, Java, Borneo, Gilolo, Philippinæ, Molucæ, ac tandem Japonicæ.

Dico 2. Ex Oceano per Fretum Gaditanum prodit mediterraneum mare, variis etiam illustre Regionibus. Altera enim ex parte habet oram Hispanicam, Gallicam, Italianam; atque inde sequitur Græcia, Natolia, Syria, Palæstina. Tum regrediendo, est ora Ægyptiaca, Lybica, ac denique ora Barbariæ, in qua est Tuncetana, Algeriana, &c.

Notabis

SPHÆRA TERRESTRIS. 235

Notabis, in eo mari duos maxime insignes esse Sinus. Primus est Venetus, seu Æstuarium Venetum, aut Adriaticum mare. Alter est Ægæum mare, quod etiam vulgo nominant Archipelagus *Archipel*, variis sparsum Insulis. At illud modo in angustius spatium cogit sese, modo relaxat, tum iterum coarctatur, latiusque iterum aperit sese. Ubi primum sese coarctat, vocatur Hellespontus : ubi vero sese extendit, dicitur Propontis, seu *Mare Marmora*. Ubi iterum cogitur, Bosphorus Thracius appellatur, apud quem sita est Constantinopolis ; omniemque istam maris plagam vocant mare Album. At ubi iterum effundit sese, est Pontus Euxinus, seu mare Nigrum, sic dictum, quia piratis, aut etiam gravioribus procellis infestari solet. In illo autem legitur ora Asiæ, ora Trapezuntina, *coste de Trebizunte* : ora Mingrelia, ora Taurica, seu Cassa ; ora Russorum, seu Cosacorum, quæ gens Russiam Nigram potissimum incolit. Ac denique Pontus Euxinus per Fretum, quod Bosphorum Cimmerium vocant, Paludi committitur, quæ dicitur Mœotis, Tanaim fluvium, *le Don*, à Septentrionibus excipiens.

Not. 2. Has præcipue numerari maris istius Insulas. Ac primo sunt Balearides, seu Majorca & Minorca. Tum Corsica, *Corse* ; Sardinia, *Sardaigne*. Sicilia, *Sicile* ; Melita, *Malthe* ; Corcyra, *Corfu* ; Zacynthus, *Zante* ; Creta, *Candie*. Deinde Cyclades medium per Archipelagus sparsæ, quas inter est Paros, Delos, Pathmos, Cos ; ac denique est Rhodus. Tum ad supremas fere partes hujus maris est Cyprus, *Cypre*.

Præter hæc maria, est quoque mare Caspium, seu Hircanum, vulgo *Mare de Sala & Bashu*, reliquo mari non continuum, sed undequaque potius Terris conclusum, in quo est *Astracan*.

CAP. VIII.

Regiones Terrarum partiti.

Dico 1. Terrarum Orbis dividitur in duo Hemisphæria, quorum alterum nobis dicitur superius, nobisque habitatur, & vocatur *Antiquus Orbis*, Alterum vero, ubi America, & *Novus Orbis*, Laſtancio & Augustino, præſciſque illis temporibus præſus incognitus. At præterea

Dico 2. Univerſam continentem alii ſolent dividere tres in partes; ſuntque illæ veluti quædam ingentes Inſulæ, quas ambit circumquaque Oceanus. Harum prima comprehendit Europam, Aſiam, & Africam. 2. eſt America. 3. denique eſt Australis, adhuc incognita.

Notandumque eſt, per mare mediterraneum à Fretto Gaditano ad Archipelagus uſque proſuſum; tum ab Archipelago per Hellespontum, Propontidem, Pontum Euxinum, Paludem Mœotidem, ac Tanaim; indeque ducta linea recta per Boryſthenem uſq; ad mare Septentrionale, dividi Europam ab Aſia, & ab Africa. Nam quod alteri maris mediterranei lateri Terrarum adjacet, uſque ad Sinum Arabicum, cum Iſthmo, quem *Suez* dicunt, Africa eſt. Ultra quidquid Terrarum eſt, vocatur Aſia. Ut autem habeatur integra & abſoluta Geographia; iſtæ iterum minores in partes, ſeu varias in Dominationes diſtribui ſolent. Quam methodum ut proſequar juxta antiquos ſimul & recentiores, poſita ante oculos Terræ Mappa univerſali;

Dico 3. In Europa recensentur primo Britannides Inſulæ, ubi Regna Angliæ, Scoriz, & Hyberniz.

Tum in continenti occurrit Hiſpania; quam ultra Pyrenæos montes excipit Gallia, ſeu Francia; cujus in ditione fuerunt olim regiones omnes, ad Rhenum uſque, puta Belgium, *Fays bas*: Lotharingia, *Lorrain*: Alſatia, *Alſce*. Hæcque vocatur Europa Occidentalis.

Nam inde ad Boream eſt Germaulia, *Allemagne*: cum Regnis

SPHÆRA TERRESTRIS. 237

Regnis Daniæ, *Dannemarch*: Bohemiæ, *Boheme*: & magnæ Hungariæ, *Hongrie*: cujus partes modo numerantur Danubium, Hungaria proprie dicta, Transylvania, Moldavia, & Walachia ad Pontum Euxinum Supra Hungariam ad Septentrionem est Polonia, cum Moschovia, quam ad Pontum Euxinum sequitur Tartaria minor, seu Precopensis, inter Borysthenem & Tanaim cum Taurica Chersoneso comprehensa, nec fere latius patet. Trans mare Balthicum est Norvegia, cum Suecia: quam Terræ partem vocant *Scandiam*, seu *scandinaviam*. Atque hoc pacto Rhenus, aliunde vero Ister, seu Danubius, in partes oppositas profluens, & Ponto Euxino continuus, Europam Septentrionalem terminant, dirimuntque ab Europa Meridionali.

Quare, citra Rhenum & Danubium, à finibus Sueviæ, *la Suabe* & *Alsaciæ*, Europam Meridionalem occupant Helvetia, *les Suisses*; tum inde Rætia, seu Grisones. Ac præterea juxta Danubium, Provinciæ olim dictæ Vindelicia, Noricum & Pannonia; modo Tirolium cum Baviaræ Ducatu, & parte Austriæ: nam, ut quidem probati autores scribunt, Pannonia comprehendit alteram Austriæ partem, cum Carinthia, Istria, Croatia; quibus in eadem Pannonia accedunt Sclavonia, cum parte Hungariæ Cis-Danubianæ; Boscena, *Bosnie*; Servia, & Bulgaria.

His adjacet Italia cum Illyrico, nempe Dalmatia, hisque Provinciis, quibus altera ex parte affunditur mare Venetum: sequiturque Sicilia cum aliis Insulis vicinioribus.

Quod ultra reliquum est, dicitur Græcia, complectens etiam Thraciam, seu Romaniam; cum Achaja, & Peloponneso, seu Morea; cum Thessalia, Macedonia, Epipro, Albania, cum insula Creta *Candie*; aliisque pluribus in Archipelago conspicuis, quæ maxima ex parte spectant ad Imperium Turcicum Europæum.

Notabls autem, majores illos Terrarum tractus iterum subdividi in alias minores Provinciass

Sic in Italia, quam lustrabamus modo, præter Regnum Neapolitanum, cum variis ejus Provinciis, peragrarî animo possunt diversæ Respublicæ, qualis est Venetæ, & Genuensis; tum diversorum Principum Status, cujusmodi est Status Ecclesiasticus, Ducatus Florentinus, Mantuanus, Parmensis, Modenensis, Mediolanensis, Pedemonranus, &c.

In Hispania numerantur Castilia utraque cum Arragonia, Portugallia, seu Lusitania; tum inde Andalusia, Granata, Valentia, Catalonia, &c.

In Gallia, præter Insulam Franciæ, ut vocant, tum præter Provincias illas ultra citraque Ligerim positas, quibus jus dicit Parliamentum Parisiense, comprehensa etiam Alvernia, l' *Auvergne*, & Regione Lugdunensi, le *Lyonnois*; lustrando Regnum, sunt Britannia Aremerica, la *Bretagne*; indeque Normania, seu Neustria, la *Normandie*; Picardia, la *Picardie*; Campania, la *Champagne*; Lotharingia, la *Lorraine*; Burgundia, la *Bourgogne*; Bressia, la *Bresse*; Delphinatus, le *Dauphine*; Provincia, la *Provence*; Languedochium, seu Oxitania, le *Languedoc*; cum Russilione, le *Roussillon*; Vasconia, la *Gasconne*; Aquitania proprie dicta, la *Guyenne*; tum Bearnia, le *Bearn*. Ac tandem intra Fluvios Garumnæ & Ligerim, circuitum hunc claudunt Xantonia, la *Xantonge*; & Pictavia, le *Poitou*.

Quamquam solet Gallia dividi per juridicas Sedes supremas, quas appellant *Parlamenta*, nomenque habent à civitate illa, in qua sunt constituta. Ac primo quidem loco numeratur Parisiense, le *Parlement de Paris* Rothomagense in Normania, de *Rouen*; Redonense in Britannia, de *Rennes*; Burdegalense in Aquitania, de *Bordeaux*; cui nuper accessit Palense in Bearnia, de *Pau*; Tolosanum in Languedochio, de *Toulouse*; Aquense in Provincia, a' *Aix*; Gratiopolitanum, in Delphinatu, de *Grenoble*; Divionense in Burgundia, de *Dijon*; Metense in Lotharingia, de *Mets*.

In Belgio sunt Flandria, la *Flandre*; Artesia, l' *Artois*

tois; Brabantia, *le Brabant*; Ducatus Luxemburgicus, *Luxembourg*; Hollandia, *la Hollande*, &c. cum aliis Provinciis confœderatis; ne quid dicam de Provincia Leodienſi, *de Liege*; de Ducatu Juliacenſi, *de Juliers*; de agro Colonienſi, *le pays de Colongne*, &c.

In Germaniâ, quæ mari Balthico & Rheno cum parte Danubii comprehenditur; Primo eſt Austria, *l'Auſtriche*; tum Bavaria, *la Baviere*; Palatinatus Rheni, *le Palatinat du Rhin*; Haſſia, *la Heſſe*; Suevia, *la Suabe*; Franconia, *la Franconie*; Weſphalia, *la Weſphalie*; Saxonia, *le Duché de Saxe*; ad quam attinent Miſnia & Thuringia. Sequitur Marchionatus Brandeburgienſis, *le Marquifat de Brandebourg*; Pomerania, *la Pomeranie*; Ne quid dicamus de Regno Daniæ, *de Dannemarch*; ad quod attinet Cimbrica Cherſoneſus, in qua eſt Jutlandia: vel de Regno Bohemiæ, *de Bohème*; cui cenſetur annexa Moravia cum Sileſia, &c.

Ad Poloniam attinet *Pruſſia*, quam & *Prutheniam* aut *Boruſſiam* appellant, *la Pruſſe*; duplexque eſt, altera quidem Ducalis, ditionis Brandeburgicæ; altera autem Regia. Item, ad Poloniam attinent præcipue Livonia, Mazovia, Lithuania, Ruſſia, quam Nigram vocant, ad diſcrimen Moſchovitici Imperii, quod Ruſſia Alba nuncupari ſolet, &c.

Dico IV. Tota Aſia, nunc temporum, in quinque poſſimum dividitur partes. Prima eſt Imperium Turcicum, ſub quo eſt Natolia, in qua olim Aſia minor & proprie dicta; ubi etiam Pontus, & Bithynia: Phrygia major, tum minor, ſeu Troas; Æolia; Ionia, in qua eſt Ephesus, Doris, Lydia, Lycia, Pamphylia, Cilicia, nunc *Carmania*: Cappadocia, Galatia. Deinde ſequitur Armenia, tum major, quæ nunc *Turcomania*, tum minor: Colchis, nunc *Mingrelia*: Iberia, & Albania, nunc *Georgia*: Syria cum Meſopotamia *Diarbech*, Tigriſ fluvio & Euphrate comprehenſa; tum Babylonia, *Caldæ*. Hinc Palæſtina & Arabia.

Secunda pars eſt Perſarum, ſeu Sophorum Imperium, ſub

sub quo est Assyria, nunc *Cusistan*: Media, *Sarch*: Parthia, *Arac*: Persis, *Farsi*: Armusia, *Ormutz*.

Tertia est India cum Regno *Mogor*: cum Aurea Chersoneso, & Insulis adjacentibus.

Quarta est Regnum Sinenſe, cum Japoniæ Insulis.

Quinta denique Septentrionales plagas tota occupans, est Tartaria, tum *deserta*, Moschoviæ affinis, tum quæ dicitur *Vetus*, & Magni Chami Imperium, imprimis opulenta, multisque Regnis illustris, inter quæ est Cataia, olim Serica, Tebetum, &c.

Dico V. Omiffa veteri Africæ descriptione; jam in ea præcipue considerantur istæ Regionēs: primo Ægyptus: cui continua est ad Frærum usque Gaditanum Barbaria, seu ora Barbariæ, in qua, præter Regionem, quam Barcanam appellant; sequitur Regnum Tunetanum, tum Regnum Tremisanum, Fessanum, Marocanum, & Darenſe.

Ultra illas regiones, præter desertum *Sarra*, & amplissimam *Nigritarum* Regionem, est Æthiopia, sive interior, quæ Abyssinorum propria dicitur; sive exterior, in qua est Regnum Congo, Monomotapæ, Regio Casrorum, &c.

Dico 6. America, seu Novus Orbis, duas dividitur in ingentes Peninsulas, quæ per Isthmum non ita longum conjunguntur.

Altera ex illis dicitur America Septentrionalis, & Mexicana à Mexico, quæ primaria est illius urbs. Altera est America Meridionalis.

In Septentrionali præcipuæ partes sunt Nova Francia, seu Regio Canadensis; ubi insignis Fluvius *Sancti Laurentii*. Nec prætereunda est *Terra Nova*, piscatione tam celebris: aut *Caput Britanicum*. Inde sequuntur Virginia, Florida, Nova Hispania, & plaga Mexicana, cum Isthmo, in quo positæ sunt famosæ urbes illæ; hinc *Panama*, ad mare Peruanum, atque hinc urbs *Nominis Dei*, seu *Nombre de Dios*, ad mare antiqui Orbis.

In meridionali America primo est ora Novæ Castiliæ;

liæ; ubi & Archipelagus quoddam multis, distinctum Insulis, inter quas est Hispaniola seu S. Dominici, S. Christophori, Martinica, &c. Indeque usque ad Fluvium Amazonum, quem & *Maragnon* vocant, est ora *Caribana*. Sequitur ora *Brasilæ*, in qua Urbes primariæ sunt *Portus*, seu *Baia Sanctorum omnium*, tum *Pernambucus*. Item est ora *de la Plata*, finiturque fluvio illius nominis, quem & *Argenteum* nominant. Item, usque ad Fretum *Megellanicum* est ora *Chica*. Dein Promontorium *Fortunæ*, & ora *Chili* ad mare pacificum. Sequitur ora *Peruana*, ubi *Lima*, *Peruviæ* caput. Tum ora *Australis Novæ Hispaniæ*, ora *Californiæ*, usque ad caput, seu Promontorium *Mendocinæ*, & Fretum *Anian*.

De Terra Australi nihil dico, quia est incognita.

CAP. IX.

Primarias Terræ civitates recensere.

Initium faciam ab Europæis, quæ reliquis numero, & dignitate non parum antecellunt; sicque illas enumerabo, varias Provincias percurrendo, ut Gallicum nomen cum Latino adjiciam, ubi saltem à Latino multum discrepabit: Itaque

Dico 1. In majori Britannia sunt *Londinum*, *Londres*, in Anglia; *Eboracum*, *Torch*; in Scotia *Edimburgum*; *Dublinum* in Hybernia.

Hispaniarum caput est *Madritum* in Castilia. Tum inde *Toletum*: *Hispalis* *Seville* in Andalusia: *Cæsar-Augusta*, *Sarragosse*, in Arragonia: *Barcino* *Barcelone*, in Catalonia, portus maritimus. In Regno Portugaliz est *Olyssipone*, *Lisbone*, portus marit.

Galliæ, seu Franciæ caput est *Lutetia*, seu *Parisi*, *Paris*: *Rothomagus* *Rouen*, in Normania. *Lugdunum*, *Lyon*: *Aurelia*, *Orleans*, *Tolosa* in Occitania, seu *Languedochio*: *Burdegala*, *Bordeaux*: in Aquitania, *la Guyenne*: *Ambianum*, *Amiens*, in Picardia, &c.

Apud

Apud Helvetios sunt Berna, *Bern*; Basilea, *Basle*; Tigurum, *Zurich*; Lucerna, *Lucern*; Friburgum, &c.

In Belgio, Ad Flandriam attinent Gandavum, *Gand*; Brugæ, *Bruges*; Cortracum, *Cortray*; Yperæ, *Ypres*; in Artesia est Attrebatium, *Arras*. In Brabantia Bruxellæ, *Brussels*; Antuerpia, *Anvers*. In Hollandia Amsterodamum, *Amsterdam*; Dordracum, Lugdunum Batavorum, vulgo *Leyden*, &c. In Ducatu Juliacenſi eſt Aquisgranum, *Aix la Chapelle*, Caroli Magni ſede ac ſepultura inſignis. In Lotharingia eſt Nanceium, *Nancy*: Metæ, *Mets*: in Alſatia Argentoratum, *Strasbourg*; hucque refertur Briſſacum, *Briſach*.

Inter Germaniæ civitates, quæ inſigniores ſunt, numerantur Treviri, *Treves*: Colonia, *Colongne*: Moguntia, *Mayence*: In Auſtria eſt Vienna; in Bavaria, Monachium, *Munich*: tum Ratiſbona. In Suevia, Auguſta Vindelicorum *Ausbourg*. In Palatinatu Rheni, Heidelbergæ. In Franconia Herbiſopolis, *Wirſbourg*; tum Francofurtum ad Moenum, ob nundinas tam celebre. In confiniis Franconiæ, Baviariæ & Sueviæ eſt Norimbergæ, *Nuremberg*. In Weſtphalia, Monasterium, *Munſter*. In Haſſia, Caſſella, *Cassel*. In Bohemiæ Regno, Praga, *Prague*. In Moravia, Olmuſum, *Olmutz*. In Sileſia, Uratiſlavia, *Breſlau*: Glogovia, *Glogau*. In Saxonia, Magdeburgum, *Magdebourg*: Lipſia, *Lipſic*: tum Dreſda in Miſnia; Erefordia autem *Erford*, in Thuringia, ditionis etiam Saxoniæ: In Marchia Brandeburgenſi, Brandeburgum, Francofurtum ad Fluv. Oderam. In Pomerania, Stetinum, *Stetin*. In Ducatu Melchelburgenſi, *Melchelbourg*; Lubecca, *Lubeck*; Roſtochium, *Roſtoch*; Viſmaria, *Wiſmar*. In Holſatia, Hamburgum, *Hambourg*, ad Fl. Albim, emporium nobile. In Regno Daniæ, *Dannemarch*. Haſnia, *Copenha-gen*, in inſula Selandia ad Fretum Sunicum, *le Sund*. In Norvegia eſt Nidroſia, *Drontheim*; In Suecia, Stockholmium, *Stokholm*.

Poloniæ caput eſt Cracovia; tum in Mazovia eſt Warſovia, Regum ſedes. In Liwoniam eſt Riga: In Lithuania,

SPHÆRA TERRESTRIS. 243

thuania est *Vilna*, tum *Smolensko*. In Prussia Regia sunt *Dantiscum*, *Dantzic*; *Marienburgum*, *Elbing*. In Prussia Ducali est *Conisbergum*.

Moschovitici Imperii caput est urbs *Moschovia*. *Tartariæ* *Precopensis* urbes sunt *Precops*: *Cassa*, in *Taurica Chersoneso*.

In Hungaria est *Alba Regalis*, *Presburgum*, *Buda*, *Javarinum Rab*; *Javarin*. In Transylvania, *Cinium*, *Hermanstad*. In Servia, *Alba Græca*, *Belgrade*. In Dalmatia, *Sicum*, *Sebenico*; *Ragusa*, olim *Epidaurus*; ad mare *Adriaticum*.

In Græcia. Ut complectitur *Thraciam*, est *Constantinopolis*, *Theſſalonica*, *Salonique*. In Albania, *Croia*, *Croie*, *Dyrrachium*, *Duras*, vel *Durazzo*.

In Italia sunt *Roma Sancta*: *Neapolis nobilis*: *Venetiz opulentæ*: *Genua superba*: *Mediolanum magnum*: *Florentia pulchra*: *Bononia pinguis*: *Ravenno antiqua*: *Patavium doctum*, *Padoue*. In *Pedemontio*, *Piedmont*, *Taurinum*, *Turin*, *Sedes Ducis Sabaudi*.

In Insulis Italiæ. *Panormum*, *Palerme*, in *Sicilia*: Item & *Messana*, *Messine*. *Calaris*, *Cagliari* in *Sardinia*. *Bastia* vero in *Corfica*.

Dico 2. Asiæ urbes insigniores sunt *Hierosolyma*, *Hierusalem*. In *Palæstina*: In *Perside* *Babylon*, *Bagdet*. *Hispahamum*, *Aspaham*: *Agra*, *Mogoris Regis sedes*. In *India*, *Goa Indiarum maritimarum caput*. In *Tartaria* est *Cambaia*. In *Sina* est *Nanquinum*, tum *Pequinum*; omitto quas enumeravimus, oras maritimas perlustrando.

Dico 3. In *Africa*, præter oras maritimas jam à nobis peragratas, est *Memphis*, modo *Cairum* in *Ægypto* ad *Nilum*, *Marocum* in *Barbaria*, *Amara* in *Æthiopia*.

Dico. IV. In *America*, est *Mexicus*, quæ regioni nomen dedit. Tum *Panama*, & urbs nominis *Dei*. *Fernambucus*, in *Brasilia*. *Lima* in *Peruvia*, &c.

CAP.

CAP. X.

Methodus explicandæ Geographiæ per Episcopatus.

Christi Domini Ecclesia, universum in Orbem propagata, varios tandem in Episcopatus divisa est; istaque descriptio utilitatem etiam habet non parvam, ad Statum Terrarum, & ad diversas Regionem animo comprehendendas. Brevem eorum Episcopatum summam instituere varii Scriptores, unde aperiatur via ad singulos facile intelligendos, ope Tabularum, quas cum in finem concinnarunt.

Atque ut initium fiat ab *Italia*; in ea multi numerantur Archiepiscopi, quibus suffragantur plusquam Trecenti Episcopi. Primus est Romanus; qui simul est Patriarcha Occidentis, & rotius Orbis Christiani Papa, seu Pontifex supremus. 2. Est Venetus. 3. Aquileensis. 4. Ravennensis. 5. Bononiensis. Deinde Neapolitanus, cum pluribus aliis Regni Neapolitani & Siculi; tum Mediolanensis, Florentinus, Taurinensis, Genevensis, &c.

Galliæ Episcopatus ea methodo recensent alii, ut pro singulis *Parlamentis*, quorum in tractibus continentur, diversas illorum series describant. Atque hoc modo numerantur in Parisiensi, Franciæ, Archiepiscopatus 6. Nempe Archiepisc. Parisiensis, *de Paris*; Bituricensis, *de Bourges*; Lugdunensis, *de Lyon*; Turonensis, *de Tours*; Remensis, *de Reims*; Senonensis, *de Sens*; quibus subsunt Episcopatus 24.

In Tolosano, Languedocii & Vasconiæ, Arch. 3. Tolosanus, *de Toulouse*; Narbonensis, *de Narbonne*; Auxitanus in Vasconia, *d' Auch*; cum 28 Episc.

In Eurdegalsi, Guyennæ, Arch. unicus Burdegalsis, *de Bordeaux*, Episc. 11.

In Redonensi, Britanniæ Aremoricæ, *Rennes en Bretagne*. Episc. 9. qui Turonensi Archiepiscopo subsunt.

In Rothomagensi, Normaniæ, Arch. unicus. Rothomagensis, *de Rouen*, cum Episc. 6.

In

SPHÆRA TERRESTRIS. 245

In Divionensi, Burgundiæ, *Dijon en Bourgogne*. Episc. 3. quorum duo parent Archiepiscopo Lugdunensi. Bellicensis autem, *de Bellay*, Archiepisc. Bizuntino, *de Bisanzon*, in Comitatu Burgundiæ,

In Gratianopolitano, Delphinatus, *de Grenoble en Dauphine*, Archiepiscopatus 2. Viennensis, *de Vienne*, & Ebrodunensis, *d' Ambrun*.

In Aquisi, Provinciæ, *d' Aix, en Provence* Archiepiscopatus 2. Aquisi, *d' Aix*, & Arelatensis, *d' Arles*, cum Episc. 11.

In Palensi, Bearnia, *de de Pau en Bearn*, duo tantum Episcop. sub Archiepisc. Auxitano.

In Metensi, Lotharingiæ, *de Mets en Lorraine*, Episc. 3. sub Arch. Trevirensi, *de Treves*.

Ac singulos quidem postea Episcopos, si lubet, recensitis cum P. Brietio, ad majorem hujus negotii intelligentiam. Quod pari modo in aliis Terrarum Provinciis præstari potest, Neque alia mihi mens est modo, quam hujus methodi specimen aliquod præbere Tyroni Geographiæ.

CAP. XI.

Fluvios Terræ totius insigniores enumerare.

IN Anglia est Tamesis, *la Tamise*, ubi Londinum, Regni caput.

In Hispania celebres sunt 1. Iberus, *l' Ebre*, qui nomen fecit regioni: *Cæsar-augustam, Sarragosse*; & Tortosam rigans. 2. Tagus, *le Tage*, Tolerum præterfluens, & mari sese ad Lisbonam committens.

In Gallia sunt 1. Sequane, *la Seine*: Parisiis maxime, *sac Rothomago illustris*. 2. Ligeris, *la Loire*; Aureliam, *Orleans*; Turones, *Tours*; aliasque non dissimiles præteriens. 3. Rhodanus, *le Rhosne*; Arari, *lx Saone*, sese immiscens ad Lugdunum. 4. Garumna, *la Garonne*; ad quem fluvium sita est Tolosa in Linguetochio;

246 INSTIT. MATHEMAT.

dochio; tum Burdegala, *Bordeaux*: in Aquitania. *Somona la Somme*, *Corbiam*, *Corbe*; *Ambianum*, *Amiens*, ium *Abbavillam*, *Abbeville*, alluens.

Belgium præterfluunt *Scaldis*, *l'Escault*; *Mosa*, *la Meuse*: quem Fluvium illustant ex pluribus aliis: *Fannum S. Michaelis*, *S. Miel*: *Viridunum*, *Verdun*: *Stenaium*, *Stenay*: *Mosonium*, *Mouzon*: *Sedanum*, *Sedan*: *Meferiæ*, *Maisieres*: *Carlomonium*, *Charlemont*: *Dionantum*, *Dinan*: *Namurcum*, *Namur*: *Leodium*, *Liege*: *Trajectum*, *Mæstric*: *Ruremunda*, *Ruremonde*: *Venlo*, &c.

Ad *Mosellam* sunt *Metæ*, *Metz*: *Mussipontum*, *Pont à Mousson*: *Theonvilla*, *Thionville*: *Treviri*, *Treves*, &c.

In *Germania* *Rhenum* accolunt *Moguntia*, *Mayence*: *Colonia*, *Colongne*: pluresque aliæ perinsignes urbes, & oppida.

Ad *Mœnum*, *le Mœin*, est *Francofurtum*, *Herbipolis*, *Wirtsbourg*, in *Franconia*. Inde *Visurgis* *le Weser*. *Amasus* *l'Embs*. *Albis* *l'Elbe*, ex *Bohemia* oriundus, trajiciensque *Saxoniam*, *Misniam* & plures ditionis *Saxonica* urbes. Ne quid dicam de *Odera* *l'Oder*, aliisque minoris nominis Fluviis.

Ad *Meridionalem Europam*, *Germaniæ* finibus egressus *Danubius*, *Austria*, & aliis *Germaniæ* decursis provinciis, præterlabitur *Hungariam*, ut tandem in mare *Euxinum* profundatur.

Græcia Fluvios *Poetis* olim decantatos habet complures, puta *Hebrum*, *Strymona*, *Paneum*, *Ismenum*, &c.

Italiæ est *Padus* *le Po*, olim *Eridanus*, longam illius *Regionis* partem trajiciens: *Tyberis*, sola, quam rigat, *Romana civitate* clarus.

Ut quod reliquum est *Europæ* ad *Septentrionem* ab-solvam, *Poloniam* interfluit *Vistula* *le Vesseil*, cujus ripas nobilitant *Cracovia*, *Varovia*; qua in urbe celebrari solent *Regni Comiticia*.

Boiy-

SPHÆRA TERRESTRIS. 247

Borysthenes, vulgo *Nieper*, aut *Dnieper*, peragrata Lithuania, & Moschovia, multis adauctis aliis fluminibus in Pontum Euxinum devolvitur: dicitur autem Fluviorum Europæi maximus post Danubium.

Inde est Volga, dictus etiam *le Rha*, in Moschovia, qui post multos eosque longissimos flexus, multis quoque in se receptis aliis fluminibus, tandem ostiis 72. miscetur Mari Caspio.

Atque ultra tandem est Fluvius *Oby*, in Asiatica Tartaria celeberrimus.

Alioquin ex Asiæ Fluviis primas tenent in Oriente tum Indus, qui nomen regioni fecit; tum Ganges.

Deinde, (ne quid dicam de Jordane fluvio Palæstina, quem inter alios dignitate principem fecit Christi Domini præsentia:) versus caput Asiæ ipsius est *Tigris*, ad quem olim condita erat Nineve; nec multum ab eo distabat Sedes Imperii quondam Asiatici, sive apud Assyrios aut Chaldæos, sive apud Medos, aut Persas.

Tigri jungitur tandem *Euphrates*; duoque isti Fluvii utraque ex parte cingunt Mesopotamiam, cui adjacet Regio Babylonica, cum urbe Babylone, infra quam simul defluunt in Sinum Persicum.

Notandumque est, Tigrim & Euphratem suam petere originem ex *Pariarde*, monte Majoris Armeniæ, in quo dicitur hæsisse Arca Noe post Diluvium. Eademque ex plaga oriuntur quoque tum 1. *Araxes*, qui in Sacris Literis appellatur *Geon*, & in Mare Caspium deducitur, peragratis finibus illius Æthiopis, quæ Septentrionalis dicitur, & ab ea differt, quæ est affinis Nilo in Africa. Tum 2. *Phasis*, quem Sacræ Literæ *Phisonem* nominant, & committitur Ponto Euxino per Colchidem, quæ olim dicebatur Terra Hevilath, ubi aurum totius Mundi optimum, & ex ipso etiam Phasi fluvio colligebatur velleribus ovium, quibus granula auri per torques & præcipitia jam purgati adhærescebant: indeq; nata est iis in locis fabula de vellere aureo. Quare

Notabis 2. Non in Chaldæa prope Babylonem, sed

In Armenia, ad montem hunc *Pariardem*, positum olim fuisse Paradisum Terrestrum; siquidem huic loco solum ea conveniunt, quæ leguntur in Scriptura de Fluvio, cujus erumpentes aquæ post aliquod spatium dividuntur in 4 Flumina, seu Fluviorum capita, quorum duo, sine controversia, sunt Tigris & Euphrates: docetque Moyse, duo alia Flumina ab eorum fontibus & à Paradiso non procul distare. Ac proinde Phison cum Gange, qui per Indiam, tota interjecta Perside; aut Geon cum Nilo, qui per Africam fluit; non potest confundi; quod tamen faciunt Autores contrariæ sententiæ; istudque fusius demonstratur in descriptione Asiæ nuper edita.

Africa immensos continet fluvios, quos inter, reputatur nobilissimus Nilus, septem ostiis in Mediterraneum sese exonerans; redditque sæcundissimam Ægyptum sua inundatione, quæ 40 diebus crescit, totidemque decrescit à die circiter 17 Junii, usque ad 7 Octobris. Apud hunc Fluvium conditus est Memphis, Ægypti caput, quod nunc dicitur Cairum, urbs stupendæ magnitudinis; cui secunda est in illis regionibus Alexandria, olim splendida, atque opulenta, nuncque etiam celeberrimum Emporium.

Si Nilum exceperis, alios magnitudine superat Niger, cujus accolæ & Nigritæ vocitantur.

In Orbe Novo, seu America, perinsignis est Fluvius Sancti Laurentii ad partes Americæ Septentrionales, & ad Novam Franciam.

Aliunde enim ad Americam meridiionalem est Fluvius Argenteus, seu *de la Plata*; tum alter, qui dicitur Amazonum, & *de Maragnon*.

CAP. XII.

*Terræ descriptio respectivè ad Cælum; & de variis
ejus incolis.*

DUobus modis considerari potest Terraqueus Globus, ipsiusque Regionēs. Primo, quatenus inter se ordinem habent: Secundo, respectivè ad Cælum; nam per respectum ad varias Cœli partes, quibus responder, solet dividj. Quo pacto

Dico 1. Terra dividitur quinque in Zonas; tum varia in Climata, quemadmodum jam explicui in *Treatatu de Sphæra Cœlesti, cap. 2. sub finem.*

Notandumque est, nullam esse ex iis Zonis, quæ undequaque incoli non possit. Probat 1. de torrida; quia de facto illam habitant in Asia Indi, in Africa Æthiopes in America Brasilienses, & Peruviani. Scribitque Josephus à Costa, Lib. De natura novi Orbis, non esse in mundo Regionem temperatorem Peruvianam. Cujus quidem experientiæ rationes affert 1. Quia cum noctes diebus sint ibi fere æquales, nocturnum frigus diurnum calorem temperat. 2. Illa regio pluviis abundat, ex vaporum copia, quæ à mari circumfuso educitur. 3. Temperatur maxime à ventis regionem illam perflantibus. Probat 2. de zona frigida, ex Historia Olai Magni; Narranteque Hollandi recentiores, qui ad Polum Arcticum navigarunt, frigus illius regionis variis ex causis particularibus leniri. Neque obstat nox quinque, vel sex mensium, non enim adeo est obscura, quin semper lucis aliquid affulgeat. Imo per 4 ex illis mensibus nocturnis, est perpetuum crepusculum. Item, quæ Dei in illos est providentiâ, copiam habent lignorum, non tantum quibus arceant frigus, sed etiam quibus aprissimas faces conficiant.

Dico 2. Incolæ Terrarum, ratione umbræ, quam ex oppositione ad Solem profunduat, triplicis sunt generis. primo enim sunt Amphiscii, ut qui Zonâ Torridam

Inter utrumque Tropicum habitant: iis enim umbræ Meridianæ diversis anni temporibus modo in Austrum, modo in Septentrionem porriguntur. 2. Sunt Heterosceli, qui versus unum duntaxat Polum umbram Meridianam projiciunt: ut in zona temperata. 3. Denique sub Polis sunt Perisclii, quibus umbra in orbem circumagitur.

Dico 3. Ratione situs aliquo modo oppositi, sunt etiam triplicis generis incolæ, quos licet contemplari in *fig. 7. tab. 4.*

Primo enim Perioeci, qui sub eodem Parallelo, & Meridiano, punctis tamen ejusdem Paralleli diametraliter oppositis habitant. Ut *e & f*, vel ut *c d*, aut *g h*.

2. Antœci, qui sub Parallelis utrinque ab Æquatore æqualiter distant, & sub eodem Meridiano habitant. Ut *e & g*, vel *f & h*.

3. Denique sunt Antipodes, seu Antichtones, qui è Diametro Terræ opponuntur; & consequenter sub eodem sunt Meridiano, & Parallelis utrinque ab Æquatore æqualiter distantibus, ut *e & h*, vel *g & f*. Hi, contrariis semper temporibus, habent diem & noctem. Tum, qui habitant extra Zonam Torridam, habent quoque contrariis temporibus Æstatem & Hyemem.

CAP. XIII.

Præcis Geographica.

Plures habet utilitates Terrarum facta descriptio in Globo, quam in plana superficie. Primo, quia majorem habet cum ipso Terræ Globo similitudinem. 2. In Globo facile investigari possunt locorum distantia; quemadmodum ostendam postea. 3. In Globo cognosci potest commode situs Cœlestis cujuscunque loci, nempe sub quo Parallelo existat, & quam habeat Poli elevationem: quas habeat Stellas aut verticales, aliasve conspicuas, aut quæ sint perpetuæ occultationis. Item, quam

SPHÆRA TERRESTRIS. 251

quam longa, aut brevis sit alicui loco dies, pro dato anni tempore ; aliaque id genus.

Problema I.

Designare locum civitatis alicujus in Globo Terrestri.

Suppono in illo Globo esse designatos Mundi Meridianos, ad singulos saltem gradus ; Tum pariter & descriptos singulos parallellos. Item,

Suppono tibi esse notum longitudinis, tum latitudinis gradum civitatis illius. *Exempli causa.* Habeat 20. gr. longitudinis, latitudinis autem 40. Quære in Globo 20 Meridianum & quadragesimum parallelum ; tum in intersectione duorum ejusmodi Circulorum statues esse quæsitum locum.

Probl. II.

Invenire duorum ejusmodi locorum, seu civitatum, distantiam.

Praxis. Extende circinum ad utrumque istum locum in Globo designatum : deinde illam extensionem applica ad Circulum Æquinoctialem descriptum in eodem Globo, ut inde intelligas, quot gradibus duæ illæ civitates distent inter sese. Ac tandem gradus inventos multiplica per 30. sic enim assequeris numerum leucarum isti spatio æquivalentem.

Probl. III.

Diversa Climata definire.

Suppono, Clima esse spatium circa Mundum, intra duos parallellos ; in cujus extremo, versus Polum, dies Anni maxima, seu dies Solstitialis longior est hora dimidia, quam in altero extremo ad Æquatorem. Diversitates autem illas dierum Solstitialium, per semihoras crescentium pro singulis Orbis Terrestris partibus habebis beneficio Globi Terrestris materialis, supposita praxi de inventiunda quantitate diei artificialis, pro quovis Anni tempore, quam exposui in Chronologia, cap. ultimo,

mo, Problemate XIII. Sic enim agitare debes Globum illum, dum invenias arcum diurnum semihora longiorem, quam qui est jam assignatus ad Aequatorem. Atque illo quidem invento, observa, quænam illi respondeat Poli altitudo; tum statues, istud Clima definiendum esse ad illum parallelum in mundo, sub quo reperitur talis Poli altitudo. *Exempli causa.* In urbe Agra, Regni Mogoris, dies Solstitialis reperitur esse horarum 13 cum quadrante, sub altitudine Poli, gradum 24 cum minutis 46.

Hierosolymæ, in Palæstina, est hor. 13 cum dimidia, sub altitudine gr. 31. minut. 36.

Alexandriæ, in Ægypto, est hor. 14. sub alt. grad. 30.

Olyssipone, in Lusitania, est hor. 14. cum dimidia, sub altit. gr. 38. m. 30.

Madridi, hor. 14. cum 3 quadr. sub alt. gr. 40.

Romæ, hor. 15. cum quadrante, sub alt. gr. 42. circiter, uti & Constantinopoli, in Græcia.

Lutetiæ, in Gallia, est hor. 15. & semis. sub. alt. gr. 48. m. 29.

Vienæ, in Austria, hor. 15. cum 3. quadr. sub alt. gr. 48. circiter.

Coloniz, in Germania, est hor. 16. sub alt. gr. 51.

Pragæ, in Bohemia, hor. 16. cum Quadrante, sub alt. gr. 50. m. 33. uti & Cracoviz in Polonia.

Londini, in Anglia, est hor. 16. & semis, sub alt. gr. 52.

Amsterodami, in Belgio, est hor. 16, cum 3 quad. sub alt. 53.

Gedani, in Prussia, est hor. 17. sub alt. gr. 54. m. 30; uti & Vilnæ in Lithuania.

Smolenski, in Polonia, hor. 17. cum quad. sub alt. gr. 55. m. 30.

Moschoviz, in Russia, Imperii Moschovici Provinciæ, est hor. 17. & semis, sub alt. gr. 56. m. 37. perinde ac Edimburgi, in Scotia.

Hafniæ, in Dania, est hor. 17. cum 3. quad. sub alt. gr. 57. m. 30.

Stochol-

SPHÆRA TERRESTRIS. 253

Stocholmiæ, in Suecia, est hor. 18. sub alt. gr. 58.
m. 30.

Apud Orcades supra Scotiam, est hor. 18. & semis,
sub alt. gr. 60.

Vassæ, in Finlandia, 20. hor. sub alt. gr. 64.

Tornæ, in Bornia Sueciæ, hor. 22. sub alt. gr. 66.

Volingæ, in Moschovia, hor. 23. sub alt. gr. 66. m. 20.

Holæ, in Islandia, ad Circulum Arcticum, hor. 24.
sub alt. gr. 66. m. 30.

Notabis vero, denominari solere Climata, non tantum ex numero, *primum, secundum, &c.* Sed potius ex illustrioribus locis, quæ in iis reperiuntur, & per quæ dicuntur traduci. Quemadmodum apud veteres ducebatur *per Meroën, per Alexandriam, per Rhodum, &c.* Atque ita nunc illa etiam designare possumus per loca, quæ nostris temporibus insigniora sunt. *Exempli causa. Per Goam, in India: per Nicosiam in Insula Cypro, sub alt. gr. 3. m. 30. per Panormum, in Sicilia, sub alt. gr. 39.*

Notandumque est, eas urbes, quas repereris ejusdem esse altitudinis Polaris cum superioribus, revocari debere ad eadem Climata. Quanquam

Notabis etiam me nihil certe tradere de Polari altitudine, quam modo civitatibus diversis adscribebam; cum Autores ex quibus petuntur, hac in re multum inter se dissideant; nec afferri à me, nisi ad exemplum methodi illius, qua definiuntur Climata.

Hic apponendæ sunt Tabule.

INSTITUTIO MATHEMATICÆ.

OPTICA.

P R Æ F A T I O.

Phyfici quidem per se est instituti, visus contemplatio. Et uero in Tractatu de Anima Sensitiva, Disput. 3. ubi de sensu videndi, naturam potentie visivæ, tum naturam Luminis, ac Coloris, quæ ipsius objectum constituunt, de more prosecuti sumus. Cum tamen ea, quæ ad Visionem spectant, sæpe rationibus Geometricis explicentur, ideo Mathematicis Disciplinas adjungi solet hæc Tractatio, quam, à Græca voce, Opticam nominant: tresque in partes, pro diverso genere visionis, tribuitur.

Prima, servato facultatis totius nomine communi, vocatur Optica, de visione directâ, seu quatenus lineis rectis in rem propositam tendit.

2. Est Catoptrica, de speculis, seu de visione reflectâ, beneficio speculi ad oculum imagines remittentis.


3. De-

PRO OF THE




15

PRO OPTICA. I.



PRO OPTICA II



quam
fit at
fra di
alii
vam
juxta
spec
tem
suffi

3. Denique est Dioptrica, de visione refracta, quando videlicet rerum species per dissimilia in densitate diaphana transmissæ, non rectis, sed quasi refractis radiis ad oculum diriguntur. Huc addunt alii eam, quam speciali nomine appellant Perspectivam, quæ modum tradit rerum delineandarum, juxta rationem & proportionem, qua fiunt oculis spectabiles; spectatque ad Picturam. Quæ autem Philosophiæ ac Mathematicæ Tyroni instituendo sufficiant, paucis capitibus aperio.

INSTI-

INSTITUTIO MATHEMATICÆ.

OPTICA.

CAP. I.

Visionis Organum.

HÆ partes numerari imprimis solent, quæ oculum constituunt. Nempe ex tunica, humores tres, nervi duo, qui visorii, seu optici appellantur : ac denique muscoli septem : quæ in appposito schemate *fig. 1.* contemplari commode liceat : ne quid dicam de adipe, & glandula, ex quibus etiam bulbus oculi compactus cernitur. Quia vero ex ipsis nervis prodire videntur oculi, ut inde rei hujus tractandæ faciam initium;

Dico. 1. Nervi optici producuntur ab anteriori parte cerebri, indeque aliquantulum progressi conjunguntur, tum rursus ab invicem discedunt, ita ut referant aliquam ratione formam X. *ut ostenditur in 2. fig. Tabulæ huic Tractatui destinatæ, & initio appositæ.*

Notabis autem, utrumque hunc opticum nervum, quasi vestiri unica duplici, quarum altera est particula illius membranz cerebri, quam vocant *piam matrem*: altera vero est *duræ matris* : à quibus quidem tunicis, & ab ipsis nervis opticis prodeunt tunica variz, ex quibus oculi constant. Nam

Dico 2. Ex ipsa nervi substantia quasi dilatata, & quasi

quasi filamentis variis intertexta per modum retis, prodit tunica, quæ idcirco *Reticularis*, seu *Retina* appellatur. Tum 2. ex pia matre oritur ea, quæ à calore acini uvæ nigræ, nominatur *Uvea*: sicque involvit oculum, ut tamen in anteriori parte foramen habeat humori crystallino directe respondens, per quod, veluti per fenestram, suscipiantur species ab objectis transmissæ, vocantque *pupillam*: quanquam alii cum Aristotele pupillam etiam sumunt pro ipso Crystallino. 3. Ex dura matre propagatur ea, quæ à duritie simul & diaphaneitate solet appellari *cornea*, omnemque ambit oculum. Quatenus tamen continuatur, vestiturque posteriorem oculi partem, ab aliis vocatur *Sclerotica* & *consolidativa*. Huic autem inducitur totum ferme oculum vestiens, quæ vocatur *adnata*: nasciturque à pericranio, cum ipso cranio intra propriam cavitatem totum oculi corpus conjungens, quamobrem nominatur & *conjunctiva*. Quatenus autem ad anteriorem oculi partem fere omnem extenditur usque ad Iridem, vocatur *album oculi*; habetque aliquas venulas, arteriasque exiguas, sicut & Uvea, quibus sanguinem alimentitium excipit.

Notabis igitur, in ista tunica existere foramen, per quod pupilla, & pars Uvæ retegitur in modum circuli; qui circulos ob varios colores nominatur *Iris*; dicimusque oculos habere vel nigros, vel admixta viriditate glaucos, vel cæcios, id est, coloris Cœlestis, ubi aliquis ex iis coloribus in Iride veluti prædominatur.

Dico 3. In oculo tria sunt humorum genera. Primus ac præcipuus est *glacialis*, seu *crystallinus*, cujus quidem, Autore Fernello, formæ anterior lentis in partem compressa esse solet; posterior vero magis Sphærica. Huc cingit tunica instar telæ aranæ tenuissima, ideoque vocata *Arachnoides*. Secundus est in posteriori parte, quæ à similitudine vitri fusi, vocant vitreum; contineturque tunica, quam *byaloidem* nominant: Huic autem humori *crystallinus* quasi media sui parte immergitur. Superestque tandem tertius ille humor in anteri-

258 INSTIT. MATHEMAT.

ori parte sub cornea tunica, & aliis adjacentibus comprehensus, quem *aqueum*, & ob similitudinem cum ovi albumine, *albugineum* nominant; quo utroque humore, tanquam molli strato, crystallinus utrinque sustinetur, humectaturque, ne ab interiori calore nimio patiatur offensam.

Ipse vero crystallinus utrinque per latera quasi appenditur, annectiturque Uveæ, beneficio fibrarum, quas vocant *processus ciliares*. Ac per istas quidem fibras vel dilatur, vel constringitur, prout exigit objecti distantia; quemadmodum postea explicabimus. Item apparet esse nigri coloris, ob interioris regionis obscuritatem, & propter Uveam retro positam.

Notandumque est 1. ex dictis, oculos originem trahere ex cerebro, cum ab eo prodeant, tanquam à communi sentiendi principio non modo nervi, & spiritus visorii, sed etiam præcipue ex membranis, quibus constituitur.

Not. 2. Ex Laurentio, membranas illas revocari posse ad sex, siquidem cornea & sclerodes, quomodo Uvea & choroides confundi possunt, solaque hic est disputatio de nomine, re salva atque integra.

Dico 4. Singuli ex oculis habent musculos 7: quorum duo oculum ipsum movent sursum, ac deorsum; duo dextrosum, ac sinistrosum; duo circumferunt; atque uno denique sustinetur, ut obitum figat.

Omitto reliquas, quæ dicuntur minus præcipue oculi partes; ita enim singuli habent binos angulos, quorum is qui vocatur internus & canthus ad nares positus, continet glandulam, qua humor à cerebro defluens excipitur, unde fluunt lachrymæ. Alioquin consumptis illis glandulis oritur lippitudo perpetua.

Adipem adjecit Natura, ut tanquam lana obvolutus oculus, mollius intra suam orbitam recumberet movereturque; quo etiam muscoli infarcirentur. Quid enim dicam de aliis oculi partibus, quæ dicuntur exteriores. Palpebræ positæ sunt contra improvisos luminis, venti, sumi ac pulveris ineursus; adde quod necessariæ sunt ad justiore

justiorem radorum directionem. Cilia & supercilia instituta sunt ad oculorum præsidia, aliasque utilitates, quas recensere hoc loco foret supervacaneum.

C A P. II.

Quomodo, & qua in parte oculi, fiat visio.

Dico 1. *Contra Platonem & Galenum*, Visio non fit per extramissionem aut luminis alicujus, aut spirituum visualium ab oculo ad objectum. *Prob.* Quia explicari non potest, qua ratione, ubi Cœlum intuemur, tanta vel luminis, vel spiritus animalis copia ex oculo ad tantam distantiam, & tam immensa spatia, tam in instanti profundatur. Quare

Dico 2. *Ex Aristotelis doctrina.* Visio fit per intus-susceptionem specierum ab objecto in oculum transmissarum, quæ potentiam visivam de se indifferentem determinent; ut habetur in *Physica, Disput. de Specie intentionali*. Neque vero frustra est illa colorum intentionalium emanatio, quam fieri ab objectis experimur. Item, neque aliunde ratio visionis reflexæ aut refractæ peti potest, &c. Porro

Dico 3. Sedes potentiz visivæ, & visionis, non est concursus nervorum opticorum. Nam eo directe ferri ab objecto species nequirent. Item, Nulla est ratio, cur istud asserant adversarii, ne, inquiunt, explicari non possit, cur objecto viso per duplicem oculum, idcirco non fiat geminata visio. Nam Vesalius scribit, se vidisse hominem, qui nervos opticos ab invicem omni ex parte disjunctos habuerat, cum tamen, quamdiu vixit, illa difficultate nunquam laborasset.

Item 2. Potentiz visivæ & visionis sedes, non est humor crystallinus. Ea enim est in parte, quæ potest ab objectis recipere species ordinatas, easque terminare. Atqui in humore crystallino nec terminari possunt, quando-

quandoquidem est corpus perfecte diaphanum; neque ipsum permeant, nisi confuse. Quare cum illa oculi pars sit organum visionis, in qua species objectorum Vicariæ distincte recipiuntur, jungunturque spiritibus visoribus.

Dico 4. Statuenda est porius in Retina: non modo quia commodius, & majori copia recipit spiritum animale ad visionem necessarium, cum exeat immediate à nervo optico; sed maxime quia species objectorum in ea tantum sistuntur; & in ea tantum distinctionem inter se, atque ordinem servant. Certe res per proportionem hic se habet, ut in illa celebri experientia, quam *figur. 8.* designavimus, ubi per foramen lente vitrea instructum species objectorum transmittuntur intra cubiculum clausum, & in appensa charta recipiuntur, terminanturque; cum in ipso foramine ad quod omni ex parte objecti simul concurrunt confundantur: quod à pari sentiendum est de crystallino, & de Retina: neque etiam alioquin explicari possent multa, quæ passim occurrunt in opticis, ut suis locis videbimus. At

Not. 1. Species illas, etsi ab objectis profundantur undequaque in Sphæram, juxta leges omnium agentium naturalium; non excipi tamen ab oculo, nisi sub forma quadam conica, quam vulgo appellant conum opticum; cujus basis est in oculo, vertex autem in objecto; nihilque videri nisi sub ejusmodi cono optico, cujus quidem axis est illa linea, quæ à vertice ducitur perpendiculariter ad basim; quod maxime observari debet, cum vulgo dicant, visionem distinctam non fieri nisi ad illum axem. Item,

Not. 2. Objecti partes, aut potius, ut vulgo loquuntur, puncta singula veluti radiare per lineas rectas, unde in oculo ad oppositas Retinæ partes terminentur. Quamobrem ubi omnes illi radii ab objecto undequaque ad pupillam oculi confluunt, in ea sic dicuntur decussari, & divaricari; tum divergere ad propria & directe opposita Retinæ puncta, ut quæ sunt superiora in objecto, terminentur in partibus Retinæ inferioribus; & è contra,

tra, uti videre est *in fig. 3.* Quamobrem si laminam chartaceam perforatam oculo propius admoveris, per quam duo luminaria distantia, aut quippiam aliud perspexeris; si laminam aliam interponas à dextris, illa sinistrum luminare teger. At quamvis imago objecti hac ratione situ inverso depingatur in oculo, non ideo tamen res videntur situ inverso; quia potentia concurrens ad visionem, non apprehendit objectum, nisi secundum lineas, quibus partes oppositæ radiant in Retinam, & ad eam terminantur. Quinetiam, ut statuatur de omnibus & singulis objecti punctis, id quod explicatur de aliquo uno;

Not. 3. Punctum istiusmodi, quod vulgo appellant *Punctum opticum*, etsi more agentium naturalium in sphæram agat, unde & videri undequaque potest, in oculum tamen non ingredi nisi sub radiatione conica, cujus apex est in puncto illo, basis autem in superficie oculi, uti videre est *in fig. 5.* Sed

Not. 4. Radios ex puncto illo profusos in oculum non pervenire ad Retinam, nisi cum refractione. Nempe franguntur in ingressu oculi, & maxime in crystallino, quia sic incurrunt in medium diversæ densitatis ab aëre: nec consequenter à crystallino transmitti ad perpendiculararem refractos, & cum axe conici sui coeuntes in uno retinæ puncto. Quare

Not. 5. Hic duos omnino conos effici; quorum alter est externus & directus, cujus scilicet apex est in puncto optico, basis autem in oculo; alter vero est internus & refractus, qui basim quidem communem habet cum externo, seu directo; sed verticem profert Retinam versus: Duoque illi coni, tum directus, tum refractus, constituunt irradiationem, seu figuram illam totalem, quæ à puncto visibili, seu optico producit usque ad punctum Retinæ. Atque istam quidem figuram vocant *opticum penicillum*, per analogiam ad penicillum pictoris, quia beneficio illius irradiationis, tanquam penicillo quodam objectum sese in oculo depingit. Porro illa doctrina supposita, ut statuam de illo genere modi, quo fit visio:

Dico

Dico 5. Fieri in Retina per picturam objecti, uti exhibuimus in *fig. 3.* Sicque omnino depingi necesse est, qua proportionem objecta externa depinguntur in charta, juxta experientiam jam laudatam, quam designavi in *fig. 8.* ut patet ex dictis.

Notandumque est Idcirco ad Retinam confluere maxime spiritus animales per nervum opticum, à quo propagatur ipsa Retina. Sed

Not. 2. Nervi optici orificium ad latus duntaxat, non autem in medio Retinæ esse dispositum; ut patet in figura descripta, ne pars imaginis, quæ producitur ab objecto perpendiculariter opposito incideret in illud orificium; atque hoc modo pictura ipsius imaginis turbaretur. Porro

Notabis 3. Visionem illam esse vel perfectam, vel imperfectam: Perfecta dicitur, quæ clara est, & distincta; unde scilicet res ita repræsentetur, ut ab alia quacunque facile discerni possit. Contra autem est de imperfecta, & confusa. Insinuatumque est supra, ad Assert. 4. quemadmodum visio non fiat distincte, nisi ad conf visualis axem oculo perpendicularem, cum reliquæ objecti visi partes eo cernantur magis confuse, quo longius recedunt à puncto axis visualis, seu optici. Eamque etiam ob causam, ut distincte res aliqua secundum omnes partes cognoscatur, ad eas partes singulas debemus applicare axem visorium; qua ratione legendo librum, lineas syllabatim percurrimus. Item, eam quoque ob causam res minuta, quæ in pavementum excidit, difficilius à nobis reperitur, quia non ita facile axis visorius in eam cadere potest. Confusa autem est visio, quando species in organo recipiuntur sine objecti pictura distincta, & clara; vel quando objectum in diversis Retinæ partibus depingitur, ut dicam postea.

C A P. III.

Conditiones ad visionem ex parte organi.

Dico 1. Ad visionem perfectam requiritur oculi sanitas : alioqui prava ejus affectio tam præstantem hanc animæ sensitivæ operationem infestat. Ut Glaucoma, quod afunt esse malum immedicabile ; ubi scilicet humor crySTALLINUS nativum colorem exult. Item suffusio, nempe humoris concretio quædam à cerebro delapsa, qualis est fluxus flavæ bills in Ictericis ; vel sanguinis in ophthalmicis. Item, si cornea durior densiorque evaserit, ut in senibus, obsistet radiis visibilibus. Et sic per proportionem de aliis.

Suppono vero ex doctrina capitis superioris ; visionem fieri per picturam objecti in Retina, cui subrenditur Choroides & Uvea, ut ipsam Retinam firmet, soveatque ; tum ut sistat species, lucisque ingressui nimio interdicit, nigredinis sibi inditæ beneficio. Atque his suppositis ;

Dico 2. Pupillæ officium est sic admittere intra oculum objecti species, ac ~~veluti~~ radios, ut facta eorum decussatione, ad diversas Retinæ partes destinentur, unde consequenter existat objecti pictura legitima. Quare

Not. 1. Eam ob causam, pupillam, quam diximus esse foramen Uvæ, vocari fenestram oculi ; estque in hominibus formæ rotundæ ; in multis aliis animantium generibus, ut in equis, & felibus formæ oblongioris. Item,

Not. 2. Eam habere vim Sphincteris, qua dilatari possit, aut constringi, non quidem pro arbitratu, sed impellente necessitate. Ubi enim lux tenuior fuerit, dilatatur, ut magis affluat : contra autem si vehementior offendant oculos, coarctatur ut minus subintret. Imo, si pupillæ constrictio ejusmodi non sufficit impediendo majorem lumini, connivent oculi demissis palpebris, ut ea ratione debilitatum Lumen offensam nullam inferat, speciesque intus susceptas non diluat ; cui incommodo

sunt obnoxii Myopes; id est, qui visum obtusum, seu breviorē habent.

Not. 3. Vim illam dilatandi & coarctandi sese, non esse à musculo annulari, qualis est musculus Sphincteris, sed à virtute ipsius membranæ propriæ; cuiusmodi etiam videtur reperiri in corde pro diastole & systole. Vel certe, ut habet Riolanus, adiectus est illi foramini circulus quidam membranosus, qui de facto scalpelli cuspe orbiculatim obducitur, quod etiam in oculo ebullito manifestius deprehenditur. At probabilius est in eiusmodi circulo positam esse vim illam, unde pupilla contrahitur, dilataturve.

Dico 3. Ad pupillam præsto sunt humores, quos inter præcipuum locum obtinet CrySTALLINUS. Horum autem utilitas est, ut collectis objectorum radiis, & in sua puncta rite destinatis, picturam efficiant saturiorem, vegetioremque; tum, quod alii docent, ut aspectus non modo longius, sed etiam latius pateat, deductis radiis lateralibus pyramidis opticae, qua de re postea; tum denique hunc usum habet CrySTALLINUS, ut modo adducat, modo longius producat apicem conii refracti, unde formetur distincta visio.

Notandum enim est 1. Tunc solum fieri visionem distinctam, cum apex conii refracti incidit in Retinam, ut in fig. 5. Alioquin si apex ille conii refracti ultra Retinam tendat, ut in fig. 4. tunc visio est tantum confusa: sic enim idem objecti visibilis punctum in diversis Retinæ partibus, per diversos radios depingitur. Item fit etiam visio solum confusa, ubi apex conii refracti est citra Retinam, magisque accedit ad CrySTALLINUM; ut in fig. 6. Tunc enim ab illo apice seu puncto concursus, divergunt radii puncti ejusdem visibilis in diversas Retinæ partes, ideoque pictura illa fit latior & dilutior. Certe, ut jam monui, perinde per proportionem hic contingit, ac in charta clausi cubiculi, juxta experientiam jam supra citatam. Nam objecti pictura tunc in ea charta est distincta, quando justam servat distantiam à foramine, & lente vitrea: alioquin penitus

con-

confusa redditur, si vel propius admoveatur, vel removeatur longius. Quare

Not. 2. Oculum sese componere ad perfectam visionem, tum per motum pupillæ, illam vel contrahendo, vel dilatando: tum etiam maxime per Crystallinum, hunc vel dilatando, ac veluti complanando; vel conglobando, ut justam tribuat distantiam vertici coni refracti; is enim est effectus Crystallini, perinde ac lentis vitreæ, prout diversas ejusmodi formas accipit. Quam ob causam Natura Crystallinum filamentis quibusdam, quos processus ciliares vocant, quasi vinculis adstrinxit, ut eorum beneficio contraheretur dilatareturve pro rei exigentia. Ut ergo lens vitrea, quo fuerit globosior, magis ad se contrahit apicem coni refracti, ita Crystallinus globosior illum quoque retrahit citra Retinam, efficitque penicillum breviorum; quod etiam contingit, si abundet humor albugineus, unde figuram omphaloptræ veluti assequatur. Quamobrem ut curetur istud vitium, resque ad naturalem aspectum revertentur, opus est myoptra. Quod quidem dioptræ, seu specilli genus, est in medio excavatum, resque repræsentat minores, quam libero oculo videantur; cum è contra, omphaloptra in medio quam in ambitu crassior sit, resque repræsentet majores, quam libero cernantur oculo.

Notabis igitur 3. Cum sit contrariorum contraria ratio, & contrariis hac ratione cutentur contraria; qui planiorem habent Crystallinum, aut quibus humor Albugineus in medio, quam circa ambitum est tenuior, his porrigitur apex coni refracti ultra retinam, resque videntur quo minores, nec satis clare & liquido, si cominus positæ fuerint; ideoque habent opus omphaloptra. Secus vero myopes, quod nihil eminus, & liquido videntur, adhibere debent myoptram, seu specillum in medio concavum. Quare

Notabis 4. Crystallinum esse in oculo instar specilli cujusdam naturalis, cujus defectus emendari possit adhibendo specillum artificiale rationis contrariæ.

Dico 4. Hanc in organo visionis conditionem reperiri convenit, ut sit Sphæricum. Sic enim ob convexam superficiem undecunque species commodius excipit, ut latius etiam pateat aspectus. Deinde illa figura est maxime omnium capax ad continendos humores; ut in Geometria offendimus *de figuris Isoperimetris*. Item aptissima est ad motum, qui fit in loco, minusque est læsioni obnoxia, cum angulum prominentem nullum habeat.

Dico 5. Visio ab utroque oculo clarior, distinctior, perfectiorque est, quam si eliciatur tantum sub alterutro. *Prob.* quia utrique oculo propria videndi facultas inest: cum igitur constet duarum simul causarum efficientiam esse majorem, quam unius; sequitur perfectiorem esse visionem unius objecti ab utroque oculo, quam ab unico tantum. Unde profluxit commune illud dictum, *Plus vident oculi, quam oculus*. *Confir.* experientia. Quia potest quis utroque oculo legere ex certo aliquo intervallo minores characteres; quos tamen alterutro solum adhibito percipere non poterit. Quinetiam oculo uno diutius intuentes, visu deficiunt; ut patet experientia.

Objic. Galenus, & Aristot. *In Problem.* alunt, obducto uno oculo, totum spiritum derivari in alterum; unde necesse sit fieri intuitum perfectiorem, quam in utroque simul. R. 1. Quod spectat ad Aristotelem, ibi tantum loqui Problematice, tum ex sua, tum ex aliorum sententia; nihilque definire. R. 2. Non est certum, clauso altero oculo, totum spiritum defluere in alterum. At quamvis illud suppono, non inde sequeretur visionem ab illo oculo perfectiorem fore, quam à duobus simul: quia visio non superat perfectionem spiritus, qui in duobus illis futurus esset.

Inst. Qui in scopum collimant, obducunt alterum oculum, ut altero melius videre possint. R. Non ut absolute melius, sed ut directius: quia duorum simul oculorum radii per diaviscum, *la visiere*, ad scopum traduci nequeunt. Unde si uterque oculus tunc in objectum intenderet, scopus, aut diaviscus geminus appareret, non sine confusione.

Notabis

Notabis igitur, non tantum ad ornatum animali duos esse concessos oculos, sed etiam ad maiorem utilitatem, imo & necessitatem; siquidem (ut observat Aguilonius) sæpe distantiam definire, per se unus oculus non potest. Quà ratione aperto solum altero oculo, globulum ex filo pendulum certo attingere in transversum summitate alicujus indicis vix potes; aut filum in foramen acus transversum immittere: quod oritur maxime ex ignorantia distantia.

Dico præterea 6. Sic inter se consentiunt oculi ambo, ut uno moto, alterum in eandem partem similiter per se moveri necesse sit. Probatum enim experientia, non posse nisi ex morbo in oppositas partes distrahi. Atque iste quidem consensus videtur nasci ex consensu nervorum opticomum, qui simili modo à facultate animali afficiantur, & animale spiritum in duos simul oculos derivent. Prætermitto enim quod alii non ita probabiliter hanc in rem adjiciunt, oriri illud ex consensu aliquo musculorum moventium; quo pacto per proportionem digitus auricularis plicari non potest, quin proximus illi digitus similiter inflectatur.

Dico 7. Etsi in idem objectum duo simul oculi intendant, non ideo tamen bis videtur, seu geminatum, quomodo nec idem verbum bis auditur, etsi percipiatur duabus simul auribus. Ratio de visione hæc est, quia objectum eodem modo, & eadem, seu simili in parte & situ pingitur in utraque Retina; unde consequenter apprehenditur eodem modo, & tanquam idem à sensu interno. Alioquin ut sit ope perspicilli multarum facierum, cum varias in Retinæ partes ejusdem objecti species transmittitur, apparet tanquam multiplex. Item, eandem ob causam, si per laminam chartaceam, in qua sint plura foramina, signum aliquod v.g. lucidum intueris, illud triplex apparebit.

Notandumque est consequenter, illud, quod explicatur in Physica Part. *Tract. de Anim. sens. Diss. 1. C. 2.* nempe visionis, auditionis, aut externæ sensationis cu-

juscunque actum perfici in Cerebro, quod sine concursu interno sensus, quem communem appellant, non eliciatur; indeque per unitatem rei aut visæ, aut auditæ, licet in duplici organo sensatio illius externa fiat. Nec aliam ob causam, per speciem tam parvæ extensionis depictam in oculo, judicatur de corporum magnitudine, distantia, aliisque id genus; quæ postremis hujus Disput. capitibus explicantur.

CAP. IV.

Conditiones ad visionem ex parte objecti.

Dico 1. Visibile, nisi lumine illustretur, non apparet. Hoc satis patet experientia. Quam ob causam ostendimus in Physica, colorem non esse objectum visus proprium, nisi secundarium; nec fieri actu spectabilem, nisi luce persusum. Neque vero etiam color per medium, & ad oculum, sui speciem intentionalem profundit, nisi in eo supponatur aliquod lumen, quantumvis tenue, ut contingit illis, qui ex puri fundo, & mediis in tenebris Stellas Cœli perspiciunt. Item

Dico 2. Objectum visibile debet esse opacum. Quia, ut patet experientia, visus in eo quod cernitur, terminari debet. Ergo illud debet esse opacum. Nam pure diaphanum, nihilque habens opacitatis, omnino pervium est visui, ipsamque non sistit. Item,

Dico 3. Objectum visibile debet habere aliquam magnitudinem sensibilem. Probatur experientia. Quia, causis materialibus non est alia vis insita, quam ut agant modo corporeo, & juxta quandam materiæ, seu subjecti extensionem. Sic enim, ut observat laudatus autor, in majori parte corporis, major virtus, in minore minor duntaxat reperitur, in atomo indivisibilis ac nulla. Ergo objectum visibile idoneam non habens extensionem, speciem sui sufficienter ad oculum profundere non potest. Item, nec oculus speciem potest recipere, nisi certo modo

modo extensam, ob allatam rationem. Huc etiam refertur, quod vulgo aiunt, visionem non fieri nisi per Pyramidem, cujus basis constituatur in objecto, vertex autem in oculo. Ac proinde,

Notabis diligenter, res illas apparere majores, quarum opticae Pyramides habent in vertice angulos majores; & è contra. Nam ut illorum angulorum radii laterales divaricantur, ita cæteris paribus necesse est apparere majorem basim angulo majori obtensam. Quare si anguli illi sic decrescant, ut lineæ laterales opticam Pyramidem constituentes videantur colre, inde sequetur ab illis nullam comprehendere basim visibilem, saltem apparentem; ac proinde nullum apparebit objectum.

Dico 4. Visus quidem, quantum est de se, infinite extenditur; quatenus visio non fit emissionem, sed in ussuscceptione specierum, quas perinde oculus in se potest recipere ex longissimo spatio, ac si profunderentur ex propinquo. At quantum est ex parte objecti,

Dico 5. Nulla res videtur nisi ex certa distantia. Non enim potest objectum sui speciem emittere ad quodlibet spatium, quandoquidem est finitæ virtutis. Item, res semper apparet minor, quo longius distat, quia semper videtur sub minori & minori angulo, quemadmodum unicuique per se patet, dum res à se distans contemplatur. Item, ut loquitur Arist. sensibile positum supra sensum, non facit sensationem. Quare, quæ sunt in oculo, ab ipso oculo non videntur, directe saltem, nec lumen, aut species ipsi impressa, sed tantum hujus beneficio, ea quæ distant. Patetque omnium experientia, quemadmodum inter visum & visibile debeat intercedere aliquod medium. Item, ut res videatur distincte & accurate, non debet nimis prope ad oculos admoveri; ut patet de acicula, quæ sic multo crassior & quasi diaphana appareret. Ratio est, quia si propius objectum accedit ad oculum, vertex coni refracti projicitur ultra Retinam, ut videre est in fig. 4. Quo in casu plures radii ejusdem puncti visibilis in diversas Retinæ partes incidunt, unde necesse

est oriri visionem confusam: remque apparere majorem, ob majorem picturam in ipsa retina. Eamque ob causam solemus adducere oculos per vim quandam non naturalem, unde & dolorem sentimus. At si longius distet objectum, percipietur etiam minus clare & distincte, nec sub propria magnitudine: tunc enim fiet ipsius objecti pictura intra oculum dilutior & confusa; quia tunc apex coni refracti magis accedet ad Crystallinum, & ab illo apice divergentes Radii varias afficient Retinæ partes, *ut patet in fig. 6.* Eaque est causa, cur lucida, ut Ignis, quo longius distant sub certo intervallo, eo majora appareant in tenebris. Dixi sub certo intervallo; nam alioquin si nimis distent, minus poterunt movere potentiam; neque etiam tunc majora possent apparere ex majori distantia, quia vertex coni refracti magis accedere ad Crystallinum non potest, nec consequenter ex eo fieri major radiorum divergentia.

Notabis igitur, tunc tantum fieri justam objecti distantiam, quando apex coni refracti ex illa distantia incidit in Retinam: *ut in fig. 5.* Quod si secus contigerit, varia Specillorum genera solent adhiberi, quibus ille apax coni refracti vel adducatur, vel longius profundatur, ut tandem in ipsam Retinam incidat.

Notandumque est, solere etiam à nobis adduci oculos & Axes opticos ad nasum, ut res quasi propius & distinctius videamus, tunc maxime quando gravi aliqua cogitatione detinemur; istudque solet contingere hominibus cogitabundis; nam & videtur illa contractio oculorum conferre ad majorem attentionem. Quam ob causam Physiognomistæ judicant eos esse prudentes & sagaces, qui magis conjunctos habent oculos. Sic beluæ, quibus major vis inest cogitandi, ut canes, leones, æles, simiæ, &c. parum habent distantia inter oculos: quod secus est in heberioribus & stupidioribus.

CAP. V.

Visionis genus multiplex.

Visio omnis vel dicitur simplex aspectus, vel intuitus, seu obrutus. Aspectus simplex est ille actus, quo res percipitur, ut primo in oculum cadit; hæcque appellatur visio primo prima, & fit ip instanti, potestque in eo casu etiam contingere, ut quod videmus, à nobis non advertatur. At per obrutum, seu intuitum, singulæ, aut plurimæ objecti partes cognoscuntur distincte: & consequenter intuitus non fit nisi in tempore: nam distincta visio non fit nisi secundum axem opticum, quo partes illæ percurrantur successive.

Obrutus vero vel est simplex, vel ex prænotione, seu anticipata cognitione. Obrutus simplex fit vel sola visione, ut quando versatur duntaxat circa proprium objectum, quale est Lumen & Color: vel præterea fit cum ratione, & syllogismo, quando scilicet est visio similitudinis, æqualitatis; aut è contra: hæc enim non cognoscuntur sine comparatione unius cum alio; quæ est mentis operatio, & per syllogismum. Intuitus ex prænotione, est visio intuitiva rei ante cognitæ, seu cujus forma jam animo præconcepta habebatur. Ac proinde etiam non fit nisi cum reflexione animi, & comparatione quadam ipsius rei cum idea jam animo prius inexistente; ex quibus colligere est, perfectam rei visibilis comprehensionem non fieri nisi cum tempore. Sed his prætermis- sis, memineris ex præfatione hujus Tractatus, aliam esse visionem directam, nempe quæ lineis rectis per medium æqualis ubique vel densitatis, vel raritatis, ad objectum tendit; estque omnium maxime naturalis: præterea vero alia est refracta, tum reflexa alia: ac de postremis quidem hisce duabus, cum hoc loco sit tantum difficultas.

Dico I. Visio refracta ea est, quæ fit ex radiis, ad occursum diaphani diversæ aut raritatis, aut densitatis, refractis. Quod quidem ut intelligas;

Not. 1.

Not. 1. Refractionem nullam fieri, nisi ubi radius trajicitur per media diaphana diversæ aut raritatis, aut densitatis, cujusmodi sunt aër, aqua, vitrum, &c. Illudque dicitur primum diaphanum, per quod radius directus fertur; alterum enim, per quod frangitur idem radius, appellatur secundum Diaphanum. At

Not. 2. Radios eos non refringi, nisi qui feruntur oblique. Nam radii perpendiculares directæ permeant utrumque Diaphanum. Quare ad refractionem hæc duo semper necessaria sunt: 1. Diaphanorum in densitate diversitas; 2. Radium obliquitas. Suntque ad explicandum istud negotium nonnulla observanda; puta linea aut radius incidentiæ; tum linea, punctum, & angulus refractionis, &c.

Linea incidentiæ est ea, quæ fluit ab objecto per medium illud primum, in quo est ipsum objectum, inciditque in superficiem secundi Diaphani occurrentis, cujusmodi in *fig. 9.* Est radius *e c* si supponitur objectum esse in *e*: at *c* est punctum incidentiæ: *d f* est superficies secundi Diaphani, quæ dicitur refringens, & in qua est punctum refractionis ad *c*. Recta *b a* ducta per *c* punctum incidentiæ, vocatur simpliciter perpendicularis. Nam alioqui perpendiculares, quas fingeremus duci vel ab oculo, vel ab objecto, vocantur cathetus vel oculi, vel objecti. Radius, qui recta ferretur ab objecto *e*, ad *b*, vocaretur radius directus: verum, cum oblique incidat in superficiem secundi Diaphani, in ea frangitur seu inclinatur, vel ad perpendicularem, id est, magis accedendo ad lineam *b a*, unde & fiat linea refracta *c g*; tum angulus refractionis, *b c g*, vel certe frangitur à perpendiculari, ab ea scilicet potius recedendo, unde fiat linea refracta *c i*, eritque angulus refractionis *b c i*, quæ eadem per proportionem observare licet in *fig. 10.*

Notandumque est 3. Hanc semper legem servari in refractionibus; ut, quando radius trajicitur à primo medio, seu diaphano rariori per medium densius, inclinatur, seu fiat refractionis ad perpendicularem: contra verò, si

si à primo densiori, per secundum rarius producitur, fit refraction à perpendiculari, id est, ab illa fit radiorum recessus. Certumque est, radios per medium densius propagatos, inde reddi quasi validiores & activiores; si quidem illud commune est omni agenti, & qualitati naturali, ut in subjecto densiori agat vehementius; sicque de facto experimur res eas videri beneficio Perspicillorum, quæ aspectum fugerent: sic etiam fit combustio ope refractionis ejusmodi. At

Not. 4. Instrumenta id genus dioptrica, seu Specilla, diversæ rationis reperiri, ut jam dixi de Myoptris, & Omphaloptris. Item, alia sunt longiora perspicilla, quæ *Hollandica* nuncupantur, tum & *Tubi Galilei*, quod Galilæo fuerint maxime usui in rebus Astronomicis. Hæc autem maximopere visum juvant, quia sic fortius & rectius species visuales per longum illum tramitem ad oculum permeant, simul enim plures veluti in unum sunt collectæ, virtusque unita redditur fortior. Quam ob causam, inquit *Arist. lib. 5. de gener. cap. 2.* Qui habent sensoria magis producta, quasi canales quosdam, melius sentiunt: ut qui habent nares porrectas, valent olfactu; qui profundiores oculos, quam qui eminentiores habent, sunt magis perspicaces; ideoque admoveamus oculis manum ad colligendas species. Ita surdastrubum etiam ad aures adhibent ad excipiendos colligendosque sonos, &c.

Not. 5. Inter effectus refractionis hi præcipue numerari solent. 1. Quod ea ratione res appareant majores aut minores, prout fit refraction vel à perpendiculari, vel ad perpendiculararem. Ita nobis in aëre positus Pisces in Aqua pellucida majores & propinquiores apparent; quia in eo casu fit refraction à perpendiculari, & sic radii ab ea magis divergentes, majorem in oculo picturam efficiunt. Contra autem Piscibus apparemus minores & remotiores, ob contrariam rationem picturæ in oculo. Ita 2. Per refractionem mutatur apparentur locus; quo pacto & sydera nobis videntur oriri, dum adhuc sunt infra Horizonem. Item, refraction mutat figuram; ut quando pro-

propter nubes interjectas, Sol maturinus, aut serotinus, videtur Ellipticus.

Objic. Si quicquid radio fracto cernitur, alio in loco apparet; sequitur fallacem esse omnem aspectum nostrum, ob refractionem specierum, quæ per varios humores oculi ad Retinam transmittuntur. R. *Transf.* Ut enim cum Aguilonio loquar, malum illud oculo familiare non impedit accuratam distinctamque visionem, cum obiecti partes simul omnes cum uniformi difformitate apparentia loca capeant; nec consequenter ulla in his est perturbatio, aut confusio; nec idcirco declinant à scopo, in quem collinant. Quod idem quoque his evenit, qui per specilla intuentur.

Numerari etiam debent inter effectus refractionis, quod per vitreum prisma trigonum transpicienti apparent objecta peregrinis coloribus tincta per modum Iridis cujusdam multiplicis; sursumque mirabilem in modum quasi elevari videantur, quæ sunt posita in plano, ubi cætera ratione Trigonum ad oculos disponitur.

Dico II. Visio reflexa est ea, quæ fit per speciem non recta ab objecto impressam, sed potius ab objecto in speculum directam, & à speculo in oculum reflexam Sicque in *fig. 7.* observare est speculum *a. b.* speciem excipiens ab objecto *c.* Linea *c. d.* vocatur radius directus. In *d.* est punctum incidentiæ. Linea *d. e.* est linea reflexionis, parem angulum reflexionis *c. d. b.* efficiens, cum angulo *e. d. a.*, qui dicitur angulus incidentiæ. Sed

Not. 1. Aliud esse Speculum perfectum, & proprie dictum; aliud vero imperfectum, & improprie dictum. Perfectum, illud est quod speciem remittit; quamobrem debet esse tersum, politum, æquabile, item & opacum; alioqui speciem & imaginem non remitteret. Imperfectum est illud, à quo species non reflectuntur ad oculum, sed potius in ipso corpore reflectente quasi terminantur: ut contingit in charta clausi cubiculi, de qua supra. Item,

Not. 2. Ex Speculis perfectis, & pro diversitate figuræ, alia esse plana; alia autem spherica, vel convexa, vel conca-

concava. Item, alia sunt conica, vel convexa, vel concava, item & cylindrica, elliptica, parabolica, &c. At

Not. 3. In speculo perfecto, id quod videtur, non esse speciem, sed potius objectum per speciem à speculo reflexam. *Prob.* Quia alioquin idem contingere deberet, ac in speculis imperfectis, puta in charta, in qua per foramen clausi cubiculi recipiuntur species: nempe deberet idolum illud apparens in speculo conspici omni ex parte, perinde ac species in charta receptæ; atqui non videtur nisi in linea reflexionis. Nec ratio afferri posset, cur appareat quasi ad aliquam speculi profunditatem, eamque majorem, quo plus recedit objectum à speculo. Item, species recepta in speculo, non potest esse major ipso speculo; & tamen id quod repræsentat, sæpe est speculo ipso majus.

Objic. Si ita res est, speculum omne deberet repræsentare objectum sub eadem forma, & magnitudine. Atqui parvum speculum repræsentat sub minori. Speculum planum, sive parvum, sive magnum sit, eandem objecto magnitudinem tribuit; hoc unico discrimine, quod objectum parvum in parvo speculo plano videri potest, magnum autem non potest; sed requirit magnum speculum planum, si sit vicinum, ut, omni ex parte, objecti species concurrere, & reflecti convenienter eum in finem possint.

Inst. Diviso in partes speculo, non deberet multipliciter repræsentari objectum, siquidem non imago in speculo, sed duntaxat per speculum res objecta cernitur. *R.* Speculi fractio, si partium situm non mutet, non mutabit objecti repræsentationem: nam quando eam mutat, id accidit propter mutatum situm partium ipsius.

Inst. Moto speculo, & immoto objecto, non deberet apparere objectum sub moru; siquidem objectum duntaxat, non autem species in speculo perspicitur. *R.* Objectum immotum tunc videtur moveri, quando in alia & alia oculi parte successive pingitur: hoc autem facit

facit speculi motus, unde & objectum exhibet, quasi sub motu.

Inst. Quomodo igitur nullo præsente objecto, res varia in speculis magicis repræsentrantur ope Dæmonum?

R. 1. Sæpe à Dæmone cause admoventur objecta, quæ sic repræsentrantur. R. 2. Sæpe in eo casu fieri tantum illusionem in imaginatione.

Not. 4. Ex speculis, ea quæ plana sunt, imagines exhibent, de se, rebus ipsis æquales, ut aiebam modo: Quæ autem sunt concava, majores reddunt; minores tandem, convexa.

Intelliges autem, vel ex sola inspectione *Tabule 2. Optice*, juxta Regulas reflectionis jam traditas, quemadmodum imago prorsus deformata, profecto tamen in statu repræsentratur in speculo Cylindrico: ubi nimirum facta illius divisione per diversa quadrangula ad libitum, quæ partes continebuntur singulis hujusmodi quadrangulis, transferentur ad occulta quadrangula proportionalia occultis circulis inscripta. circa speculum Cylindricum.

CAP. VI.

Communium objectorum Visio.

EA dicuntur objecta communia, quæ non tantum ab uno ex sensibus externis, sed ab aliis quoque possunt percipi, accedente tum sensus Interni, quem communem vocant, tum rationis præsidio; quemadmodum explicatur in Physica. Sic magnitudo, distantia, locus, situs, figura, motus & quies non tantum cadunt sub oculum, sed & per tactum de iis judicamus. Hucque addere est similitudinem aut dissimilitudinem, pulchritudinem aut difformitatem, umbram & tenebras; quæ, licet aliorum sensuum non sint, non dicuntur tamen propria visus objecta, eo modo, quo lumen & color, sed veluti medium locum tenent inter commune & proprium.

Dico

Dico autem 1. Magnitudo objecti videtur tanta, vel tanta, pro ratione angulorum, qui fiunt ad verticem Pyramidis optice; ut jam supra monui. Quare, per exile foramen Tabulæ, res apparet eo major, quo magis ad oculum admovetur, quia tunc angulus verticis Pyramidis optice diducitur magis; & è contra.

Notandumque est, non posse à nobis judicari quid magnum, aut parvum; crassum aut tenue; longum, aut latum fuerit, nisi ad sensum externum accedat internus, & ratio comparativa extremorum, tam discursiva. Quod perinde statuendum est de cognitione figuræ, aliisque id genus. Sic etiam

Dico II. Distantiam à nobis percipi, quando illius extrema & corpus interjectum comparamus ad invicem. Eamque ob causam Cœlum apparet veluti conjunctum cum Terra ad Horizontem, quia nullum apparet nobis corpus ipsis interjectum. Nec de Cœli partibus nobis ad verticem imminetibus, seu de illarum distantia judicamus, nisi per syllogismum; ut supra aiebam. Item, nec locus, aut positionum differentia cognoscitur visu, nisi ex rei distantia, & comparatione ad alias Universi partes. Item,

Dico 3. Motum percipimus, ubi mobile & spatium, cujus partibus successive applicetur, dignoscimus. Quare

Not. 1. Ideo motum velociorem eripere nobis ex oculis rem motam, puta globum à bombarda emissum, quia sic efficitur insensibilis applicatio locati ad locum. Huc adde, quod figere axem opticum in rem illam determinate non possumus, nec imaginatio satis cito applicari potest ad illius objecti apprehensionem. Et vero etiam

Not. 2. Per motum velociorem interdum rem nobis repræsentari simul totam in aliquo spatio, ut quando accensus titio in orbem agitur; quia imaginatio non potest tam cito exuere speciem de titione illo, talibus vel talibus locis applicato; adeoque illi repræ-

præsentatur quasi omnibus simul coexistens. Item,

Not. 3. Tardiores motum non percipi à nobis, quando est in fieri, sed tantum, quando est in facto esse: pura motum umbræ in Horologio sciotherico; quia tarditas ejusmodi reddit loci & rei mutationem insensibilem.

CAP. VII.

Visus Fallacie.

Fallacia aut error visus dicitur, cum objectum alio modo, quam in se sit, repræsentatur. Probavimus quidem in Physica, Sensum circa objectum proprium debite applicatum non falli. At

Dico 1. Circa objecta communia, aut etiam circa propria, cum necessaria conditio aliqua deficit, per sæpe, & in multis fallitur. Ita ex vitio organi, ut in Ictericis; aut ex defectu medii, ut si nix per vitrum rubrum cernatur, alio modo apparet, quam in se sit. Tuncque etiam idem objectum apparet geminum, si distrahitur ipsorum oculorum societas. Ita propter refractionem, ut cap. 5. aiebam, res videntur esse figuræ alterius, aut sub aliena magnitudine, & alieno in loco.

Item præterea 1. Est fallacia visus orta ex distantia: nam ob nimiam distantiam, ea, quæ majora sunt, apparent minora. Item, & apparent esse alterius figuræ, ut quadratæ turres, quæ sic videntur esse rotundæ; quod rerum illarum species non satis moveant potentiam. Item, porticus, & longæ arborum series ex nimia distantia videntur stringi in angustum. Item, & in longioribus ambulacris, quæ superiora sunt, videntur prolabi, simulque attolli inferiora, & coire latera; siquidem ea proportionem, qua magis distant, spectantur sub minoribus angulis, ac proinde sub minoribus

notibus intervallis. Quo etiam ex principio si æquales magnitudines secundum eandem seriem rectam opponantur, propinquior apparet major remotiore.

Item, hallucinatur visus circa figuram. Ut quando Circulus oblique disponitur, apparet tanquam Ellipsis, quia species ab eo profecta propter situs obliquitatem; altera ex parte fit contractior, nec proinde reddit circuli imaginem.

Quid multa? sæpe aberrat circa motum, ut quando navigantibus videntur moveri littora, urbesque recedere. Item, spiritibus concitatis, ea putantur moveri, quæ tamen quiescunt. Cujusmodi etiam errores multi contingunt ex imaginatione læsa; ut legimus de Antiphronte, qui suam sibi umbram occurrere ubique arbitrabatur. Jam vero

Dico II. Omnes aspectus fallaciæ nascuntur vel ex depravato intuitu, propter circumstantiarum aliquem defectum; ut quando sol, pedalis tantum magnitudinis apparet: vel ex falsa æstimatione; ut quando quis ignem spectatum eminus, stellam putat: vel ex paralogismo, seu vitioso syllogismo; ut quando agitatibus nubibus ex eo Lunam moveri aliquis putat.

Notandumque est consequenter, ejusmodi errores visus oriri non tantum ex defectu ipsius sensus externi, aut ex defectu alicujus circumstantiæ illi extrinsecæ, sed etiam nonnunquam ex sensu interno, & ratione.

At

Not. 2. Aliquando solam hallucinari mentem, vel quia dubilis vacillat, aut contrario movetur affectu, aut per insaniam à propria sede exturbatur; vel quod sibi minus sit præsens atque attenta; ut quando aliquis equum, cui insidet, anxie perquirat, rebus aliis intentus. Item 2. Error aliquando est in solo externo sensu. Præterea vero simul est vel cum interni sensus, vel cum rationis errore.

Dico tamen III. Errores illos emendari posse, tum mente, tum aliis internis externisque sensibus. Sic tactus planum esse illud judicat, quod eminere

T

in

280 INSTIT. MATHEMAT.

in picturis oculo videtur: Sicque intellectus cognita erroris causa, errantem facultatem & seipsum corrigit. Atque ita sensus tum interni, tum externi, cum intellectu habent connexionem, ut mutuam sibi opem ferant. Qui plura & minutissima quæque in hoc genere volet assequi, consulat Vitellonem, Aguilonium, cæterosque Opticos. Nam hæc ad præsens institutum sufficiunt.

INSTI-

INSTITUTIO MATHEMATICÆ.

MUSICA.

PRÆFATIO.

QUanam sit natura Soni contemplari, quas habeat proprietates; quomodo producat; & quanam ad illum excitandum corpora sint idonea; quodnam ejus medium, & quomodo propagetur; an etiam audiatur in Cœlesti regione; quas tandem in species dividatur; & quid singulis proprie conveniat, negotium est Physici; quod suo loco præstitimus. At Sonus Harmonicus, seu Musica, Mathematicam spectat, quatenus dissimilium vocum, & consonantiarum intervalla, proportionem, ac diversitates considerat. Hanc igitur partem ut aliis adjungamus, & Tyroni viam aperiamus ad alia, quæ solent curiosius indagari: Quæram primo; quid sit Musica, & voces Musicæ: deinde, quanam sint earum intervalla, quæ Consonantie cum earum proportionibus; tum quomodo in instituenda Symphonia & modulatione componantur; quinam sint Cantuum modi ac genera; ubi & de arte Musicæ decantandæ.

Eo quidem nomine male audiunt sepe Musici
 quod sua tantum approbent, facile autem carpant
 aliena; quæ est animi fæda labes. Quare cum hæc
 fere universa quibusdam solum posita sint in observa-
 tionibus, quas potissimum petunt ex divisionibus Mo-
 nochordi, nihil proferre volui, nisi quod scripsere au-
 thores probatissimi, atque imprimis Boëtius, aut ex
 antiquioribus septem illi quos, in lucem nuper edidit
 Meiobonus. Huc adde Kircherum & recentiores alios.
 Nec pauca prætermisi, maxime ex iis, quæ de variis
 rerum appellationibus leguntur apud Antiquos;
 quia aut penitus jam obsoleta sunt, nec satis de iis
 constat, aut quemadmodum lib. 3. cap. 12. fatetur
 Glareanus ipse, de proportionibus Musicis fuse dictu-
 rus, quia sunt superflua, & potius ad ostentatio-
 nem, quam ad usum Musicæ inventa.

De variis autem Musicæ effectibus lege tum Phy-
 sicam Universalem, parte 1. Tract. 2. Disp. 5. cap. 5.
 Tum Physicam particularem, Disput. De sensibus ex-
 ternis in particulari, cap. 5. circa finem.

INSTITUTIO MATHEMATICÆ.

MUSICA.

CAP. I.

Quid sit Musica, & de vocibus Musicis.

Musica est dissimillimum Sonorum, gravis scilicet atque acuti, convenientia, unde sensus audiendi recreetur. Sic enim vulgo statuunt, Musicam, non esse unus vocis, aut vocum non dissimilium; nec aliunde petendas esse illius leges, quam ab aurium iudicio; cum ad aurium delectationem tota sit comparata. Symphoniam, Harmoniam, aut sonum harmonicum alii vocant.

Notandumque est, Sonum hunc esse compositum ex multis simplicibus, qui *voces Musica* aut *chorde*, vel etiam apud Græcos *psithongi* nominari solent. At

Not. 2. Ex istis alias aliis esse aut acutiores, aut graviores: sicque distare inter se vel unico tantum, vel pluribus quasi gradibus. Si unico duntaxat gradu inter se distant Soni, intervallum istud vocatur à Græcis *Dia-stema*: si pluribus gradibus, quàm uno, est *Systema*.

Notandumque est 3. Vocum istiusmodi seriem ordinatam, seu *Systema*, primum quidem à Græcis olim, vulgari in lyra, quatuor fidibus, seu *chordis*, comprehensam fuisse; cuiusmodi Lyràm idcirco vocabant *Tetrachordum*; huiusque vox seu chorda, quæ erat soni gravissimi, dicebatur *υἰνήη*; acutissima autem *υἰήη*: sed

pluribus subinde additis, factum est tandem, ut ex variis Tetrachordis, seu quindecim ex chordis ritae apratis constaret, unde genera consonantiarum omnia commodius redderentur. Nec immerito chordis quindecim Systema definiebant; quod videlicet illud solummodo spatium *naturalis* vocis à nobis vulgo decurratur. Quanquam & postmodum tum gravioribus, tum acutis adjunctæ sunt aliæ, quas etiam *ficta* voce quis decantare possit.

Notabis vero 4. Singulis etiam istiusmodi vocibus, seu chordis, propria fuisse à veteribus Græcis imposita nomina. Nam omnium quidem gravissimæ dicuntur *Principales*; quarum infima vocatur *ὑπὸν ὑπὸν*, id est principalis principalium. Aliæ autem sunt *Mediae*: *Disjunctæ* aliæ; aliæ *Excellentes*, quarum suprema est *ὑπὸν ὑπὸν*. Porro majoris facilitatis gratia, illis nominibus subrogata sunt alia monosyllaba, autore Gydone Aretino, Monacho Benedictino; sicque ascendendo, initium ducitur ab *ut*; tum ordine sursum tendendo consequuntur *re, mi, fa, sol, la*; cum è contra, descendendo canitur *la, sol, fa, mi, re, ut*; replicanturque eadem voces cum idonea *mutatione*, ut vocantur, si ultra fuerit aut ascendendum, aut descendendum; quemadmodum exponetur capite ultimo, Sed

Not 5. Chordæ, à quibus illæ voces aut eduntur, aut designantur, aliis præterea nominibus, ob alios usus, appellari. Sic enim omnium gravissima vocari solet *G re sol ut*: quia, prout varii sese offerunt casus, possunt in illa decantari vel *ut*, vel *re*, vel *sol*; quod perinde per proportionem observandum est in aliis quæ ordine alphabetico consequuntur; quarum prima dicitur *A me la re*; tum *B fa b mi*; *C sol ut fa*; *D la re sol*; *E mi la*; *F ut fa*: supra quam, ubi est opus, replicantur tum *G re sol ut*, tum aliæ deinceps in infinitum. Atque illud quidem vocum Systema & series appellari solet *Gammæ*; quia incipit à chorda *G re sol ut*; quæ, per *Γ* Græcum designari consuevit.

Not. 6. Septem illas chordas sufficere ad implendam *Ottava* latitudinem, de qua sequenti capite futurus sermo est. Nam in ea consonantia, quæ *Ottava* dicitur, prima & ultima vox sunt ejusdem denominationis. Quare, si prima replicetur, fiet *Ottava*. Item, pro septem illis chordis decantandis sufficere quidem possent quatuor ille voces in infinitum replicandæ, nempe *ut, re, mi, fa*: majoris tamen commoditatis gratia additæ sunt *sol, la*. Quinetiam ut decurratur tota *Ottave* latitudo, alia iterum ex istis reperenda est, prout exigunt *mutationis leges* subinde observandæ; de quibus capite ultimo. Hæc autem vox repetita locum habet *Ottava*: neque idcirco, ut inquit ex Boëtio & Ptolomæo, *voces in Musica aut plures, aut pauciores esse possunt, quam septem*, ut omnia tonorum & semitonorum genera exprimantur, totam, ut dixi, octavam decurrendo. Dicuntur porro Toni, quod sint veluti tensiones quædam, aut stationes vocis; ut loquitur Gludentius, cum aliis antiquioribus.

CAP. II.

Musica Intervalla.

Musicum intervallum, aliud nihil est, quam latitudo, seu distantia, quæ reperitur inter sonum gravem & acutum. Sunt autem ex ejusmodi intervallis alia majora, ut in consonantiis; minora alia, ut in Tonis, vel Hemitonis, quando uno gradu, vel dimidio duntaxat, sonus aliquis recedit ab alio.

Ac primo quidem supponitur *unisonum*, quando scilicet vox eadem reperitur; seu quando plures voces sunt ejusdem chordæ. Quæ ratione in celebrando Divino Officio omnes *Plano cantu* Psalmum eundem decantare solent publice in Templis Catholicorum.

Tum 2. Est *Tonus* propria dictus, ubi ascenditur, vel descenditur ex unaquaque nota in proximum: si

tamen *mi fa* exceperis : non enim istæ voces ad invicem Tonum reddunt, sed Hemitonium duntaxat, etsi cum aliis vocibus sibi adjunctis Tonum efficiant ; puta si dixeris *fa sol* ; vel *mi, re*. Item, & per *Diesim*, ut vocant, minuitur intervallum Toni ; quæ quidem *Diesis* in describenda musica designari solet per duplicem lineolam decussatam.

Notandam autem est, ad vitandam æquivocationem, *Tonum* alias dici vocem, seu sonum simplicem. Item, sumitur quoque pro modo, qui servatur in cantu : quo pacto plures recensentur Musicæ *Toni*, seu *Modi* ; de quibus postea *cap. 5.* Verum hic proprie sumitur pro intervallo jam explicato, ad quod revocavimus Semitonium, quæ est pars Toni dimidia. Sed Tonum dividunt in Majorem & Minorem : Qui est minor, ut aiunt, constat ex Semitono majori & minori ; nec superatur à majori, nisi uno commate : cujusmodi commata seu segmata fere 9 contineat Tonus minor. Horum omnium rationes postea *cap. 4.* sunt explicandæ. Item,

Nor. 2. Eam esse naturam vocis humanæ, ut nemo possit cantando per gradus ascendere, aut descendere, quin de se Tonos majores & minores cum Semitoniis reddat. At

Nor. 3. Vocem illam, quæ Toni unius intervallo solum distet, vocari *Secundam*. Ita si *re* simul decantetur cum *ut*, dicitur fieri *Secunda*. Jam vero ut pergam ad alia deinceps intervallorum genera ;

Dico I. Post *Secundam* sequitur *Tertia* : quæ dividitur in majorem & minorem. *Tertia* major, quam Græci *Ditonum* vocant, componitur ex Tono majori & minori v. g. *fa. la*. *Tertia* autem minor, seu *Semiditonum*, constat ex Tono majori, & Semitono majori v. g. *re. fa.* Ac proinde *Semiditonum* non superatur à *Ditono*, nisi per Semitonium minus.

Dico II. *Quarta* est, quæ quatuor vocibus percurritur, unde à Græcis appellatur *Diateffaron*, id est,

est, per 4. Dividiturque in eam quæ vulgo appellatur Diatessaron, seu Quarta mollior & jucunda auribus, constans ex Ditono & Semitonio majori; tum in Tritonum quæ est quarta durior & injucunda. Quare sic Diatessaron constat ex Tono majori, & minori, cum Hemitonio majori.

Tritonum sic appellatur, quod ex tribus Tonis constet.

Dico III. *Quinta* est, quæ ducitur per quinque chordas, unde à Græcis vocatur *ἡ πέντε*. Fitque ex duobus Tonis majoribus, uno minori, & Semitonio majori, v. g. ut, sol. Alioquin ea dicitur quinta imperfecta & falsa, quæ constat solum ex duobus Tonis, & duobus Semitonis; sicque excedit quartam Tono majori.

Dico IV. Sequitur *Sexta*, seu Hexachordum, id est, sex chordarum. At duplex est Sexta: primo enim est *major*, constans ex duobus Tonis majoribus, tum ex 2 minoribus, & semitonio majori. *Minor* autem ex duobus Tonis majoribus, uno minore, & duobus Semitonis.

Dico V. *Septima* est ex 7. chordis, quam sequenti capite proscribemus ex numero consonantiarum, perinde ac *Secundam*.

Dico VI. *Octava* est Intervallum, quod octo vocibus definitur: Græcis vocatur *ἡ ὀκτώ*, id est, per omnes; quia consonantiarum omnium aliarum chordas atque intervalla continet. Constat ex Quarta & Quinta, vel si lubet, quæ perfecta est, ex constat ex 3. Tonis majoribus, tum ex duobus minoribus, ac duobus Semitonis: alioquin falsa & imperfecta octava spatium illud totum non implet.

CAP. III.

Consonantia.

Suppono, ex dictis cum Boëtio, consonantiam esse acuti soni, gravisque mixturam, quæ suaviter audiendi sensum afficiat. Quare

Dico I. Unisonum seu Homophonia, in qua omnes idem personant, inter consonantias locum non habet. *Prob.* Quia licet contineat plures simul sonos non disconvenientes, perinde sunt tamen ac unica vox replicata intra idem veluti genus intervalli: ergo non est consonantia; siquidem consonantia non est nisi vocum dissimilium; vel si lubet, non est nisi acuti soni, & gravis. *Conf. 1.* Quia unisonum eodem modo se habet ad Musicam, quo unitas ad numerum: atqui unitas non est numerus, sed tantum principium numeri: ergo perinde per proportionem unisonum non est nisi principium consonantiz. *Conf. 2.* Auctoritate Aristotelis. Sic enim ait 39. *Prob. sect. 10.* unisonum esse tantum eundem sonum multiplicatum. Item 2. *Politic. cap. 3.* ubi docet Rempubl. instar Musicæ cujusdam constituti ex diversis ordinibus; nec debere in ea esse omnia communia: nam, inquit, perinde foret ac unisonum. Qua ratione loquendi satis indicat unisonum non esse consonantiam; alioquin nihil probaret, satisque etiam mens ejus explicatur ex superiori loco *Probl. mox citato.*

Notabis tamen, hunc quoque sonum ad movendos animos habere vim non mediocrem. Quemadmodum enim Cytharæ nervus ad alterius unisoni percussionem, veluti per analogiam quandam, aut sympathiam tripudiat; ita, si multi simul, vel eodem Tono, v. g. Divinas laudes decantarint, similem in se mutuo pietatis affectum concitare solent.

Dico II. Secunda & Septima sunt inconcinna inter-

intervalla, nec per se ullam auribus afferre voluptatem queunt. Hisque accedunt Tritonum seu falsa Quarta, tum falsa Quinta, & falsa Octava, ut vulgo appellant, At

Dico III. Consonantiis adscribenda sunt. 1. Diapason, seu Octava legitima. 2. Diapente, seu Quinta. 3. Diatessaron, seu Quarta. 4. Ditonum, seu Tertia major. 5. Semiditonum, seu Tertia minor. 6. Hexachordum majus seu Sexta major. 7. Hexachordum minus, seu Sexta minor.

Atque istæ quidem vocantur simplices consonantiæ; quod ex iis vel replicatis, vel simul positis, aliæ in infinitum componi possint. Quales sunt 1. Diapason-diton, seu Decima major, conflata ex Octava & Tertia majori. 2. Diapason-semiditon, seu Decima minor. 3. Diapason-diatessaron, seu Undecima. 4. Diapason diapente, seu Duodecima. 5. Decima-tertia tum major tum minor. Ac denique Didiapason, seu Decima-quinta, quæ est Octava duplicata; præbetque latitudinem Systematis majoris, de quo jam cap. 1.

Notabis autem ex illis consonantiis aliquas non fuisse olim probatas Antiquis, quæ tamen apud recentiores nunc communi usu receptæ sunt. Et vero *Diatessaron* v. g. etsi aliquam de se habet asperitatem, si tamen jungitur cum Diapente, est auditus jucundissimi: quod in dissonantiam non cadit. Hæc enim per se turbat cantum, etsi per accidens admisceri aliis consonantiis interdum possit ex arte. Item,

Not. 2. Etsi consonantiæ omnes suam habeant in proprio genere perfectionem: eo tamen sensu dicuntur aliæ imperfectæ quod suscipiant magis & minus; quo pacto Tertia, aut Sexta dividitur in Majorem & Minorem. At Octava, Quinta, & Quarta dicuntur perfectæ; si enim, v. g. per diesim, earum minuuntur intervalla, fiunt dissonantiæ, seu falsæ aut Octavæ, aut Quintæ, aut Quartæ, Quæmadmodum jam monui.

Dico IV. Consonantiz non sunt, æquali inter se perfectione. *Prob.* Quia cæteris præstat Diapason; estque omnium maxime naturalis. Indeque istud patet, quod inter cantandum, vel ipsi Musicæ Imperit Octavam reddant; pauci autem vel Quintam, vel Quartam, aut Tertiam efficiant. Item, post Octavam, aliæ ex consonantibus principes sunt Diapente, Diton, ejusve replicatio, seu Diapason-diton.

Dico V. Tum in Diapason, tum in aliis consonantibus reperiuntur plures diversitates specificæ & essentielles. Illa enim diversitas oritur ex varia dispositione majoris Hemitonii *mi, fa*. Quæ septies contingit in Octava; unde septem numerari solet species Diapason. Ita etiam 4. sunt species Diapente. Tres autem habet Diatessaron, & sic per proportionem de aliis.

Notabilis tamen ex 7. speciebus Diapason, eam rejici quæ incipit à chorda *B fa b mi*; propter Semidiapente & Tritonum, quæ in ea reperiuntur. Quamobrem sextantum supersunt utiles ac legitimæ species Diapason.

CAP. IV.

Musica rationes, seu proportionibus.

Suppono ea, quæ jam tradidi in Arithmetica, *parte 3. c. 1.* de natura proportionis, variisque illius speciebus. Item præterea

Suppono eam esse rationem, seu proportionem inter sonos, aut extrema Consonantiz alicujus, quæ est inter corpora sonantia, à quibus eduntur illi toni; sic enim causa omnino respondere debet effectus. Quamobrem ut tuto & sine erroris discrimine possimus demonstrare, quænam in singulis aut Tonis, aut Consonantiis reperiatur proportio; statul

tul solet Instrumentum unius chordæ, seu *Monochordum*, ut cætera sint paria: tum in eo per varias divisiones Inquiruntur Toni diversi, & diversæ consonantiæ. Quæ quidem consonantiæ, ubi deprehensæ sunt, attenditur ad eas chordæ partes & interval-la; tum judicamus eam existere proportionem in ipsis Tonis & consonantiis, quam inter eas chordæ partes observavimus.

Ita, si nervum in duas partes æquales divido, e-
jusque parti mediæ subijciam mobilem caballiculum,
tunc perstricta pars una, cum toto nervo efficiet
Diapason. Idemque fiet, si nervo eodem tres in par-
tes æquales diviso, ad tertiam partem admoveris
eundem caballiculum, tunc enim segmenta illa duo
pulsata reddent Diapason. Unde sic concludo: cum
illa pars major ad alteram habeat proportionem
duplam, id est, ut 2. ad 1. necesse est consequen-
ter, ut Diapason dicatur habere proportionem du-
plam.

Atque ista quidem methodo compertum est, Dia-
pente, seu Quintam habere proportionem sesquialte-
ram; Græcis hemiolion; puta 3 ad 2. quæ est pro-
portionum superparticularium nobilissima.

Ita etiam hoc pacto statulmus Diatessaron habere
sesquiterciam, nempe 4. ad 3. Ditonum, seu Tertia
major habet sesquiquartam, id est 5. ad 4. Semidito-
num, seu Tertia minor ut 6. ad 5. Atque ita 1, 2, 3,
4, 5, 6. qui sunt primi numeri, continent primas pro-
portiones, primasque consonantias. Unde & illustratur
numerus senarius, quem in Arithmetica, p. 3. c. 2.
ostendebamus esse perfectum.

Observandumque est præterea, quemadmodum Sex-
ta major sit in proportione 5. ad 3. Sexta minor 8. ad 5.
Tonus major ut 8 ad 9. Tonus minor 9. ad 10. Semi-
tonium majus 16. ad 15. minus autem 25. ad 24.
Comma, quo Tonus minor superatur à majori, ut 81.
ad 80.

Nec

Nec prætermittenda sunt generis diversi Dieses: quarum alia dicitur Enharmonica, aut Semitonium generis Enharmonici, rationis ut 125 ad 128. Alia autem est Diesis generis Chromatici, nec differt à Semitonoio minori, ut 24 ad 25. Nam Semitonium majus, seu proprie Diatonicum, est ut 15 ad 16. quemadmodum jam monuimus.

Porro, si lubet has proportionales experiri in Monochordo, adde simul datæ consonantiæ utrumque extremum, torque in partes chordam, aut potius Tabulam illi suppositam divide beneficio Circini; tum enim, si uni ex illis partibus, ut decet, Caballiculum admoveris, habebis intentum, pulso utrinque nervo.

Quamquam & de illa Musicorum intervallorum compositione statui etiam potest, singulorum *Rationis* proprias ex aliis subtrahendo, numeris rite in hunc morem dispositis, & ducto decussatione in alium. Nam productum erit Residui instar, & *Ratio*, quæ, vel totum intervallum constituit cum altera; vel certe, quæ illam superat. Rem exemplis aperio. Primo, sit subtrahenda Sesequialtera, Quartæ propria, nempe 4 ad 3. ex Sesequialtera, quæ est propria Quintæ, nempe ex 5 ad 3. Multiplicatis decussatione illis numeris, prodibit *Ratio* 9 ad 8. vel si lubet, 8 ad 9. quæ propria est Toni majoris. Unde concludam, Quartam à Quinta superari Tono majori uno.

$$\begin{array}{rcl}
 3. & \times & 2. \quad \text{Quinta.} \\
 4. & & 3. \quad \text{Quarta.} \\
 \hline
 9. & & 8. \quad \text{Toni majoris.}
 \end{array}$$

Sic in isto secundo exemplo, subtracta *Ratione* 5.
ad

ad 4. propria Ditoni, seu Tertiz majoris, ex Ra-
tione 4 ad 3. Quartz propria; supererit Ratio 19. ad
16. propria Semitonii majoris, per quam exceditur
Tertiz major à Quarta.

4.	X	3	Quarta.
5.		4.	Tertiz majoris.

15. 16. Semitonii majoris.

Ac tandem in Tertio exemplo, pari methodo vide-
bis Tertiam minorem superari à majori, per Semito-
nium minus.

5.	X	4.	Tertiz majoris.
6.		5.	Tertiz minoris.

25. 24. Semitonii minoris.

Jam vero, quia hoc loco sermo est de proportione, &
de medio proportionali Harmonico, prout differt ab
Arithmetico & Geometrico.

Suppono ex Arithmetica, 3. parte, cap. 1. Propor-
tionem Arithmeticam esse, quando plures numeri per
eandem differentiam progrediuntur, ut: v. g. 1. 2. 3. 4.
vel 2. 4. 6. 8. 10. Nam horum quilibet suum antec-
edentem numerum eodem modo superat.

Geometrica est, quando sic procedunt numeri, ut
consequens habeat eandem proportionem ad proxime
antecedentem, quam iste ad priorem. *Exempli causa*, 2.
4. 8. 16. 32. Sic enim quilibet ad suum antecedentem
habet proportionem duplam.

Notan-

Notandumque est, ita comparari inter se proportionem, seu proportionalitates Arithmeticas, & Geometricas, ut, in Arithmeticeis, differentiarum terminorum sint æquales; proportionem vero eorundem terminorum sint inæquales, ut consideranti patet in allatis exemplis. Neque enim eadem est proportio, 2. ad 1. quæ est 3. ad 2. cum tamen æqualem inter se habeant differentiam. Nam unitate sola omnes illi termini differunt. Contra autem res se habet in Geometricis: nam differentiarum terminorum sunt inæquales, proportionem vero eorundem terminorum sunt æquales. Ut patet.

Verum, quod tradit Clavius, ubi de Definitionibus, ad Quintum Euclidis, in Musica, seu Harmonica proportionem, nec differentiarum terminorum, nec eorum proportionem sunt æquales; sed tantum in ea tres termini sic ordinantur, puta 3. 4. 6. ut eadem sit proportio maximi ad minimum, v. g. 6. ad 3. qualis reperitur inter differentiam maximi & medii, quæ est 2. ac inter differentiam ejusdem medii & minimi, quæ est 1. Ut enim se habet numerus 6. ad 3. ita 2. ad 1. Hæc autem dicitur proportio Harmonica, quia plerumque saltem, illius termini habent proportionem eas, in quibus consonantiarum Musicarum consistunt. Et vero, ut ne ab isto exemplo discedamus, inter 6. & 3. est proportio dupla, quæ Octavam constituit. Inter 6. & 4. est sesquialtera, propria quintæ. Inter 4. & 3. sesquitercia constituens Quartam. Atque ista quidem explicatio, quæ est Clavii, cum videatur omnium commodissima, improbari non potest; etsi alii diversam sequantur. At

Notabis tandem, inter duos numeros Medium Arithmeticum reperiri, si utroque simul conjuncto, mediam illius partem subtraxeris. Sic enim v. g. inter 12. & 20. Medium proportionale erit 16. Quia ut 12. ad 16. ita 16. ad 20.

Medium

Medium proportionale Geometricum reperitur hoc pacto. Duc unum ex extremis in aliud; ut si dentur 3. & 12. productum ex multiplicatione fiet 36. Tum quæsitæ hujus producti radix quadrata, nempe 6. erit medium proportionale inter 3. & 12. Ut enim 3 ad 6. ita 6. ad 12. quæ proportio servatur in progressione dupla.

Tandem vero Medium proportionale Harmonicum inventurus, v. g. inter 15. & 60. sic age. Eorum differentiam, quæ est 45, ducas in majorem numerum 60. prodibit numerus 2700. Qui numerus ubi dividetur per summam utriusque dati numeri collectam, nempe per 75. fiet *quotiens* 36: qui *quotiens* subtractus ex majori numero 60. relinquet 24. pro medio proportionali quæsito. Ita Clavius loco citato, *De Proport. Harmonica.*

C A P. V.

Modi Musica.

Musica, seu Cantus, aut Symphonia, suas habet diversi generis *Consonantias*, tum *Cadentias*, ut vocant; aliaque ornamenta, quibus illustratur. Cadentiarum vero primæ & præcipuæ dicuntur *Finales*; aliæ autem *Mediantes*, ac tandem nonnullæ assignantur quasi *Dominantes*. Cujusmodi omnes observare est iis in Cantibus quos supra Tabula apposita descriptos exhibet. Atque his positis.

Dico I. Certum est existere cantus specie diversos, qui diversæ rationis *Cadentias*, tum diversas *Mediationes*, & *Finales* habeant; pariantque omnino diversos effectus; uti quidem probat experientia. Nam ex his alius quidem hilarior est, alius autem aut tristior, aut suavior, &c. Illæ autem Cantuum species singulæ, suis olim apud Græcos distinguebantur propriis nominibus, pro diversis aut Civitatibus,

bus, aut Provinciis, in quibus præcipue vigeant; unde alius dicebatur cantus Lydius, alius vero aut Phrygius, aut Ionius, aut Dorius, &c. Ecclesia Romana *Tonos* appellat, vulgo autem alii *Modos* Musicos. At

Dico II. Ex communi doctrina cum Boëtio lib. 4. cap. 16. Hanc *Modorum* essentialem diversitatem aliunde non peti, quam ex diversis speciebus Diapason, quas, ut aiebatimus supra, septem vulgo recensent; ex quibus sex tantum sint utiles ac legitimæ. Unde sequitur, sex tantum utiles Musicæ modos essentialiter inter se diversos debere admitti. Quanquam

Not. 1. Modos illos præterea dividi secundum accidentalem duntaxat differentiam in *Authenticos* & *Plagales*. Authentici, seu Authentæ, Græcis autem *Ἀυθεντικοί*, sic dicuntur, quasi Principes & præcipui, cum longe gratiores sint, & majori virtute polleant. Alii autem, quod illis subserviant tanquam inferiores, vocantur *Plagales*, seu *Plagii*, tum *ὑποδοχοί*.

Et in Authentis quidem servatur, ut inquit, Harmonica divisio & mediatio, cum à Diapente incipiant, superiori loco posita *Quarta*, in qua desinunt. *Exempli causa.* Quando ab *ut* gravi chordæ *C sol ut fa* ascenditur ad *sol* chordæ *G re sol ut*, indeque pervenitur ad *fa* acutum chordæ *C sol ut fa*, ex quo etiam ultra progredi potes ad *sol* chordæ superioris *G re sol ut*, ut hæreas in *fa* chordæ superioris *C sol ut fa*. Qui modus idem est cum Dorio Antiquorum.

At illi oppositus Plagalis, v. g. Hypodorius servat divisionem & mediationem Arithmeticam, inferiori loco posita Diatessaron, supra ascendente *Quinta*; seu Diapente. *Exempli causa.* Quando ab *ut* chordæ *G re sol ut* ascenditur ad *fa* chordæ *C sol ut fa*, ut terminetur in *sol* acuto chordæ superioris *G re sol ut*.

Notandumque est 2. Hoc pacto etiam dici modos *Naturales*, sive *Authenticos*, sive *Plagios*. Alioquin diceretur modus *transpositus*, si *Octava* ista, quæ in primo exemplo incipit ab *ut* gravi chordæ *C sol ut fa*, inciperet ab *ut* gravi *F. ut fa* decantato per *b* molle.

Nota-

Notabis enlm 3. Hic fieri commune diferimen Cantus *per naturam* aut *per b quadratum*, tum Cantus mollis, seu *per b molle*, quotiescunque initio cantus præfigitur *b molle* conjunctum cum Clavi: ut descriptum vides ad infimam partem Tabulæ supra appositæ. Porro ex dictis

Not. 4. Quo sensu Ecclesia Romana octo numeret *Tonos*, seu cantandi Modos: Claudinus autem, aliique numerent duodecim. Nempe quod isti omnes tum Authenticos, tum Plagales complectantur; ex quibus octo solum elegit Romana Ecclesia.

CAP. VI.

Genera Musicæ.

TRia Musicæ genera tum ab Antiquis, tum à Recentioribus numerari solent. Primum, quod nobis familiare est, & magis naturæ consentaneum, vocatur *Diatonicum*: quia per Tonum & Tonum & Semitonium progreditur. Qua ratione vulgo decantamus, *ut, re, mi, fa, sol, la.*

Secundum genus dicitur *Chromaticum*, quod minoribus intervallis procedit, Semitonio videlicet, ac Semitonio, tum Semiditono.

Tertium genus appellant *Enharmonicum*, quod minimis intervallis perficitur, nimirum Diesi, & Diesi, quibus tamen accedat Ditonum. Quāquam in istis alii leviter dissentiunt,

Notabis igitur 1. Hæc genera non differre inter se nisi per minutura illa Semitoniorum & Diesum intervalla. Item

Not. 2. Ex Martiano Capella, lib. 9. tres esse Diesis distantias, uti quidem loquitur. Prima est brevior, quæ Tetartemorica nominatur, ex eo quod quartam partem Toni recipiat: Enharmonica quoque dicitur, propterea quod Enharmonicum modulandi genus

per hanc maxime dimetitur. Secunda ab illa major est: nam Tritemoria nominatur, quoniam habet partem Tertiam Toni: Chromatica quoque appellatur, quia Chromaticum modulandi genus per ipsam funditur. Tertia denique habet Tertiam Toni partem, ac dimidiam Tertiam, & vocatur Hemiolia, quoniam Hemiolii modum complet.

Nor. 3. Genus Musicæ Chromaticum, id est, Coloratum, sic appellari, quod illustrando Diatonico serviat, illique ornamentum ac suavitatem specialem afferat. Enharmonicum autem sic dicitur, quasi per excellentiam Harmonicum, & auribus jucundum. Quanquam voce humana reddi non ita possunt intervalla aut Chromatica, aut Enharmonica; licet tremulis vocibus, Gallice *fredons*: Tonus in minores & minores partes soleat dividi. Nihil autem repugnat, quominus Semitonia minora Harmonica, & Dieses Enharmonicæ exprimantur saltem beneficio Musici Instrumenti, puta Spinetæ, nigra & alba plectra habentis.

Notandumque est ultimo, solum genus Diatonicum esse, ut aiunt, *naturale*; alia vero ex arte inventa ad perficiendum Diatonicum, & ab iis semper supponi. Nam, ut aliqui tradunt, hæc se habent perinde per proportionem ac *bonum, melius, & optimum*, ex quibus nec *melius* esse potest sine *bono* quod supponit: nec *optimum* sine *meliori*.

CAP. VII.

Ratio instituendæ Musicæ.

UT instituat Symphonia, supponendum est illi quod *Thema*, seu quod vocant, *Subiectum*, cui varia consonantiarum genera ex arte aptentur; tum deinde præscribendæ sunt *partes* cum illo subiecto conjungendæ.

Ex iis autem partibus, quæ omnium est infima, vocatur

catur *Bassus*. Cui proxima solet esse *Tenor*, Isque vel unicus, vel duplex. Tum sequitur *Altus*, seu *Contra*, aut *Contra-Tenor*: Ac denique est *Superius*; illudque vel unicum, vel multiplex. Si enim pluribus quam Quatuor vocibus ab eodem Choro decantari aliquid placuerit, geminatur duntaxat aut *Tenor*, aut *Superius*. Atque his positis;

Dico I. Hic usui fere tantum esse debent illæ consonantiæ; nempe Octava, Quinta, & Tertia, vel simplices, vel replicatæ; hoc est, Decima Quinta, seu Disdiapason; Duodecima, seu Diapason Diapente; ac Decima, quæ est Tertia replicata.

Item, quando Basso & Superiori interjiciuntur *Tenor*: & *Altus*, illis semper adhibere oportet consonantias generis diversi, quæ propiores sint; ita ut si *Superius* efficiat Octavam replicatam cum Basso, *Tenor* cum eodem Basso constituat Decimam majorem, tum *Altus* Duodecimam. Vel si lubet, ubi *Superius* jungitur in Octava cum Basso, *Altus* cum eodem Basso reddat Quintam, *Tenor* autem Tertiam. Atque ista quidem methodo, si quando quatuor partibus canitur, tres illæ consonantiæ; cum earundem replicationibus distribuendæ sunt. Horum autem omnium exempla subjicio in Schemate seu Tabula jam designata.

Notandumque est, plures ejusdem generis consonantias, ex iis quas vocant *Perfectus*, puta duas Octavas, aut duas Quintas, non debere fieri immediatas vel ascendendo, vel descendendo; hoc enim foret injucundum, defectu varietatis, quam exigit recta symphonia. Quanquam lex illa non obligat; ubi sunt diversi versiculi per lineam distincti, ut in primo exemplo.

Item, ascendendo, aut descendendo, vitanda est connectio plurium sese immediate consequentium Tertiarum majorum. Etsi autem licite aliquando sequantur duæ vel tres Tertiæ minores, tunc tamen erit jucundior cantus, ubi major subinde inserta fuerit.

Item, ad Diesim in Basso, allave in parte, nunquam adjungitur aut Octava, aut Quinta, tunc enim potius replicanda est vel Tertia, vel Sexta. Ita P. Parrantius, vir in rebus Musicis exercitissimus.

Notabis autem 2. Has ferme solum regulas Tyroni sufficere ad congruam compositionem, quamvis ad elegantem, ut aiunt, vel accuratius *observatam*, plures requiruntur, de quibus consulendus est modo citatus autor, allique artis periti; hæc enim ad nostrum institutum non faciunt, solaque Praxi commode addiscuntur. At

Not. 3. Inventas consonantias describi oportere in lineis, vel intervallis Musicis: quæ lineæ vulgo sunt tantum quinque. Item

Not. 4. Compositionem ejusmodi Musicam appellari antiquo nomine *Contrapunctum*; quod olim notarum loco uterentur punctis sibi invicem oppositis.

Not. vero 5. Duplex esse Contrapuncti, seu Compositionis Musicæ genus. Alia enim est Musica, quæ dicitur *Simplex*, seu *Syllabica*, in qua singulæ notæ singulis respondent cum eadem mensura & valore. Altera est *Figurata*, ubi scilicet variis ornamentorum generibus cantus illustratur. Cujusmodi primo est quidem *Syncope*, quando plures minoris valoris notæ cum aliqua alia veluti collidunt, & ad sese invicem reducuntur. 2. Huc accedunt *Fugæ*; cum pars una eodem cantu aliam consequitur, servatis legibus symphonix. 3. Varietas metuum. 4. Artificiose vocis omissiones, quas vocant *Pausas*. Ne quid dicam de his, quæ interdum peccantur ex Chromatica, aut ex Enharmonica.

Nihil hic etiam dicam de *Neumate*. Quando scilicet in cantu communi Ecclesiastico una syllaba pluribus ac diversis notis affecta, eodem spiritu profertur longius: quamobrem sic vocari solet, Idem enim est ac *Pneuma*, quod per aphæresim literæ P. dicitur *Neuma*. Passimque appellatur & *Jubilus*, seu *Jubilatio*: De qua pluribus apud P. Guyetum. In Heortologia. Hæc autem ut præstantissima sint;

Dico

Dico tamen II. Symphoniarchas, qui ornamenta huiusmodi nimis curiose observant & consecretantur, peccare ridicule contra finem Musicæ. *Prob.* Quia vix hærent in ullis consonantiis, vitesque illarum sic distrahunt, ut sufficienter movere sensum non possint. Item, finis Musicæ est *Literam*, seu *Textum*, ut vocant, puta Psalmum Davidicum, qui decantatur, ad aures cum aliquo voluptatis letificatio quasi inferre, unde affectus pietatis in Dei laudibus celebrandis excitetur. Atqui in huiusmodi tam insulsis ac frequentibus *figis*, tamque multiplici in syncope, vix quidquam illius rei percipitur: cum enim Psalmi dictionem unam decantat Superius, aliæ autem partes alia verba intonant, confunduntur omnia; quod certe absurdum est, ne dicam stultitiæ proximum. Quamobrem fieret sapientissime, si ab Ecclesiæ Choro genus istud prorsus exularet, solumque admitterentur in Psalmodia *falsi bordon*, aut Musica syllabica, paucis ac prudenter adhibitis eiusmodi ornamentis Chromaticis, quæ *Organis* magis accommodata sunt. Et vero hunc sensum fuisse Patrum Tridentinorum vulgo tradunt; confirmaturque usu Ecclesiarum principum, quæ in Psalmis, & Hymnis decantandis non probant nisi *falsos bordonos*, aut Musicam syllabicam. Nec dubito, quin plures Symphoniarchæ illi Musicæ *defiguratæ* generi sic infelicitè adhæreant, quod pro sua imperitia aut rarditate, Musicam jucundam, cantusque eximios adinvenire nequeant. Unde similes efficiuntur illi antiquo pictori, de quo Apelles, qui cum pulchras & elegantes tabellas aptis coloribus ac formis ornare nesciret, efficiebat totas aureas. Vel si lubet, eodem laborant vitio ac Rhetoricæ Tyrones, qui in scribenda oratione locum figuris vacuum nullum relinquunt.

CAP. VIII.

Ars decantandæ Musicæ.

EXcogitatæ sunt notæ quædam, quæ certis in lineis aut intervallis collocatæ, certos designent tonos ac voces, ex quibus perficiatur cantus. Ut enim oratio humana, tum animi nostri conceptus; ita & vocis modulationes scripto mandari possunt, arte perquam mirabili.

Memineris autem ex dictis, eas esse voces Musicas, nempe, *ut, re, mi, fa, sol, la*. Quas quidem singulas ut assequaris, ubi certis quibusdam in lineis, aut intervallis disponuntur.

Not. 1. Ad initia linearum apponi certos characteres & figuras, quæ *Claves Musicæ* appellantur; quod veluti aperiant nobis notarum ejusmodi cognitionem; unde judicamus, quænam ex apposis notis vocetur vel *ut*, vel *re*, vel *mi*, & sic de aliis. Item

Not. 2. Triplex vulgo esse in usu Clavium ejusmodi genus. Prima est Basso propria, quæ vocatur Clavis *F ut fa*, cujus figuram vides in depicto schemate. Secunda est clavis *G re sol ut*, propria Superioris partis, figuraturque in modum *G* majusculi vulgaris, quale in inferiori linea dictæ Tabellæ contemplari licet. Tertia denique est Clavis *C sol ut fa*, deservitque non solum Tenori & Alto, quibus appositum vides; sed etiam interdum Superiori, & Basso.

Dico igitur I. Clavis *F ut fa*, indicat maxime notas, quæ tota illa in linea describi possunt denominari *fa*. Unde consequenter in ascensu dicitur *fa, sol, la*, ab ea autem descenditur cantando *fa, mi, re, ut*.

Dico II. Per clavim *G re sol ut*, ostenditur ea tota in linea, cui præfigitur, cantari vel *ut*, unde consequen-

quenter sic ascendatur *ut, re, mi, fa, sol, la*. Vel si apponatur *B molle* cum clavi in linea superiori, dicitur tantum *re*, & consequenter *fa, sol, la*.

Notandum enim est, quod ubicunque inter cantandum præfigitur *B molle*, sive in linea, sive in intervallo, ibi semper dici *fa*.

Dico III. Postrema tandem Clavis, quæ est *c sol ut fa*, denotat ea in linea decantari posse vel *sol*, vel *ut*, vel *fa*. At nisi *b molle* adjungatur, semper in ea debet dici *fa*, ut in ascensu fiat iste cantus, nempe *fa, sol, la*. In descensu autem *fa, mi, re, ut*. At si *b molle* adjungitur; in ea decantatur *sol*; unde consequenter sic descenditur, *sol, fa, mi, re, ut*.

Notandum vero est, *b molle* initio cantus non præfigi, nisi ad chordam, vel ad intervallum *B fa b mi*. Quanquam in serie cantus interdum canitur *fa* allis in chordis, ut quando *b molli* posito in *B fa b mi*, ascenditur ad notam *E mi la*; quo in casu, ab illo *fa* non idcirco ascenditur per voces *sol, la*, aut descenditur per *mi, re, ut*.

Dico autem IV. Cum altius, nempe supra *la* ascendendum est, aut infra *ut* descendendum, debere illas voces replicari cum certo genere *mutationis*. Quam quidem observandæ mutationis legem, ut facilius in praxi intelligas;

Dico V. Diversis sub clavibus diversa est mutandæ notæ ratio. Nam ubi est v. g. clavis *C sol ut fa* sine adjuncto *b molli*, sic decurruntur notæ omnes in ascensu *fa, sol, la, fa, sol, re, mi, fa, &c.* Ex quo quidem *fa*, sublimi reditur in hunc modum *fa, mi, la, sol, fa, la, sol, fa*. Tum ex isto *fa* clavis *c sol ut fa* sic descenditur *fa, mi, la, sol, fa, mi, re, ut*.

Quando vero canitur sub *b molli*; sic decurruntur notæ ascendendo, *sol, re, mi, fa, re, mi, fa, &c.* Tum sic reditur *fa, la, sol, fa, mi, la, sol*. Indeque si fiat descensus, ita canitur, *sol, fa, la, sol, fa, mi, re, ut*.

Eodem per proportionem modo res se habet sub clavi *F ut fa*, quæ si conjuncta est cum *b molli*, ista nota-

notarum series servatur in ascensu *fa, sol, la, fa, sol, &c.* Ubi autem redeundum est, ita cani debet, *sol, fa, la, sol, fa.* Porro ab ista clavi sic descenditur, *fa, mi, la, sol, fa, mi, re, ut.*

Sin abfuerit *b molle*, sic decantantur notæ ascendentes *fa, sol, re, mi, fa, &c.* Tum redeundo canitur *fa, mi, la, sol, fa.* Ac denique descendendo ex ista clavi dicitur, *fa, la, sol, fa, mi, re, ut.*

Ad Clavim *G*, *re, sol, ut*, ubi adest *b molle*; sic ascenditur, *re, mi, fa, sol, re, mi, fa*, descenditur vero in hunc modum, *fa, mi, la, sol, &c.* Sin autem fuerit absque *b molli*, sic dicitur *ut, re, mi, fa, sol, la, fa, sol, la, &c.* Tum in descensu, *fa, la, sol, &c.*

Haftenus de natura, & qualitate notarum, per quas Toni omnes exprimentur. Superest tantum ut agamus de illarum quantitate, seu *Mensura*, & *Pausis* subinde adjunctis.

Dico igitur VI. Notarum quantitatem mensurari *elevatione* & *tactu* manus; quæ quidem elevatio manus Græcis dicitur *Ἀποίς*, tactus vero est *Θέσις*, motumque omnem illum, quo mensuratur valor notarum; *Plausum* vocat D. August. Porro illa nota vulgo dicitur esse mensuræ unius integræ, quæ manus elevationi simul & tactui respondet: contra autem, quæ tantum est mediæ mensuræ; vel soli elevationi, vel soli tactui cooptatur. Quod etiam *Pausæ* convenit, quæ sic dicuntur quoque esse vel unius integræ, vel mediæ mensuræ, &c.

Verum aliæ sunt plurium, aliæ pauciorum mensurarum notæ, aut pausæ; prout tales, vel tales habent figuras: quod tu facile comprehendes, attendendo ad Schema descriptum in infima Tabellæ parte, ubi singulis notis pausæ adjunguntur similis mensuræ; nec consequens nota, aut pausa habet nisi dimidium valorem antecedentis.

Notandumque est 1. Quod si notæ apponitur punctum aliquod, in ea etiam vox sustineri debet, æquivalerque mediæ parti notæ illius cui adjicitur. Quanquam

Not. 2.

Not. 2, Hic sermonem esse tantum de eo genere mensuræ, quam vulgo appellant *plenam*; soletque jam designari ad initium cantus per majus C. linea recta intersectum. Alioqui si fuerit simplex C. absque hujusmodi linea intersectante, per eos duntaxat *tactus* mensurabitur valor notarum; unoque tactu definietur mensura integra, cujusmodi erit tribuenda notæ, ut loquuntur *nigræ*; alioquin *alba caudata* continebit duas mensuras, duplicemque tactum sustinebit. Item per litteram Arithmeticam 3 designari jam solet ea quam *Triplam* dicunt, quia ternis motibus producitur.

Atque ista quidem universa pluribus tradi possunt, & cum majori præceptorum ambage, aut variarum etiam appellationum farragine, quibus tamen doctior non fies; neque aliud superest quidquam ad ea, ut decet, perdiscenda, nisi ut constantem usum adhibeas.

Sed quæ Divinitus orta est Musica; Divinis maxime laudibus decantandis servire debet. Sic enim Psal. 70. *In te, inquit ille, cantatio mea semper.* Cui perpetuam ad æternitatem gratiarum actio, salus, honor, & Gloria.

F I N I S.

INDEX TRACTATUUM ET CAPITUM.

<i>Præfatio ad universam Mathematicam</i>	§ 1
<i>De natura & partibus Mathematicæ</i>	§ 2

ARITHMETICA.

PARS I. De Numeris integris.

CAP. I. N atura, & partes hujus facultatis	1
II. <i>De Additione</i>	2
III. <i>De Subtractione</i>	3
IV. <i>De Multiplicatione</i>	6
V. <i>De Divisione</i>	8

PARS II. De Numeris fractis.

CAP. I. E orum Natura & diversitas	12
II. <i>Reductiones fractionum variis Problematis exponuntur</i>	13
III. <i>Additio fractionum</i>	14
IV. <i>Subtractio fractionum</i>	15
V. <i>Multiplicatio fractionum</i>	ibid.
VI. <i>Divisio fractionum</i>	ibid.

PARS III. De proprietatibus numerorum.

CAP. I. D E Ratione, Proportione, & Progressione numerorum	16
II. <i>Aliæ proprietates numerorum, & Prob. Arith.</i>	18
III. <i>Aliæ Problemata</i>	23
IV. <i>De Logarithmis</i>	26

ELEMENTALE GEOMETRIÆ.

PRÆF. Natura & Divisio Geometriæ

CAP. I. D E Lineis & angulis	31
II. <i>De figuris planis</i>	32
III. <i>De figuris, seu corporibus solidis</i>	35
IV. <i>Proprietates Angulorum</i>	37
V. <i>Proprietates figurae Triangularis</i>	39
VI. <i>Proprietates aliarum figurarum</i>	41
VII. <i>Proprietates figurae Circularis, & Sphaericæ</i>	43
VIII. <i>Descriptiones linearum</i>	45
IX. <i>Aliæ praxes circa figuras</i>	48

GEO.

INDEX.

GEOMETRIA PRACTICA.

PREF. De ejus natura, & vario genere mensurarum in communi. 55

CAP. I. **A**ltimetria, seu Longimetria, & ejus principia 57

II. Altimetrie, seu Longimetrie praxes 59

III. De usu Trigonometriæ 63

IV. De usu Quadrantis, Astronomici, & Sinuum 65

V. Planimetria 70

VI. Stereometria 72

VII. De Circino proportionis 74

VIII. Appendix de Munitionibus 77

SPHÆRA MUNDI.

PREF. De Astronomia, & de Principiis cognitionum Cœlestium. 83

CAP. I. **P**rotheoria Cœli 89

II. **P**arvæ Cœli regiones per Circulos imaginarios distinctæ 92

III. De Zodiaco, & Signis Cœlestibus 96

IV. Officia & usus circulorum Cœlestium 99

V. De aliis circulis Sphæræ Cœlestis, & de ejus diversa positione 101

VI. Astrorum numerus & figura. 105

VII. Astrorum Lumen, macula, Eclipses 108

VIII. Astrorum distantia & magnitudo 113

IX. Astrorum motus 117

X. Motuum Cœlestium affectiones nonnullæ 124

XI. Instrumenta Astronomica 129

XII. Praxes Astronomicæ 131

CHRONOLOGIA.

PREF. De Natura hujus Chronologiz. 147

CAP. I. **D**E Die 149

II. De horis 151

III. De Hebdomade 153

IV. De Mense 154

V. De Anno 157

VI. Anni

INDEX.

VI. <i>Anni Instauratio Gregoriana</i>	160
VII. <i>Varii Annorum Cycli & Periodi</i>	163
VIII. <i>Præx Chronologica</i>	169

GNOMONICA.

PREF. <i>De Natura Gnomonica.</i>	179
CAP. I. V <i>Aræ species Horologiorum Solarium</i>	181
II. <i>Quenam in genere sint necessaria ad constructionem Horologii Sciotherici</i>	183
III. <i>Horologium Horizontale construere</i>	184
IV. <i>Alia methodo describere Horizontale</i>	187
V. <i>Eodem circini intervallo describere Horizontale</i>	189
VI. <i>Arcus Signorum describere in Horologio Horizontali</i>	190
VII. <i>Horologium verticale construere</i>	192
VIII. <i>Construere Meridianum sive ad Orientem, sive ad Occidentem</i>	193
IX. <i>Arcus Signorum in isto genere Horologii describere</i>	194
X. <i>Aequinoctiale construere</i>	195
XI. <i>Arcus Signorum describere in Horologio Aequinoctiali</i>	196
XII. <i>Polare construere</i>	197
XIII. <i>De Horologiis irregularibus & declinantibus</i>	198
XIV. <i>Communis methodus construendi Horologii declinantis</i>	199
XV. <i>Horam noctu ad radios Lunares deprehendere</i>	202
XVI. <i>Ad Horologium Lunare Periodicos motus maris exponere</i>	203

SPHÆRA TERRESTRIS.

PREF. <i>Quæ præsupponi debent de Gravitate Terrestri.</i>	205
CAP. I. L <i>Ocus Terræ</i>	213
II. <i>Figura Terræ</i>	217
III. <i>Magnitudo Terræ</i>	219
IV. <i>Magnetismus Terræ</i>	222
V. <i>Terram</i>	

INDEX.

V. Terram esse corpus Magneticum	227
VI. Immobilitas Terra tum ad centrum, tum circa centrum Mundi	230
VII. Maria diversis Terrarum regionibus definire	232
VIII. Regiones Terrarum partiti	236
IX. Primarias Terræ civitates recensere	241
X. Methodus explicandæ Geographiæ per Episcopatus	244
XI. Fluvios totius Terræ insigniores recensere	245
XII. Terræ descriptio respectivè ad Cælum; & de variis ejus incolis	249
XIII. Praxès Geographiæ.	250

OPTICA.

PRÆF. Natura Opticæ.	254
CAP. I. V isionis Organum	256
II. Quomodo, & qua in parte oculi fiat vi- sio	259
III. Conditiones ad visionem ex parte organi	262
IV. Conditiones ad visionem ex parte objecti	268
V. Visionis genus multiplex.	271
VI. Communium objectorum Visio.	276
VII. Visus Fallaciæ.	278

MUSICA.

PRÆF. Hujus Tractatus materia & divisio.	281
CAP. I. Q uid sit Musica, & de vocibus Musicis	283
II. Musica intervalla	285
III. Consonantiæ	288
IV. Musicæ proportionēs	290
V. Modi Musicæ	295
VI. Genera Musicæ	297
VII. Ratio Instituéndæ Musicæ	299
VIII. Ars decantandæ Musicæ	302

FINIS.